

9

Henry



14-12, a, 15







# QVÆSTIONVM PHILOSOPHICARVM

SYLVESTRI MAVRI SOC. IESV  
LIBER TERTIVS.

Continens Quæstiones Physicas  
De Ente naturali in communi, eius  
Principijs, Causis, & Proprie-  
tatibus.

*Editio Secunda.*



Romæ, Typis Michaelis Hercutis. 1670.  
*Superiorum permissu.*

Sumptibus Federici Franzini, sub Sign  
Fontis, cū priuilegio Summi Pontif.

**Imprimatur si videbitur Reueren-**  
**diss. P. Mag. Sal. Pal. Ap.**

*I. de Ang. Archiep. Vrb. Vicesg.*

*Imprimatur iterum .*  
**Fr. Hyacinthus Libellus Sacri Pala-**  
**tij Apostolici Magister .**

## CLEMENS PP.X.

**A**D futuram Rei Memoriam. Cum si-  
cut dilectus filius Federicus Fran-  
zini Romanus Bibliopola Nobis nuper  
exponi fecit ipse Opera musicalia nempe  
mottetta, Psalmos, & alia à dilecto filio  
Nicolao Stamigna in lucem edenda, nec  
nō opus in plures tomos distinctum, cui ti-  
tulus Philosophia Siluestri Mauri Presby-  
teri Societatis Iesù cum nouis additioni-  
bus sua impensa typis in hac alma Urbē  
nostra mandari facere intendat; vereatur  
autem ne postquam in lucem prodierint,  
alij, qui ex alieno labore lucrum querunt  
eadem opera imprimi facere curent in  
ipsius Exponentis præiudicium. Nos eius  
indemnitati ne ex impressione huiusmodi  
Aliquod dispendium patiatur providere;  
illūq; specialibus fauoribus, & gratijs, pro-  
sequi volentes, & à quibusvis excōmuni-  
cationis, suspensionis, & interdicti, alijsq;  
ecclesiasticis sententijs, censuris, & poenis  
à iure, vel ab homine quauis occasione, vel  
causa latæ, si quibus quomodolibet innoda-  
tus exit ad effectum præsentium: ratum con-  
sequendum harum serie absoluen. & abso-  
lutū fore censentes. Supplicationibus eius  
nomine nobis super hoc humiliter porre-  
ctis inclinati. Eidem Exponenti vt durāte  
decennio à primæua dd. operum & eorum  
cuiuslibet respectiue impressione cōputan-



do dūmodo tamen à dilecto filio Sac. Pal.  
Apostol. Magist. approbata fuerint, nemo  
tam in Vrbe, quam in reliquo Statu Eccle-  
siastico mediare, vel immediatè Nobis su-  
biecto opera prædicta etiam sub prætextu  
additionum, distinctionum, alteriusue  
formæ, vel tituli sine speciali dicti Expo-  
nentis, aut ab eo causam habentium licen-  
tia, imprimere, aut ab alio, vel alijs im-  
pressa vendere, seu venalia habere, aut  
proponere possit, & valeat opera auctoritate  
tamen præsentium cōcedimus, & indulgemus.  
Inhibentes propterea vtriusq; sexus Chri-  
stifidelibus, præsertim librorum impresso-  
ribus, & Bibliopolis sub quingentorum  
ducatorum de Camera, & amissionis ty-  
porum omnium pro vna Cameræ nostræ  
Apostolicæ, & pro alia eidē Exponenti, ac  
pro reliqua tertiis partibus accusatori, &  
Iudici exequenti irremissibiliter applican-  
& eo ipso absque vlla declaratione incur-  
ren. pēnis, ne dicto decēnio durante opera  
tua, aut aliquā eorū partem tam in Vrbe,  
quàm in reliquo Statu Ecclesiastico pote-  
rit sine licentia huiusmodi imprimere, aut  
ab alio, vel alijs impressa vendere, seu ve-  
nalia habere quoquomodo audeant, seu  
præsumant. Mandan præterea dilectis filiis  
nostræ, & Apostolicæ Sedis de latere Le-  
gatis, seu eorū Vicelegatis, aut Præsiden-  
tibus, Gubernatoribus, Prætoribus, & alijs  
Iustitiæ Ministris Prouinciarum, Ciuita-  
tum,

tum, Terrarum, & locorum Status nostri  
Ecclesiastici prædicti quatenus iusdem Ex-  
ponenti seu ab eo causam haberi prædictis  
in præmissis efficacia defensionis præsidio  
assistente quodocumque ab eodem Exponente  
fuerunt requisiti poenas prætenfas contra  
quoscunque inobedientes irremissibiliter  
exequantur. Non obstantibus constitu-  
tionibus, & ordinationibus apostolicis ac  
quibusvis statutis, & consuetudinibus etiã  
iuramento confirmatione apostolica, vel  
quavis firmitate alia roboratis privilegijs  
quoque inductis, & literis apostolicis in  
communi præmissorum quemlibet conces-  
sis, confirmatis, & innouatis ceterisque  
contrarijs quibuscunque. Volumus au-  
tem, vt præsentium transumptis etiam in  
ipsis impressis operibus manu alicuius No-  
tarij publici subscriptis, & Sigillo per-  
sonæ in Ecclesiastica dignitate constitutæ  
munitis eadem vbique fides adhibeatur  
quæ præsentibus adhiberetur si foris ex-  
hibita, vel ostensa. Datum Romæ apud  
Sanctam Mariam Maiorem sub Anulo  
Piscatoris Die xxj. Iunij MDCLXX.  
Pontificatus Nostri Anno Primo.



*Io. Sluiter.*

IN-

# INDEX QV AESTIONVM.

LIBRI TERTII.

## QV AESTIONES

Phyficę. pag. 1.

De Principijs intrinsecis, &  
intrinseca compositio-  
ne Entis natura-  
lis. pag. 2.

Q. 1. **V**trum principia intrinseca re-  
rum naturalium in fieri, & in  
facto esse sint tria, materia, forma, & pri-  
uatio. p. 4

Q. 2. **V**. Principium materiale remaneat  
in omni mutatione. p. 26

Q. 3. **V**. Materia prima sit aliquod corpus  
ingenerabile, & incorruptibile, ac mu-  
tabile solum secundum raritatem, & den-  
sitatem. p. 37

Q. 4. **V**. materia prima sint Atomi, seu plu-  
ra corpuscula ingenerabilia, & incor-  
ruptibilia. 46

Q. 5.

- Q.5. *V.* materia prima sit primum subiectū;  
quod potest fieri, & esse quodlibet cor-  
pus . 87
- Q.6. *V.*trum Essentia materię, & aliarum  
creaturarum distinguatur ab existen-  
tia . 95
- Q.7. *V.* Materia prima habeat propriam  
existentiam. 119
- Q.8. *V.* in materia detur potentia, respectus,  
& appetitus ad formas . 153
- Q.9. *V.* forma sit tota quidditas entis natu-  
ralis. 174
- Q.10. *V.* forma vniatur materiæ se ipsa,  
vel per vnionem distinctam. 185
- Q.11. *V.* totum distinguatur à partibus si-  
mul sumptis, & vnitis. 204
- Q.12. *V.* bona sit definitio Naturę. 221
- Q.13. *V.* suppositum à parte rei addat ali-  
quid suprà naturam . 242-

## QV AEST I O N E S

De Causis. pag. 275

- Q.14. *V* Trum conuenienter assignen-  
tur quatuor genera causarum  
pag. 276
- Q.15. *V.* conuenienter assignentur causali-  
tas, & effectus causæ materialis, & for-  
malis.

**Q V A E S T I O N V M .**

- malis . . . . . 291
- Q. 16. V. conuenienter assignetur causalitas, & effectus causę finalis . . . 313
- Q. 17. V. conuenienter explicetur causalitas, & effectus casus, fortunę, & fati . . . 332
- Q. 18. V. Idea dentur, & sint causę . . . 352
- Q. 19. V. virtus causatiua efficientis sit actus, seu continentia perfectionis . . 362
- Q. 20. V. causalitas efficientis sit actio distincta ab agente, & termino . . . 369
- Q. 21. V. Actio sit in agente, vel in passio . . . 381
- Q. 22. V. detur prioritas naturę, & consistat in actione . . . 392
- Q. 23. Vtrum possit dari mutua causalitas, & prioritas naturę . . . 422
- Q. 24. Vtrum possint ad eundem effectum concurrere plures causę totales, pagina . . . 453

**Q V A E S T I O N E S**

**De Proprietatibus corporis naturalis . pag:460.**

Q. 25. **V**trum conueniens sit definitio motus . . . 461

Q. 26.



# I N D E X

- Q.26. Vtrum locus extrinsecus bene definiatur . 46
- Q.27. Vtrum res sint in loco per vbi-  
tationem distinctam à loco, & locato  
pag. 49
- Q.28. V. Corpus possit miraculosè repli-  
cari. 49
- Q.29. V. detur vacuum. 51
- Q.30. Vtrum in vacuo daretur motus pa-  
gina. 52
- Q.31. V. tempus sit, & bene definiatur nu-  
merus motus secundum prius, & po-  
sterius. 52
- Q.32. Vtrum creature durent per duratio-  
nem intrinsecam distinctam à duranti  
& tempore extrinseco. 54
- Q.33. Vtrum conueniens sit definitio infi-  
niti. 55
- Q.34. V. possit dari Infinitum categori-  
maticum, vel syncategorematicum. 56
- Q.35. Vtrum solus Deus sit infinitus i  
essentia, & pefectione. 60

## Q V A E S T I O N E S

De Quantitate, & continuo .  
pag. 612.

- Q.36. **V**trum quantitas sit accidens spe-  
ciale. 61

Q.37

# QV A E S T I O N E S

## Phyficæ

*Explicatur ordo disputandorum.*

**P**OST logicam, in qua actum est de ente intentionali, inferendo etiam plures quæstiones Metaphysicas de ente reali *ut sic*, sequitur Physica, in qua agendum de ente naturali, seu corporeo. Primò cum Aristotele in lib. de Physico auditu disputamus de ente, seu corpore naturali in communi: deinde cum eodem in reliquis libris descendimus ad agendum de varijs speciebus entis naturalis. Agentes de ente naturali in communi primo disputamus de principijs intrinsicis, & intrinseca compositione compositi naturalis: Secundo de causis etiam extrinsecis corporis naturalis: tertio de proprietatibus corporis naturalis, quæ sunt motus, quantitas, finitas, vel infinitas, locus, ad quem reducitur vacuum, quod est locus carens corpore, ac tempus, seu

*Tomo III.*

A

du-

duratio . Differentes de speciebus corporis naturalis primò cum Aristotele in lib. de Cælo , & Mundo agimus de corpore mobili , sed ingenerabili , & incorruptibili ; secundo , in libris de generatione de corpore generabili , & corruptibili , ac de elementis , ex quibus componuntur corpora mixta ; tertio in libris de Anima de corpore animato .

*De principijs intrinsecis , & intrinseca  
compositione entis naturalis .*

**P**rimo quærimus, vtrum principia rerum naturalium sint tria, materia, forma, & priuatio . Secundo agentes in particulari de principio materiali quærimus , an principium materiale , seu materia remaneat in omni mutatione etiam substantiali . Tertio an principium materiale sit aliquod corpus ingenerabile , incorruptibile , ac mutabile solum secundum raritatem , & densitatem . Quarto , an principium materiale sint atomi . Quinto an principium materiale sit primum subiectum , quod potest esse , ac fieri quodlibet corpus . Sexto examinandum , an materia prima sit pura potentia , an sit actus , vel habeat ali-

aliquem actum proprium existendi, pre-  
mittimus quæstionem Metaphysicam, an  
essentia in creaturis distinguatur ab exi-  
stentia. Septimo quærimus, an materia  
habeat propriam existentiam. Octauo,  
an habeat potentiam, respectum, & ap-  
petitum ad formas. Nono absoluta tra-  
ctatione, de materia quærimus an forma  
sit tota quidditas compositi naturalis. De-  
cimò, an forma uniatur materiæ se ip-  
sa, vel per unionem distinctam. Unde-  
cimo, an totum addat aliquid supra om-  
nes partes, hoc est supra materiam, for-  
mam, & unionem simul sumptas. Duo-  
decimo ad examinandum, qualis sit cõ-  
positio ex natura, & supposito, premit-  
timus, an bene definiatur natura. Deci-  
motertio demum inquirimus, an suppo-  
situm addat aliquid suprâ naturam, &  
per hoc concludimus quæstiones de cõ-  
positione substantiali entis naturalis ex  
essentia, & existentia; ex natura, & sub-  
sistentia; ex materia, forma, & unione;  
cum de compositione ex genere, diffe-  
rentia, & vltima indiuiduatione actum  
sit in logica; de compositione ex parti-  
bus continui agendum sit in quæstioni-  
bus de quantitate; de compositione ex  
partibus integralibus heterogeneis, quæ  
inuenitur præsertim in viuentibus, nimi-  
rum ex carne, ossibus &c. agendū sit in li-

bris de Anima; de compositione ex substantia, & accidentibus agendum sit sparsim in varijs questionibus.

*Vtrum principia intrinseca rerum naturalium in fieri, & in facto esse sint tria, materia, forma, & priuatio. Quaestio I.*

**P**Rimo videtur vera sententia Xenophanis, Parmenidis, & Melissi ab Aristotele relata libro de Xenophane, Zenone, & Gorgia, primo Physicorum, primo Metaph. & alibi, quod non dentur plura principia, imo nec dentur plura entia, sed detur vnicum ens ingenitum, æternum, immobile, & immutabile; ita vt nihil de nouo fiat, aut generetur, nihil corrumpatur, atque intereat, nihil mutetur, aut moueatur secundum rei veritatem, sed solum secundum fallacem apparentiam sensuum nostrorum. Si enim aliquod ens fieret, & generaretur de nouo, vel fieret ex ente, vel non ex ente; non ex ente, alioquin ens esset antequam fieret; non ex non ente, alioquin fieret ex nihilo, quod est contra illud principium, *ex nihilo nihil fit*. Similiter si aliquod ens corrumperetur,



retur , vel corrumpetur in ens & sic remaneret post corruptionem , vel in non ens , & sic abiret in nihilum , cum non ens sit nihil . Confirmatur , quia si dentur pluræ entia , vel differunt ente , vel non ente ; non differunt ente , quia entia conueniunt in ratione entis ; nec differunt non ente , alioquin differrent nihilo , adeoque non differrent : quæ enim nihilo differunt non differunt .

2. Videtur vera sententia antiquorum Physicorum , quorum princeps fuit Thales Milesius , vt Aristoteles refert primo Metaph. summa Secunda cap. primo , quod ea solum sint principia rerum naturalium , quæ sunt earum prima materia . Primum enim principium intrinsecum est , ex quo res primo fiunt , ac sunt , & in quod ultimo corrumuntur , ita vt sit antequam res fiant , & remaneat postquam res sunt corruptæ ; sed sola materia est ex qua res primo fiunt , & in quâ ultimo corrumuntur , ita vt sit antequam res fiant , & remaneat postquam sunt corruptæ : ex. gr. antequam domus fiat , præexistunt lapides tamquam materia , ex qua domus est facienda , & cum domus destruitur , lapides remanent ; ergo sola materia est primum principium intrinsecum rerum naturalium .

3. Videtur , quod principia intrinseca rerum

rerum naturalium sint solum materia, & forma, non autem priuatio. Principia enim intrinseca sunt, quæ neque ex se mutuo, neque ex alijs, sed ex ijs fiunt, & sunt intrinsecè omnia, quæ fiunt; sed res fiunt, & sunt intrinsecè solum ex materia, & forma, e. g. statua est intrinsecè solum ex marmore, quod est materia, & ex figura, quæ est forma, non autem fiunt, aut sunt intrinsecè ex priuatione; e. g. statua non fit intrinsecè ex priuatione formæ statuæ; ergo priuatio non est principium.

4. Ens non potest principiari ex non ente; sed priuatio cum sit carentia formæ est non ens; ergo ens naturale non potest principiari ex priuatione.

5 Nulla res potest intrinsecè principiari ex principijs contrarijs, cum contraria se inuicem excludant ab eodem subiecto; sed forma, & priuatio sunt contraria; ergo res non possunt principiari ex forma, & priuatione.

6. Ens, & non ens non possunt cōuenire in vlla ratione cōmuni; sed priuatio est non ens, materia, & forma sunt entia; ergo priuatio, materia, & forma non possunt conuenire in ratione cōmuni principij.

7. Si priuatio principiat, vel principiat, quando est, vel quando non est:

non



non potest principiare , quando non est , quia quod non est non principiat ; neque potest principiare , quando est , quia simul debent principiare forma , & priuatio ; sed quando est priuatio , non est forma ; ergo si priuatio principiat quando est , forma principiat quando non est . Confirmatur , quia priuatio non potest principiare , quando res non principiat ; sed quandiu durat priuatio formæ res non principiat , e. g. quamdiu durat priuatio caloris nō principiat calidum ; ergo priuatio non principiat quamdiu est .

8. Si priuatio esset principium , maximè quia requireretur in materia , vt ex illa fieret res ; sed etiam dispositiones requiruntur in materia ad hoc , vt ex illa fiat res ; ergo etiam dispositiones sunt principium ; ergo principia sunt plura , quam tria . Confirmatur , quia vt res fiat , requiritur etiam intrinsecè duratio , vnio formæ cum materia , & quedam alia ; ergo multiplicantur principia .

9. Saltem priuatio nō potest esse principium rerum in facto esse , seu cum iam sunt factæ . Si enim principium ignis cum est factus esset aliqua priuatio , maximè priuatio formarum oppositarum formæ ignis ; sed priuatio talium forma-

rū non est principiū; ergo &c. Probatur minor; quia illud, sine quo potest saltē supernaturaliter esse res, non est principium rei; sed ignis saltem supernaturaliter potest esse sine priuatione formarum oppositarum; nam etiā si Deus miraculosē simul cum forma ignis poneret in eadē materia formā ligni, & alias similes formas, adhuc daretur ignis; ergo &c.

10. Non potest explicari, vtrum principium sit priuatio fundamentalis, quæ, vt dictum est in logica, est aliquid positium, an priuatio formalis; ergo &c.

Respondeo, quod scientiæ dum contemplantur aliquod subiectum, supponunt tamquam per se notum, quod datur tale subiectum; sed physica contemplatur ens naturale, ac sensibilibiter mutabile; ergo supponit dari plura entia naturalia, ac multipliciter mutabilia, compacto, quo Mathematica cōtemplans magnitudines, ac numeros supponit dari tum magnitudines, tum numeros. Et sanē suo iure supponit Physica, quod datur multitudo entium mutabilium. Id enim est per se notum, & euident per experientiam sensuum, per quos videmus innumeras mutationes. Rursus quis non videat aquam, & ignem, hominem, & musicam esse plura entia? Addit Aristoteles primo Physicorum tex. 8. nō spectare

ctare ad *Physicam* probare sua prima principia , nec dissoluere rationes , quæ proponuntur contra ipsa ; sed est primum principium suppositum à *Physica* , quod detur multitudo entium mutabilium sensibilibiter ; ergo non spectat ad *Physicam* probare contra *Parmenidem* , & *Melissum* , quod detur multitudo entium mutabilium , vel eorum sophismata dissoluere , sed solum ad ipsam spectat , supponendo , quod dentur entia mutabilia , quærere scientiam entis mutabilis .

Supponentes igitur , quod dentur entia mutabilia sensibilibiter , quærimus scientiam eorum ; sed scientia rerum habentium principia , & causas non potest haberi nisi per principia , & causas ; ergo quærenda sunt principia , & causæ rerum naturalium ; sed ordo doctrinæ postulat ut prius contemplemur res naturales in vniuersali , deinde in particulari : principia verò rerum naturalium in vniuersali sunt assignanda in vniuersali ; ergo quærenda sunt primò principia rerum naturalium in vniuersali ; sed principia sunt duplicis generis , intrinseca nimirum , ex quibus res intrinsecè sunt , & componuntur ; & extrinseca , ex quibus res non componuntur intrinsecè , postulat autem ordo doctrinæ , ut prius quærantur principia , ex quibus res intrin-



secè componuntur, deinde extrinseca; ergo primò sunt quærenda prima principia intrinseca ad sciendam compositionem intrinsecam rerum.

Assignâdo igitur prima principia intrinseca rerum naturalium, dico primò, quòd duo sunt prima principia per se omnia, quæ fiunt, materia nimirum, & forma. Probàtur, nam prima principia per se sunt, ex quibus ea, quæ fiunt primò, & intrinsecè fiunt, componuntur, atque constituuntur in sua specie; e.g. prima principia domus sunt, ex quibus domus primò componitur, ac constituitur in esse, ac specie domus; sed omnes res naturales, quæ fiunt, fiunt, & intrinsecè componuntur, ac constituuntur in sua specie ex aliqua materia, & ex aliqua forma; e.g. navis fit intrinsecè, ac constituitur in esse navis ex lignis tamquam ex materia, & ex ordine lignorum tamquam ex forma, idemque dicere coeteris; ergo materia, & forma sunt intrinseca principia omnium rerum. Forma tamè est principium principalius, quam materia. Illud enim est principalius, quod principalius constituit rem in suo esse, & in sua specie; sed res principalius constituitur in suo esse, & in sua specie per actum determinatum, quam per potentiam.

de-

determinabilem, e.g. statua principalius constituitur in esse statuæ per figuram, quæ determinat marmor ad hoc, ut sit statua, quam per marmor, quod est potentia determinabilis ad hoc, ut sit statua, vel non sit statua; ergo forma est principium principalius, quam materia. Hinc patet, quid sit materia, seu principium materiale, quid forma, seu principium formale. Materia est, ex qua res fiunt, ac sunt tamquam ex potentia determinabili ad earum esse: Forma est, ex qua res fiunt, ac sunt tamquam ex actu determinatiuo; e.g. marmor est materia statuæ, quia statua fit ex marmore tamquam ex aliquo determinabili ad hoc, ut sit statua, vel non sit statua; figura est forma statuæ, quia statua fit ex figura, tamquam ex aliquo determinatiuo ad esse statuæ. Materia verò, ex qua res ita fiunt, ut ipsa non fiat ex alia materia, est prima materia, & primum principium materiale: materia ex qua res ita fiunt, ut etiam ipsa fiat ex alia materia, est materia non prima, & principium materiale non primum. E.g. marmor non est prima materia statuæ, quia marmor ipsum fit ex alia materia; atque ex eadem ratione elementa non sunt prima materia mixtorum.

Dico secundo: res, quæ fiunt per motum

im possunt considerari in duplici statu. Primus est, in quo ita sunt, ut adhuc non sint perfectae, sed paulatim materia mouetur, & perducitur ad perfectionem. Secundus est, in quo iam habent perfectionem. Cum res sunt in primo statu imperfecto, principium formale earum est ipse actus imperfectus quo materia, ita actuatur, ut sit in potentia, & in via ad ulteriorem actum perfectum. Cum, verò res sunt in secundo statu perfecto principium formale est actus perfectus. Probat, & explicat. Domus ex. g. potest considerari in duplici statu. Primus est, cum ita domus edificatur, ut adhuc non sit perfecta, & edificata, sed paulatim materia domus edificatione perducitur ad perfectionem domus; & in hoc statu principium formale domus est ipse actus imperfectus edificationis, quo materia ita actuatur, ut sit in potentia, & in via ad ulteriorem actum perfectum, quem habet domus, cum iam est perfecta. Secundus status est, cum iam domus est perfecta; & principium formale domus in hoc statu est ipsa forma perfecta domus. Idem dic de reliquis. Et quia etiam substantiae cum generantur, ita generantur, ut antequam materia perveniat ad formam substantialem, paulatim moueatur, & perducatur ad ipsam,



eo pacto, quo antequam materia cui perueniat ad formam pulli, paulatim ad illā mouetur, & perducitur, ideò etiam substantijs proportionaliter est assignandum principium formale pro utroque statu, ita ut cum pullus est in mero fieri, ita ut nō habeat perfectionē, principium formale sit actus ille imperfectus, quo materia cui paulatim perducitur ad formam pulli; cum verò pullus est factus, principium formale sit forma pulli.

Dico tertio: ad sciendam intrinsecam compositionem rerum debent etiam assignari principia per accidens. Est autem principium per accidens quod requiritur in materia ad hoc, ut ex illa fiat, ac sit res. Priuatio in hoc sensu est tertium principium per accidens, in quo cetera sufficienter comprehenduntur. Probat, & explicatur. Nam res sunt ex materia non utcumque, sed ex materia certo modo affecta, ac disposita: ex. g. pullus fit ex materia non utcumque, sed habente illā certam dispositionem, quam habet sub forma, cui iam gallina incubauit; ergo ad sciendam intrinsecam compositionem rerum non sufficit scire, ex qua materia, & forma componantur intrinsecè, sed debet sciri, qualiter materia debet esse affecta, ut recipiat formam; ex. g. ad sciendam intrinsecam  
compo-

compositionem pulli debet sciri, qualiter materia sub forma oui debet esse affecta ad hoc, vt recipiat formam pulli; sed affectiones, quæ requiruntur in materia, vt ex illa fiat res, sunt principia per accidens; ergo ad sciendam intrinsecam, compositionem rerum debent assignari principia per accidens; sed agentes de rebus in vniuersali debemus assignare principia in vniuersali, ac reducendo ad vnitatem in quantum possumus; ergo sicut omnia principia materialia assignantur vñico nomine materiæ, principia formalia assignamus vñico nomine formæ; ita debemus assignare sub vñico nomine principia per accidens; sed si dicamus priuationem esse tertium principium, sub priuatione comprehendimus omnia; priuatio enim proxima, est *carentia formæ in subiecto proximè apto, & capaci*, atque adeo connotat omnes dispositiones, quibus subiectum constituitur proximè aptum, & capax; ergo congruentissimè assignatur priuatio vt tertium principium per accidens.

Confirmatur: nam Aristoteles primo Physicorum tex. 65. proponens ex professo suam sententiam docet materiam, & formam esse principia per se, priuationem esse tertium principium per accidens. Idem ex Aristotele docet Auerroes

roes, & S. Thomas in commentario  
phys. lect. 13. Adde, quod Aristoteles in  
decurfu Physicę descendens ad particu-  
lares materias quærit principia per acci-  
dens, & per se in hoc sensu: e.g. in li-  
bris de animalibus distinguit plura ge-  
nera animalium, sponte nascentia ex ma-  
teria putrefacta, vt vermes; ouipara,  
quæ formantur in ouis carentibus anima  
sensitiua, & deinde animantur anima  
sensitiua, vt gallinæ &c; & viuipara, quæ  
pariuntur non in ouis, sed iam habentia  
animam sensitivam, vt *homo equus*. Dein-  
de explicat principia per se horum ani-  
malium, nimirum materiam, ex qua fiunt  
& formam, qua constituuntur; at non  
explicat materiam vtcumque, sed vt pri-  
uatam, quærens, quo pacto materia pu-  
tris debeat disponi, vt sit priuata, hoc  
est nondum habens formam vermis, sed  
propinquissima ad illam habendam; quo  
pacto materia oui debeat disponi, vt sit  
propinquissima ad habendam formam  
pulli; quo pacto materia seminis debeat  
disponi, vt sit propinquissima ad ha-  
bendam formam animalis, aut plantę; er-  
go cōuenientissimè priuatio ponitur ter-  
tium principium per accidens in sensu  
explicato, cum talis assignatio conducat  
ad ordinem, quo debet tradi Physica.  
E conuerso inconuenienter assignatu  
prima-



priuatio vt tertium principium ab ijs , qui dicunt principia in fieri esse , quæ componunt intrinsecè ipsum fieri; & quia fieri significat , quod aliqua materia, quæ immediatè ante carebat forma , nunc primò habeat formam ; ideò tria sunt principia, materia , forma , & priuatio .

Hæc enim assignatio principiorum est mera explicatio huius vocabuli *fieri*; sed est incredibile, quod Aristoteles celeberrimam quæstionem de principijs resolverit merè in explicationem vocabuli, dicens , quod principia sunt tria , quia fieri significat tria; ergo inconueniens est talis explicatio , & aliena à mente Aristotelis , & celebriorum interpretum .

Dico quarto : cum res sunt in mero fieri, ita vt materia adhuc non habeat formam perfectam , principium per accidens est priuatio formæ perfectæ , ad quam materiam mouetur : cum res iam sunt in facto esse, principium si per accidens est priuatio formæ oppositæ fundata in dispositionibus ad formam præsentem . Probatur , & explicatur . Cum enim pullus ita sit ex ouo, vt adhuc non sit factus , nec materia peruenerit ad formam pulli , sed ad illam moueatur , pullus fit ex materia adhuc carente forma pulli , sed propinquissima ad illam paulo post obtinendam ; ergo priuatio  
formæ

formę pulli est illa priuatio, quę requiritur in materia ad hoc, vt paulatim moueatur ad formam perfectam pulli. Et conuerso cum pulus iam est factus, & materia iam habet formam pulli, non amplius datur in materia priuatio formę pulli, sed datur priuatio aliarum formarum impossibilium cum forma pulli; ergo principium per accidens nō est priuatio formę pulli, sed priuatio aliarum formarum impossibilium circa formam pulli. Vt tamen talis priuatio includat omnia principia per accidens, debet sumi, in quantum fundatur in omnibus requisitis ad formam pulli. Tota hæc doctrina desumpta est ex S. Thoma lect. 13. in primum Physicorum, vbi sic dicit. *Potest autem aliquis obijcere, quia priuatio non accidit subiecto, quando est sub forma, & sic priuatio non est principium efficiendi per accidens; & ideo dicendum, quod materia numquam est sine priuatione, quia quando habet unam formam, est sub priuatione alterius formę, & ideo dum est in fieri aliquid quod sit, vt homo musicus, in subiecto nondum habente formam est priuatio ipsius musicę, & ideo principium per accidens hominis musici in fieri est immusicum; hoc enim accidit homini dum fit musicus; sed quando iam aduenerit forma adiungitur priuatio alterius formę, & sic priuatio formę*  
oppo-



*opposita est principium per accidens in essendo.*

Ad 1. Probabile est, quod Antiqui, philosophi dum dixerunt dari vnicum, ens, nomine entis veri intellexerint ens quod non participet aliquid de nihilo, quale ens est solus Deus, creaturas verò appellauerint entia fallacia, & apparentia, quia plus participant de nihilo, quam de ente, in quantum est maior perfectio, & entitas, qua carent, quam entitas, & perfectio, quam habent. Hic verò modus loquendi habet etiam fundamentum in Scriptura, in qua dicitur nomen proprium Dei esse, *qui est*, creaturæ verò comparatione Dei vocantur nihil, & entia fallacia. Sed admittendo, quod antiqui locuti fuerint in eo sensu, in quo referuntur ab Aristotele, ad argumentum; si res fierent, vel fierent ex ente vel non ex ente; respondeo quod quæ fiunt aliquo pacto fiunt ex ente, aliquo pacto ex non ente. Ignis enim in quantum fit ex non igne fit ex non ente; in quantum fit ex lignis, fit ex ente: pullus similiter in quantum fit ex non pullo fit ex non ente, in quantum fit ex ouo fit ex ente. Vno verbo fiunt ex materia priuata, & in quantum fiunt ex priuatione fiunt ex non ente, in quantum fiunt ex materia fiunt ex ente. Adde  
quod

quod substantiæ sunt ex non ente actu , & ente potentia , quia sunt ex materia, quæ est ens potentia, vt explicabimus inferius . Proportionaliter quando corrumpuntur , corrumpuntur in non ens actu , & ens potentia .

Dum contra multitudinem entium vrgetur, quia vel entia differant ente vel non ente : dico quod Deus , qui est primum ens non participans de nihilo differt à creaturis ente puro, & continente, omnem perfectionem; creaturæ differunt à Deo defectu entitatis creatæ , & in hoc sensu differunt nihilo , non tamen puro nihilo , quia defectus inclusus in entitate non est purum nihil , quare non sunt purum nihil , sed entia defectuosa . Creaturæ differunt inter se aliqualiter ente , aliqualiter non ente. Differunt ente, in quantum vnaquæque creatura habet aliquam perfectionem abstrahibilem ab ipsis, & communem Deo , qua carent aliæ creature . Differunt non ente, in quantum habent etiam aliquam imperfectionem propriam, qua carent aliæ creaturæ . Dum opponitur : entia conueniunt in ente ; ergo non possunt in ente differre : respondeo , quod in ente conueniunt imperfectè, atque adeo ita, vt etiam differant .

Ad 2. Non requiritur vniuersim ad princi-

principium, quod ex ipso res ita fiat, ut principium precedat rem, & remaneat post corruptionem rei, sed hoc requiritur solum ad principium materiale: ad principium verò *ut sic* sufficit, quod per ipsum res constituatur in suo esse; & quia res magis constituitur in suo esse per formam, & actum, quam per materiam, & potentiam, ideo principium formale est principalius, licet materiale soleat tempore precedere.

Ad 3. Distinguo, res non fiunt per se ex priuatione, concedo: non fiunt per accidens tamquam ex aliquo requisito in materia ad ipsum fieri, nego; & distingo eodem pacto consequens; ergo priuatio non est principium per se, concedo; per accidens, nego. Statua fit per accidens ex priuatione figuræ, in quantum ad hoc, ut materia moueatur ad formam statuæ, requiritur, ut sit priuata, hoc est carens forma statuæ, sed apta ad illam habendam. Nota, quod principium per accidens est duplex. Primò principium per accidens est, quod ita accedit materiæ, ex qua fit res, ut non requiratur ad fieri rei. Ita cum albus fit musicus, albedo est principium per accidens musici, quia ita accedit homini, dum fit musicus, ut non requiratur ad hoc, ut homo fiat musicus. Secundo principium per  
 acci-

accidens est, quod ita accidit materiæ, ut requiratur ad hoc, ut ex ipsa fiat res. Priuatio est principium per accidens in secundo sensu, quia ut materia moueatur ad formam pulli, requiratur, ut materia sit priuata, hoc est carens forma pulli, sed proximè apta. Principia per accidens in primo sensu non conducunt ad scientiam rei: principia per accidens in secundo sensu maximè conducunt ad scientiam rei.

Ad 4. &c. Distinguo maiorem: ens non potest fieri per se ex non ente, concedo; per accidens, nego. Ens per se fit ex materia, & forma, quæ sunt entia, fit vero per accidens etiam ex priuatione, in quantum ad hoc, ut materia moueatur ad formam, debet ita carere tali forma, ut sit apta ad illam recipiendam.

Ad 5. Non solum non est inconueniēs sed est necessarium, ut quæ fiunt, fiant aliququaliter ex contrarijs. Patet inductione. Nam ignis fit ex non igne; sapiens ex non sapiente; statua fit ex marmore infigurato, & ex figura; calidum fit ex frigido &c. Ideo omnes antiqui philosophi euidentia veritatis compulsi assignarunt principia aliququaliter contraria, ut rariū, & densum; magnum, & paruum; calidum, & frigidum. Verum antiqui



antiqui defecerint primo, quia cum quæ-  
rerent principia vniuersalia omnium,  
rerum, debuerunt assignare primas, &  
vniuersales contrarietates: at non assi-  
gnarunt contrarietates vniuersales, sed  
particulares, ex quibus proinde non  
sunt omnia: e.g. calidum, & frigidum  
non sunt principia vniuersalia omnium,  
quia licet calidum fiat ex frigido, & fri-  
gidum ex calido, tamen musicus nec fit  
ex calido, nec ex frigido, sed ex im-  
musico. Hunc defectum corrigens Ari-  
stoteles assignauit tanquam prima princi-  
pia contrarietates primas, & vniuersa-  
les, hoc est formam, & priuationem.  
Vnumquodque enim vel ex informa-  
to fit formatum, vel ex formato fit in-  
formatum, seu priuatum forma. Secun-  
do defecerunt, quia non explicauerunt,  
quo pacto possent res fieri ex contrarijs;  
& hunc errorem corrigens Aristoteles  
dixit, quod sunt ex vno contrario per  
se, ex alio per accidens: e.g. domus con-  
stituitur per se in edificari per formam,  
& actum ædificationis, sed ad hunc actum  
requiritur, vt materia careat perfectione  
domus iam ædificatæ, ad quam perfectio-  
nem mouetur, & perducitur per ipsum  
actum ædificationis, ideoque domus fit  
etiam per accidens ex priuatione forme  
domus. Dum vrgetur: contraria se ex-  
cludunt

cludunt ab eodem subiecto ; distinguo ,  
se excludunt de præfenti , vel tendunt  
ad se excludendum de futuro , concedo :  
se excludunt solum de præfenti , nego .  
Aliqua sunt contraria , quæ non exclu-  
dunt suum contrarium de præfenti , sed  
tendunt ad illud post excludendum ; e.g.  
febris est contraria vitæ animalis , & ta-  
men febris non excludit vitam , quando  
febris est , sed tendit ad vitam exclu-  
dendam post , quando febris non erit  
amplius : motus ad centrum est contrarius  
priuationi centri , & tamen non exclu-  
dit à mobili priuationem centri , quan-  
do est motus ad centrum , sed tendit ad  
excludendam post . In casu nostro ædifi-  
catio , qua domus mouetur ad perfectio-  
nem domus , est contraria priuationi talis  
perfectiõis , & tamen non excludit il-  
lam , quando est ædificatio , sed tendit ad  
excludendam post . Vniuersaliter ve-  
rò forma imperfecta , per quam materia  
mouetur ad formam perfectam , & con-  
stituitur res in puro fieri , est contraria  
priuationi , ita vt tendat ad priuationem  
excludendam post . Priuatio tamen for-  
mæ oppositæ , quæ est principium per ac-  
cidens rerum in facto esse , non est con-  
traria formæ . Ratio est , quia cum res  
est in fieri , & in motu , est in statu con-  
trarietatis , & pugnæ , cum per motum  
ab



ab vno oppositorum recedat, ad alterum accedat; ergo debet principiari ex principijs oppositis, à quorum vno recedit per aliud; cuiusmodi sunt carentia perfectionis, & motus ad perfectionem, per quem recedit à carentia perfectionis. At cum res est in facto esse, non est in statu contrarietatis & accessus, & recessus, sed in statu quietis; ergo principia rei in facto esse non debent poni contraria. Ponenda tamen est priuatio formæ oppositæ tamquam principium, per accidens rei corruptibilis, quia res corruptibilis per hoc differt ab incorruptibili, quod res corruptibilis constat ex materia priuata alia forma, quam posset habere; at corpus incorruptibile constat ex materia non priuata alia forma, cum materia sub forma incorruptibili non habeat capacitatem proximam recipiendi aliam formam, sed constat materia carente alia forma per puram negationem non connotantem aptitudinem expeditam subiecti.

Ad 6. Ens, & non ens possunt conuenire in aliqua ratione saltem analogica, & proportionali. In casu nostro materia, forma, & priuatio conueniunt, in quantum sicut materia, & forma sunt ex quibus res sunt intrinsecè, sic priuatio requi-



requiritur in materia, vt ex ipsa fiat forma . Quod autem hoc pacto requiritur dicitur principium analogicè propter ordinem ad materiam , quæ est principium per se , eo pacto , quo color indicatiuus sanitatis dicitur sanus analogicè per ordinem ad animal, quod est sanum principaliter , & per se .

Ad 7. Priuatio principiat quando est . Nec sequitur , quod forma principiat quando non est , quia in fieri simul datur in materia forma imperfecta , & priuatio formæ perfectæ , vt dictum est a quintum ; in facto esse simul datur forma perfecta , & priuatio formæ oppositæ, vt dictum est ibidem ,

Ad 8. Dictum est, quod dispositiones & cætera principia per accidens includuntur in priuatione : vnio formæ cum materia, & duratio includuntur in forma ; ergo sufficiens est assignatio trium principiorum , cum in ipsis omnia includantur , licet deinde cū quærantur principia magis in particulari debeat explicari, quænam in singulis principijs includantur .

Ad 9. Principium ignis in facto esse est priuatio formarum oppositarum , vt explicatum est . Ad principium verò per accidens sufficit, quod naturaliter sine illo non possit dari res , licet ad principium

um intrinsecum per se requiratur, ut ne illo neque supernaturaliter possit dari res.

Ad 10. Tertium principium est id, per quod forma constituitur non existens in materia, seu sit aliquid positivum, seu non, seu sit intrinsecum materiae secundum se, seu solum sit intrinsecum subiecto denominatiue, ex eo quod excludat formam, quae est intrinseca subiecto. Dum enim assignamus privationem tamquam tertium principium abstrahimus ab istis quaestionibus.

*Utrum principium materiale remaneat in omni mutatione. Quaestio II.*

**V**idetur esse vera sententia cuiusdam recentioris, qui contra Aristotelē, & contra omnes Scholasticos docuit subiectum, ac materiam remanere solum in mutationibus accidentalibus, & artificialibus, non autem in substantialibus, quia in rebus physicis debemus sequi iudicium sensus; sed per sensus videmus, quod materia remaneat in mutationibus accidentalibus, non autem in substantialibus:

libus : e.g. in mutatione artificiali , qua ex lignis fit naus , manifestè remanent ligna ; at in mutationibus substantialibus , quibus ex lignis fit ignis , ex ouo pullus , ex cadauere vermes , ex semine lactuca &c. neque ligna , neque ouum , neque cadauer , aut semen , vel vllum aliud subiectum , quod erat ante , videmus remanere ; ergo &c.

2. Causa creata potest facere , vt forma , quæ non erat , sit : e.g. cum quis mutat ceram ex quadrata in rotundam facit , vt sit illa rotunditas , quæ ante nō erat ; sed non videtur difficilius facere , vt forma , quæ non erat sit , quam vt subiectum , quod non erat sit ; ergo causa creata potest facere , vt sit etiam subiectum , & ita cum ignis generat ignem , facit , vt non solum forma ignis , sed ipsum subiectum de nouo sit ; ergo non requiritur , vt remaneat idem subiectum , quod erat ante . Similiter non videtur difficilius facere , vt sit de nouo vna tantum pars alicuius totius , quam facere , vt sit de nouo vtraque pars ; sed potest causa producendo ignem facere , vt sit de nouo forma ignis ; ergo potest etiam facere , vt de nouo sit materia , ac forma ignis simul .

Respondeo manifestum esse , quod omnia , quæ sunt naturaliter ( nam de crea-

tione non agimus) fiunt ex aliqua materia prius existente, ac postmodum remanente in re facta. Constat enim inductione etiam substantias fieri ex aliquo subiecto, ac materia: e.g. ignis non fit ex nihilo, sed ex lignis, vel alia materia ignibili; pullus non fit ex nihilo, sed ex ouo, quod est materia animabilis anima pulli: plantæ non fiunt ex nihilo, sed ex semine, quod est materia animabilis anima plantæ: idem valet de animalibus, quæ fiunt ex semine, & etiam de ijs, quæ oriuntur ex putri, cum non fiant ex nihilo, sed ex illa materia putrefacta, atque animabili anima ranæ, vel vermibus; sed eo ipso, quod aliquid fit ex subiecto, quod possit esse illud; tale subiectum debet remanere in re facta: cū enim aliquid, quod potest esse tale, fit actu tale, non destruitur subiectum & potentia potens esse talis, sed actuatur, ac reducitur in actum: e.g. quando rotundabile rotundatur, non destruitur rotundabile, sed remanet, & constituitur actu rotundum per rotunditatem, quod idem valet in omnibus; ergo cum ignibile ignitur, remanet in igne facto subiectum quod ante non erat ignitum, sed priuatum forma ignis, & habens formam ligni, ac constituitur actu ignis per formam ignis, quæ succedit formæ ligni; & cum  
ani-

animabile animatur, remanet materia ac subiectum animabile, quod ante non erat animatum, sed priuatum forma animæ, & habens formam oui, vel seminis vel materiæ putris, ac constituitur actu animatum per formam animæ, idemque dic de reliquis; ergo in omni mutatione substantiali remanet subiectum, & materia.

Breuitur: omnes substantiæ fiunt non ex nihilo, sed ex aliqua materia, ac subiecto, quæ possit fieri, & esse talis substantia, e.g. ignis fit ex aliqua materia ignibili, animal ex aliqua materia animabili; sed cum ignibile ignitur remanet secundum illam potentiam, ut ignitur, & constituitur actu ignitum: cum animabile animatur remanet secundum illam potentiam, ut animetur, & constituitur animatum actu; ergo semper remanet quod poterat esse tale secundum potentiam, ut sit tale; sed hoc intelligimus nomine subiecti, ac materiæ; ergo semper remanet subiectum, ac materia.

Confirmatur, quia quid absurdius quam quod cum aliquis figurat figurabile, destruat ipsum subiectum potens figurari; sed si subiectum non remaneret quando causa ignit materiam ignibilem destrueret ipsam materiam ignibilem.

um animat materiam animabilem, destrueret ipsam materiam animabilem; ergo contraria sententia est absurda.

Hæc ratio desumpta est ex Aristotele articulo primo Physicorum, textu 62. parum septimo Metaphysicæ, textu 22. Primo Physicorum hæc habet: quod autem substantiæ ex aliquo subiecto fiunt, consideranti fit utique manifestum; semper enim est liquidum, quod subijcitur ex quo fit, quod fit; ut plantæ, & animalia ex semine. Hinc erò infert septimo Metaphysicæ, textu 2. omnia, quæ fiunt habere materiam emanentem, dicēs. Cuncta enim, quæ naturā, aut arte fiunt, materiam habent; possibile enim est esse, & non esse eorū utrumquodque; hoc autem cuiusque materia. Sensus est omnia, quæ fiunt, nasci: ex subiecto, quod possit esse, & non esse illud, quod fit, ut patet inductione; sed subiectum, quod potest esse res, & non esse res, erat antequam res fieret, & remanet postquam facta, & hoc est materia; ergo omnia fiunt ex materia præexistente, ac remanente in re facta, & omnia sunt ex subiecto, vel materia.

Hinc Aristoteles infert primo phys. 69. quo pacto sit cognoscibilis materia rerum substantialium. Cognoscibilis nimirum est per analogiam ad materiam rerum artificialium. Subiecta, ait, natu-

*ra cognoscibilis est secundum analogiam. Sicut enim es ad statuam, aut ad lectulū ligni aut ad aliud eorum, quæ formam habent materia, & informe se habet, sic ipsa prima materia ad substantiam, & hoc aliquid se habere videtur. Materia igitur ignis est ex qua ita fit, & componitur ignis, sicut ex ære statua. Sicut enim statua fit, & componitur ex ære figurabili, illud figurando, sic ignis fit ex subiecto ignibili, illud igniendo, & formando forma ignis.*

Secundo infert in omnibus, quæ sunt dari materiam primam. Definit autem materiam primam t. 82. *primum uniuscuiusque subiectum, ex quo quippiam eo pacto fit ut insit, & non per accidens. E.g. materia prima ignis est primum subiectum ignibile, ex quo ita fit ignis, ut insit in igne facto, non per accidens, sed per se, & tamquam pars constitutiva. Quod in omnibus generabilibus detur tale primum subiectum, probatur; nam quid quid fit, fit, & componitur ex aliquo subiecto remanente, ut dictum est; sed in subiectis, ex quibus res fit, non potest procedi in infinitum, ut demonstrat Aristoteles secundo Met. cap. secundo sed debet tandem perueniri ad primum subiectum, quod non componatur, & fiat ex alio subiecto, hoc autem voca-*



mus materiam primam; ergo in omnibus generabilibus datur materia prima.

Tertio infert talem materiam primā secundum se esse ingenerabilem, & incorruptibilem. Si enim generaretur, generaretur ex aliquo subiecto in ipsa remanente; ergo non esset primum subiectum non compositum ex alio subiecto, sed componeretur ex alio subiecto, quod est contra suppositum; nam supponebatur, quod materia prima sit primum subiectum non constans ex alio subiecto; ergo primum subiectum non constans ex alio subiecto non potest generari: eo enim ipso constaret ex alio subiecto. Ex eadem ratione nec potest corrumpi. Quod enim corrumpitur non annihilatur, sed mutatur in aliud, in quo remaneat subiectum corrupti; ergo si primum subiectum corrumperetur, non esset primum subiectum, sed constaret ex alio subiecto remanente post corruptionem.

Hinc secundo infertur nullam materiam corruptibilem, & generabilem esse materiam primam, quæ debet esse ingenerabilis, & incorruptibilis. Ideo marmor est quidem materia statuæ, & lignum lecti, sed nihil horum est materia prima, cum sint generabilia, & corruptibilia.

Ad

Ad 1. Distinguo maiorem; debemus sequi iudicium sensuum, ita ut illud solum iudicemus, quod iudicat sensus, nego maiorem; debemus sequi iudicium sensuum, ita ut assumentes principia nota per sensum, & addentes alia principia nota per intellectum inferamus etiam veritates, quas sensus non percipit; concedo maiorem; distinguo eodem modo minorem, & nego consequentiam. Hęc propositio: debemus sequi iudicium sensuum, ita ut nihil iudicemus, nisi quod iudicat sensus, est falsissima, ac principium Atheismi. Si enim id solum iudicemus, quod iudicat sensus, negabimus dari Deum, Angelos, animam spirituales, & immortales, præmia bonorum, ac malorum, quandoquidem nihil horum sensus iudicat, aut percipit, & sequentes idem principium in eo sensu reddemur stolidiores brutis, cum ipsa bruta naturali instinctu plura percipiant, quæ non percipit sensus, ut filios alendos, pro ipsis pugnandum, ipsis providendum &c. ideoque dicunt iuristę dari quoddam ius, quod natura docuit omnia animalia, eo quod etiam bruta cognoscant quodammodo faciendas esse quasdam actiones, licet id non iudicet sensus, quæ actiones dicuntur de iure naturæ. Verus ergo, ac

egitimus sensus axiomatis est, quod debemus sequi iudicium sensuum, assumētes quēdam principia nota per sensum, & addentes alia principia immediatē nota intellectui, & ex his conclusiones inferentes. Hoc pacto sequentes iudicium sensuum cognoscimus dari primum motorem immobilē, & Intelligētias Cælorum motrices, quæ non iudicat sensus. In casu nostro assumētes ex sensu, quod omnis substantia fiat non ex nihilo, sed ex aliqua materia, ac subiecto, cum sensibus percipiamus ignem fieri ex lignis, pullum ex ovo, plantas ex semine &c. & addentes per intellectum, quod materia, ex qua res fit, est potentia illa substantia, quæ fit, e.g. quod materia, ex qua fit ignis, est ignibilis, seu potentia ignis, & etiam quod quando materia, quæ est talis potentia, fit actu talis, non destruitur, sed remanet, & actuatur, inferimus materiam remanere etiam in mutationibus substantialibus, non hoc iudicantes contra iudicium sensuum, sed supra iudicium sensuum per intellectum sensibus superiorem.

Dices: quando fit ignis ex lignis, ligna non remanent; cum pullus fit ex ovo, vel lactuca ex semine, non remanet ouis, neque semen; ergo non remanet materia, ex qua fit substantia.

Respon-

Respondeo: distinguo consequens non remanet materia priuata, conced consequentiam: non remanet materia secundum se, nego consequentiam. Sicut cum cera ex quadrata fit rotunda non remanet secundum esse quadrati, neque secundum priuationem rotunditatis sed remanet secundum potentiam, ut si rotunda, vel quadrata, & constituitur actu rotunda per rotunditatem succedentem quadraturæ, ac priuationi rotunditatis: sic cum ignis fit ex lignis, materia ignibilis, quæ poterat esse ignis, & non esse ignis, remanet secundum potentiam per quam poterat esse ignis, & constituitur actualiter ignis per formam ignis quæ succedit formæ ligni, ac priuationi formæ ignis. Quare sicut materia rotundabilis remanet, ac transfiguratur a vna figura in aliam, sic materia ignibilis remanet, ac transformatur ex vna forma substantiali in aliam, ex forma ligni ad formam ignis.

Ad 2. Distinguo antecedens: causa creata potest facere, ut forma, quæ non erat, sit simpliciter, nego; ut sit in materia reducendo potentiam in actum concedo, ac nego consequentiam. Dum cera rotundatur, rotunditas non fit simpliciter, sed fit in cera, faciendo ceram, quæ erat rotundabilis actu rotunda.

dam . Ex hoc non sequitur , quod possit  
facere ipsum subiectum , ac materiam ,  
quia non potest fieri ex alio subiecto ,  
alioquin iam remaneret subiectum con-  
tra suppositum , sed deberet fieri ex nihi-  
lo , hoc est ex nullo subiecto . Non va-  
let igitur : potest causa creata facere  
ignem ex materia ignibili ; ergo potest  
facere ignem ex nulla materia , sed ex  
nihilo : quia datur in causis creatis vir-  
tus faciendi album ex dealbabili , mo-  
tū ex mobili , figuratū ex figurabili &c :  
at non datur virtus faciēdi vllū ens ex  
nihilo . Ideo est axioma receptū apud om-  
nes , ex nihilo nihil fit , quia quodcūque fit  
ex aliquo , quod potest esse tale , eo pa-  
cto , quo ignis fit ex ignibili . Facere  
verò ex nihilo simpliciter , hoc est ex  
nullo subiecto , ac materia præexistente ,  
quæ possit esse illud , ad diuinam solum  
Omnipotentiam spectat , quæ sola potest  
creare . Ceterum de creaturis est rece-  
ptissimum id : *Ex nihilo nihil ; in nihilum  
nil posse reuerſi .*



*Vtrum materia prima sit aliquod  
corpus ingenerabile, & incorru-  
ptibile, ac mutabile solum se-  
cundum raritatem,  
& densitatem.*

*Questio III.*

**O**Mnes antiqui conuenerunt cum Aristotele in hoc, quod prima materia, ex qua res fiunt, sit ingenerabilis, & incorruptibilis, sed discreparunt deinde in assignanda hac prima materia. Multi enim dicunt illam esse vnicum corpus, quod quidam putarunt aquam, alij aerem, alij ignem, quidam terram, quidam corpus medium inter hæc omnia, ac præsertim inter aerem, & aquam rarius aqua, sed densius aere, quod vnicum corpus censuerunt esse ingenerabile, & incorruptibile, ac solum condensabile, & rarefactibile, ac per hoc transformabile in varia corpora. Has sententias de vnico corpore disputando examinabimus capite præsentì.

Videtur ergo 1. esse vera sententia Thaletis, quod aqua sit prima materia ex qua condensata, vel rarefacta omnia corpora

corpora fiant. Aqua enim si condensetur durabitur in terram; ac si magis adhuc condensetur, ac duretur mutabitur in lapides, ac metalla differentia inter se secundum varios gradus condensationis maioris, aut minoris: si verò eadem aqua rarefiat, tenuabitur in vapores, & in aerem; & si magis adhuc rarefiat, euadet in ignem, corpus nimirum tenuissimum, ac partium subtilissimarum, ideoque agilissimum & tenuissimum, ac summoperè aptum ad omnia penetranda, diuidenda, ac disrumpenda: si verò hæc quatuor corpora, aqua nimirum, & tria reliqua ex aqua facta inuicem varijs modis componantur, fient varia genera mixtorum, plantarum, & animalium; ergo &c.

2. Videtur potius aer, quàm aqua esse prima rerum materia, vt docuerunt Anaximenes, atque Diogenes. Ipsa enim aqua videtur fieri ex aere condensato, vt patet ex nubibus, & vaporibus, quæ dum condensantur, euadunt in aquas, ac decidunt in pluuias, ex origine fluminum, ac fontium, quæ in montium culminibus nascuntur ex aere condensato.

3. Ignis videtur esse prima omnium rerum materia, vt asseruerunt Hippatus Metapontinus, & Heraclitus. Nam prima mate-

materia est corpus , ex quo alia componuntur ; sed potius terra , aqua , & aer componuntur ex igne , quam è conuerso ; ergo potius ignis est prima materia , quàm ullum ex alijs corporibus . Probatur minor , quia potius corpora maiora & crassiora componuntur ex minoribus , & subtilioribus , quam minora , & subtiliora ex maioribus , & crassioribus . Magnū enim cōponitur ex pluribus minoribus , ac paruis , eo pacto , quo mons ingens potest componi ex paruis arenulis , & quod habet crassitiem componi potest ex partibus subtilibus : at neque paruum , & minus potest componi ex magno , ac maiori , neque subtile ex partibus habentibus maiorem crassitiem ; sed ignis est corpus subtilissimum , ac partium minutissimarum ; ergo ignis non potest componi ex aqua , vel aere , vel terra crassiore , sed è conuerso possunt hæc componi ex igne . Hinc consequenter inferitur Solem , quem putabant ignem , ut putant etiam Recentiores Mathematici , esse materiam primam omnium rerum , imo potius primam materiam esse ipsam lucem , quippe quam censent esse tenuissimum , purissimum , ac subtilissimum , ignem , ideoque summè penetrabilem .

4. Videtur potius terra densissima esse materia omnium rerum , quia non est maior

maior ratio, cur corpus tenuissimum, ac rarissimum dicatur esse materia, ex qua per condensationem fiant cætera corpora, quam quod corpus densissimum dicatur esse talis materia, ex qua fiant alia corpora rariora per rarefactionem.

5. Hinc videtur concludi primam materiam nullum esse ex quatuor corporibus dictis, sed esse quintum corpus medium, quod secundum se neque sit terra, neque aqua, neque aer, neque ignis, ut quidam dixerunt ab Aristotele laudati. Prima enim materia debet esse corpus, quod possit omnibus modis rarefieri, ac condensari, & sic per rarefactionem possit constitui in varijs corporum speciebus; sed corpus, quod possit omnibus modis rarefieri, ac condensari, non debet constitui in suo esse per vllū gradum raritatis, ac densitatis: quatuor verò assignata corpora constituuntur in suo esse per aliquem gradum raritatis, & densitatis; ignis enim est corpus tenuissimum, & constituitur secundum hanc opinionem per summam raritatem; terra est corpus densissimum, & constituitur in suo esse per summam densitatem; aqua, & aer sunt corpora mediæ raritatis, ac densitatis, & constituuntur per varios gradus ipsarum; ergo prima materia non potest esse vllum ex quatuor assignatis

gnatis corporibus, sed erit quintum corpus.

Respondeo, ac primo dico, quod etiamsi omnia corpora constituerentur per condensationem, vel rarefactionem vnius primi corporis, ac materiæ, vt supponunt omnes istę sententię, adhuc prima materia neque esset ignis, neque terra, neque aqua, neque aer, sed aliquid, quod esset potentia ad euadendum hæc omnia per diuersos gradus raritatis, ac densitatis, cum secundum se neque esset actu aqua, neque ignis, neque terra, neque aer. Ratio est, quia illa materia, quę secundum se potest esse aqua, & non esse aqua, secundum se non est actu aqua, sed est materia aquabilis, & constituitur aqua per formam distinctam, eo pacto, quo id, quod potest esse rotundū, secundū se non est actu rotundum, sed est rotundabile, & constituitur actu rotundum, per rotunditatem distinctam; sed hæc materia omnibus modis condensabilis, ac rarefactibilis secundum se potest esse aqua, & non esse aqua, potest esse ignis, & non ignis, &c: cum enim hæc materia est summè rara, atque adeo est ignis, tum non est aqua, neque terra, neque aer, alioquin esset simul ignis, & aqua, & aer, & terra, quod est absurdum: & similiter cum est mediocriter conden-

condensata, atque adeo est aqua, tum non est ignis ex eadem ratione; ergo talis materia omnibus modis condensabilis secundum se non est actu aqua, neque ignis, neque aer, neque terra, sed est omnia potentia, atque adeo est materia quodammodo ignibilis, aquabilis, terrabilis &c. per formam distinctam raritatis, ac densitatis, quibus, hec corpora supponuntur constitui. Ex eadem ratione prima materia non potest esse quantum corpus rarius aqua, ac densius aere, quia cum secundum se possit habere, & non habere illam mediam raritatem, ac densitatem, non est tale corpus actu, sed solum potentia.

Secundo dico, quod irrationabiliter asseritur corpora constitui in sua specie, & inter se primo differre per diuersum gradum raritatis, ac densitatis. Manifestum est enim, quod terra, ignis, aer, & aqua differunt per suam naturam antecedenter ad raritatem, ac densitatem. Vis enim intrinseca, quam habet res mouendi se ad aliquid, & eo habito quiescendi in illo, resistendo motui contrario, distinguitur ab eo, ad quod mouetur, & in quo quiescit, atque illud antecedit; sed ignis, aqua, terra, & aer habent intrinsecam vim mouendi se ad certum gradum raritatis, ac densitatis, &  
in



in eo iam habito quiescendi, resistend  
motibus contrarijs, vt patet experientia  
& inductione ; e.g. ignis habet intrinse  
cam vim mouendi se ad summam rari  
tatem , & summè se rarefaciendi, vt con  
stat præsertim in puluere tormentario  
qui cum repente ignescit, rarefacit se  
atque dilatat tanta vi , vt ædificia pro  
pinqua concutiat, ac diruat; habet etiam  
ignis rarus vim quiescendi in ea raritate  
resistendo contrario motui , quò condē  
setur : e conuerso terra habet intrinse  
cam vim se condensandi , ac quiescend  
in sua densitate resistendo motui rarefa  
ctiuo , quod idem valet in aqua , & ae  
re ; ergo talis intrinseca vis est distincta  
à raritate , ac densitate istorum corpo  
rum , & præcedit illas, sicut causa effe  
ctum ; sed hæc quatuor corpora differunt  
in ista vi ; diuersa enim est vis ignis ad  
se rarefaciendum , ac ad quiescendum  
in raritate, ac sit vis terræ se conden  
sandi , & quiescendi in densitate ; ergo  
quatuor corpora differunt in aliquo an  
tecedente ad raritatem , & densitatem  
sed prima vis intrinseca mouendi se ad  
aliquid , & in eo quiescendi est natu  
ra cuiuscunque rei ; natura siquidem de  
finitur primum principium motus , a  
quietis in eo , in quo est primo , & per  
se, & non per accidens, vt dicitur qu. 1.  
cum

cum agetur de natura; ergo hæc quatuor corpora differunt in natura antecedenter ad raritatem, ac densitatem. Hinc patet ignem non esse aquam rarefactam, neque terram ignem condensatum, sed esse corpora differentia secundum suam naturam antecedenter ad raritatem, ac densitatem, ut probatum est, atque à fortiori inferitur idem de cæteris corporibus, ut melius explicabitur inferius.

Tertio dico occasionem his erroribus dedisse sensus, quos Philosophi primi ita sunt secuti, ut id solum iudicarent, quod iudicat sensus. Quia ergo prima differentia, quam percipit sensus in quatuor dictis corporibus, est raritas, & densitas, dixerunt illa differre primò secundum raritatem, ac densitatem. At hoc est simile, sicut si quis diceret hominem, & leonem differre primò in externa figura, eo quod hanc solam differentiam percipit sensus, cum intellectui sit manifestum hominem, & leonem differre primò in natura antecedenter ad figuram, quæ natura est principium motus, & quietis ad diuersas operationes, & cui naturæ etiam debetur externa figura. Sic igitur in casu nostro ignis, & aqua differunt in natura antecedenter ad raritatem, ac densitatem. Non igitur sensus seruiliter sequendus, sed ex notis per sensum

sensum eleuanda est mens ad ea, quæ sunt supra sensum, quia non percipiuntur à sensu, non tamen sunt contra sensum, quia per discursum inferuntur ex ijs, quæ sunt nota per sensum.

Quarto demum, & vltimo dico aerem ignem, terram &c. non esse materiam primam, quia sunt generabilia, & corruptibilia, vt dicetur in Tractatu de Elementis; sed materia prima est ingenerabilis, & incorruptibilis; ergo materia prima non est ignis, sed est ignibilis, non est terra, sed potest fieri, & esse terra, neque est vllum corpus actu, sed est primum subiectum, quod potest fieri omnia corpora, vt melius patebit inferius.

Hinc patet ad fundamenta aliarum sententiarum. Dum enim se mutuo destruunt ostendunt falsitatem illarum opinionum, & veritatem Aristotelicę sententię docentis materiam primam non esse actu ignem, neque terram, neque vllum corpus, sed esse omnia in potentia, hoc est primum subiectum ignibile, ac formabile formis terræ, aquę, aeris, hominis, equi, & omnium corporum, eo pacto, quo materia rotundi non est aliquid actu rotundum per seipsum, neque, actu quadratum, nec figuratum vlla figura, sed subiectum rotundabile, quadrabi-

Irabile , ac figurabile quacumque figura .

*Vtrum materia prima sint atomi ,  
seu plura corpuscula ingene-  
rabilia & incorruptibilia .*

*Quaestio IV.*

**P**ost sectas Philosophorum , qui dixerunt materiam primam esse vnicū corpus , quas iam reiecimus , sequuntur alię sectę eorum , qui dixerunt materiā primam esse plura corpuscula , quę vocarunt atomos (nomen autem atomi significat infectibile , vel indiuisibile) vel eo quod putarint talia corpuscula esse mathematicē , ac penitus indiuisibilia , vel eo quod censuerint illa esse diuisibilia quidem mathematicē , ita vt habeant trinam dimensionem , sed esse physicē hoc est ad sensum indiuisibilia , eo quod propter paruitatem nequeat sensus partes in ipsis distinguere : has autem sententias disputando examinabimus hac quaestione .

Videtur ergo vera esse sententia Empedoclis, Democriti , Leucippi &c. quos Aristotiles refert primo Metaphysicorū , summa 2. cap. 3. & alibi passim , quam  
opi-

opinionē ab Aristotele reiectā & diu iā ex academijs , ac mentibus hominum exulantem , denuò nostro sæculo explicarunt , ac defenderunt plures recentiores Philosophi , Mathematici , ac Medici ex omnibus pene prouincijs Europæ , ac nominatim Galileus de Galileis Italus , Renatus desCartes Gallus , Sebastianus Bassanus in duodecim libris sue Philosophiæ aduersus Aristotelem , alijque permulti , quod prima rerum materia sint plures atomi , seu parua corpuscula , vel æterna , & improducta vt dicebant Gentiles , vel à Deo creata in tempore , vt iam dicunt Christiani , ex quibus corpusculis diuerso modo inter se dispositis , & ordinatis non à casu , vt asserebant Democritus , ac Leucippus , quos in suis carminibus sequitur Lucretius , sed à diuino intellectu , ac diuina sapientia , vt docuit Anaxagoras ab Aristotele idcirco laudatus , vt docent Auctores Christiani ; ex quibus inquam corpusculis diuerso modo dispositis , & ordinatis , res omnes fiant , ac componantur , ita vt nullum corpus , nulla forma , vel qualitas fiat de nouo , sed solum corpuscula , quæ iam erant , diuersimodè disponantur , & ordinentur inter se . Primò quia eodem pacto fiunt effectus naturales à natura , quo fiunt artificiales ab arte : ars enim imita-

mitatur naturam, vt discipula magistratram; sed effectus artificiales fiunt ab arte per diuersam dispositionem corporum magnorum, aut paruorum, vt patet inductione vniuersalissima; domus enim fit disponēdo lapides, qui ante erāt; in iisdem lapides aliter disponantur fit templum, atque innumera genera ædificiorum summè inter se differentium: similiter etiam ex lignis iisdem vno modo dispositis fit scamnum, vel cathedra, vel sedes, vel naus &c: in pictura si parua corpuscula colorata vno modo disponantur in tabula, fit homo pictus; si aliter disponantur, fit leo, vel aliæ quæcumque rerum species: quod etiam contingit in opere musico per diuersam dispositionē lapillorum; in opere phrygio per dispositionem florum, atque in alijs innumeris artibus: ordinando etiam, ac disponendo viginti quatuor litteras Alphabeti sunt voces innumerabiles specie diuersæ &c; ergo etiam Deus, ac natura multò potentior, ac sapientior arte diuersimodè disponendo, ac ordinando varia corpuscula ab initio creata faciet omnes corporum species; e.g. disponendo corpuscula vno modo faciet leonem, eadem alio modo disponendo faciet canem, aut equum, & quamcumque speciem animalium, plantarum, & rerum inanimatarū

Ex



Ex quo consequenter infertur primo, quod sicut cum fit domus , aut aliud artificiatum, nullum corpus fit de nouo, sed lapides & corpora, quæ erant antè, diuerso modo disponuntur; sic cum fit equus, nullum corpus fit de nouo, sed corpuscula, quæ erant ante, diuerso modo disponuntur .

Infertur 2. quod sicut forma , quæ res artificiales constituuntur in suo esse , ac differunt ab alijs artificialibus , est sola dispositio corporũ, ita forma rerum naturalium est certa dispositio corpusculorum : e.g. forma leonis , quæ vocatur anima leonis , est certa dispositio corpusculorũ, per quam differt ab equo , cane &c. Excipiunt Catholici hominem, cuius forma est anima rationalis , spiritalis , & immortalis , atque à corpusculis separabilis , cum profectò corpusculorum dispositio à corpusculis separari non possit .

2. In rebus Physicis debemus sequi sensum; sed per sensum nihil aliud videmus , quam corpuscula , & eorum dispositionem; e.g. in leone videmus varias partes , ac membra , & eorum dispositionem; videmus corpuscula carnea , corpuscula ossea , corpuscula humida , sanguinea , pituitosa &c, & dispositionem, atque ordinationem talium corpu-

sculorum ; ergo debemus dicere , quod in rebus nihil aliud sit,quam corpuscula, & eorum dispositio .

3. Est axioma per se notum *ex nihilo nihil , in nihilum nil posse reuerti* ; sed si aliquod corpus, e.g. ignis fieret de nouo, fieret ex nihilo : nam antea non erat, atque adeò erat nihil , & postmodum fit ; ergo nullum corpus fit de nouo . Et licet Peripathetici respondeant ignem, & alia corpora fieri ex nihilo sui , quia ignis, qui fit, ante non erat, atque adeo erat nihil, sed non fieri ex nihilo subiecti, quia ante erat subiectum ignibile , tamen hoc non videtur sufficere , quia equè repugnati aliquid fieri ex nihilo sui , ac repugnet fieri ex nihilo subiecti .

4. Illa sententia , per quam omnia bene explicantur , est vera ; sed per istam sētētiā omnia clarissimè, & optimè explicātur ; ergo est vera. Probatur minor inductione, atque explicatione plurimorū.

Primo explicatur, cur aliquando dicatur vna res simpliciter destrui , alia res simpliciter fieri ; aliquando verò res non dicatur simpliciter destrui , sed solum aliquantulum alterari ; e.g. cum ex igno fit ignis, dicitur lignum simpliciter destrui : at cum lignum fit calidum , aut nigrum, non dicitur simpliciter destrui , sed solum alterari . Ratio est, quia sicut  
in

in pictura cum dispositio colorum vald variatur , vt cum ex equo fit arbor , dicitur destrui figura equi, ac fieri figura arboris , at cum sit parua variatio , it vt equus pictus fiat aliquanto pulchrior & viuacior , dicitur solum figura equi aliquantulum alterari ; sic in natura cur sit magna variatio in dispositione corpusculorum , vt quando ex ligno fit ignis tum res dicitur simpliciter destrui , ac cum sit parua variatio, dicitur solum alterari. Ideo destructio simpliciter est magna variatio in dispositione corpusculorum ; alteratio est solum parua variatio in tali dispositione .

Secundo explicatur, quid sit ignis quomodo producat , quomodo calefaciat , illuminet , ac faciat illos mirabiles effectus, quos videmus . Ignis et multitudo corpusculorum subtilissimorum & acutissimorum cum figura pyramidalibus habentium vim trahendi ad se vndique alia corpuscula , eaque per suas acutissimas pyramides scindendi , ac diuidendi habet etiam vim emittendi vndique corpuscula minima , & quasi paruas sagittulas . Vtraque vis trahendi , & emittendi corpuscula constat experientia . Nam ignis trahit oleum , vel aliud alimentum & radios quaque versus emittit . Cum verò lignum, aut puluis tormentarius in

cenditur, non fit de nouo ignis, qui non erat, sed prodit, & apparet ignis, qui latebat in ligno, vel puluere. Sicut enim cum frumentum mola conteritur, ac diuiditur, apparent innumera corpuscula farinæ, quæ ante erant, sed latebant clausa granis frumenti: sic in ligno, vel puluere sunt innumera veluti parua grana plena igne, quæ grana ignis admotus penetrat, aperit, ac diuidit suis acutissimis cuspidibus, ita vt foras prodeat ignis latens, eo pacto, quo foras prodit farina, disruptis, ac diuisis granis frumenti. Hæc verò grana ligni, vel pulueris plena igne propter suam paruitatem, nec ferro, nec mola, nec alio instrumento possunt aperiri, sed solis cuspidibus minimis, & acutissimis ignis. Id verò confirmatur, quia cum aliquid iam est redactum in cineres, non potest amplius incendi, quia nimirum in granulis cineris non amplius latet ignis educibilis in lucem.

Combustio est scissio, ac diuisio corporum per cuspides acutissimas ignis, ita vt prodeat totus ignis, qui latebat, & remaneat tantum cinis vltimò diuisus.

Calefactio moderata est titillatio, ac sollicitatio per paucas particulas igneas. Est autem tactui iucundissima, quia illæ parti-

parriculæ igneæ leuiter titillant , ac vellicant tactum , pores aperiunt &c. At calefactio vehemens est summè dolorifera , quia tum corpuscula ignea magno numero irruentia omnia diuidunt, ac dirumpunt, cum summo sensu doloris .

Illuminatio est emissio subtilissimorum radiorum ; seu cuspidum ignearum titillantium oculos habentes tactum delicatissimum , atque adeò aptum ad percipiendam illam leuissimam titillationem radiorum , quam ceteræ corporis partes, vtpotè habentestactum obtusiozem, nequeunt percipere . Lux vero vehemens oculos lædit , quia ingens corpusculorū concursus non iam leuiter titillat , sed irrumpit , ac scindit .

Omnes igitur sensus nihil aliud sunt , quàm quidā tactus acutior, aut minus acutus adeoque percipiens minutiores , aut minus minutas differentias titillationum . Obtusissimus tactus est , qui toto corpore diffunditur , solusque vocatur simpliciter tactus , ideoque percipit , ac distinguit solum ingentes titillationes . Aliquantò acutior est qui residet in palato , & vocatur gustus , ac percipit titillationes minores corpusculorum , qui vocantur sapes . Tactus , qui est in naribus , percipit adhuc minores differentias

titillationum prouenientium ab alijs corpusculis, quæ quia tali modo titillant nares, vocantur odores. Tactus, qui est in auribus, percipit titillationis aeris leuissimè moti, atque crispati, qui aer motus dicitur sonus. Demum tactus oculi percipit titillationes tenuissimas minimorum corpusculorum igneorum, quæ corpuscula vocantur lux. Sol autem, ignis & corpora lucida sunt, quæ emittunt quaquaversus radios, seu corpuscula subtilissima, vt patet experientia. Videntur verò hæc corpora trahere ad se alimentum, & emittere corpuscula, eo pacto, quo animal per respirationem trahit, & emittit aerem. Non igitur calor, aut lux sunt qualitates de nouo productæ, sed sunt corpuscula, quæ erant ante, & emittuntur à corporibus quibusdam, quæ idcirco vocantur calida, & lucida.

Proportionaliter explicatur, quid sit terra. Est enim multitudo corpusculorum cubicorum, hoc est contentorum sex superficibus quadratis equalibus, cuiusmodi sunt tali lusorij. Ideò terra est stabilissima, quia corpora cubica facillimè consistunt, ac quiescunt. Aqua videtur esse multitudo corpusculorum cum aliqua rotunditate, quæ idcirco facillimè mouentur, ac defluunt, cum res rotundæ



dæ sint facile mobiles, ac volubiles. Proportionaliter philosophantur de aere, & alijs corporibus . Licet autem quidam dicant corpuscula differre solum figura, eo quod alia sint quadrata , alia rotunda &c. ordine, eo quod vnum sit prius , aliud post , eo pacto , quo Da , differt ab Ad; situ, eo pacto, quo A erectū differt ab > iacente : melius tamen asserunt alij , quod differunt etiam natura antecedenter, per quam naturam mouentur diuersis motibus , alia sursum , alia deorsum ; figurantur diuersis figuris; quædam trahunt alia corpuscula , alia trahuntur , eo pacto , quo magnes trahit ferrum , & ferrum trahitur à magnete .

Tertiò optimè explicatur causa mouens , atque ordinans ista corpuscula . Epicurus, atque Democritus dixerunt corpuscula infinito tempore volitasse per infinitum spatium , atque infinitis infinitis modis esse combinata , donec casu coaluerint in hanc Mundi molem, quam videmus . At hæc opinio stultissima est . Absurdius enim dicitur pulcherrimum ordinem Mundi factum casu , quam diceretur pulcherrimum Virgilij Poema , casu compositum ex characteribus , qui diu volitantes tandem in magna planitie casu sint ita dispositi , vt formarent Aeneida . Sapienter igitur Anaxagoras

dixit corpuscula ab initio ordinata fuisse ab intellectu diuino, & idcirco Aristoteles Anaxagoram laudat primo *Metaphysicæ*, capite tertio, comparans illū ad alios, sicut sobrium ad ebrios. Dicendum igitur cum Anaxagora, quod ab initio diuina sapientia immediatē per seipsam corpuscula ita ordinauit, vt constituerent pulcherrimam Mundi molem, eo pacto, quo pictor ita ordinat colores in tabula, vt faciat Mundum pictum. Deinde vero ipsa corpusculorum natura causat motus varios, variasque combinationes, præsertim per litem, & amicitiam, vt dicebat Empedocles, hoc est per sympathias, & antipathias, seu per virtutes, quibus vnum corpusculum trahitur, aliud trahit, quæ virtus dicitur sympathia, & amicitia; & per virtutes, quibus vnum corpusculum expellit, aliud expellitur, ac refugit, quæ virtus dicitur antipathia, lis, atque discordia,.

Explicatur. Semen lactucæ iactum in terra facit talem combinationem corpusculorum, per quam constituitur lactuca. In eo enim semine dantur corpuscula, quæ habent vim trahendi ad se ex terra, aqua, & aere proximo corpuscula apta ad constituendam lactucam, & expellendi alia corpuscula ad talem  
consti-

constitutionem inepta. Trahit igitur corpuscula apta, & ex quibusdam format truncum, ex alijs folia, & partes eorum &c. Quod verò in seminibus datur vis trahitua, ac dispositiua corpusculorum, patet experientia. Non aliter enim ex seminibus nascuntur plantæ, & animalia, nisi in quantum à seminibus trahuntur, ac disponuntur corpuscula, prout oportet ad formationem eius, quod nascitur. Sicut enim arbor iam nata habet vim trahendi corpuscula & illa ordinandi ad faciendum corticem, medullam, frondes, flores, & fructus, ideoque dicitur trahere succum, & humorem ex terra; sic in seminibus datur talis vis primò trahendi corpuscula, ac disponendi ad primam formationem arboris: quod etiam proportionaliter dicitur de animalibus.

Quarto potest hinc explicari celeberrima sententia Pythagoræ, quod formæ rerum omnium sint numeri, & consonantiæ musicales. Putabat ille cum Democrito materiam omnium rerum esse corpuscula, formam esse certam dispositionem corpusculorum; e.g. talem dispositionem corpusculorum esse formam leonis, aliam esse formam equi &c. Vt explicaret, quamnam dispositio corpusculorum esset forma cuiusque, dicebat, quod corpuscula

ebent ita disponi, vt habeant inter se proportionem numerorum, quæ cum inenitur in sonis, facit harmoniam, & consonantiam. Sicut igitur consonantia nihil aliud est, quam multitudo sonorum ita dispositorum, vt habeant inter se proportionem harmonicam numerorum, quæ proportio est forma, & harmonia; sic res naturales, e.g. Leo, Canis, Pinus, sunt multitudo corpusculorum ita dispositorum, vt habeant proportionem harmonicam numerorum, ideoque numeri siue consonantia, & harmonia sunt forma rerum naturalium, variæ verò res naturales constituuntur, ac differunt per varias proportionēs harmonicas corpusculorum, hoc est per varios numeros, harmonias, & consonantias musicales.

Respondeo, ac dico primo, quod etiāsi concedamus Atomistis omnes res naturales constitui per combinationem, & ordinationem corpusculorum, adhuc nihil melius saluatur in ipsorum opinione, quā in sententia Aristotelis principiū illud, *Ex nihilo nihil, in nihilum nil posse reuerti*. Ratio est, quia ipsa dispositio corpusculorum, per quam ita ordinantur, vt fiat leo e.g. debet esse forma positiua à corpusculis distincta; sed hæc forma fit ex nihilo sui, & ex potentia subiecti; antequam

quam enim leo fieret, non erat actu forma leonis, hoc est dispositio corpusculorum, per quam leo constituitur, atque adeo illa forma, & dispositio erat nihil; erat tamen subiectum potens habere talem dispositionem, nimirum erant corpuscula sic disponibilia, ergo illa dispositio corpusculorum est forma, quæ fit ex nihilo sui, & ex potentia subiecti, hoc est ex corpusculis potentibus sic disponi. Motus etiam corpusculorum est aliquid distinctum à corpusculis mobilibus, quod fit ex nihilo sui: cum enim corpuscula non mouebantur, non erat motus, & sic motus erat nihil, & non ens, & erat subiectum mobile, quod poterat habere motum, ex quo subiecto mobili fit motus; ergo etiam Atomistæ debent concedere, quod aliqua forma, & actus fiat ex nihilo sui, & ex potentia subiecti, ac nihil melius defendunt principium illud, quam Aristoteles.

Huic argumento non possunt aliter respondere, quam dicendo motum corpusculorum, & dispositionem nihil esse distinctum à corpusculis. Sed conuincuntur euidenter. Nam est manifestum, quod id, per quod corpuscula, quæ possunt esse leo, & non esse leo, constituuntur actu leo, est quid positium distinctum à talibus corpusculis. Quis enim dubi-

et, quod actus constitutivus leonis in-  
esse leonis animalis perfectissimi sit actus  
positivus, & valdè perfectus? Sed cor-  
puscula, quæ possunt esse leo, & non es-  
se leo, per talem dispositionum constitu-  
tur actu leo perfectissimum animal; ergo  
dispositio corpusculorum est aliquid po-  
sitivum à corpusculis distinctum: alio-  
quin aut ipsum esse actuale leonis non  
esset quid positivum, aut esse actua-  
le leonis non esset quid distinctum,  
ab eo, quod potest esse leo, vel  
non esse leo, quorum utrumque est  
absurdum.

Secundo dico, quod non omnes for-  
mæ, quæ producuntur, sunt motus, aut im-  
pulsus, aut dispositio corpusculorum, li-  
cet omnes formæ, ut sæpe docet Aristot-  
eles, producantur non sine aliquo mo-  
tu; sed aliud est quod hoc non fiat sine  
illo, aliud quod hoc sit illud: e.g. aliud  
est quod animal non ambulet sine pedi-  
bus, aliud est, quod ambulare nihil aliud  
sit, quam habere pedes. In casu nostro  
transcat, quod quando tangimus, quæ-  
dam corpuscula, impellant, moveant, ac  
titillent tactum, cum gustamus, corpu-  
scula sapida titillent palatum &c. Adhuc  
tamen dico, quod licet sensationes non  
dentur sine motibus, impulsibus, ac ti-  
tillationibus organorum sentientium,  
ipsum



ipsum sentire non est sensum moueri , a titillari, sed est percipere motus, ac titillationes , & alia obiecta .

Probatur autem primo, quia licet aliquis non sentiat se comburi , secari , a verberari , nisi cum secatur , comburitur, ac verberatur; aliud tamen est, quod secetur , comburatur , ac verberetur aliud est, quod percipiat, & sentiat sectionem , combustionem , ac verberationem ergo licet sensus non percipiat se titillari , nisi cum actu titillatur , ac mouetur à corpusculis , aliud tamen est sentire titillationem , aliud est ipsum titillari .

Secundo probatur, quia actus sentiendi non potest dari , nisi in sensitiuo , e.g. in lapide dari non potest actus sentiendi sed actus, quibus aliquid titillatur , mouetur , secatur &c. possunt etiam dari in rebus non sensitiuis , e.g. in ligno ; ergo tales actus sunt diuersi , ac differentes ab actibus sentiendi . Confirmatur, quia si ego reddor sentiens per talem titillationem , est impossibile , vt similis titillatio ponatur in ligno , vel in quolibet alio subiecto, quin sentiat, eo pacto, quod quia ego moueor circulariter per motum circularem, non potest similis motus circularis poni in vlllo subiecto , quin moueatur circulariter per talem motum , sed

sed similes titillationes , & motiones possunt etiam poni in subiectis insensibilibus , quæ per illas non sentirent ; ergo sentire non est titillari , ac moueri , sed est aiquid aliud .

Tertio, & à priori probatur, quia imago alicuius distinguitur ab exemplari, cuius est imago : omnis enim imago fit per imitationem exemplaris , ac non est exemplar ; sed sensationes , quibus percipimus nos titillari , moueri, impelli &c. sunt imagines vitales talium motuum , & titillationum , vt patet experientia ; ergo sunt aliquid distinctum à talibus motibus , & titillationibus .

Quartò probatur , quia ad titillationes , motus , & impulsus animal se habet merè passuè , immo aliquando summè his resistit ; e.g. cum animal comburitur , aut secatur, patitur merè talem combustionem cum summa resistentia : at verò ad actus videndi , tangendi &c. animal non se habet merè passuè , sed vitaliter concurrit ad illos ; sed actus , ad quos animal actiuè , & vitaliter concurrit , distinguuntur ab ijs , ad quos merè passuè se habet ; ergo actus sentiendi distinguuntur à titillationibus &c.

Tertio dico : non omnes sensationes esse tactiones , nec omnes sensus , esse tactus , vt docent Atomistæ , licet verè  
omnes

omnes sensus sint coniuncti cum sensu tactus ; e.g. oculus est coniunctus cum sensu tactus , quia oculus non solum videt colores , & lucem , sed etiam percipit , ac tangit pulveres , qui in oculos intrant , & alia , quæ nullo pacto videt , idemque dic de cæteris sensibus . Adhuc tamen aliud est , quod oculus videat , aliud quod tangat . Probatur , quia oculus videt lucem , & colores distantissimo s , e . g . videt lucem solis , ac stellarum , videt albedinem existentem in pariete &c ; sed profecto oculus non tangit lucem solis , ac stellarum , nec albedinem parietis distantis ; ergo videre non est tangere ; nec sensus visus est tactus . Idem proportionaliter dic de cæteris . Ex his habes magnam , & specificam differentiam inter visum , & tactum . Neque enim visus est tactus delicatissimus . Nam tactus etiam delicatissimus non potest tangere objecta distantissima , sed solum summè propinqua , quæ idcirco vocantur tangencia ; sed visus percipit objecta distantissima ; ergo visus non est tactus delicatissimus .

Quarto dico illuminationem non esse emissionem corpusculorum , licet ignis habeat vim emittendi quædam corpuscula , vt patet experientia in fumo , & scintillis . Addo etiam lucem non esse corpuscula tenuissima vellicantia oculos ,  
licet

cet verè cum videmus, detur aliqua vellicatio oculorum.

Probaturn; quia cum corpus emittit corpuscula per motum localem, illa corpuscula prius perueniunt ad locum propinquiorem, deinde ad distantiorem; sed lux simul peruenit ad locum propinquiorem, & ad locum longissimè distantem in eadem linea recta: cum enim mane sol oritur, statim radius protenditur per immensam lineam rectam, nec prius peruenit ad partem propinquam, quam ad distantissimam eius lineæ; ergo illuminatio non est emissio corpusculorum, & lux non consistit in corpusculis, sed est qualitas, quæ simul, ac semel propagatur per immensum spatium sine motu locali. Sequitur ex his lucem non consistere in corpusculis vellicantibus oculum, ut dicunt Atomistæ. Addidi tamen simul cum visione dari aliquem motum, & quasi vellicationem oculorum per dilationem, vel constrictionem pupillæ. Sed aliud est, quod non videamus sine aliqua vellicatione, aliud quod videre sit vellicari, & quod lux consistat in corpusculis vellicantibus. Primum est verum, alia duo sunt falsa.

Respondent Atomistæ lucem propagari per motum velocissimum, ideoque imperceptibilem, & insensibilem à nobis.

bis . Sed mirum est Philosophos , qui  
profitentur se in omnibus sequi sensum ,  
velle, vt negemus experientiam sensuum  
in re patentissima , quæ est proprium  
obiectum sensuum . Addit Aristoteles  
tolerabile fore, si dicerent nos non perci-  
pere motum aliquem , qui fieret raro  
in spatio paruo , & obscuro ; sed quis  
ferat dicentes nos non percipere motum  
lucis , quæ est summè visibilis , motum ,  
qui sit continue , non in paruo spatio :  
sed in tota aeris , ac cælorum immensi-  
tate . Aduertendum est tamen , quod li-  
cet lux non sit corpus , neque propage-  
tur vt corpuscula , alioquin prius perue-  
niret ad locum propinquum , quam ad  
distantem , adhuc lux in multis imitatur  
naturam corporum , præsertim in refle-  
xionibus , vt dicetur suo loco . Sed sicut  
ex eo, quod simia in multis sit similis ho-  
mini , non sequitur , quod sit homo , ita  
licet lux in multis propagetur vt corpus ,  
non sequitur, quod sit corpus , quia non  
propagatur vt corpus in præcipuo , ni-  
mirum in hoc , vt prius perueniat ad vnâ  
partem lineæ , quam ad aliam distantio-  
rem à luminoso .

Quinto dico calorem , & frigus non  
esse corpuscula , sed qualitates corporum ,  
& calefactionem non esse emissionem  
corpusculorum , sed productionem qua-  
litatis ,

litatis, licet ad calefaciendum valde iuuet corpusculorum emissio, atque intima coniunctio.

Probatur, quia sequitur, quod aquam fieri calidam formaliter non esset produci in aqua qualitatem aliquam caloris penetratam cum aqua, sed esset admisceri cum aqua plura corpuscula ignea, eo pacto, quo cum aqua coloratur admixto vino, non producitur in aqua vllus color, sed cum aqua admiscentur particulæ minimæ vini; sed hoc dici non potest; ergo &c: Probatur minor, quia cum illæ particulæ igneæ naturaliter ferantur sursum, sequitur, quod ex parte inferiore aquæ paulatim ascenderent ad partem superiorem, & sic pars inferior aquæ remaneret frigida, parte superiore adhuc calida, quod est contra experientiam, per quam videmus partes aquæ simul refrigerari. Fateor ad calefactionem valde concurrere istam admixtionem corpusculorum. Corpuscula enim calida admixta aquæ vndique illam calefaciunt.

Sexto dico: sententia negans vniuersim accidentia distincta à corpusculis habet cifficultatem in fide, & in Myfterio Eucharistiæ.

Probatur, nam est de fide in Eucharistia nil remanere substantiæ panis, & vini,



vini, remanere tamen species sensibiles; ergo species, quæ remanent, non sunt corpuscula: nam corpuscula sunt substantia. Scio aduersarios respondere remanere quædam corpuscula, quæ licet sint substantia, non tamen sunt substantia panis, & vini, sed merè constituunt illam externam apparentiam, quæ intelligitur nomine specierum sensibilibum. Sed videtur valdè difficile, quo pacto corpuscula, quæ constituunt apparentiam panis, & vini, nihil sint substantiæ panis, & vini. Substantia enim panis, & vini, per Aduersarios sunt corpuscula certò quodam modo vellicantia tactum, cum tanguntur, palatum dum comeduntur; sed hæc corpuscula remanent, & sunt substantia; ergo remanet aliquid substantiæ panis, & vini, quod est contra fidem, & contra Concilium Tridentinum.

Septimo dico: in animalibus præter dispositionem, & combinationem corpusculorum datur anima, quæ est forma substantialis distincta à tali cōbinatione.

Probatur primo, quia id, per quod leo est actu leo perfectissimum animal, est aliquid substantiale, & non est accidens: videtur enim manifestum, quod substantia leonis non est sola potentia, quæ potest esse leo, & non esse leo, sed multo magis

magis ad substantiam leonis spectat. actus, quo leo est actus leo perfectissimum animal; sed combinatio, ac dispositio localis corpusculorum non est aliquid substantiale, sed est merum accidens corpusculorum, eo pacto, quo in exercitu hoc quod est milites esse sic dispositos est merum accidens militum; ergo id, per quod leo est actus leo, est forma substantialis distincta combinatione corpusculorum. Adde, quod si dicant, combinationem corpusculorum esse formam substantialem, iam concedunt de nouo produci aliquam formam substantialem.

Secundo probatur, quia id, per quod corpuscula, quæ secundum se possunt esse viua, & non esse viua, esse sensitua, & non esse sensitua, constituuntur actus viua, & sensitua, non est sola combinatio corpusculorum, sed est aliquid multo nobilius combinatione; sed corpuscula, ex quibus constituitur leo, possunt esse viua, & non esse viua, possunt esse animal sensituum, & non esse animal sensituum; ergo anima, qua constituuntur viua, & sensitua, est aliquid multo perfectius combinatione corpusculorum. Dicere verò, quod corpuscula, constituentur viua, & sensitua per dispositionem localem, est simile, ac si quis diceret posse rem aliquam viuere, ac reddi

disensitiuam per figuram ; e.g. quod ferrum secundum se non viuum , nec sensitiuum possit conformari in talem figuram , vt per illam ipsam figuram constitueretur formaliter viuum , & sensitiuum , ita vt posset currere , saltare , & exercere omnes operationes equi .

Ratio à priori est , quia figura potest reddere formaliter figuratum , E.g. quadratum , aut rotundum ; at non potest figura reddere formaliter sapientem , vel cognoscentem , vel amantem , vel viuentem vita hominis , aut leonis &c. In casu nostro dispositio corpusculorum potest quidem corpuscula reddere sic , vel aliter disposita : at non potest illa reddere formaliter viuam , nec sensitiuam , nec appetitiuam , nec variæ dispositiones possunt reddere corpuscula viuam vita leonis , aut ursi , vel canis &c; ergo animæ , quæ res constituuntur viuentes , sensitiuæ &c. non est dispositio corpusculorum , nec variæ animæ sunt variæ dispositiones , sicut animæ non sunt figuræ , nec variæ animæ sunt figuræ , sicutque diuersi . Alioquin posset dici , quod scientiæ sint figuræ , & variæ scientiæ sint diuersæ figuræ , e.g. quod Logica sit figura triangularis , Physica sit figura rotunda .

Tertiò probatur , quia sicut est euidentius , quod lapides in domo sunt ita dispositi  
non

non ad hunc tantum finem, vt sint ita dispositi, sed vt possit in ipsis habitare aliquis, qui vtatur illis lapidibus sic dispositis, ita videnti in leone corpuscula esse ita disposita, vt forment ungues, dentes, oculos, aures &c. est euidentius quod non sint ita disposita solum, vt sint ita disposita, sed vt habitet in eo corpore anima, quæ corpusculis vtatur, & dominetur, e.g. vtatur oculis ad videndum, dentibus ad comedendum, auribus ad audiendum &c. Quod verò hæc anima sit sola corpuscula, vel eorum dispositio est sicut si diceretur, quod Dominus, & habitator palatij sint lapides, vel eorum dispositio.

Quartò probatur, quia quis credat corpuscula, quæ separata non possunt videre, non possunt audire non possunt appetere, non possunt moueri nisi deorsum, aut sursum, per hoc præcise, quod certo modo disponantur, eo ipso posse videre, audire, currere, saltare, pugnare, & exercere omnes operationes leonis, equi, vel canis? Quis non videat has operationes procedere ab anima habitante in corpusculis sic dispositis, & ipsis vtente, quæ anima sit forma multo perfectior dispositione locali corpusculorum.

Quintò demum probatur, quia ex modo

modo philosophandi istius sententiæ , disponitur intellectus ad dicendum non dari in homine aliam animam , quam dispositionem corpusculorum ; non dari in Mundo aliam causam , quam corpuscula disposita , atque adeo non dari Deum , & providentiam . Probatur sequela : nam si corpuscula possunt ita disponi , vt per solam dispositionem faciant mirabiles operationes , quas videmus in cane , vt videant , audiant , cognoscant Dominum , & illi obediant , cur non possunt ita disponi , vt faciant operationes intelligendi , quas experimur in homine ? cur dispositio omnium corpusculorum in Mundo non potest esse causa omnium operationum , quas in Mundo videmus , ita vt Deus vel non detur , vel nihil agat ? Hinc est , vt consequenter ad sua principia Democritus , Epicurus , Lucretius , & alij antiqui dixerint animam hominis esse dispositionem corpusculorum , adeoque mortalem , negarint diuinam providentiam , ac posuerint Deos otiosos , ac nihil agentes , hoc est simul asseruerint dari Deum , simul negarint . Si enim Deus nihil agit , ex nulla sua operatione cognoscitur , ergo cum non videatur immediate vnde inferitur illum esse . Ratio à priori est , quia si intellectus assuescat quosdam effectus tribuere causis improporionatis , dispo-

disponitur ad refundendos etiam alios effectus in causas improporcionatas; sed isti tribuunt operationes animalium, dispositioni corpusculorum, quæ dispositio est causa improporcionata; ergo disponuntur ad tribuendas tali dispositioni etiam operationes hominis; ergo licet sola diuina prouidentia sit causa proporcionata pulcherrimi ordinis, quem videmus in Mundo, disponuntur ad tribuendum talem ordinem casui, vel fato, vel corpusculis. Præterea eo ipso, quod sensui nimis adhærent, inclinantur ad omnia neganda, quæ sunt supra sensum, & ad ponendam felicitatem in solis delectationibus sensibilibus, vt consequenter ad sua principia posuit Epicurus.

Octauò dico: etiam in plantis datur forma, & anima plantæ distincta à corpusculis, & eorum dispositione.

Probatur primò ex operationibus generationis communibus animalibus, ac plantis. Pyrus enim generat pyrum, nux nucem, leo leonem; sed mera combinatio corpusculorum non habet virtutem generandi sibi, simile; nam domus non generat domum; ergo in plantis ultra corpuscula sic disposita, & ordinata datur forma plantæ, in qua inest vis generatiua sibi similis. Confirmatur, quia lapides dispositi in formam domus non habent



habent vim alios lapides disponendi, sed requiritur ædificator; ergo neque corpuscula sic disposita habent vim alia, corpuscula sic disponendi, sed requiritur natura, & forma, quæ habet hanc virtutem.

Eodem pacto probatur idem ex operibus nutritionis, atque augmentationis. Nam corpuscula sic disposita non habent vim intrinsecam trahendi similia corpuscula, & illa diuidendi, ita vt se augeant; neque enim lapides, & ligna disposita in formam domus habent vim trahendi alios lapides, & illos eodem pacto disponendi, ita vt domus proportionaliter crescat, dilatetur, & augeatur, sed ad domum augendam requiritur ædificator; sed planta parua terre inherens per radices trahit succum, & humorem, diuidit illum in partes minutissimas, eundem dispensat per omnes poros intromittens, & ex quibusdam particulis, ac corpusculis format corticem, ex alijs lignum, ex alijs medullam, ex alijs frondes, flores, & poma; ergo ultra corpuscula sic disposita datur forma, & anima plantæ habitans in corpusculis multo perfectior dispositione corpusculorum, habens vim diuidendi, trahendi, dispersiendi, ac faciendi omnes alias operationes. Hæc autem forma, & anima, ita se habet in

planta, sicut Paterfamilias in domo, qui præest omnibus domesticis, continet omnes in officio, & omnibus distribuit alimenta, vestes, & cætera necessaria, prout singulis conuenit, vt Aristoteles ait secundo de generatione animalium, cap. 4. non multum ante finem per hæc verba. *Perinde enim natura, atque paterfamilias prudens nihil omittere solet, ex quo facere aliquid commodi possit. Dispensatur enim in cura rei familiaris cibus, ita ut optimus detur liberis, deterior seruis, viliissimis socijs animalibus.* Pergit explicando, quod eodem modo natura ex syncerissimis partibus alimenti generat, nutrit, & auget partes nobiliores animalium, ac plantarum; ex alijs cæteras partes cum debita proportionem, ex excrementis vtilibus vngues, capillos &c. excrementa penitus inutilia eiicit.

Secundo probatur, quia illa dispositio corpusculorum conseruari non posset tam multis annis, nisi daretur forma dominans, ac continens talia corpuscula. E.g. in leone sunt multa corpuscula diuersæ naturæ, & inclinationum contrariarum; quid illa continet vnica tam multis annis? cur leone mortuo cessant omnes motus corpusculorum, omnes operationes nutritionis, &c. ac corpuscula veluti seditione civili, ac fuga quadam separantur

tur, ac dissoluuntur, ac leo, putrescit, nisi quia abijt forma, quæ corpusculis præerat, & illa continebat. Idem evenit proportionaliter in plantis, quibus exiccatis (exiccatio autem plantarum proportionaliter respondet morti animalium) decidunt frondes, flores, ac fructus; ergo præter corpuscula sic disposita datur anima, quæ sic illa distribuit, atque disponit, talem dispositionem conservat, & se habet in planta, vel animali, sicut paterfamilias in domo, vel Imperator in exercitu.

Nono dico: etiã in multis mixtis inanimatis ultra combinationem corpusculorum datur forma continens talia corpuscula proportionaliter respondens animæ plantarum, & animalium.

Probatur ex dictis: nam sicut in arbore præter corpuscula sic disposita datur forma arboris continens illa corpuscula, ac corpusculis vtens ad suas operationes, sic in metallis, auro, & argento præter corpuscula sic disposita dantur formæ auri, argenti &c. continentes corpuscula, ac illis vtentes ad suas operationes. Hæc verò mixta sunt perfecta, & maximè naturalia, cum habeant in se principium intrinsecū dispositionis corpusculorum. Non tamen nego dari alia mixta imperfecta, & minus naturalia.

in quibus non est principium intrinsecū dispositionis corpusculorum . Huiusmodi sunt res artificiales, e.g. domus, lectus, nauis &c: huiusmodi etiam sunt plura inartificialia, e.g. lutum compositum ex admixtione pulueris, & aquæ sine forma, postulante talem admixtionē; huiusmodi etiam sunt niues, grandines, glacies, & plura eiusdem generis .

Decimò dico; ignis noster non est prima materia, sed constat ex materia, & forma, & de nouo producit, nec potest saluari, quod solum erumpant, ac prodeant corpuscula ignea, quæ latebant .

Probat, quia si ignis non produceretur de nouo, quando puluis tormentarius incenditur à scintillula, & summo impetu eleuat molem ingentem, & granissimam, totus ille ignis latuisset in granis pulueris, eo pacto, quo farina latet in granis frumenti; sed hoc est impossibile; ergo ignis producit de nouo . Probo minorem: nam ille ignis habet tantam vim, & tantam inclinationem, ascendendi sursum, vt eleuet magnam molem; ergo multo magis eleuasset puluerem exiguum: similiter habet tantam vim se dilatandi, vt non possit impediri, ac coerceri à magnis ædificijs: ergo multo minus potuisset coerceri à granulis pulue-

pulueris . Neque dicas virtutem unitam esse fortiolem , ideoque ignem unitum eleuare molem superimpositam . Nam sicut se habet virtus dispersa ad resistentiam dispersam , ita se habet virtus unita ad resistentiam unitam : e.g. si decem homines dispersi non possunt vincere resistentiam aliorum decem dispersorum , quos separatim aggrediantur , neque decem homines uniti poterunt vincere eisdem decem unitos ; est autem ridiculum dicere , quod decem dispersi vincere nequeant decem dispersos , & quod iidem decem uniti possint vincere eosdem decem unitos non solum secum , sed etiam cum alijs decem millibus ; sed corpuscula ignea dispersa in granulis pulueris non possunt vincere resistentiam , & gravitatem granulorum dispersorum , & non possunt eleuare granula ; ergo est absurdum , quod eadem corpuscula unita possint vincere non solum resistentiam , & gravitatem unitam eorundem granulorum , sed etiam granula unita cum resistentia maximæ molis , cuius gravitas se habebit ad virtutem granulorum , & eorum gravitatem , sicut decem millia ad decem .

Dicunt aliqui ignem cum continetur in puluere habere cuspidem inuersam in partem inferiorem , atque adeo non

habere vim eleuatiuam sursum, ad quam requiritur, vt cuspis, seu pyramis ignea respiciat partem superiorem, basis respiciat centrum. Sed neque hæc responsio subsistit. Nam si cum puluis est in vno situ, cuspis respicit centrum, quando puluis inuertitur, & ponitur in situ contrario cuspis respiciet Cœlum; ergo tunc corpuscula ignea habebunt vim eleuandi puluerem. Sed quidquid dicant, est incredibile tantum ignem, quantum videmus pertumpere omnia repagula, nec posse detineri vlla vi, contentum fuisse cum summa quiete conclusum intra granula pulueris tormentarij.

Respondent etiam aliqui, quod tum ignis non producitur de nouo, sed corpuscula, quæ latebant, summè calefiunt, & quia euadunt summè calida, acquirunt summam vim se rarefaciendi, & sursum ascendendi, eleuando maximum pondus. Quare sicut cum aqua congelatur, non fit productio substantialis aquæ, sed aqua quæ erat, summè frigescit; ita cum puluis incenditur, non fit vlla productio substantialis, sed corpuscula, quæ erant, summè calefiunt.

Sed primo ista responsio iam concedit, quod cum puluis ignescit, non solum educuntur corpuscula, quæ latebant, sed etiâ summè calefiunt per qualitatem caloris  
de



de nouo productam , quæ sit forma distincta à corpusculis , & eorum dispositione .

Secundo admitto , quod sicut glacie non est sola substantia aquæ , sed est substantia aquæ cum accidente maximi frigoris congelantis , sic noster ignis non sit sola substantia quarti elemēti , sed sit illa substantia quarti elemēti cū accidente summi caloris . Docet enim id expressè Aristoteles 1. meteor. tex. 14. dicens *Ignis caloris est excessus , & veluti feruor .* S. Th. in Comment. *Ignis enim significat excessum calidi , & est quasi feruor , & accensio quadam , sicut non est glacies elementum , sed quidam excessus frigoris ad aquam congelatam .* Adhuc tamen dico , quod quando puluis ignescit , in illa materia non solum producit feruor , seu caloris excessus , sed etiam producit formam substantialis ignis .

Probatur , quia ille puluis momento temporis ignescit , & perducitur ad summum calorem , ad summam vim se rarefaciendi , & sursum ascendendi , eleuando , & disrumpendo omnia repagula ; sed si non mutaretur substantialiter , non posset momento temporis perducī ad summum calorem , ad summam vim se rarefaciendi , & ascendendi ; ergo mutatur substantialiter . Probo minorem : nam faci-

lius, & citius passum perducitur ad mediocrem calorem ab agente mediocriter calido, quam ad calorem summum ab agente summè calido; & eodem pacto facilius, & citius perducitur ad mediocrem, quam ad summam raritatem; e.g. facilius, ac citius aqua frigida ab agente tepido sit tepida, quam ab agente calidissimo fiat calidissima; facilius, ac citius aer per vim mediocrem mediocriter rarefit, ac condensatur, quam summè rarefiat, ac condensetur per vim magnam; sed pulvis tormentarius ab agente non calidissimo difficillimè perducitur ad calorem non summum, & ad aliqualem raritatem, e.g. si aliquis tangat pulverem ligno valde calido, sed non ignito, difficile, & tardè perducet pulverem ad calorem illius ligni, & peritalem calorem nihil, aut parum rarefaciet illum pulverem: è conuerso à minima scintillula momento temporis totus pulvis perducitur ad summum calorem, & summam vim ascendendi sursum; ergo signum est manifestum, quod scintilla non solum calefacit pulverem, sed transmutat pulverem in ignem; pulvis verò transmutatus momento temporis per naturam, & formam ignis producit in se summam lucem, summum calorem.

Hinc primo colligitur corpuscula  
igneae

igneæ non esse materiam primam. Patet nam sunt generabilia de nouo, vt probatum est; ergo non sunt materia prima, quæ est ingenerabilis, sed constant ex forma ignis, & materia ignibili; quæ per talem formam constituitur actus ignis.

Secundo infertur nulla corpora, vel corpuscula ignibilia esse materiam primam. Probatur, nam omnia hæc sunt corruptibilia: nam cum transmutantur in ignem, corrumpuntur; sed corruptibilia non sunt materia prima, quæ est incorruptibilis, sed constant ex materia & forma; ergo corpora, vel corpuscula ignibilia, non sunt materia prima, sed consistunt ex alia materia priori; & quia pleraque corpora, & corpuscula sunt conuertibilia in ignem, vt patet experientia, qua videmus ignem omnia conuertere in ignem, ideo hac vnica ratione probatur de plerisque corporibus, ac corpusculis non esse materiam primam, sed constare ex materia, & forma.

Vndecimo dico: nulla corpora, vel corpuscula saltem inferiora, (nam de cælestibus non loquor) sunt materia prima, sed omnia constant ex materia & forma.

Probatur, nam omnia corpora, & corpuscula inferiora sunt corruptibilia;

ed materia prima est incorruptibilis ;  
 ergo nulla corpora , vel corpuscula in-  
 feriora sunt materia prima . Probat  
 maior, nam omnia corpora, & corpuscu-  
 la inferiora sunt calefactibilia , ac fri-  
 gēfactibilia contra inclinationem suę na-  
 turæ: e.g. aqua cum naturaliter sit frigi-  
 da, potest calefieri , atque idem dic de  
 ceteris ; sed quæ sunt calefactibilia , ac  
 frigēfactibilia contra inclinationem suę  
 naturę sunt corruptibilia; ergo &c. Pro-  
 batur minor : nam calefieri , vel frigēfie-  
 ri contra inclinationem suę naturæ est  
 moueri ad non esse , & ad corruptio-  
 nem , vt patet in animalibus , ac plan-  
 tis ; animal enim per calorem febrilem ,  
 vel per frigus febrile mouetur, ac di-  
 sponitur ad mortem; plantę etiam per  
 hoc , quod nimis calefiant , aut frigēfiant  
 mouentur, ac disponuntur ad exiccatio-  
 nem , quæ est quasi mors plantarum, ideo-  
 que calor , & frigus , humiditas , & sic-  
 citas vocantur qualitates corruptiuę ,  
 quia disponunt ad generationem , &  
 corruptionem rerum : è conuerso lux  
 dicitur qualitas merè perfectiua , quia  
 subiectum perficit, & non disponit im-  
 mediatè ad corruptionem, vel generatio-  
 nem rei ; sed quę possunt moueri ad non  
 esse possunt peruenire ad non esse , atque  
 adeò possunt corrumpi ; quod enim po-  
 test



test moueri ad aliquem terminum , potest ad illum peruenire ; ergo omnia corpora inferiora , ac nominatim 4. elementa sunt corruptibilia , atque adeo non sunt prima materia incorruptibilis , se constant ex materia , & forma . Si verò corpora cælestia sunt incorruptibilia sunt etiam incapacia calefactionis , ac frige-  
factionis , ac solum possunt illuminari & moueri localiter , cum motus localis sit motus perfectius , non corruptius , lux sit qualitas perfectiua , & non corruptiua . Confirmatur , quia sicut ex eo , quod febris , ac morbi sint dispositiones , ac motus ad mortem , bene arguimus , hoc animal capax est febris , ac morbi ; ergo capax est mortis ; sic ex eo , quod videmus calefactiones , ac frige-  
factiones violentas esse veluti febres , ac morbos rerum , benè arguimus ; omnia corpora , & corpuscula inferiora sunt capacia frige-  
factionis , ac violentę calefactionis ; ergo sunt capacia corruptionis .

Ad argumenta contraria patet ex dictis . Ad 1. Eodem pacto sunt effectus naturales à natura , quo sunt effectus artificiales ab arte , quo ad multa , non quo ad omnia . Ars enim imitatur naturam , vt discipula magistram , sed non assequitur , ideoque effectus artificiales non sunt ita perfecti , sicut effectus naturales . Ars

D 6

enim

enim facit effectus per corpora, vel corpuscula certo modo disposita: etiam natura facit suos effectus per corpora, & corpuscula certo modo disposita; facit enim leonem certo modo disponendo membra, & partes membrorum, quæ partes parvæ sunt quædam corpuscula: nam partes carnis sunt corpuscula carnea, partes ossis sunt corpuscula ossea, partes sanguinis sunt guttæ sanguineæ. Sed in hoc ars deficit à natura, quod ars ita facit suos effectus corpuscula disponendo, ut ponat solam dispositionem corpusculorum: at natura ultra dispositionem corpusculorum ponit formam substantialem, ac naturam; hoc est intrinsecam vim conservandi talem dispositionem, augendi se cum eadem dispositione, & alia corpuscula similiter disponendi, ut explicatum est.

Ad 2. Quæst. secunda in solutione primi argumenti explicatum est principium illud: debemus sensum sequi.

Ad 3. In prima conclusione huius quæstionis ostensum est principium, illud, ex nihilo nihil fit, non melius saluari in sententia Atomistarum, quam in opinione Aristotelis.

Ad 4. Iam est ostensum in opinione Atomistarum plurima non posse salvari. Indicium verò veritatis invenire est cum



cum omnia congruunt: cum verò muta non congruunt, indicium est falsitatis.

Ad vltimum de harmonia. Pythagora manifestum est Pythagoram vltra dispositionem corpusculorum posuisse formas. Dixit enim animas, & formas easdem numero ex vno corpore transmigrare in aliud, cum profecto dispositio corpusculorum transmigrare nequeat ex vno corpore in aliud. Posuit ergo formarum esse numeros & consonantias, hoc est corpuscula ita disposita, vt habeant proportionem harmonicam numerorum sed addidit praterea dari animam, & alias formas substantiales, quæ consonantiam corpusculorum causet, ac conseruet, eo pacto, quo Præfectus musica causat, ordinat, ac conseruat consonantiam musicalem. Quando verò anima moritur, vel planta exiccatur, abeunte anima, quæ causabat consonantiam, perit corpusculorum harmonia, & consonantia.

Quod corpuscula in animalibus, a plantis sint disposita mirabili quadam proportionem, & quasi consonantia, cui præsidet anima, est manifestum: etiam clarum quod morbi consistunt in perturbatione talis consonantiæ, & quod talis perturbatio causat mortem. Vtrum verò

verò proportio corpusculorum sit propriè harmonica, an alterius rationis, potest dubitari. Sed videtur figmentum, quod propriè sit harmonica; quare videtur esse alterius rationis, & harmonica solum metaphoricè. Certum est etiam omnia entia Mundi disposita esse à Deo in numero, pondere, & mensura, mirabili quadam proportionem, & consonantia; cui consonantiæ corporum, & motuum præest primus motor, hoc est Deus, sicut Præfectus Musicæ præest consonantiæ musicali; sed hæc consonantia non est propriè harmonica, sed alterius rationis, merè intelligibilis, & multò præstantior harmonica, quam non percipit sensus, sed solus intellectus contemplanus pulcherrimum ordinem, ac proportionem omnium rerum à nullo

perturbatam, nisi à peccato,

quod tamen Deus corri-

gens, vel puniens,

reducit res ad

aliam

harmoniam, & con-

sonantiam al-

terius ge-

neris,



*Vtrum*

*Vtrum materia prima sit primum  
subiectum, quod potest fieri,  
& esse quodlibet corpus.  
Quaestio V.*

**V**idetur quod nō 1. quia si materia prima posset fieri, & esse omnia corpora, omnia corpora possent inuicē transmutari; sed nō omnia corpora possunt inuicem trāsmutari: adamas enim nō potest transmutari in Muscam, neque Musca in adamantem, nisi concedamus possibilitatē fabulosarum metamorphoson; ergo materia prima nō est primum subiectum, quod possit esse, ac fieri omnia corpora.

2. Si materia esset subiectum, quod posset esse, ac fieri omnia corpora, materia omnium rerum sublunarium esset eiusdem rationis, atque adeò materia aquę, & materia ignis esset eiusdem rationis: nam materia aquę est primum subiectum, quod potest esse aqua, ignis, & quodcunque corpus, materia ignis est subiectum, quod potest esse aqua ignis & quodlibet corpus; videtur autem absurdum, quod materia rerum contrariarum sit eiusdem rationis; ergo &c.

Re-

Respondeo cum Aristotele materiam primam esse primum subiectum, quod potest fieri, ac constitui in qualibet specie corporis. Sicut enim cera e.g. est subiectum, quod potest figurari quacunque figura, ideoque potest fieri, & esse quodlibet figuratum cuiuscunque speciei; potest enim fieri, & esse rotunda, quadrata, tringularis &c: sic materia prima est primum subiectum, quod potest formari formis omnium corporum sublunarium, & sic potest constitui in specie cuiuscunque corporis sublunaris: potest enim formari forma ignis, & constitui in specie ignis, forma cineris, & constitui cinis &c. Patet id manifestè ex transmutatione. Lignum potest transmutari in ignem; ergo subiectum, quod formabatur forma ligni, potest formari forma ignis, & constitui ignis; eo pacto, quo quia cera quadrata potest transfigurari in rotundam, illa cera, quæ figurabatur figura quadrata, potest figurari figura rotunda. Ignis potest transmutari in cinerem; ergo idem subiectum potest formari forma cineris, & constitui cinis. Ex cinere in agris sparso, ac terram facundante potest fieri, & augeri frumentum &c: ergo idem subiectum potest formari forma frumenti, & panis. Panis, si comedatur ab homine, transmutatur

mutatur in carnem animatam anima rationali ; ergo potest idem subiectum formari forma carnis , & animari anima rationali : & sic de alijs . Pater igitur primam materiam , ac primum subiectum cuiuscumque rei sublunaris posse formari formis cuiuscumque corporis sublunaris , ac constitui in omnibus speciebus corporis : & quia corpora possunt formari omnibus qualitatibus , quantitatibus , & accidentibus cuiuscumque prædicamenti ; possunt enim signari quacunque figura , colorari quocumque colore calefieri , frigesieri &c. , ideò materia prima potest etiam formari formis cuiuscumque prædicamenti , ac constitui quodlibet quantum &c. Ideò hanc primam materiam præsci illi Poetæ , ac Theologi adumbrarunt per Proteum illum , qui posset in omnia conuerti :

*Ignemque, horribilemque feram, flauium  
que liquentem .*

Ex conclusione posita fit manifestum quod cum materia prima possit consistere in specie cuiusque corporis , secundum se non est in vlla determinata specie corporis , neque est actu corpus , sed solum potentia . Sicut enim figurabile omnibus figuris secundum se non est figuratum vlla figura , & secundum se non est figuratum actu , sed solum potentia .

idem-

idemque dic de reliquis ; sic subiectum , quod est formabile formis omnium corporum , secundum se non est formatum , forma ullius corporis , imo non est corpus actu , sed potentia , & constituitur corpus actu per formam corporis , e.g. per formam ignis constituitur actu ignis &c.

Hanc essentiam materiæ primæ consistentem in hoc , ut sit primum subiectum modo explicato , adumbravit Plato in Timeo , & clarè expressit Aristoteles primo met. tex. 8. per hæc verba . *Dico autem materiam , quod neque est quid , neque quantum , neque aliquid aliud quippiam dicitur , quibus ens determinatur ; est autem quippiam , de quo horum singula prædicantur .* Sensus est , materia est primum subiectum , quod per se non est quid , hoc est non est actu substantia ullius determinatæ speciei , cum secundum se neque sit ignis , neque aqua , neque homo , neque leo , sed potest per formam constitui in specie cuiuscunque substantiæ corporeæ sublunaris ; per formam enim ignis potest constitui in specie ignis &c. Similiter secundum se non est quantum , cum neque sit palmaris , neque bipalmaris , sed potest per quantitatem palmarem constitui palmaris , per bipalmarem bipalmaris . Rursus secundum se non est quale ,



quale , cum neque sit alba , neque nigra per seipsam , sed potest per albedinem constitui alba , per nigredinem nigra , &c.

Ad 1. Concedo sequelam . Verum est enim omnia corpora posse inuicem transmutari . Non tamen omnia possunt transmutari inuicem immediatè , & proximè , sed quædam possunt inuicem transmutari solum mediatè , & remotè . Sicut enim ex quocunque loco potest iri ad quemcumque alium locum , e.g. ex Italia potest transiri in Germaniam , Poloniam &c. non tamen immediatè ex Italia possumus ire in Poloniam , sed mediatè prius transeundo per Germaniam , & sic de alijs ; ita ex quocunque corpore potest fieri transmutatio , ac transitus in quodcumque aliud corpus , non tamen immediatè , sed via debita , ac naturali , & transeundo per corpora media . Ex . g. Musca potest transmutari in pullum , sed mediatè , & via debita . Est autem via huius transmutationis , vt Musca comedatur à gallina , & ex ea fiat ouum , & ex ouo nascatur pullus ; & procedendo etiam via debita Musca transmutari potest in oculum hominis , si pullus comedatur ab homine , & ex eo nutriatur , ac crescat oculus , & animetur anima rationali . Eodem pacto mediatè , & via debi-

debita potest adamas transmutari in muscam, & musca in adamantem. Sicut igitur loca sunt ita connexa, ut possit ex vno loco transiri in quemcumque alium, sed ad quædam loca mediâtè, & ad alia immediâtè, ad quædam propinquiora breviori via, & transeundo per pauciora loca intermedia, ad alia per viam longiorem, & transeundo per plura loca intermedia; sic omnia corpora sublunaria sunt ita connexa, ut ex vno corpore possit fieri transitus, ac transmutatio ad quodlibet aliud, sed ad quædam immediâtè, eo pacto, quo pulvis tormentarius immediâtè, & momento temporis transmutatur in ignem, ad alia mediâtè, eo pacto, quo Musca transmutatur in pullum. Corpora, ex quibus immediâtè fit transitus in alia corpora, sunt materia proximè privata respectu talium corporum: corpora, ex quibus fit transitus solum mediâtè, sunt materia privata solum remotè. Rursus sicut dantur quidam motus locales, per quos mobile ex vno loco transit in alium, sed non datur immediatus regressus in locum priorem eadem via, sed diversa, & per quemdam circuitum; e.g. Sol ex oriente procedit ad meridiem, sed non potest naturaliter ex meridie eadem via redire ad orientem, sed debet longiori circuitu

tu pergere ad occidentem, tum ad punctum medię noctis, & sic redire ad orientem; ita dantur plura corpora, quorum vnum transmutari potest in aliud, sed hoc aliud non potest eadem via transmutari in primum, sed diuersa via, & longiore circuitu. E.g. vinum transmutari potest in acetum, at acetum non potest eadem via transmutari in vinum, sed vt redeat ad esse vini, sparsum interram ad vitę irrigandā, trahi debet à vite, & transmutari in succum vitis, deinde in uiam, in mustum, ac demum in vinum. Similiter caro potest transmutari in vermem, sed vermis non potest eadem via, sed solum post longum circuitum redire ad esse carnis. Ideo est axioma Aristotelicum, quod à priuatione, & corruptione non datur regressus ad habitum, nisi longo circuitu: e.g. viuus potest mori, & corrumpi, ac priuari vita; tamen vt materia cadaueris rursus animetur anima rationali, magnus requiritur circuitus. Imò hæc lex etiam in rebus supernaturalibus regulariter seruatur. Boni enim satis facile contumpuntur à malis, sed fortasse non minori difficultate redeunt ad bonitatem amissam, quam acetum redeat ad esse vini. Idololatrę facile conuertuntur ad fidem Christianam; at Mahometani, & Hæretici, quorum sectę

ortæ

ortæ sunt ex corruptione fidei Christianæ, atque Catholicæ, difficillimè reuocantur ad Christianam, atque catholicam idem.

Ad 2. Concedo sequelam, quod materia omnium rerum sublunarium sit eiusdem speciei, vel quasi speciei. Ideo omnia corpora sublunaria, & corruptibilia sunt in eodem genere physico, quia habent materiam eiusdem rationis. Non solum autem non est absurdum, ut materia rerum contrariarum sit eiusdem rationis, sed est omnino necessarium. Contraria enim sunt, quæ se mutuo expellunt ab eodem subiecto; ergo habent idem subiectum, & inter se pugnant, ut à tali subiecto se mutuo expellant. Contraria etiam dicuntur, quæ maximè distant in eodem genere; sed in eodem genere sunt, quæ habent subiectum commune; ergo contraria debent habere subiectum commune: & quia inter ea, quæ habent subiectum commune, forma, & priuatio maxime distant, ideo forma, & priuatio sunt prima contraria, ad quæ reducuntur omnes contrarietates.

*Vtrum*

*Vtrum essentia materiae, & aliarum creaturarum distinguatur ab existentia.*

*Quaestio VI.*

**V**idetur vera esse Sententia Henrici, quodlibeto primo, quaest. 9. Durandi in primo, dist. 8. quaest. 62. quos referunt, ac sequuntur Suarius disp. 31. met. sect. 2. Valquez in 3. parte disp. 72. cap. 2. Vitadus, Arriaga, Ouiedus, & alij, quod essentia etiam in creaturis nō distinguatur ab existentia à parte rei, sed solum ratione, & per intellectum, imo quod, vt indicarunt Aureolus, & quidam alij antiqui, & vt expresse docuere Vitadus disp. 1. Met. sect. 3. Arriaga disp. 2. met. sect. 4. Ouiedus controu. 2. met. puncto 3. alijque recentiores, neque distinguantur ratione, & per intellectum: 1. quia si essentia creaturarū distingueretur ab earum existentia, maximè quia cum creaturae possint existere, & non existere, aliud debet esse id, quod potest existere, & non existere, & hoc est essentia creaturæ, aliud ipsum existere, & hoc est ipsarum existentia, sed ista ratio non valet: sequitur enim, quod

quod in ipsa existentia dari deberet alia essentia distincta ab existentia : nam ipsa existentia hominis est contingens , atque adco potest existere , & non existere ; ergo debet constitui existens actu , non per seipsam , sed per aliam actualem existentiam , de qua redit difficultas , & proceditur in infinitum ; ergo essentia non distinguitur ab existentia .

2. Nec valet etiam illa altera ratio , quod prædicata essentialia cum conveniant rebus necessario , & ab æterno , prædicata existentialia conveniant solum contingenter , & in tempore , debent proinde distingui . Nam vt dictum est in Logica , prædicata necessaria , cuiusmodi sunt hominem esse animal rationale , &c. competunt rebus per denominationem extrinsecam ab æterna , & increata necessitate , quæ datur ad hoc , vt homo , quandocumque est , sit animal rationale ; quæ necessitas est idem cum Deo ; ergo non probatur dari ullam essentiam intrinsecam homini distinctam ab eius existentia , per quam verificentur propositiones necessarie , & æternæ veritatis .

3. Essentia intrinseca hominis non potest esse sine existentia , & existentia non potest esse sine essentia , nec una potest auferri sine altera ; ergo cum  
sint

sint mutuò inseparabiles non distinguuntur .

4. *Existencia est id, per quod res distinguitur à nihilo; sed omne positivum quod est in homine, vel quacunque creatura, per seipsum distinguitur à nihilo, & per se ipsum est ens, alioquin per se ipsum esset nihil; ergo omne positivum, quod est in homine, & in qualibet creatura, est existencia, atque adeo non datur in creaturis essentia distincta ab existencia, non solum à parte rei, sed neque per intellectum. Sicut enim omne quod est in creatura per seipsum, concipitur esse ens, & distinctum à nihilo, ita per seipsum concipitur esse quædam existencia.*

5. *Si essentia distingueretur ab existentia, res existens componeretur actualiter ex essentia, & existentia; sed non potest res existens actualiter componi ex essentia, atque existentia; ergo essentia non distinguitur ab existentia. Probatur minor, quia nullum totum componi potest ex partibus, quarum una constituitur intrinsicè per aliam, e.g. si palmus componitur ex duobus semipalmis, unus semipalmus non constituitur per alium semipalmum, alioquin semipalmus, qui est pars, includeret constitutivè aliam partem, & sic esset simul pars, & totum,*



pars ex suppositione, totum quia includeret aliam semipartem; sed essentia ut componat debet esse essentia actu existēs, & sic debet includere constitutiue ipsam existentiam; ergo non potest res existens componi ex essentia, & existentia.

6. Si existentia substantie, e.g. hominis distingueretur ab ipso homine, vel esset accidens hominis, vel esset actus substantialis, & pars substantiae humanae; non potest esse accidens alioquin substantia actu existens ut actu existens includeret accidens, & sic non esset ens per se; neque potest esse actus substantialis, quia quod potest conuenire, & non conuenire subiecto est accidēs talis subiecti; sed homo potest exillere, & non existere, atque adeo existentia potest homini conuenire, & non conuenire; ergo existentia est accidens hominis, & cuiuscunque substantiae. Adde, quod Aristoteles 2. post t. 7. docuit, quod esse, seu existere, non est substantia rei; ergo per Aristotelem est accidens. S. Hilarius lib. 6. de Trinitate asseruit, quod esse in Deo non est accidens, sicut in omni ente creato; ergo supponit quod esse entis creati non sit substantia, sed accidens.

7 Existentia est per quam res est extrinseca causis; sed essentia intrinseca hominis

nis

nis, & aliarum rerum per seipsam est extra causas, in causis verò est solum per denominationem extrinsecam à causis potentibus rem producere; ergo essentia hominis, & aliarum rerum per seipsam est existentia.

8. Quando duo distinguuntur à parte rei, non sunt talia, vt alterum altero ablato per id ipsum formaliter remaneat nihil; sed essentia hominis, & cuiuscunque creaturæ per ipsam ablationem existentia remanet formalissimè nihil, cum remaneat non existens; ergo essentia hominis, & cuiuscunque creaturæ à parte rei non distinguitur ab existentia.

9. Si existentia distingueretur à parte rei ab essentia, vel distingueretur distinctione reali strictè, vel modali, vel formali ex natura rei; nulla ex his distinctionibus potest distinguere; ergo nō distinguitur à parte rei, sed solū per intellectū.

10. Etiam in Angelis essentia, seu id, quod est, ac potest esse, & non esse, distingueretur ab esse; sed in Angelis non potest distinguere, alioquin daretur in ipsis compositio ex potentia existendi, & actu existendi, hoc est materia, & forma, potentia enim est materia, actus est forma; ergo, id quod est, non distinguitur ab esse.

Respondeo in omnibus creaturis essentiam, & existentiam distinguere à parte rei, ita ut id, quod est, siue existit simpliciter *ut quod*, distinguatur ab existentia, seu esse actuali, quod est, siue existit *ut quo*, & ita ut potentia essendi, creaturis intrinseca, in qua consistit intrinseca earum essentia, distinguatur ab ipso actu essendi, in quo consistit existentia. Sicut enim in creaturis aliud est id, quod mouetur, aliud est moueri, aliud est quod videt, audit, intelligit, amat &c. aliud est videre, audire, intelligere &c. & vniuersim actus distinguuntur ab ijs, quæ habent tales actus; ita id, quod est, seu habet actum essendi, distinguitur ab ipsa existentia, siue actu essendi. E conuerso sicut in Deo id quod est, est ipsum suum esse, ita id, quod intelligit, est ipsum intelligere, id quod vult, est ipsum velle, ita ut nullus omnino actus sit aliud ab eo, cuius est actus.

Hanc sententiam satis clarè, & pene iisdem verbis docuit Aristoteles 2. Post. tex. 7. dicens; *esse verò nullius est ut patet substantia, seu græcè essentia*, & essentiam significari eo loco patet ex contextu. 3. etiam de Anima secundum interpretationem Themistij idem expressit per ea verba, *aliud est magnitudo, & magnitudinis esse, & aqua, & aque esse; vniuersim verò*

verò Aristotelicæ doctrinæ valdè consonat; quod in entibus necessarijs essentia sit necessariò esse, in contingentibus essentia sit posse esse, ac non esse; actus verò essendi sit distinctus ab essentia; seu potentia intrinseca essendi, & non essendi.

Eandem opinionem ab Aristotele hauserunt insigniores peripathetici, ac præsertim S. Th. de ente, & essentia, cap. 5. & 2. contra gentes cap. 52., qui etiam prima parte totam doctrinam de infinitate, & perfectionibus Dei, de limitatione, atque imperfectionibus creaturarum fundat in hoc, quod Deus sit suum esse, secus creaturæ. Scotus etiam in 3. dist. 6. quæst. 1. admittit, quod esse actualis existentia distinguatur ab esse essentiæ; ideoque refertur à Caiet. de ente, & essentia quæst. 11. vt auctor sententiæ ponentis inter essentiam, & existentiam distinctionem formalem ex natura rei. Ex nostris eandem sententiam docuerunt Fonseca 4. Met. cap. 2. quæst. 4. Conimbricenses primo Physicæ, cap. 9. quæst. 6. art. 2. Ratione probatur 1. ex inductione vniuersalissima iam indicata. Creaturæ enim eodem pacto sunt in actu essendi, quo sunt in actu currendi, sedendi, videndi, intelligendi, & in cæteris omnibus actibus; sed sunt in actu currendi per hoc

quod habeant cursum distinctum ab eo, quod currit, sunt in actu intelligendi per hoc, quod habeant intellectionem distinctam ab eo, quod intelligit &c; ergo etiam sunt in actu essendi per hoc quod habeant esse distinctum ab eo, quod est: ceteri enim actus manifestant, qualis sit actus essendi, qui est primus actus, in quo fundantur ceteri.

Confirmatur, quia si quis sincerè reflectat supra seipsum, aduertit, quod, sicut ipse intelligit non per hoc, quod sit intelligere, seu actus intelligendi, sed per hoc, quod habeat intelligere, seu actum intelligendi, sedet non per hoc quod sit sessio, sed per hoc, quod habeat actum sedendi; ita est non per hoc, quod sit esse, sed per hoc quod habeat esse; sed est absurdum, quod ens habeat id, quod est; e.g. dicitur absurdè quod homo habeat animal rationale; ergo creaturæ non sunt suum esse, sed habent esse distinctum à se. Et sanè si ego sum meum esse, cur est adeò innaturalis hæc propositio, *ego sum esse*, hæc verò alia, *ego habeo esse*, est summe naturalis.

Secundo probatur insistendo eidem inductioni, quia quod potest habere, ac non habere aliquem actum non est talis actus, e.g. quod potest sedere, & non sede-

sedere, uon est actus sedendi; sed omni creatura potest esse, & non esse, atque adeò potest habere, vel non habere actum essendi; ergo nulla creatura est suum esse, vel est actus essendi, sed ab actu essendi distinguitur; parte rei.

Tertio probatur, quia certum est impossibile esse, ac non esse. Hoc posito, vel posse esse, ac non esse est ipsum actu esse & hoc est sicut si diceretur, quod posse moueri, & non moueri, est ipsum actu moueri, ac videtur per se notum, quod sicut necessariò esse est ipsum esse, ita posse esse, & non esse, non est ipsum esse actu, sed est potentia essendi, ac non essendi. Posito quod posse esse, & non esse non sit ipsum esse, vel est solum aliquid extrinsecum mihi, nimirum ipsi meae possibilitas aeterna identificata cum Deo; & contra est, quia hoc est, sicut si diceretur, quod posse moueri, & non moueri, videre, & non videre, non est aliquid intrinsecum mihi, sed merè extrinsecum. Et confirmatur, quia nullus actus videtur magis esse intrinsecus, & intimus potentiae correspondenti, quam actus essendi. Si enim motus est actus intrinsecus mobilis, hoc est alicuius potèti moueri, & non moueri; si sessio est actu intrinsecus sedentis, multo magis esse

est actus intrinsecus entis ; ergo sicut in mobili datur intrinseca potentia, vt moueatur, aut non moueatur, ita in ente datur intrinseca potentia, vt possit esse, & non esse. Confirmatur, quia videtur ex se constare, quod in me posse esse, ac non esse non est ipsum actu esse, & quod posse esse, ac non esse est intrinsecum mihi, non minus, quam posse moueri, & non moueri est intrinsecum illi quod mouetur.

Quarto probatur, quia ex limitatione, & imperfectione creaturae oritur, quod non identificetur cum alijs actibus, e.g. ex limitatione intelligentis creati oritur, quod non sit suum intelligere, sed solum sit id, quod potest intelligere ; sed actus essendi est primus, ac praestantissimus actus, in quo omnes fundantur, ideoque Deus dum dixit : *ego sum, qui sum*, explicauit solum actum essendi ; ergo multo magis orietur ex limitatione creaturae, vt non sit actus essendi, sed solum sit id, quod potest habere actum essendi.

Quinto probatur, quia creaturae debent vndique differre à modo essendi diuino in ratione causati, & incausati ; sed modus essendi diuinus consistit in hoc, vt Deus sit ens à se, in se, per se, & propter se, hoc est vndique incausatum in quocunque



cunque genere est à se, quia non accipit esse ab vlla causa efficiente; est in se, quia esse Dei non recipitur in vlllo subiecto, vel potentia; est per se, quia non est per esse distinctum; est propter se, quia non est propter finem diuersum, sed ipse est finis omnium; ergo creature debent habere esse vndique causatum in quocunque genere causæ, atque adeo debent habere esse ab alio, hoc est à causa efficiente, in alio, hoc est esse receptum in subiecto, seu in eo, quod habet esse; per aliud, quia non sunt suum esse, sed habent esse distinctum, per quod sunt; & propter aliud, quia sunt propter Deum, tanquam propter vltimum finem.

Hinc explicatur, quo sensu Deus sit ens per essentiam, creaturæ sint entia per participationem. Sicut enim ignis est ignis per essentiam; quia non participat ignem; nec habet ignem in se, sed est ignis; ferrum verò ignitum non est ignis per essentiam, sed solum per participationem, quia non est ignis, sed habet ignem sibi intimè vnitum, atque adeo potius est ignitum, quam sit ignis; sic Deus est ens per essentiam, quia non habet esse, sed est ipsum esse; creature sunt entia per participationem, quia non sunt esse, sed habent esse, ac proinde.

comparatæ cum Deo simpliciter . non ita sunt , quam habent , ac participant esse : Deus solus simpliciter est , quia est ipsum esse , ideoque vocatur : *Qui est* , ac dicit , *ego sum* ; *qui sum* ; Sicut verò creaturæ sunt entia per participationem , & non per essentiam , ita sunt bonæ solum per participationem , & non per essentiam , viuentes , sanctæ , sapientes beatæ per participationem , & non per essentiam , cum solus Deus sit hæc omnia per essentiam . Deus enim ita est bonus , ut sit ipsa bonitas , non ut habeat , ac participet bonitatem , ita est viuens , ut sit ipsa sapientia &c. At creaturæ ita sunt bonæ , ut non sint bonitas , sed habeant bonitatem , ita sunt sanctæ , ut non sint sanctitas , sed habeant sanctitatem , ideoque sunt hæc omnia per solam participationem . Similiter Deus est ens , & actus purus ; quia ita est ens , ut sit ipsum esse , & ipse actus essendi , & quilibet alius actus ; creaturæ sunt entia composita , quia ita sunt ens , ut habeant esse , quod non sunt , atque adeo componantur ex esse , & eo quod est , ex bonitate , & ex eo , quod est bonum , ut iam est dictum .

Sextò demum probatur , quia esse , quod non est receptum in alio , sed est in se subsistens , est infinitum ; sed si substantiæ

stantiæ creatæ essent suum esse, ipsarum esse non esset receptum in alio: neque enim recipitur in eo, quod est, cum hoc non distinguatur ab esse; ergo substantiæ creatæ essent infinite, & illimitatæ. Minor est manifesta, probatur maior nam esse, quod non est acceptum ab alio sed est à se, est infinitum, & omninò illimitatum, nec est alia ratio cur diuinum esse sit infinitum, & illimitatum, nisi quia est à se, & non est acceptum ab vlla causa; sed ex eadem ratione esse, quod non est receptum in alio, debet esse infinitum, eo enim ipso nō limitatur à suo subiecto: ergo &c. Confirmatur, quia intelligere per se subsistens, ita vt non sit actus vllius subiecti, est infinitum, & illimitatum; ergo esse per se subsistens, & non receptum in vlllo subiecto est esse infinitum, & illimitatum. Hinc sequitur, vt *esse in alio*, & *esse ab alio* se mutuo consequantur, sicut è conuerso se mutuo consequuntur *non esse ab alio*, & *non esse in alio*; valent igitur istæ consequentiæ negativæ, *non habet esse ab alio*, ergo *non habet esse in alio*; valent etiam istæ consequentiæ affirmatiuæ *habet esse ab alio*; ergo *habet esse in alio*, & hæc se mutuo consequuntur.

Ad 1. Distinguo maiorem: ratio, cur essentia distinguatur ab existentia est, quia vnicuique quod potest esse, & non

esse distinguitur ab esse, nego; quia quod potest esse, & non esse, ita vt sit ipsa potentia, & indifferentia essendi, ac non essendi, concedo; distinguo eodem pacto minorem, & nego consequentiam. Non quodcunque potest esse, & non esse, distinguitur ab esse, sed quod est ipsum posse esse, & non esse. Potentia enim essendi, ac non essendi non est ipse actus essendi; & similiter indifferentia ad essendum, & non essendum non est ipsa formalis determinatio ad essendum; sed in creaturis datur intrinseca potentia, & indifferentia essendi, ac non essendi, vt dictum est; ergo distinguitur ab existentia, quæ est actualis determinatio talis potentia, & indifferentia. Iam ipsa existentia potest esse, & non esse, non ita vt sit ipsa potentia, & indifferentia essendi, ac non essendi; nam actus determinatiuus indifferentia non est ipsa formalis potentia determinabilis, sed potest esse, & non esse per denominationem à potentia essendi, cuius est actus. Sicut enim potentia essendi, & non essendi actu est, sed non ita, vt sit actus essendi, sed ita, vt sit per actum essendi; sic actus essendi potest esse, & non esse, sed ita, vt non sit ipsa potentia essendi, ac non essendi, sed denominetur potens non esse à potentia, cuius est actus. Nam, & poten-

tentia ponitur in actu per actum, & actu constituitur in potentia per potentiam & per denominationem ab ipsa. Actus igitur essendi, qui potest esse, & non esse per denominationem à potentia distincta, non existit per alium actum distinctum, sed existit se ipso, cum sit ipsum esse actu, quod potest non esse per denominationem à potentia, quam actualit

Dum urgetur, quia existentia creat per se ipsam est contingens; sed contingens est, quod potest esse, & non esse ergo. Distinguo maiorem per se ipsam est contingens, hoc est per se ipsam et actus potens esse, & non esse, concedo: hoc est per se ipsam est ipsum posse esse, & non esse, nego. Contingens per se ipsum dicitur dupliciter. Primum per se ipsum contingens est aliquid potens non esse, abstrahendo ab hoc, quod possit non esse per potentiam non essendi secum identificatam, vel per potentiam non essendi distinctam. Secundum per se ipsum contingens est, quod est ipsum posse non esse. Essentiae creatae sunt per se ipsas contingentes in secundo sensu, quia sunt ipsum posse non esse: existentiae creatae sunt per se ipsas contingentes in primo sensu, quia sunt ipsum esse, quod potest non esse per potentiam distinctam. Contingens verò v  
sic

sic abstrahit ab utroque sensu.

Ad 2. Concedo non valere illam rationem ex eo, quod prædicata essentialia conveniant necessario, existentialia conveniant contingenter: prædicata enim essentialia conveniunt per denominationem ab extrinseca necessitate, ut dictum est in logica loco cit. in argumento. Adhuc tamen id, quod est, distinguere debet ab esse ex alijs fundamentis.

Ad 3. Iam dictum est in logica posse distinguere à parte rei etiam ea, quæ sunt mutuo inseparabilia. Addo fortasse inter essentialiam, & existentiam dari aliquam separabilitatem, ut dicetur in responsione ad nonum.

Ad 4. Distinguo maiorem; existentia est, per quam res distinguitur à nihilo actus, concedo maiorem; à nihilo potentia solius, nego maiorem: distinguo minorem; quidquid est in homine, per seipsum distinguitur à nihilo actus, nego minorem; à nihilo potentia, vel actus, concedo minorem; & nego consequentiam. Est regula Aristotelis in Top. quot modis dicitur unum oppositorum, tot modis dicitur aliud; sed ens, & nihil, seu non ens sunt opposita; ergo quot modis dicitur ens, tot modis dicitur nihil. Ens dicitur dupliciter: aliud enim est ens essentialis, quod ab Aristotele vocatur

tur



*De essentia, & existentia. III*

tur ens in potentia, aliud est ens existentie, quod dicitur ens actu. Ens essentie, seu in potentia est id, per quod res est intrinsecè id, quod potest esse, & non esse: e.g. ego sum ens essentie, & in potentia, quia sum intrinsecè id, quod possum esse, & non esse. Huic opponitur nihil essentie, & est id, per quod excluditur hoc, quod intrinsecè est id, quod potest esse, & non esse; & ens essentie per seipsum distinguitur à nihilo essentie, hoc est à nihilo eius, quod per seipsum potest esse, ac non esse. Ens existentie est id, per quod res actu existit, & hoc per seipsum distinguitur à nihilo existentie, hoc est à nihilo eius, quod existit. At ens essentie sicut non existit per seipsum, sed per existentiam distinctam, ita non distinguitur à nihilo existentie per seipsum, sed per existentiam distinctam.

Dices: Homo per seipsum non distinguitur à nihilo existentie; ergo per seipsum est nihil existentie.

Respondeo nego consequentiam. A propositione enim præcisiva non valet consequentia ad infinitantem: e.g. non valet, *paries per seipsum non est albus*; ergo *per seipsum est non albus*. Ratio est, quia propositio infinitans affirmat identitatem, cum carentia formæ; ex eo vero,

rò , quod negetur identitas cum forma , non potest inferri identitas cum eius carentia ; e. g. ex eo, quod homo non sit sapiens per seipsum , hoc est non habeat identitatem cum hoc, quod est esse sapientem , non potest inferri , quod per seipsum sit non sapiens , hoc est habeat identitatem , cum hoc, quod est non esse sapientem ; ergo ex eo quod homo per seipsum non habeat identitatem cum hoc , quod est existere, non potest inferri, quod per seipsum sit non existens hoc est habeat identitatem, cum hoc, quod est non existere , cum habeat identitatem cum hoc , quod est posse existere , & non existere .

Ad 5. Concedo, quod ex existentia , & essentia componatur existens, & quod ad hoc , vt aliquid componatur ex duobus, vnum eorum non debet intrinsecè constitui per aliud: sed nego quod essentia constituatur intrinsecè per existentiam. Homo enim constituitur solum per hoc , quod sit id , quod potest esse intrinsecè , & non esse , & non per ipsum esse ; ergo potest optimè venire in compositionem cum esse , ita vt ex eo , quod potest esse , ac non esse , & ex esse constituatur existens , eo pacto , quo qui potest intelligere , ac non intelligere , potest

potest venire in compositionem cum intellectu, & constituere actu intelligentem.

Cum opponitur: ut essentia componatur cum existentia debet existere; ergo includit intrinsecè constitutiue existentiam; nego consequentiam. Sicut enim per aduersarios distinguentes durationem ab existentia, non valet: ut existentia componatur cum duratione, per quam nunc durat, debet nunc existere; ergo existentia includit intrinsecè durationem qua durat nunc; sic nec valet similis consequentia in casu nostro. Ratio est: quia ut essentia componatur cum existentia, requiritur, ut existat, sed hoc requiritur non tanquam constitutum essentie, quæ est vna pars componens, sed tanquam constitutum compositi, hoc est entis existentis; sicut proportionaliter dicendum est ab Aduersarijs de duratione.

Ad 6. Existentia substantiæ non est accidens substantiæ, sed est actus substantialis, Dum opponitur: quod potest conuenire, vel non conuenire subiecto est accidens: existentia potest conuenire, vel non conuenire subiecto; ergo existentia est accidens subiecti. Respondeo distingo maiorem, quod potest conuenire, vel non conuenire subiecto  
iam

constituto in actu est accidens, transeat quod potest conuenire, vel non conuenire subiecto non constituto in actu, sed ut illud constituens in actu, est accidens, nego maiorem; distinguo eodem pacto minorem. & nego consequentiam. Esse musicum est accidens hominis, quia homo iam constitutus in actu potest esse musicus, & non esse musicus; at esse non est accidens hominis, sed actus constituens hominem in actu, atque adeo est actus substantialis. Aristoteles dum dixit, quod esse non est substantia rei, nomine substantiæ intelligit essentiam ut dixi suprâ; neque negat, quod esse substantiæ sit actus substantialis. Similiter S. Hilarius & alij dum dicunt quod esse creaturarum est accidens, sumunt accidens latè, prout opponitur essentiæ; & quia esse creaturarum non est earum essentia, ideò dicitur accidens, licet non sit accidens stricte, in quantum accidens est, quod accidit rei iam existenti, non constituendo illam in actu.

Ad 8. Distinguo maiorem; existentia est, per quam res actu est extra causas; concedo maiorem; existentia est per quam res potentia est extra causam, nego maiorem; distinguo eodem pacto minorem; & nego consequentiam. Essentia hominis non est actu per seipsam, sed  
solum

solum per seipsam est intrinsecè id, quod potest esse, & non esse; hoc autem esse potentia ens, & esse extrà causas potentia: sicut verò essentia actū est per existentiam, ita actū est extrà causas per existentiam. Addo definitionem illam existentiae: existentia est, per quam res est extra causas non esse vniuersalem cum non conueniat existentie diuinæ Deus enim absurdè dicitur esse extra causas, cum causas non habeat. Melius ergo describitur existentia vniuersaliter est per quam res existit actū in seipsa. Quid verò sit actū existere, est ita clarum, vt non possit clarius explicari, & docet etiam Aristoteles.

Potest queri, an cum homo produci-  
tur, seu ponitur extrà causas, producatu  
essentia, & existentia.

Respondeo, quod simpliciter produ-  
citur homo, in quantum est totum com-  
positum ex essentia, & existentia; essen-  
tia produciatur tanquam id, cui esse da-  
tur, existentia produciatur tanquam esse  
quod datur, actio productiua terminatu-  
tum ad essentiam, tanquam ad id, cu-  
dat esse, tum ad existentiam tanquam  
ad esse, quod dat.

Ad 8. Respondeo primò argumentum  
habere manifestam instantiam in senten-  
tia aduersariorum distinguendum ex

sten-

stentiam à duratione . Nam existentia mea e.g. ablatis omnibus durationibus remanet formalissimè non existens vlllo tempore ; sed per hoc ipsum, quod res non existat vlllo tempore , est nihil ; ergo existentia ablatis omnibus durationibus remanet formalissimè nihil ; ergo collectio durationum non distinguitur ab existentia , quod est contra Aduersarios .

Respondeo secundò directè , transeat maior , & distingo minorem , ablata existentia, essentia remanet formaliter nihil actu , seu nihil existentis , & consequenter nihil etiam essentiæ conc. minorem ; remanet formaliter nihil essentiæ & potentiæ , nego minorem ; & nego consequentiam . Sicut Aduersarij debent concedere , quod ablatis omnibus durationibus , existentia remanet nihil existentis in quocunque tempore , sed non remanet formaliter nihil existētis præscindendo à tempore : quia tamen non potest existere , quin existat aliquo tempore determinato , ideo remanet consequenter nihil etiam existentis præscindendo à tempore ; ita dicimus nos, quod essentia, ablata existentia, remanet formaliter non existens , atque adeo remanet nihil existentis , sed non remanet formaliter nihil essentiæ , quia adhuc est intrinsecè  
id,



id, quod potest esse, & non esse, atque adeo est aliquid essentiae, & est ens in potentia intrinsecè. Quia tamen non potest aliquid esse intrinsecè id, quod potest esse, ac non esse, nisi actu sit; quod enim actu non est, nullum habet intrinsecum esse; ideo ablata existentia actuali aufertur consequenter essentia intrinseca. Est autem vniuersale, ut cū aufertur vnum, sine quo aliud esse nō potest, auferatur illud, e. g. si auferatur calor naturalis, sine quo non potest conservari vita animalis, eo ipso aufertur vita animalis.

Ad 9. In quo quæritur, qua distinctione essentia distinguatur ab existentia, primo dico, quod si essentia, & existentia ponantur habere omnimodam, ac mutuam inseparabilitatem, distinguuntur formaliter ex natura rei, non tamen tanquam duæ formalitates constituentes, vnā essentiam, eo pacto, quo animalitas & rationalitas sunt duæ formalitates constituentes essentiam hominis, sed ut id, quod est, & ipsum esse. Secundo dico probabile esse, quod essentia creata possit esse sine hac existentia, licet esse non possit sine omni existentia: Quod si est verum essentia distinguitur ab existentia plusquam formaliter ex natura rei, ac videtur distingui distinctione-

distinctione modali, vel quasi modali. Dixi quasi modali: nam modus modificat rem iam existentem; at existentia non modificat rem iam existentem, sed facit rem existere.

Ad 10. Concedo cum S. Tho. 2. contragentes cap. 52. quod in Angelis esse distinguitur ab eo, quod est, atque adeo datur in ipsis compositio ex potentia, & actu, ut docet cap. 53. sed nego ex hoc sequi, quod sint compositi ex materia, & forma. Ut enim docet S. Doct. cap. 54. compositio ex eo, quod est, & ex esse est diuersa à compositione ex materia, & forma. Compositio enim ex materia, & forma est compositio essentia, ac naturæ, ita ut vna pars essentia sit materia, alia pars essentia sit forma, eo pacto, quo essentia, ac natura hominis componitur ex corpore, tanquam ex materia, & ex anima tanquam ex forma: at compositio ex esse, & eo, quod est, non est compositio essentia, sed est compositio, per quam actus existendi additur essentie. Angeli igitur sunt minus compositi, quàm corpora, sed habent aliquam compositionem, & non adæquant simplicitatem diuinam:

*Vtrum*

*Vtrum materia prima habeat propriam existentiam.*

*Questio VII.*

**V** Idetur vera esse sententia Scoti in dist. 12. quæst. 1. & 2. & aliorum, quos. refert, ac sequitur Suar. disp. 13. met. sect. 5. quod in composito per se vno constante ex materia, & forma, e.g. in homine constante ex corpore tanquam materia, & ex anima tanquam forma dantur plures existentiae, & plures actualitates, ita vt alia sit existentia, & actualitas materie, alia existentia, & actualitas formæ: 1. quia compositum per se vnum constat ex pluribus essentijs incompletis, & partialibus constituentibus vnam essentiam completam, & totalem; ergo compositum per se vnum poterit etiam constare ex pluribus existentijs, & actualitatibus incompletis, ac partialibus constituentibus vnam completam, & totalem existentiam.

2. In vno per se possunt etiam dari plures existentie, & actualitates: continuum enim, e.g. palmus aque est vnum per se, & tamen constat ex duobus semipalmis habentibus diuersas existetias,  
& a-

& actualitates : alia est enim existentia actualitas primi semipalmi , alia est existentia, & actualitas secundi : in Christo etiam ex Verbo Diuino, & ex carne, ac natura humana fit vnum perse ; sed in Christo Verbū, & natura humana habet esse creatum; ergo etiam in homine materia, & forma, corpus, & anima, licet faciant vnum ens per se, poterunt habere diuersum esse, ac diuersam existentiam.

3. Essentia, & existentia debent inuicem proportionari, comparantur enim sicut actus, & potentia, quæ sibi correspondent debita proportionem; ergo cum essentia materiæ diuersa sit ab essentia formæ, etiam existentia materiæ debet esse diuersa ab existentia formæ. Adde quod essentiæ ingenerabili, & incorruptibili est improporcionata existentia generabilis, & corruptibilis; sed essentia materiæ est ingenerabilis, & incorruptibilis; ergo est illi improporcionata existentia corruptibilis formarum materialium. Similiter essentiæ materiali est improporcionata essentia spiritalis, essentiæ spiritali est improporcionata existentia materialis; sed in homine corpus est materiale, anima est spiritalis; ergo non existunt per vnicam existentiam; vel enim illa esset spiritalis, & tum non proportionaretur corpori mate-

materiali , vel esset materialis , & non proportionaretur animæ spirituali .

4. Si materia existeret per existentiam formę , eo ipso materia generaretur , & corrumpetur : tum enim aliquid generatur , cum accipit existentiam , tum corrumpitur , cum spoliatur existentia ; sed quando generatur ignis , materia prima acciperet existentiam ignis , cum ignis corrumpitur , materia prima amitteret existentiam ignis ; ergo generaretur , & corrumpetur : imo agens naturale crearet materiam primam : producere enim aliquid , & non ex subiecto , est creare ; sed agens naturale producens ignem daret esse materiæ primæ ignis , atque adeo illam produceret , & non ex subiecto , alioquin daretur subiectum materię primæ , & sic materia prima non esset primum subiectum ; ergo agens naturale crearet materiam primam .

5. Certum est materiam primam ab initio Mundi creatam fuisse à solo Deo , & ab eodem conseruari in esse sine concursu causæ secundæ ; sed si existeret per existentiam formę , quando producit ignis , causa producens ignem daret esse materię primę , atque adeo materia prima non conseruaretur in esse à solo Deo , sed etiam à causa secunda concurrente .

ad dandum illi esse; ergo non existit per existentiam formæ.

6. Materia est causa per se tum formæ, tum compositi; sed omnis vera causa prius natura existit, quam causatum; ergo materia prius natura existit, quam forma, vel compositum; ergo existentia materiæ est prior natura, quam existentia formæ, vel compositi; ergo existentia materiæ est alia ab existentia formæ, vel compositi; existentia enim prior diuersa est ab existentia posteriore. Confirmatur, quia causa non mendicat existentiam ab effectu, nec prius à posteriore; sed materia est causa formæ, & prior natura, quam forma; ergo materia non mendicat existentiam à forma, quæ est effectus materiæ, & posterior natura, quam materia.

7. Omne actuabile aliquo actu, licet non includat vllum ex illis actibus, quibus est actuabile, tamen includit aliquem alium actum; e.g. colorabile quolibet colore, licet non includat vllum actum coloris, includit tamen aliquem actum; colorabile enim est actu substantia; similiter figurabile omnibus figuris licet nullam includat figuram, includit tamen aliquem actum, quo sit actu cera mollis &c; sed materia est primum subiectum formabile omnibus formis; ergo licet  
nul-

nullum includat actum formalem , & receptum in subiecto, includit tamen actû, quo sit actu subiectum formabile omnibus formis , qui actus vocatur à Scoto actus entitativus, vt distinguatur ab actu formali , qui est actus receptus in subiecto . Et confirmatur, quia subiectum formabile omnibus formis non est subiectû existens solum in potentia , & in causis, sed est subiectum extra causas ; sed subiectum extra causas includit actum entitativum existentia; ergo.

8. Materia potest saltem supernaturaliter , & fortasse naturaliter existere spoliata omni forma ; sed si existeret per existentiam formæ, non posset existere spoliata omni forma , alioquin existeret spoliata existentia , quod implicat ; ergo materia non existit per existentiam formæ . Maior probatur ex pluribus ; primo quia ab initio Mundi fuit à Deo creata materia prima sine omni forma : ideo Sancti Augustinus , Basiliius, Chrysostomus , & Ambrosius relati à Sancto Thoma prima parte quæst. 66. art. 1. locum illum primo Genes. *terra autem erat inanis , & vacua* , explicant, vt sensus sit, *materia prima erat informis , & carens forma* . Preterea in triduo mortis materia Christi mansit spoliata anima rationali , & quacunque alia forma substantiali, vt



cum Scoto docent, Gabriel, & Marsilius relati à Conimbric. i. phys. cap. 9. quæst. 6. art. 3. Secundo probatur ex Scoto. Omne absolutum, prius natura, quàm aliud absolutum potest absque contradictione existere sine illo; ex Aristotele enim 5. met. tex. 16. priora sunt, quæ possunt esse sine alijs, alia non sine ipsis; sed materia prima est quid absolutum, ac prius natura, quam forma, cum sit fundamentum, subiectum, receptaculum, ac causa passiva, & receptiva omnium formarum, quæ omnia important prioritatem naturæ; ergo materia prima potest absque contradictione existere sine formis. Tertio non minus dependent formæ materiales præsertim accidentales à materia, ac subiecto, quam materia dependeat à formis; sed formæ etiam accidentales possunt supernaturaliter existere sine substantia, ac subiecto, ut patet in Eucharistia; ergo à fortiori materia poterit esse sine qualibet forma. Adde, quod anima rationalis licet sit substantia incompleta potest etiam naturaliter existere sine suo complemento, hoc est sine corpore, unde post mortem remanet separata à corpore; ergo materia licet sit substantia incompleta poterit saltem supernaturaliter esse sine forma.

Quar-

Quarto quod Deus potest facere cum causis secundis, potest facere se solo, quando causa secunda non est de essentia effectus; sed Deus potest facere materiã cū causa secūda, hoc est cū forma, quę non est de essentia materiæ; ergo potest eandem facere se solo sine forma, præsertim quia sicut immediatè materiam creat, ita potest illam immediatè conservare sine forma. Quinto materia non est necessario connexa cum forma; sicut enim potest esse sine hac specie, ac numero forma, e.g. sine forma ignis, sic potest esse sine qualibet forma; quod enim non est connexum cum vlla specie, nec est connexum cum genere; ergo materia potest poni sine qualibet forma.

Respondeo, quod sicut Mathematici ex quibusdam suppositionibus, ac definitionibus inferunt multas conclusiones mirabiles ita manifestè, vt negari nequeant, nisi negando aliquod ex suppositis; sic Sanctus Thomas, insistens doctrinæ Aristotelis, ex tribus suppositionibus infert materiam non habere propriam existentiam, nec proprium actum, essentiam materię distingui ab eiusdem existentia, & plures alias consequentias ita manifestè, vt negari non possint, non negando aliquod ex suppositis. Primum

suppositum est: in corporibus dantur substantiæ, & accidentia. Secundum est: corpora multa fiunt, & mutantur non solum secundum accidentia, sed etiam secundum substantiam: e.g. cum animalia, & plantæ nascuntur, aut occidunt, mutantur secundum ipsam substantiam. Tertium suppositum continet definitiones substantiæ, & accidentis. Substantia est ens primum constitutum per primū esse: accidens est entis ens, seu ens secundarium, constitutum per esse non primum. Similiter substantia est ens per se stans, constitutum per esse per se stans, & non adiacens alteri esse: accidens est ens non per se stans, sed constitutum per esse adiacens, & accidens alteri esse: substantia est ens fundamentale, ac substans, constitutum per esse non fundatum, ac receptum in alio esse, sed fundans, ac recipiens omnia alia esse: accidens est ens fundatum, ac receptum, constitutum per esse fundatum, ac receptum in alio esse. His suppositis; si materia prima esset actus, vel haberet proprium actum, non generaretur de nouo substantia; sed hoc est contrā secundum suppositum; ergo.

Probatur sequela: omnis forma esset accidens, materia verò prima esset tota substantia corporum; ergo non generaretur

retur substantia . Probatur antecedens :  
accidens est entis ens , seu ens secunda-  
rium , constitutum per esse non primum ;  
sed omnis forma , e.g. forma Leonis es-  
set entis ens , & ens secundarium con-  
stitutum per esse non primum , sed sup-  
ponens esse actuale materiæ ; ergo om-  
nis forma esset accidens . Rursus substan-  
tia est ens per se stans constitutum per  
esse per se stans , & non adiacens alteri  
esse : accidens è conuerso est ens non per  
se stans , sed constitutum per esse adia-  
cens alteri esse ; sed nulla forma consti-  
tueretur per esse per se stans , sed consti-  
tueretur per esse accidens esse ipsius  
materiæ ; ergo nulla forma esset substan-  
tialis , sed quælibet esset merè acciden-  
talis . Præterea substantia est ens funda-  
mentale , ac substans : accidens est fun-  
datum , ac receptum in alio esse ; sed om-  
nis forma haberet esse fundatum , ac re-  
ceptum in alio esse , nimirum in esse ma-  
teriæ ; ergo omnis forma esset accidens .  
Confirmatur , nam materia esset tota  
substantia corporum ; materia non gene-  
raretur ; ergo nihil substantiæ generare-  
tur . Maior probatur : tota substantia  
corporum est , cui soli conuenit definitio  
substantiæ ; sed definitio substantiæ con-  
ueniret soli materiæ ; ergo &c. Probatur  
minor : sola materia constitueretur per

esse primum, per se, fundamentale, substantans, ac non receptum in alio esse: forma verò constitueretur per esse non primum, sed secundum, receptum, ac fundatum in alio esse; ergo sola materia esset tota substantia.

Nec dicas, quod materia esset substantia incompleta. Nā contra est, quia ens completum in tota definitione substantiae, & in omnibus perfectionibus substantialibus, ac complebile solum in rationibus accidentalibus, est substantia completa; sed materia si habet proprium actum est completa in tota definitione substantiae, & in omnibus perfectionibus substantialibus; ergo &c. Probatur minor: definitio substantiae est, ut sit ens primum constitutum per primum esse; sed materia est completa in ratione entis primi, ac constituti per primum esse: rursus est completa in ratione entis habentis esse, per se stans, & non adiacens alteri esse, in ratione entis habentis esse fundamentale, & substantans, nec potest compleri in vlla ex istis rationibus, & perfectionibus, sed solum potest compleri per hoc, quod recipiat esse non primum, esse adiacens alteri esse, esse fundatum, & receptum in alio esse; sed omnes istae sunt rationes, & perfectiones accidentales, contentae, & explicatae in definitione

ne accidentis ; ergo materia est completa in ratione substantiæ , ac solum cõplebilis in rationibus accidentalibus .

Confirmatur, quia ens à se non potest compleri in ratione entis à se per additionem alicuius esse ab alio ; ergo ens per se non potest compleri in ratione entis per se per additionem formæ habentis esse in alio esse .

Similiter non dicas, quod materia est substantia incompleta in specie corporis, quia secundum se non est in determinata specie corporis , sed est indifferens , vt per formam ignis constituitur in specie ignis , per formam aquæ in specie aquæ &c. Nam contra est , quia sequitur , vt dicebant Antiqui , quod omnia corpora sint eiusdem speciei substantialis, ac differant solum in specie accidentali, eo pacto , quo cera quadrata , ac rotunda differunt solum accidentaliter . Probat sequela: quę conueniunt in toto esse substantiali , hoc est primo , per se stante , non adiacente alteri esse &c. sunt eiusdem speciei substantialis ; sed omnia corpora conueniunt in toto esse substantiali , hoc est in toto esse primo, per se stante , non adiacente alteri esse &c. ac solum differunt in esse formarum , quod est esse secundum , adiacens esse materię , in eo fundatum , ac receptum ; er-

go &c. Sed quidquid dicant non aliter possunt defendere substantialitatem formarum, quam dicendo, quod esse non primum, sed secundum, non per se, sed adiacens alteri esse, non fundamentale, & substans, sed fundatum, ac receptum in alio esse fundamentali, ac substante, hoc est esse habens omnes imperfectiones accidentis, non habens ullam perfectionem expressam in definitionibus substantiae, sit esse substantiale; sed hoc est recedere à definitione, & legitimo conceptu substantiae, & accidentis explicato in tertio supposito; ergo non potest substineri, quod materia habeat propriam existentiam, nisi negando aliquod ex suppositis. Porro antiqui, qui dicebant materiam esse ens actu, & adittebant definitiones substantiae, & accidentis explicatas in tertio supposito, negabant secundum suppositum, ut docuit Diuus Thomas prima parte quaest. 76. art. 4. dicens. *Propter hoc Antiqui naturales, qui posuerunt materiam primam esse aliquod ens actu, puta ignem, aut aerem, aut aliquid simile, dixerunt, quod nihil generatur, aut corrumpitur simpliciter, sed omne fieri est alterari, ut dicitur in primo Physicorum Textu 33.* E conuerso Scotus, & sequaces admittentes cum Aristotele substantiam generari, & cum antiquis, quod materia



ria sit ens actu , debent negare tertium ,  
suppositum continens definitiones sub-  
stantiæ , & accidentis . Aristoteles vt salua-  
ret generari substantiam , hoc est ens pri-  
mum , per se , & substans , & non generari  
omnino ex nihilo , sed ex subiecto , di-  
xit materiam primam esse ens non actu ,  
sed potentia , formam verò substantia-  
lem dare materiæ primum esse , & pri-  
mum actum . Quod materia , ex qua ge-  
neratur substantia , sit ens potentia , nō a-  
ctu , dicit expresse I. de generatione Tex-  
tu II. *Breuitè in præsentia quoque dicamus  
oportet è non ente simpliciter aliquo modo fie-  
ri generationem , & alio ex ente semper .  
Namque ens potentia , sed actu non ens præ-  
existat oportet , quod sanè utroque dicitur  
modo .* Ex hac verò doctrina patet primo ,  
quid sit totum substantiale , quid acci-  
dentale . Totum substantiale est , quod  
constituitur per esse primum non adia-  
cens alteri esse , vt Homo , Leo . Totum  
accidentale est , quod constituitur per  
esse adiacens alteri esse , vt musicus : con-  
stituitur enim per esse musici , quod adia-  
cet esse hominis . Secundo patet , quid  
sit materia : est enim potentia , quæ potest  
à forma determinari ad primum esse de-  
terminatæ speciei , e.g. ad esse ignis , aut  
aquæ . Tertio patet , quid sit forma sub-  
stantialis , quid accidentalis . Substan-

tialis est, quæ dat esse primum, & non adiacens alteri esse, vt forma ignis, quæ dat igni primum esse non adiacens alteri esse. Accidentalisis est, quæ dat esse adiacens alteri esse, vt musica, quæ dat homini esse musici adiacens esse hominis. Quarto patet, quid sit generatio substantialis, quid accidentalis. Generatio substantialis est, per quam res accipit esse primum, & non adiacens alteri esse: e.g. generatio hominis est substantialis, quia per illam homo accipit esse hominis, quod est esse primum. Generatio accidentalisis est, per quam res accipit secundum esse adiacens alteri esse, vt per quam homo fit sanus: accipit enim esse sanitatis, quod adiacet esse hominis. Possent hæc confirmari ex pluribus locis Aristotelis, quæ breuitatis gratia omittuntur.

Secundo probatur, quia contraria sententia nunquam satis explicat, quid sit substantia, quid accidens. Dicunt primo substantiam esse primum intentum nature. Sed contra, quia quis fuit consiliarius nature, vt possit in eius intentione discernere, quid illa primo intendat, quid secundo, & per hoc substantiam discernere ab accidente. Secundo hoc ipsum querimus, quod sit illud ens, quod natura primo intendit, & quam

quam habeat intrinsecam quidditatem, ac differentiam ab accidente, propter quam primò intenditur à natura. Tercio non omnes substantiæ sunt primum intentum naturæ, sed solæ rationales, irrationales non sunt primum intentum naturæ, sed ordinantur in bonum rationalium. Demum definire substantiam per intentionem naturæ est illam definire per aliquid extraneum, recedendo à nozione substantiæ, quæ consistit in hoc, ut sit ens primum, fundamentale, substantans, primum subiectum, cum accidens sit ens secundarium, fundatum in altero, accidens, & adueniens alteri.

Dicunt secundo, quod substantia est finis *cui* accidentia finis *qui*; sed primo, hoc ipsum quæritur, quam quidditatem intrinsecam habeat finis *cui*: nos enim dicimus finem *cui* esse ens primum &c. finem *qui* esse ens secundarium & fundatum in alio ente, quod Aduersarij non explicant. Secundo creature rationales sunt finis *cui*: naturæ, & substantiæ irrationales sunt solum finis *qui*: Deus enim, & natura non amat asinum ut finem *cui* propter ipsum asinum, sed propter hominem cui inseruit.

Tercio dicunt substantiam esse primū ens, hoc est primum principium passiuū, & actiuū, ideoque materiam esse substantiam

stantiam, quia est primum principium passivum, formam esse substantiam, quia est primum principium actuum. Sed licet isti melius rem explicent, adhuc non satis declarant. Nam quædam dispositiones, & accidentia activa per ipsos præcedunt formam substantialem; ergo forma substantialis non est primum principium actuum, quia præceditur ab alio principio; ergo forma substantialis non est substantia. Præterea recedunt à notionem substantiæ, quæ consistit in eo, ut sit ens primum, fundamentale, ac substantans. Demum si materia antecederet ad formam esset ens in actu, esset primum principium actuum. Quod enim est in actu, potest agere, & primus actus defert primum principium agendi; ergo materia esset substantia totalis, quia esset primum principium passivum, & actuum. Confirmatur, quia virtus agendi fundatur in perfecto modo essendi; sed materia habet esse per se, & non adiacens alteri, qui est perfectus modus essendi; ergo est activa multo magis, quam forma, quæ habet esse in alio esse, eo pacto, quo ens à se est actuum magis, quam ens ab alio.

Tertio probatur, quia quod est activabile actibus alicuius generis, non includit in se antecederet actum illius generis

ris

ris, sed ad summum generis prioris, e.g. quod est figurabile omnibus figuris non includit in se ullam figuram actualem, sed per figuram primo constituitur figuratum actu; sed materia prima est subiectum actuabile in genere substantię, cum possit recipere quamcunque formam, & actum substantialem; ergo materia prima antecederet ad formam non includit in se vllum actum substantialem, atque adeo non est actu substantia antecederet ad formam, eo pacto, quo figurabile non est actu figuratum antecederet ad figuram; sed eo ipso quod non includat actum substantialem, non includit in se vllum actum etiam accidentalem, cum actus accidentales non possint esse nisi in actu substantiali; ergo materia prima antecederet ad formam nullum habet actum neque substantialem, neque accidentalem, atque adeo antecederet ad formam non est ens actu, sed solum potentia, seu ens actuabile, eo pacto, quo figurabile ante figuram non est ens actu, sed solum potentia.

Confirmatur, quia sicut datur figurabile, quod antecederet ad figuram non est actu figuratum &c; sic datur substantiabile, & actuabile, quod antecederet ad actum substantialem, non est substantia neque ens actu, sed pura potentia

tia. Præterea non minus propriè fit substantia, & ens, quam figuratum; sed figuratum fit ex subiecto figurabili, quod ante figuram non est actu figuratum; ergo substantia fit ex substantiabili quod ante formam non est actu vlla substantia, sed solum potentia. Rursus sicut ad alios actus prærequiritur potentia, e.g. ad actum coloris prærequiritur colorabile, sic ad primum actum, qui est esse substantiale, prærequiritur ens potètia, quod est substantiabile; sed potentia prærequisita ad primum actum non potest antecedenter ad illum habere vllum actum; alioquin haberet actum ante primum actum: ergo materia prima, quæ est prima potentia, primumque subiectum receptivum primi actus, antecedenter ad formam non est actus, nec habet actum, sed est purum ens potentia, & constituitur in actu per formam.

Ex his fundamentis hanc sententiã, quã insinuarunt Aegiptij, vocantes materiam tenebras, totius entis defectum, totius naturæ ludum, prope nihil, non ens &c expressè docuit Plato in Timeo, dicens materiam secundum se carere omni actu, & omni specie, eò quod sit subiectum recipiens omnem actum, & speciem, ac explicans id exemplis subdit: *non secus ac mellis omni figura exui debent, &*  
*liquor-*



liquores omni odore, ut liquores imbui possint quocunque odore, omnique figura mollia exornari. Platonem sequitur Plotinus Platoniorum princeps 2. Ennead. lib. 5. cap. 4. dicens materiam ipsam, quam esse omnia entia in potentia iudicamus, quam conditione esse actu entium aliquid possumus iudicare? alioquin iam non entia cuncta in potentia foret: & in fine cap. 5. Si in illis, quæ in potentia esse, essentiamque habent introdaxeris actum, simul substantiæ suæ rationem substulisti: propterea quod eorum esse erat in potentia esse. Itaque si oportet materiam incorruptibilem servare, necesse est eam servare materiam. Oportet autem, ut apparet eam dicere solum in potentia esse ut id ipsum, quod est permaneat. Idem docent alij Platonici cū Marsilio Ficino lib. 10. theol. Platon. cap. 1. & 3. Platoni consentit Aristoteles pluribus locis. Secundo de anima cap. 1. dicit, quod materia est potestas, forma actus. Primo Phys. tex. 79. dicit, materiam esse propè, & quodammodo substantiam, quia nimirum est substantia, & ens solum potentia. Septimo met. tex. 22. dicit: cuncta, quæ fiunt materiam habent. Possibile enim est esse, & non esse eorum unumquodque: hoc autem materiam dico; ergo secundum Aristotelem materia est ipsum possibile esse; atque adeò per se non est actus. Ad hæc  
 loca



loca alludit Augustinus lib. 12. conf. Si  
liceret, inquit, dicere quod aliquid est,  
& non est, hoc dicerem esse materiam;  
& eodem lib. 7. Duo fecisti Domine,  
vnum prope te, scilicet Angelum, aliud  
prope nihil, scilicet materiam primam.  
S. Thomas etiam eandem sententiam do-  
cet pluribus locis, imo fundat in ea to-  
tam suam Metaphysicam.

Ad 1. Concedo antecedens, & nego  
consequentiam. Disparitas patet ex di-  
ctis. Ad compositum substantiale per se  
vnum non officit, sed valdè prodest, vt  
constet ex actuabili, & actuatio, for-  
mabili, & formatiuo; sed actuabile, &  
actuatiuum sunt quid incompletum, ac  
differunt secundum essentiam; ergo ad  
compositum per se vnum valdè prodest,  
vt sit ex pluribus incompletis diuersis se-  
cundum essentiam. At non potest com-  
positum substantiale componi ex duplici  
actu, quorum vnus sit primus, & per se  
stans, alter sit secundus, & adiacens pri-  
mo: eo enim ipso actus secundus esset  
accidens, vt dictum est.

Ad 2. Plures existentiae substantia-  
les possunt constituere vnā continuam  
existentiam totalem, quia singulae sunt  
existentiae per se stantes, & non adiacen-  
tes, ac receptae in alia existentia; ergo  
singulae sunt substantiales; ergo copulae  
aliquo

aliquo termino communi constituent vnā  
continuum existentiam substantialem to-  
talem. Continua enim sunt, quorum par-  
tes copulantur aliquo termino communi, vt  
docet Aristoteles cap. de quantitate. At  
si materia haberet propriam existentiam,  
existentia formæ esset existentia non per  
se stans, sed adiacens alteri existentie,  
adeoque accidentalis, vt dictum est.  
Rursus si in Christo dantur duę existen-  
tię, creata, & increata, etiam creata  
est substantialis, cum naturaliter per se  
stet, & non adiaceat alteri existentie:  
ergo licet supernaturaliter sit in supposito  
habente aliam existentiam, adhuc re-  
manet substantialis, & apta ad faciendum  
vnum per se: at existentia formarum  
materialium naturaliter deberet adiacere  
alteri existentie; ergo esset accidens,  
adeoque inepta ad faciendum vnum sub-  
stantiale cum materia.

Ad 3. Concedo, quod essentia, & exi-  
stentia debent inuicem proportionari  
proportionem physicam, & coaptationis.  
Dum opponitur: duabus diuersis essen-  
tijs non proportionatur vna existentia:  
distinguo maiorem: duabus diuersis es-  
sentijs ordinatis ad constituendum vnum  
ens per se, non proportionatur vnica  
existentia, nego maiorem; non ordi-  
natis ad constituendum vnum ens per se,  
conce-

concedo ; distinguo eodem pacto minorem , & nego consequentiam . Ad constituendum vnum per se proportionatur vnum esse , vt explicatum est . Dum rursus opponitur , essentiae incorruptibili non proportionatur existentia corruptibilis ; essentia[m] materię est incorruptibilis ; ergo &c: distinguo maiorem, essentiae incorruptibili ordinatae ad faciendum vnum per se corruptibile , nego maiorem ; non ordinatae ad faciendum vnum corruptibile , concedo maiorem : distinguo eodem pacto minorem , & nego consequentiam . Essentia[m] materiae incorruptibilis ordinatur ad faciendum vnũ per se corruptibile , nimirum hominem corruptibilem , ideoque proportionatur illi existentia corruptibilis, accepta à formis materialibus . Dum opponitur , essentiae materiali non proportionatur existentia spiritalis ; materia est essentia materialis ; ergo non proportionatur illi existentia spiritalis animae rationalis : distinguo maiorem ; essentiae materiali in quantum actuat per formam , & actum spiritualem, non proportionatur existentia spiritalis , nego maiorem ; in quantum actuat per formam materialem , concedo maiorem ; distinguo eodem pacto minorem , & nego consequentiam . Certum est, quod materię proportionatur  
an i-

ma rationalis; quæ est forma & actus spiritualis; quid ni ergo proportionetur eidem existentia spiritualis animæ rationalis?

Ad 4 Nego sequi, quod materia generetur, & corrumpatur, ac dico, quod solum transmutatur. Dum opponitur; tum aliquid generatur, cum accipit existentiam, tum corrumpitur, cum spoliatur existentia; sed cum ignis fit, materia prima accipit existentiam ignis; cum ignis corrumpitur, illam amittit; ergo &c: distingo maiorem, tum aliquid generatur, cum accipit existentiam, ita ut prius non existeret cum alia existentia; tum aliquid corrumpitur, cum spoliatur existentia, ita ut post non remaneat cum alia existentia, cōcedo maiorem; ita ut prius existat, & post remaneat cū alia existentia, nego maiorem: d st. eodem pacto minorem, & nego consequentiam - Quando aliquid, quod prius existeret, transmutatur ab vna existentia in aliam, non generatur, & similiter non corrumpitur cum loco vnius existentiae accipit aliam; sed materia, ita accipit de nouo vnam existentiam, ut ante aliam haberet, ita spoliatur vna existentia, ut aliam accipiat, ergo non generatur, neque corrumpitur, sed merè transmutatur ab vno esse ad aliud esse,

se. Totum verò , e.g. ignis , homo , &c. generatur , & corrumpitur , quia cum ante non esset , accipit esse , & cum esset , amittit esse , quod habebat. Quod si agens naturale non producit materiã primã , à fortiori nō creat si, cū creare sit quoddam producere :

Ad 5. Concedo , quod solus Deus ab initio creauerit materiã primã , & solus illam conseruet sine concursu causæ secundæ illam conseruantis , non tamen sine concursu causæ secundæ dantis illi hoc esse speciale, e.g. esse ignis. Dum opponitur : causa secunda dat materiæ primæ esse ignis ; ergo concurrat ad eius conseruationem ; nego consequentiã . Vt enim aliquid concurrat ad conseruationem alterius , non sufficit, vt quomodo-  
cumque det illi esse , sed debet ita dare esse , vt nisi daret , non existeret , vel posset non existere ; sed licet causa secunda non daret materiæ esse ignis, adhuc materia existeret , & non posset non existere sub aliqua forma alia formæ ; ergo causa secunda non concurrat ad conseruandam materiã primã , sed solus Deus illam conseruat ; solus enim ita dat esse , vt nisi daret , materia non non existeret vlllo pacto , nec vllum haberet esse .

Ad 6. Concedo, quod materia est cau-

sa per se tum forme, tum compositi; ac respectu compositi est causa intrinsecè componens; e.g. materia ignis intrinsecè componit ignem, vt pars eius; respectu formæ non est causa intrinsecè componens: formæ enim non componitur ex materia; sed respectu formarum materialium est causa non actiua, sed purè passiuæ, receptiuæ, ac sustentatiuæ; e.g. materia leonis est quidem causa animæ leonis, sed est causa purè passiuæ, & receptiuæ, non autem actiuæ, & effectiuæ: nequè enim materia efficit animam leonis, sed purè recipit ab agente: est etiã causa sustentatiuæ, quia illam recipit sustentando in esse, quandoquidem anima leonis non potest conseruari in esse, nisi recipiatur in materia. Respectu animæ rationalis materia non est causa, quia, ita recipit animam, vt non sustentet in esse, quia anima potest, ac debet esse etiã separata à materia, cum remaneat post mortem. Iam causa actiua prius natura existit, quàm effectus. Ratio est, quia, causa actiua eatenus agit, quatenus est in actu; e.g. ignis eatenus calefacit in quantum est actu calidus, Sol eatenus illuminat, in quantum est actu lucidus, & quod est calidum solum in potentia, & est merè calefactibile, nequit calefacere, ergo ad hoc, vt causa actiua agat, &  
pro-



producat effectum, debet actu esse, & actu existere, ut sic effectui det existentiam; ergo causa actiua existit prius natura, quam effectus. At causa passiva, ut effectum recipiat, non debet esse in actu, sed solum in potentia; e.g. aqua ut calefiat; non debet esse actu calida, antecederet ad calefactionem, sed solum calefactibilis, & per calefactionem fit actu calida, idemque valet in omnibus; sed materia prima est primum actuabile, & est prima causa passiva, ac receptiua primi actus, nimirum formæ substantialis; ergo antecederet ad actum, & ad formam, non debet actu esse, sed debet esse solum in potentia. Hinc ad argumentum in forma distinguo maiorem: causa actiua existit prius natura, quam effectus, concedo maiorem; causa purè passiva nego maiorem, & distinguo minorem; materia est causa actiua formæ, nego minorem; est causa purè passiva cōcedo minorem, & nego consequentiam. Addo, quod materia existit prius tempore quam forma accepta per naturalem generationē; antequam enim ab agente naturali accipiat formam ignis, materia existeret sub forma ligni, ideoque pro instanti antecedente, materia erat non solum prius natura, sed prius tempore, at  
 pro



pro illo instanti , pro quo formam accipit non existit actu prius natura , sed solum est secundum potentiam & essentiam , & existit simul cum forma , cum per eandem existentiam existat .

Eodem pacto ad confirmationem distinguo maiorem , causa actiua non mendicat existentiam ab effectu , neque prius in actu à posteriori , concedo maiorem : causa passiva , & prius solum potentia , nego maiorem ; distinguo eodem pacto minorem , & nego consequentiam . Calefactibile mendicat esse calidum actu à calore , & subiectum actuabile mendicat esse actu ab actu , cum sit causa merè passiva , hoc est receptiua & mendicatiua actus .

Ad 7. Distinguo maiorem ; omne actuabile actu non primo , antecederet ad talem actum , habet actum alterius generis concedo : maiorem ; omne actuabile simpliciter quolibet actu etiam primo , nego maiorem , distinguo eodem pacto minorem , & nego consequentiam . Figurabile est actuabile actu non primo ; figura quippe , utpote accidens adueniens rei actu iam existenti , non est primus actus , sed supponit alium fundamentalem , & substantialem , quod idem valet de cæteris actibus accidentalibus . At actus substantialis est primus actus sub

stans omnibus alijs actibus, & non supponens vllum alium actum; ergo actuabile actu substantiali, hoc est primo nō potest antecederet habere alium actum. Quare argumētū retorquetur, & hoc ipso argumēto vti sumus ad probandā nostrā cōclusionē in sexto fūdamēto. Vana est igitur Scotistarum distinctio de actu entitativo, & formali. Actus enim substantialis debet esse actus primus, fundamentalis ac substans, non verò actus secundus fundatus ac receptus in vlllo alio actu, neque formali, neque entitativo.

Ad confirmationem distinguo maiorem subiectum formabile omnibus formis est existens extra causas actu nego maiore: est subiectū extrā causas intrinseca potentia concedo maiore, distinguo eodē pacto minore, & nego cōsequentiā. Quot modis dicitur esse, tot modis dicitur esse extra causas, esse dicitur dupliciter ex Aristotele 9 met. tex. i. esse nimirum potentia intellige intrinseca, & esse actu; ergo esse extra causas dicitur dupliciter; nimirum esse extra causas potentia intrinseca: & esse extra causas actu. Subiectum formabile omni actu etiam primo antecederet ad omnem actum profectò non est actu extra causas, sed solum est extra causas potentia  
intrin-

intrinseca. Si verò importunè quærat<sup>ur</sup> quid sit esse actū, respondeo cum Aristotele 9. met. tex. II. *actus est rem existere, non quemadmodum dicimus potestate; manifestum autem est quod dicere volumus per inductionem singulare, & non oportet omnium definitionem quærere, sed etiam quod proportionale est conspiciere; & pergit, id explicando exemplis. Sicut enim, esse edificatium se habet ad ædificare, ita posse esse actū se habet ad esse actū. Posse intrinsecè esse actū est esse ens in potentia; actū esse est ipse actus.*

Ad 8. Nego materiam posse supernaturaliter existere spoliata omni forma. Ut enim ex confessione Scoti in 2. dist. II. quæst. 2. Aristoteles docet 2. Physicorum tex. 12. materia per nullam potentiam potest esse spoliata omni forma. Probatur autem ab Auerroe in com. eius loci, S. Th. 1. parte quæst. 66. art. 1. & alijs, quia materia est pura potentia, forma est actus: ergo si materia existeret actū sine omni forma, existeret actū sine omni actū. Quod verò non possit etiam esse sine qualibet forma substantiali probatur primo, quia materia est substantia; ergo quandocumque est actū, est substantia actū; sed nō potest substantia actū esse sine actū substantiali; ergo non potest materia actū

G 2

esse

esse sine forma, & actu substantiali. Secundo quidquid dat rei primum esse simpliciter est forma substantialis; sed eo ipso quod materia actu esset, aliquis actus daret illi simpliciter esse, & primum esse; ergo talis actus esset substantialis. Demum cum non possit materia ne supernaturaliter quidem spoliari omni forma accidentali: non enim potest spoliari omni vicatione ac poni nullibi non pon potest spoliari omni figura &c. à fortiori non potest spoliari omni forma substantiali. Si enim figurabile non potest esse quin sit figuratū figura determinatę speciei, materia non potest esse quin sit in determinata specie corporis.

Ad primam probationem, nego materiam ab initio Mundi creatam fuisse sine omni forma; in principio enim Mundi Deus creauit Cælum, & terram, aquam, & aerem, vt ex Genesi colligitur, atque adeò creauit materiam sub formis terræ, aquæ, & aeris, & formā concreauit materiæ cum non eduxerit formam ex subiecto prius existente, transmutando illud, vt requiritur ad generationem naturalem. SS. PP. in argumento allegati dum dicunt quod verba illa *Terra erat inanis & vacua*, significant, materia erat informis, non asserunt quod erat priuata omni forma.

sub-

substantili : nam in principio Deus creavit terram ; ergo materiam cum forma substantiali Terrę ; sed dicunt, quod erat informis, quia carebat formositate , quam postea ab herbis , ac plantis habuit , & cum esset cooperta aquis erat invisibilis . Cæterum Sanctus Augustinus expressè docet materiam non posse esse sine forma per verba sequentia relata à Bacchonio in secundo dist. 12. *Sicut inquit , non potest esse vox quin sit per aliquod verbum formata, sic non potest fieri materia nisi per aliquam formam formata sit .* Quare cum dicit materiam præcessisse formam , intelligendus est , quod præcesserit non tempore , sed origine , eo pacto , quo potentia præcedit actum , ut explicat Sanctus Thomas loco allegato . Negandum est etiam in triduo mortis materiam Christi fuisse absque omni forma : verè enim illud corpus erat mortuum , atque adeò habebat formam corporis mortui , quę dicitur forma cadaueris . Scotus , & alij contrarium asserentes sunt pauci , & communiter reprehenduntur à reliquis Scholasticis .

Ad secundam probationem primo distinguo maiorem : omne absolutum existens prius natura , quam aliud potest existere sine illo , transeat ; omne absolutum non prius existens , sed prius so-

lum secundum essentiam, nego maiorem; distinguo eodem pacto minorem, & nego consequentiam. Aristoteles dum dicit, quod priora sunt, quæ possunt esse sine alijs loquitur de prioribus secundum existentiam: at materia non prius existit quam forma, ut dictum est in solutione argumenti sexti. Secundo respondeo negando absolutè maiorem: principium enim illud Scoti caret fundamento, & ex eo Scotus infert plura contra sensum communem; e. g. infert, quod corpus possit esse diuinitus nullibi, quod possit diuinitus carere omni figura. Nec Aristoteles id dicit: verbis enim allegatis docet, quod ea, quæ possunt esse sine alio, alia verò non sine his sunt priora; sed non dicit, quod omnia priora habeant hanc proprietatem quod possint esse sine suo posteriori; imo in post prædicamentis cap. de priori, agnoscit prioritatem naturæ inter ea, quorum neutrum potest esse sine altero, ut explicabitur cum agetur de prioritate naturæ.

Ad tertiam nego maiorem: magis enim dependet res à causa formali, quæ est forma, quam forma dependeat à subiecto: e. g. magis album in esse albi dependet ab albedine, qua constituitur formaliter, & actu album, quam albedo depen-



dependeat à subiecto dealbabili: repugnat enim per quamcunque potentiam, vt dealbabile sit album actu sine albedine, at potest saltem diuinitus albedo dari sine subiecto dealbabili; sed materia, vtpotè purum actuabile, constituitur in actu per actum, qui est forma, eo pacto, quo dealbabile constituitur album actu per albedinem, ergo non minus repugnat, quod materia sit actu sine forma, & sine actu, quam quod dealbabile sit actu album sine albedine.

Ad confirmationem materia est ita substantia incompleta, vt sit substantia solum potentia, non actu, atque adeò non potest esse actu sine actu, licet anima, quæ est actus, & forma possit etiam remanere etiamsi nullum subiectum informet.

Ad quartam, transeat maior, & distinguo minorem: forma non est de essentia materiæ actu existentis, vt existentis, nego minorem: non est de de essentia materiæ secundum eius esse potentiale, concedo minorem, & nego consequentiam; omnis forma est de essentia sui effectus formalis; e.g. albedo est de essentia albi in quantum est album, figura de essentia figurati actu, in quantum est actu figuratum; actus est



de essentia seu intrinseca constitutione rei existentis in actu ; ideoque Deus nō potest facere materiam existentem actu sine forma , & actu , sicut non potest facere figuratum sine figura . Hinc est axioma commune quod Deus non potest supplere defectum causæ formalis , licet possit supplere defectum efficientis , e.g. potest facere quod paries sit lucidus sine Sole , qui est causa efficiens parietem lucidum , at non potest facere , vt paries sit lucidus sine luce , quæ est causa formalis lucidi .

Ad quintam probationem , nego maiorem : materia enim necessario est cōnexa cum forma tanquam cum actu , per quem existat actu . Dum opponitur , quod non est connexum cum specie , non est connexum cum genere ; distinguo , quod non est connexum cum specie neque determinatè , neque indeterminatè , transeat ; quod non est connexum cum specie determinatè , sed est connexum indeterminatè , nego : distinguo eodem pacto minorem ; & nego consequentiā . Ego non sum connexus cum vilo loco determinatè , quia sine quocunque loco determinatè sumpto possum esse ; possum enim esse sine loco Romano , cum possum non esse Romæ , &c. & tamen non possum esse nullibi . Idem dic de duratione ,

tionem, materia potest esse sine quocunque actu determinatè sumpto, sed non potest esse sine omni omnino actu.

*Vtrum in materia detur potentia,  
respectus, & appetitus  
ad formas.  
Quæstio VIII.*

**V**Idetur non dari 1. quia si in materia daretur potentia passiva; & receptiva formarum substantialium, vel ista potentia esset ipsa essentia materiæ, vel accidens materiæ; non potest esse ipsa essentia materiæ; nam essentia materiæ remanet, cum materia iam habet actu formam; sed potentia materiæ non remanet cum habet actu formam, quando enim iam est in actu non est amplius in potentia ad talem actum, ergo. Nec potentia receptiva formarum potest esse accidens materiæ, quia formæ substantiales sunt actus recepti in potentia receptiva materiæ; sed formæ substantiales non recipiuntur in accidente; ergo potentia materiæ non est accidens.

2. Si in materia daretur respectus ad formas, vel iste respectus reciperetur in sola materia, vel in materia simul,

& forma, non potest recipi in sola materia, quia nullum accidens potest recipi solum in potentia, sed recipitur in ente actuato: neque potest recipi in materia actuata, & formata, quia respectus ad formam non potest esse in forma; nihil enim recipit respectum ad seipsum.

3. Si materia respiceret formas ut possibiles, erg. formam ignis, formam hominis, formam equi &c, vel respiceret singulas determinatè, ita ut impossibilitata quacunque forma determinata, eo ipso impossibilitaretur materia, vel respiceret formas solum indeterminatè, ita ut impossibilitata quacunque forma in particulari, dummodo aliae formae remanerent possibiles, adhuc materia non impossibilitaretur; non potest respicere singulas formas determinatè, alioquin darentur in materia tot respectus, quot sunt formae possibiles, respectus siquidem multiplicantur ad multiplicationem terminorum; sed formae possibiles sunt infinitae, saltem numero, & fortasse etiam specie; ergo in materia darentur infiniti respectus; ergo materia non posset comprehendi ab intellectu creato finito; finitus enim intellectus non potest distinctè cognoscere infinita. Quod si dicamus dari in materia

ria

ria vnicum respectum determinatè respicientem infinitas formas, adhuc daretur vnus respectus aequalens infinitis respectibus respicientibus hanc formam, & hanc determinatè, quod etiam videtur repugnare limitatione entis creati, & ex quo sequitur pariter incomprehensibilitas materie. Neque potest materia respicere formas solum indeterminatè, quia materia eo pacto formas respicit, quo illas recipit; sed recipit formas determinatè, e. gr. recipit hanc animam rationalem: ergo respicit formas determinatè.

4. Si materia appeteret formam, vt turpe, pulchrum quemadmodum in Timæo Plato, & 1. Phys. tex. 81. Aristoteles loquitur, vel appeteret formam, appetitu elicitò procedente ex cognitione, & hoc est falsum, vt patet, vel formam appeteret appetitu innato, & naturali, eo pacto, quo lapis appetit centrum, & neque hoc appetitu potest formam appetere materia, cum talis appetitus oriatur ab aliqua forma inclinante, e. g. appetitus centri in lapide oritur à forma grauitatis, quæ ad centrum inclinat; sed materia est pura potentia; ergo sicut per seipsam non habet formam, ità nec habet inclinationem innatam, & appetitum naturalem ad formam: & hoc

est primum argumentum Auicennae contra appetitum materiae, ut videre est apud S. Th. in comm. tex. 81. 1. Phys.

5. Ut secundo obijcit Auicenna, si materia appeteret formam, vel quia caret omni forma, & hoc est falsum; vel quia licet habeat vnā formam, appeteret simul habere plures formas, & ita appeteret impossibile; vel quia fastidiret formam, quam habet, & aliam quæreretur, & hoc etiam est vanum; ergo materia non appetit formam. Addit tertio Auicenna, quod dicere materiam appetere formam, ut turpe pulchrum, est potius locutio poetica, & figurata, quam Philosophica, & propria.

6. Si materia appeteret formas, vel appeteret equaliter formas inaequaliter bonas, & perfectas, vel meliores, & perfectiores magis appeteret; non appetit magis formas meliores, e.g. magis formam hominis, quam formam ferri, non enim minus, sed potius magis est contenta sub forma ferri quam sub forma hominis, ideoque difficilius finit se spoliari forma ferri, quam forma hominis, ut patet experientia. Nec etiam potest dici, quod aequaliter appetat formas inaequales; ideo enim materia appetit formam, quia cum secundum se sit informis, utpote non habens actum.

pro-

proprium appetit formas, quæ sunt actus, pulchritudo & formositas, & ut Aristoteles ait tex 81. lib. 1. sunt quoddam diuinum, bonum, & appetibile; sed forma perfectior est maior pulchritudo, & formositas, & est quoddam diuinus, melius & appetibilis forma imperfectiori; ergo magis appetit formas perfectiores; est enim irrationale quod appetat formas, quia sunt appetibiles, & non magis appetat magis appetibiles.

7. Ideo materia appetit formas, quia per ipsas est formabilis, actuabilis, & perfectibilis; sed etiam materia est formabilis actuabilis, & perfectibilis per formas supernaturales, & iam corruptas; ergo materia habet appetitum etiã formarum supernaturalium, & iam corruptarum; sed hic appetitus non potest naturaliter expleri, neque enim potest materia formari naturaliter formis supernaturalibus, vel iam corruptis, cum formæ semel corruptæ non possint naturaliter reproduci, nec musca semel mortua possit naturaliter resurgere; ergo, &c.

Respondeo, ac dico potentiam receptiuam formarum substantialium, in qua illæ recipiuntur immediatè, esse ipsam essentiam materiæ, atque adeò non esse accidens distinctum ab eius essentia.

Pro-

Probat<sup>ur</sup> id ex pluribus : primo quia ens diuiditur adequatè in ens potentia , & ens actu ex Aristotele 9. met. tex. 1. quem sequuntur omnes ; & ratio est , quia ens dicitur ab esse , & constituitur per esse ; sed non potest dari aliud esse reale , quam esse actu , ac esse potentia ; ergo non potest dari aliud ens reale , quam ens potentia , & ens actu ; sed materia per seipsam est ens , & non est per seipsam ens actu ; ergo per seipsam est ens potentia ; ergo materia constituitur per ipsam potentiam , atque adeo potentia est essentia materiæ . Præterea si materia per seipsam esset ens , & non esset potentia , cum neque sit actus , daretur ens , quod per seipsum neque esset potentia , neque actus , quod est contra Aristotelem , & contra veritatem , cum hoc ens neque constitueretur per esse actuale , neque per esse potentiale . Rursus materia cum non sit actus , nihil aliud tandem est , quam receptaculum omnis actus , & omnis formæ , quam subiectum formabile omni forma , & actuabile omni actu ; sed hæc omnia significant potentiam passiuam , ac receptiuam actus ; ergo materia nihil aliud tandem est , quam potentia passiva , ac receptiva actus , & in hoc ipso consistit eius essentia .

Se-



Secundo si potentia receptiua formarum substantialium esset accidens materiæ, formæ substantiales cum recipiantur in potentia receptiua, reciperentur in accidente, quod est absurdum. Rursum forma substantialis est, quæ dat materiæ primum esse; sed prima forma, quæ recipitur in materia dat materiæ primum esse, formæ verò aduenientes materiæ iam formatæ forma priori dant esse secundarium, & secundum quid atque adeo sunt accidentia; ergo solæ potentia, quæ primo reciperetur in materia, esset substantialis, formæ verò substantiales supponentes hanc potentiã essent accidentia. Est autem hæc sententia communis pene omnium authorum ut fatetur Zabarella cōtrariæ opinionis patronus lib. i. de materia, cap. 9.

Dico secundo: potentia materiæ est entitas absoluta, & non est entitas relatiua propriè,

Probatur ex differentia entitatis absolutæ ab entitate relatiua. Entitas absoluta est, per quam ens constituitur in suo esse intrinseco, & non ordinatur ad alterum: entitas relatiua est per quam vnum ens ordinatur ad alterum, ideoque relatiua sunt ad alterum; sed ens simpliciter, nimirum homo, equus &c. constituuntur intrinsecè in suo esse per

potentiam , & actum , per actuabile , & actuatum per materiam recipientem , & actum receptum , & per hæc non ordinantur ad alterum ; ergo materia , & forma sunt entitates absolutæ partiales , & incomplete , & non sunt relatiuæ .

Confirmatur , quia id , per quod aliquid ordinatur ad hoc , vt constituatur hoc ens actuale determinatæ speciei , non est relatio , per quam ordinetur ad alterum ens ; sed materia per hoc , quod sit potentia actuabilis , & formabilis ordinatur ad hoc , vt sit hoc ens actuale determinatæ speciei per formam ; ergo materia per hoc quod sit potentia actuabilis , & formabilis non ordinatur ad alterum ens , atque adeò est entitas potentialis absoluta , non relatiua , & forma etiam est entitas actualis absoluta non relatiua .

Dico tertio : ipsa essentia , ac potentia materiæ est appetitus innatus , & naturalis , quo appetit formas , vt turpe appetit esse pulchrum , & informe suam formositatem .

Vt probem conclusionem , explico quid sit appetitus vt sic , & quo pacto appetitus innatus differt ab elicitio . Appetitus vt sic est ordinatio , & inclinatio in bonum . Dupliciter potest , aliquid

quid ordinari in bonum : primo ordinādo seipsum in bonum cognitum ex ipsa cognitione ; vt cum aliquis cognoscens beatitudinem ordinat seipsum ad illam consequendam ; & hæc ordinatio in bonum orta ex cognitione vocatur appetitus elicitus proprius agentium cognoscitiuorum . Secundo potest aliquid ordinari in bonum, & finem ab extrinseco agente, & ordināte, eo pacto, quo sagitta ordinatur ad scopum à sagittario, & hic vocatur appetitus innatus ; & naturalis conueniens etiam rebus insensatis, & tali appetitu lapis, appetit centrum, quia à Deo per grauitatem inclinatur ad centrum, & tanquam ad suum bonum, & finem . Materia, seu potentia actiua bilis, ac formabilis secundum suam essentiam ordinatur à Deo ad formas substantiales tanquam ad suum esse specificum ; suum bonum, suam pulchritudinem, suam formositatem, ideoque per seipsam, & per suam essentiam appetit formas, eo pacto, quo turpe appetit esse pulchrum, seu formosum, & bene formatum, talis tamen appetitus non addit alium respectum quam rationis, quia non ordinatur ad alterum, sed ad suum esse constitutum . Videri potest S. Th. in comm. tex. 81. lib. 1. Phys.

Dico

Dico quarto: datur etiam in materia, potentia, appetitus, ac respectus accidentalis ad aliquas formas, per quam dicitur esse ad illas simpliciter in potentia, quæ potentia accidentalis cessat posita forma, & actu.

Ut probem: suppono doctrinam Aristotelis secundo Perier. cap. 3. quod potentia dicitur dupliciter. Primo dicitur aliquid posse, quia iam est actu: ita Deus dicitur posse esse, quia iam est; dicitur aliquis posse sedere, quia iam sedet. Secundo dicitur posse, quod non est in actu, sed posset esse, præsertim si sit propinquum ad essendum in actu; e.g. dicitur posse eligi, qui non est electus, sed forsan eligeretur, & est propinquus ad hoc, ut eligatur: dicitur pulvis tormentarius posse ignescere, quia fortasse ignescet, & est propinquus ad ignescendum. In hoc ergo secundo sensu materia dicitur esse in potentia ad aliquam formam, cum est propinqua ad illam habendam, licet illa careat, e.g. materia pulveris tormentary; dicitur esse in potentia ad ignescendum, cum est propinquissima ad habendam formam ignis; licet illa careat; materia etiam vini, cum est propinqua ad habendam formam aceti, dicitur esse in potentia acetum; cum quis est propinquus alicui loco.

oco dicitur esse in eo loco in potentia .  
Hæc proxima potentia non est essentialis,  
sed accidentalis materie . Constituitur enim per hoc , quod materia habeat formam propinquam , & accidentia dispositiva ad aliam formam ; ex.gr. per hoc quod habeat formam pulueris tormentarij , & eius accidentia dicitur esse in potentia ad formam ignis . Addit , quod hæc potentia accidentalis cessat posito actu . Sicut enim quis per hoc , quod sit in Platea Sancti Petri , est in potentia ad essendum in templo eiusdem ; tamen cum est actu in templo non est amplius in platea ; sic materia per hoc , quod habeat formam pulueris tormentarij , & eius accidentia est in potentia ignis , & tamen cum actu est ignis non retinet illam potentiam . Dissert autem hæc potentia à priuatione solum secundum rectum , & connotatum . Priuationis enim est carentia formæ in subiecto apto ; potentia est aptitudo ad formam in subiecto carente . Hinc est , vt Averroes relatus à Zabarella libro primo de materia prima ; capite nono , doceat quinto Met. commento 19 potentiam habere coniunctam priuationem , ratione cuius opponitur actui , idemque repetat alijs locis .

Iam materia cum est in potentia accidentali

dentali ad aliquam formam, respicit, & appetit illam respectu, & appetitu accidentali; e.g. materia oui, cum per accidentia in eam introducta à gallina incubante est in potentia accidentali ad formam pulli respicit, & appetit illam appetitu accidentali. Sicut enim per ea accidentia ordinatur ad formam pulli, tanquam ad finem, & bonum suum, ita talis ordinatio est appetitus innatus eius boni. De materia in hoc statu, verificatur, quod sit potius nouerca quam mater, quod sit malefica, & adultera. Sicut enim adultera, cum habeat virum, appetit alterum virum, & recipit domi, eos qui machinatur interitum viro suo, atque adeò fit particeps machinationis, & maleficij in virum, ita materia cum habeat formam oui, appetit formam pulli, & recipit accidentia destructiua oui, & ordinatiua eius ad formam pulli, atque adeò fit particeps machinationis, & maleficij in formam oui. Similiter cum conceperit in suo sinu formam, ut mater filium, appetit aliam formam destructiuam formæ, quam habet, ideoque videtur nouerca filij. Habentur hæc exempla apud Platonem, & Aristotelem.

Ad 1. Concedo maiorem, & nego minorem. Ut enim dictum est conclusione

gione prima, & quarta conuenit materia duplex potentia. Altera est potentia formabilis, & actuabilis per formas, & per actus substantiales, & eorum receptiua, & hæc est ipsa essentia materie. Altera est aptitudo propinqua materie ad habendam formam, qua caret, cuiusmodi est aptitudo oui ad habendam formam pulli, qua caret, & hæc est potentia accidentalis ac dispositiua materie. Hinc cum opponitur: essentia materie remanet, cum materia habet actu formam, potentia non remanet &c: distinguo minorem potentia actuabilis non remanet, nego minorem; non remanet potentia propinquitatis; & aptitudinis ad habendam formam, qua caret, concedo minorem; & distinguo consequens ergo potentia actuabilis forma non est: essentia materie, nego consequentiam; potentia propinquitatis concedo consequentiam. Cum actuabile actuatur remanet; at cum propinquum ad habendum; habet, non remanet amplius propinquam ideo remanet potentia actuabilis, non autem potentia propinquitatis.

Ad 2. Dico, quod omnis respectus realis accidentalis recipitur in materia actuata, & formata, quia omne accidens est in subiecto actuali. Dum opponitur: respectus ad formam non potest esse in for-



forma, nihil enim habet respectum ad seipsam; distinguo, respectus ad vnā formam non potest esse in alia forma, nego; respectus ad vnā formam non potest esse in eadem forma, concedo. Sicut vnus locus habet respectum propinquitatis aut distantiae ad alia loca, non tamen ad seipsum, ita materia formata vna forma habet respectum propinquitatis aut distantiae ad alias formas: e.g. materia formata forma ouis habet respectum propinquitatis ad formam pulli; ad formam autem hominis, aut equi: habet respectum distantiae; ac materia ad formam, quam habet non habet respectum de genere relationis, quia nihil habet respectum ad suum esse specificum actuale.

Ad 3. Non datur respectus realis nisi ad ens actuale, vel si datur ad ens pure possibile datur solum ad illud, in quantum possibilitas ipsius est actualis. Materia igitur formata non alio respectu respicit formas posibles, quam quo respicit actualem possibilitatem ipsarum. Et quia prima possibilitas omnium formarum, & omnium entium est Deus, ut dictum est in logica; possibilitates secundae sunt causae secundae; materia vero habet respectum realem determinatum tum ad Deum, tum ad causas secundas.

undas, ideò materia respicit determinatè omnes possibilitates omnium formarum, & in hoc sensu respicit formas possibiles, vt possibiles determinatè. Concedo etiam quod materia ità respiciat omnes formas possibiles, vt possibiles, & ità sit connexa cum possibilitate cuiuscunque ex illis vt quacunque re-ignante impossibilitaretur materia. Auferri enim possibilitatem primam fornicæ, e.g. est auferri Deum; sed ablato Deo eo ipso materia esset impossibilis; ergo ablata possibilitate cuiuscunque forme particularis, eo ipso materia esset impossibilis; ergo est determinatè connexa cum quacunque forma vt possibili. Imo quodlibet ens respicit, & est connexum determinatè cum quocunque alio ente vt possibili, quia quodlibet ens est connexum determinatè cum primo ente necessario, quod est prima possibilitas necessaria omnium possibilium, & est prima impossibilitas necessaria omnium impossibilium. Dum opponitur: respectus multiplicatur ad multiplicationem terminorum: formæ possibiles sunt infinitæ; ergo respectus sunt infiniti; distinguo maiorem: respectus multiplicatur ad multiplicationem terminorum secundum rationem formalem, secundum quam respiciuntur, concedo  
maio-

maiolem ; secundum rationem materialem , quę respicitur , nego maiolem ; & distingo minorem ; formę possibiles sunt infinitę secundum rationem possibilitatis actualis , nego minorem ; secundũ aliam rationem , concedo minorem , & nego consequentiam . Materia respicit formas vt possibiles , ita vt ratio respiciendi sit possibilitas actualis ipsarum ; sed prima possibilitas est vnica, nimirum Deus ; possibilitates secundę actuales sunt finitę ; ergo materia non habet respectus infinitos , sed finitos. Potest igitur comprehendi materia cum omnibus suis respectibus , quin distincte cognoscantur infinitę formę possibiles. In alio tamen sensu materia respicit formas indeterminatę , in quantum habet respectum non distinguentem vnā formā possibilem ab alia . Ratio est , quia potentia pure passiva , & indifferens non respicit actus illos determinando , ac distinguendo inter se ; e.g. subiectum locale in omni loco non respicit loca determinando , & distinguendo omnia loca possibilia inter se , idemque dic de ceteris ; sed materia est potentia pure passiva , & indifferens ad recipiendam quācumque formā ab agentibus ; ergo respicit formas sub ratione formę respectu non distinguente vnā formā ab

ab alia, ideoque in materia, & ex vi illius non possunt forme inter se distinguì etiamsi comprehendatur materia; eo pacto, quo comprehensa cera figurabili; non possent ex vi illius distinguì omnes figure quibus est figurabilis.

Dum opponitur: materia eo pacto respicit formas, quo recipit formas; respicit determinatè & distinctè, e.g. hanc, & hanc; ergo respicit determinatè: nego maiorem, Nam materia secundum se est potentia determinabilis ab agente, & itaque adeò respicit formas possibiles, ut determinabiles, & indistinctè, at recipit formas, ut actu determinatas ab agente, & itaque adeò recipit determinatè, & distinctè, hanc, & hanc &c. *Explicatur exemplo: cum quis appetit panem, & dabilem respicit panem dabilem indeterminate, & indistinctè, at cum recipit panem, respicit hunc, qui datur illi determinatè.*

Ad 4. & primum *Auicennæ* contra appetitum materie, concedo maiorem, & nego secundam partem minoris. Materia enim appetit formas appetitu non elicitò, sed innato, ut explicatum est in tertia conclusionè. Licet enim secundum se sit purum ens in potentia, adhuc Deo ordinatur ad formas tanquam ad suum bonum, & finem, ad suum esse,

& ad suam formositatem, ideoque est appetitus innatus formæ, ut sui primi boni, & ut sui esse. Quare falsum est, quod appetitus conueniat solum enti actuato, cum possit etiam competere enti in potentia. Adde quod materia formata accidentibus ordinantibus ipsam ad aliam formam, appetit illam appetitu accidentali, ut dictum est in quarta conclusione.

Ad 5. & 2. Auicennæ, nego maiorem. Materia enim appetit formas, non quia caret omni forma, nec quia appetit simul habere plures formas, neque quia fastidit formam, quam habet, sed quia est potentia ordinata etiam ad reliquas formas tanquã ad suum bonum, & finem. Adde, quod appetitus est multiplex. Primus est appetitus boni præscindendo à præsentia, vel absentia ipsius; & hic vocatur simplex amor. Secundus est appetitus boni absentis, ut absentis, & hic vocatur desiderium, Tertius est appetitus & inclinatio in bonum præsens, ut præsens, & iam possessum, & vocatur delectatio, vel gaudium. Materia secundum se præcisè in quantum est pura potentia ordinata ad omnes formas tanquam ad suum bonum, & finem, & præscindit à quacunque forma, appetit formas appetitu quasi simplicis amoris; in  
quân-

quantum habet formam, ut suum bonum, & finem, inclinatur ad illam appetitu quasi gaudij, & complacentiæ de bono possessio; in quantum est in potentia ad alias formas, quibus caret appetit illas appetitu desiderij, quo quasi desiderat non absolute, sed ex suppositione, quod amittet formam, quam habet, quam non fastidit, cum quasi de ea complaceat. Dum opponit tertio Avicenna has locutiones esse poeticas, & metaphoricas nego hoc. Verè enim, & absque metaphora materia appetit formas appetitu innato, cum ad illas ordinetur tanquam ad finem suum, & bonum: hic autem appetitus congruenter explicatur similitudine, ac proportionem appetitus elicitum nobis notioris: locutio autem explicans minus nota per similitudines, & exempla rerum magis notarum est maximè philosophica.

Ad 6. Concedo maiorem, & nego secundum partem minoris; Dico enim, quod materia secundum se præcisè, in quantum est pura potentia, appetit æqualiter omnes formas, cum illas appetat appetitu non distinguente unam ab alia: appetitus autem non distinguens unum ab alio, e.g. cibum meliorem à deteriori non magis appetit unum quam alium; cum ad prælationem re-

quiratur distinctio. Dum opponitur, quod sit irrationabile, ut appetat formas, quia sunt bonum, & appetibile, & non magis appetat meliores, & atque appetibiliore, distinguo, est irrationabile, si appetitus distinguat, concedo; si non distinguat, nego. Quod verò materia difficilius spoliatur vna forma, quam alia, e.g. forma ferri, quam forma hominis, non oritur ex eo, quod materia secundum se magis resistat spoliationi vnius formæ, quam alterius, cū ad omnes æquè se habeat, sed quia vna forma magis resistit expulsionī ex materia, quam resistat altera: e.g. forma ferri magis resistit expulsionī, quam forma hominis. Addo materiam dum est in potentia accidentali magis ad vnam formam, quam ad aliam, magis appetere vnam, quam aliam; e. g. materia oui, quia est in potentia accidentali magis ad formam pulli, quam hominis, magis appetit formam pulli, quam hominis.

Ad 7. Concedo, quod materia appetat etiam formas supernaturales (si tamē est possibilis vlla forma substantialis supernaturalis) & iam corruptas appetitu tamen indistincto. Dum infertur ergo habet appetitum, qui naturaliter, non



non potest expleri, nego consequen-  
tiam. Appetitus enim appetens indi-  
stinctè formam, licet comprehendat  
formas supernaturales, & iam cor-  
ruptas, potest naturaliter expleri per  
formas naturales, eo pacto, quo ap-  
petitus cibi abstrahens à cibo natu-  
rali, vel supernaturali potest natu-  
raliter expleri per cibum naturalem.

At si materia appeteret formas su-  
pernaturales, vt supernaturales,

& corruptas, vt corruptas

distinctè, tum non

posset naturaliter

expleri: sed

non da-

etur

materia talis appetitus,

nec ullus appetitus

naturalis appetit

distinctè ali-

quid super-

natura-

le.

*Vtrum forma sit tota quidditas entis naturalis.*

*Quaestio IX.*

**V**idetur vera esse opinio Auerr. & aliorum relata à S. Th. met.tex.24. & à Perer. lib.6. cap.6. & 7. quod tota quidditas, & essentia entis naturalis sit forma: e.g. quod tota quidditas hominis sit anima rationalis, tota quidditas equi sit anima equina, tota quidditas ignis sit forma ignis, materia verò non sit pars quidditatis, sed tantum eius subiectum, & quasi vehiculum. **I.** Quia illud, quod mutato remanet idem homo, non est pars quidditatis humanæ; nihil enim, remanet idem mutata parte quidditatis suæ; sed mutata materia dummodo sit eadem anima remanet idē homo; nā idē est homo qui nascitur, & qui moritur, & tamen materia continuè per nutritionem, & augmentationem mutatur deperdita priori & noua succedente; similiter resurgemus iidem homines, & tamen materia non erit eadem: saepe enim eadem materia fuit plurium hominum, e.g. apud nationes quæ vescuntur carnibus humanis; materia vnius hominis eua-

evadit materia alterius, atque adeò plures homines deberent resurgere cum eadem materia, quod repugnat; ergo &c.

2. Forma vocatur ab Aristotele quod quid erat esse rei, quidditas, ac species; sed non diceretur quidditas, ac species, nisi esset tota quidditas; ergo &c. Adde Aristotelem 7. met. tex. 12. docere, quod materia non est quid, si autem esse pars quidditatis esset quid; ergo non est pars quidditatis.

Respondeo, quod nomine quidditatis rerum substantialium intelligitur id, quod eo ipso, quod per se subsistit, vel est in supposito subsistente constituit speciem, & dat denominationem, ac definitionem speciei: e.g. quidditas hominis est humanitas, quia eo ipso, quod humanitas per se subsistat, vel sit in supposito subsistente constituit hominem, & dat denominationem, ac definitionem humanæ speciei; ita quia humanitas mea per se subsistit, constituit speciem, hoc est hominem, & mihi dat denominationem, ac definitionem hominis, per quam animal rationale. Similiter humanitas assumpta à Verbo eo ipso, quod est in Verbo, quod est suppositum per se subsistens, denominat Verbum hominem, & illi tribuit denominationem,

ac definitionem hominis; quidditas equi est equinitas ex eadem ratione. Totā igitur quidditas est, quæ sufficit ad dādam denominationem, & definitionem speciei; pars quidditatis est quæ non sufficit, sed requirit aliam compartem. Hinc patet, quod in entibus non naturalibus, sed simplicibus, cuiusmodi sunt intelligentiæ, quidditas est sola forma: e.g. in Angelis sola forma Angeli est tota quidditas, quia eo ipso, quod detur forma Angeli, seu Angeleitas per se subsistens, vel in supposito per se subsistente, datur denominatio, ac definitio Angeli. E conuerso in entibus naturalibus, e.g. in homine, equo, igne &c. forma partis nimirum anima rationalis; anima equi, forma ignis &c. non sunt tota quidditas, quia non sufficit, quod anima, vel alia forma naturalis per se subsistat, vel sit in supposito per se subsistente vt tribuat speciem, ac denominationem, & definitionem hominis, vel alterius entis naturalis, sed requiritur vltius materia. Itā licet post mortem anima separata per se subsistat, adhuc non dat denominationem hominis, nec tum est homo, vel animal rationale; & si Verbum Diuinum assumpsisset solam animam sine materia, & carne; non habuisset denominationem, speciem, ac defini-

definitionem hominis , nec factus esset homo , quia ad hominis speciem requiritur etiam materia , corpus , ac caro . Et confirmatur , quia homo est animal rationale potens sentire , ac discurrere , & exercere alias operationes humanas ; sed anima hominis separata à materia non constitueret animal rationale potens sentire , & discurrere , & exercere operationes humanas . Quomodo enim sentiret sine sensorijs materialibus , videret sine oculis , audiret sine auribus , progrediretur sine pedibus ? &c: ergo anima rationalis non constitueret hominē . Similiter equus est animal hinnibile potens sentire , hinnie , & exercere operationes equinas ; sed anima equi separata à materia non constitueret animal hinnibile ; nam non posset sentire , nec hinnie sine organis materialibus sentiendi , & hinniendi ; ergo non constitueret equum ; idemque valet de cæteris formis naturalibus ; ergo nulla forma est sufficiens ad constituendum ullū ens naturale ; ergo non sunt tota quidditas , sed solum pars quidditatis constituentes cum materia totam quidditatem .

Forma tamen totius est tota quidditas , e.g. humanitas est tota quidditas hominis ; sed humanitas non est sola ani-

ma, sed anima simul, & materia vnita, & differt à forma partis, hoc est ab anima, sicut totum à parte, vt S. Thomas docet in comm. tex. 34 lib. 7. Physicorum. Hinc habetur, cur humanitas dicatur forma totius, anima verò forma partis. Ratio est, quia anima est forma existens in materia, quæ est pars hominis; ergo est forma partis, cum sit in parte; at humanitas non est in materia, cum illâ includat, sed solum est in homine, qui est totum; ergo est solum forma totius.

Hæc doctrina desumpta est ex Aristotele pluribus locis, ac præsertim 6. met. tex. 2. 7. Metaph. t. 34. & secundo phys. te. 16. in quibus docet quidditates rerum naturalium esse sicut sinum, non sicut concavum. Sicut enim ad constituendum sinum non sufficit concavitas, sed requiritur, vt concavitas sit in naso: sic ad constituendum hominem non sufficit anima rationalis, sed debet esse in materia. E conuerso quidditates mathematicæ, e.g. quidditas circuli est sicut concavum; quia forma circuli etiam extrâ materiam habet integram definitionem circuli; idemque dic de alijs mathematicis.

Ad 1. Quod remaneat eadem res potest intelligi multipliciter, primo physicè,



cè,secūdo solū moraliter:e.g.aqua Tiberis remanet eadē solū moraliter & equalēter,cum physicè cōtinuò mutetur:at Pantheon Agrippæ à temporibus Augusti ad nos remansit idem etiam physicè. Certum est hominem, equum, animalia, plantas, &c. dum viuunt remanere eadem physicè, & non solum moraliter. At quæ remanent eadem physicè possunt remanere eadem vel solum formaliter, vel solum materialiter, vel materialiter simul, & formaliter. Rursus, vel possunt remanere formaliter eadem secundum totam formam,& singulas eius partes; vel non secundum totam formam, sed solum secundum principales partes formæ. Similiter vel possunt remanere eadem secundum totam materiam, & singulas partes ipsius, vel secundum solas partes principales materiæ.Exēplis res patebit. Cum lignum mutatur in ignem, remanet eadem materia, licet non retineat idem esse, & eandem formam,ideoque potest in antiquo sensu dici quod ignis sit idem materialiter, non formaliter cum ligno. In animali, cum per nutritionem anima informat materiam cibi, & constituit illam carnem, definens informare aliquam aliam partē materiæ prioris, caro acquisita potest dici eadem formaliter cum deperdita,



sed materialiter diuersa : at aliquę partes carnis sunt eędem non solum formaliter , sed materialiter , quia retinent eandem materiam , & eandem formam . Rursus , quia in homine semper remanet tota anima totaliter vtpote indiuisibilis , ideò remanet idem homo formaliter secundum totam formam . Bruta si habent animas diuisibiles , atque adeo deperditis , vel acquisitis per nutritionem certis partibus materię , deperdunt etiam , & acquirunt partes formę , atque animę , remanent eadem formaliter , non secundum totam formam , sed secundum eius partes principales . Homines cum per nutritionem acquirunt nouas partes materię , alijs amissis , remanent iidem materialiter , non secundum omnes partes materię ; sed secundum principales , hoc est secundum aliquas acceptas à parentibus in generatione , & perfectas à virtute formatiua , & secundum humidum nutritionale , quo imminuto homo paulatim senescit , eo vero deficiente moritur . Videri potest S. Thom: in comp. Theol. quod est opusculum secundum cap. 134. & 161. Hinc patet , quo pacto , qui concipitur paruulus , & qui moritur senex , & magnę staturę sit idem homo . Est enim idem homo formaliter secundum

dum totam formam ; est idem materialiter , non secundum totam materiã , sed secundum partem principaliorẽ hoc est secundum humidum nutrimentale in quo sita est vita . Resurgemus etiam iidem homines formaliter secundum totam formam , & materialiter secundum partes principales materiæ constituentes humidum radicale . Istæ partes principales licet pertinuerint ad plures homines , vt loquitur , S. Thomas cap. 161. Hoc in communi resurrectione secundum Diuinam Prouidentiam attendetur quod si idem numero materialiter in diuersis hominibus fuit , in illo resurget , in quo principaliorem gradum obtinuit ; si autem in duobus exiit secundum vnum , & eundem modum resurget in eo , in quo primo fuit , in alio verò supplebitur ex diuina virtute ; & sic patet quod carnes comestæ ab aliquo non resurgent in comedente , sed in eo cuius prius fuere . Resurgent tamen in eo , qui ex tali semine generatus est , quantum ad id , quod in ijs fuit de humido nutrimentali , aliud verò resurget in primo , Deo unicuique supplente quod deest . Hactenus S. Thomas . Sed quid si eadem pars materiæ constituit humidum radicale plurium ? Primò dico spectare ad diuinam prouidentiam ita res ordinare , vt id non contingat . Secundo dico , quod

quod tum materia diuidetur ex æquo ,  
& vna pars resurget in vno , alia in  
alio.

Hoc ad argumentum , in forma di-  
stinguo maiorem ; id quo mutato rema-  
net idem homo adæquatè materialiter , &  
& formaliter , non est pars quidditatis ,  
concedo maiorem ; id quo mutato re-  
manet idem homo , simpliciter , forma-  
liter , & materialiter , sed non adæqua-  
tè , at solum secundum partem princi-  
palio rem materiæ , non est pars quiddi-  
tatis , nego maiorem ; & distingo eo-  
dem pacto minorem , ac nego consequen-  
tiam . Quod homo licet remaneat idem  
simpliciter formaliter , & materialiter  
non remaneat idem adæquatè secundum  
totam materiam , patet ex verbis Sancti  
Pauli secunda ad Cor. 5. *is qui foris est*  
*homo noster corrumpitur* , quod dixit , quia  
continuè amittimus partes materiæ , &  
carnis , quæ vocantur homo exterior :  
ideò verum est , quod continuè mutamur ,  
& morimur ; quod vita præsens mors est ;  
quod sumus semper alij , & ijdem ; quia  
semper sumus alij secundum alias par-  
tes materiæ . Post resurrectionem rema-  
nebimus omninò idem per totam eter-  
nitatem , quia nihil amplius nostræ sub-  
stantiæ deperdemus .

Ad 2. Aristoteles dum , dicit formam  
esse

esse quidditatem, & speciem rei solet loqui de forma totius; si etiam de forma partis id asserit, ratio est, quia forma est principalis pars quidditatis. Dicit etiam materiam secundum se non esse quid, quia per se non est actu substantia, sed solum potentia, quare proportionaliter est pars solum potentialis quidditatis.

*Utrum forma uniatur materia  
seipsa, vel per unionem di-  
stinctam. Questio X.*

**V**idetur vera esse sententia nominalium quod forma praesertim substantialis uniatur materiae seipsa, & non per unionem distinctam; 1. quia potentia, & actus seipsis sunt vnum, e.g. figurabile, & figura seipsis constituunt vnum figuratum, dealbabile, & albedo seipsis constituunt vnum album, atque idem dic de reliquis; sed materia est potentia, forma substantialis actus; ergo seipsis constituunt vnum.

Et confirmatur quia Aristoteles 8. met. tex. 16. expressè reijcit sententiam eorum, qui dicebant rationem, cur corpus, & anima faciant vnum, esse copulam

lam animę cum corpore , vel compositionem , & addit causam erroris esse , quia potentia , & actus rationem querunt unientem , cum non sit alia ratio , cur potentia , & actus faciant vnum nisi quia alterum est potentia , alterum actus. Idē docet secundo de anima , tex. 7. Consonat Plato in Timeo dicēs , quod vincula quibus res vniuntur sunt proportionēs quas habent ad inuicem .

2. Vt dicitur in lib. de causis , inter omnia esse est illud , quod immediatius , & intimius rebus conuenit ; sed materia habet primum esse per formam substantialem ; ergo forma substantialis maximē immediatē , & intimē conuenit materiæ ; ergo non vnitur materiæ media vnione , alioquin vnio immediatius conueniret materię , quam forma , eo pacto , quo cum vna tabula vnitur alteri medio glutine , gluten immediatius vnitur , quam tabula .

3. Vel vnio distincta à materia , & forma esset substantia , vel accidens ; non potest esse substantia , quia substantia ab Aristotele 7. met. tex. 7. & 2. de anima , tex. 2. diuiditur in materiam , formam , & compositum ex his ; sed vnio , neque est materia neque forma , neque compositum ex his ; ergo non est substantia : neque potest esse accidens , quia acci-

accidens est, quod aduenit enti iam constituto in suo primo esse specifico , & actuali ; sed vnio non aduenit enti iam constituto : sed illud constituit in suo primo esse specifico , & actuali , e.g. vnio animæ cum corpore non aduenit homini iam constituto in esse hominis , sed hominem constituit , cum homo constituitur homo per materiam ; & formam simul vnitas ; ergo vnio non est accidens .

4. Vel vnio constitutiua hominis existit per existentiam animæ rationalis, vel per existentiam diuersam , non per diuersam , alioquin in homine, qui est ens per se vnum, darentur plures existentiae; neque potest existere per existentiam animæ rationalis , quia illud , quod remanente eadem existentia animæ rationalis , potest esse , vel non esse , produci , ac corrumpi , non existit per existentiam animæ rationalis ; sed per mortem corrumpitur vnio , & in resurrectione reproducetur vnio , remanente eadem existentia incorruptibili animæ rationalis ; ergo vnio non existit per existentiam animæ rationalis .

5. Vel materia , & forma vniuntur per vnicam vnionem , vt docet Suarius disp. 13. met. sect. 9. & alij satis communiter , vel vniuntur per duas vniones , qua-

quarum vna sit in materia, altera in forma vt docet Scot. in 2. dist. 1. quest. 5. quem sequitur Vrtadus & alij; non possunt vniri per duas vniones, primo, quia, vt duo faciant vnum, debent facere vnum per aliquid vnum, & commune, non autem per duo; sed materia, & forma, per vnionem constituuntur vnum, ergo vnio est vna, & communis vtrique, non autem duplex. Secundo quia repugnat, quod per illam vnionem per quam materia vnitur formae, forma non vniatur materiae; ergo non datur duplex vnio, cum altera eo ipso esset superflua; neque etiam possunt vniri per vnicam vnionem, primo, quia duo extrema referuntur ad inuicem per duas relationes; ergo etiam vniuntur per duas vniones; secundo, quia vnica vnio non potest simul recipi in materia, & forma; quo modo enim vnum sit in duobus distinctis; sed non est maior ratio, cur potius recipiatur in materia, quam in forma; ergo non potest esse vnica vnio. Tertio, quia in homine vnio neque potest esse materialis, alioquin esset improporcionata animae spirituali, neque potest esse spiritualis, alioquin esset improporcionata corpori materiali; ergo debent esse duae vniones, altera materialis, quae recipiatur in materia, altera spiritualis, quae reci-



recipiatur in anima rationali.

Ex alia parte videtur esse vera sententia communis, præsertim recentiorum, quod forme tum substantiales, tum accidentales non inodales uniantur materiæ unione distincta, primo quia quæ possunt naturaliter, vel etiam supernaturaliter esse, quin simul uniantur, non uniantur seipsis, sed unione distincta; sed materia, & forma possunt esse supernaturaliter, quin uniantur; potest enim Deus conservare animam equi separatam ab omni materia, sicut conservat extrâ materiam accidentia Eucharistica; materia, & anima rationalis etiâ naturaliter possunt esse, quin uniantur; siquidem post mortem hominis remanet materia, & anima rationalis separata; ergo materia, & forma uniantur per unionem distinctam.

Respondeo quatuor dari gradus formarum. Primus, & supremus est earum, quæ, quia secundum se habent naturam, & esse perfectum non possunt uniri materiæ, cuiusmodi sunt Deus, & Intelligentiæ. Secundus est earum, quæ, quia habent naturam incompletam, possunt ac debent in prima productione uniri materiæ: sed quia habent esse independens à materia, possunt retinere suum esse etiam extrâ materiam; cuiusmodi est

est sola anima rationalis, quæ post hominis mortem remanet extra materiam. Tertius est earum, quæ habent esse dependens quidem à materia, sed non ità, ut deperdita quacunque parte suæ materiæ, deperdant partem sui esse, sed possint retinere totum suum esse in materia partialiter diuersa. Tales sunt secundum sententiam Thomistarum animæ indiuisibiles brutorum perfectorum, quæ possunt per nutritionem deperdere quasdam partes materiæ, & alias acquirere retinendo totum suum esse, utpotè indiuisibile. Quartus est earum, quæ habent esse ità dependens à materia, ut deperdita quacunque parte materiæ, deperdant partem sui esse, quales sunt formæ diuisibiles secundum diuisibilitatem materiæ. Ex istis quatuor gradibus duo medij participant aliquid ex superiori, & inferiori. Anima enim rationalis participat aliquid de Intelligentijs, in quantum habet esse per se, subsistens, ac potest remanere extrà materiam, sicut Intelligentiæ; participat aliquid de formis materialibus, in quantum indiget complemento materiali, sicut formæ materiales. Animæ indiuisibiles brutorum perfectorum participant aliquid de anima rationali, in quantum possunt retinere idem totaliter esse, extra quasdam partes materiæ,

terię , sicut ānima rationalis ; participāt aliquid de formis inferioribus , in quātum non possunt esse extrā omnem materiam , sicut formę inferiores non possunt esse extrā omnem materiam .

Ex his iam descendendo ad quæstionē propositam , dicendum , quod anima rationalis , & etiam formę indiuisibiles materiales , si dantur , vniuntur materię per vnionem distinctam ab earum existentia actuali ; formę verò diuisibiles vniuntur materię per suū esse actuale . Ratio primę partis est , quia esse animę rationalis potest esse extrā omnē materiam ; ergo aliud est quod detur hoc esse , aliud , quod sit in materia ; ergo vnitur materię per vnionem distinctam . Similiter esse formarum indiuisibilium potest dari , quin vniatur huic particulę materię , cum remaneat etiam illa deperdita per nutritionem ; ergo vnitur tali particulę per vnionem distinctam ; idem valet de ceteris particulis ; ergo &c. Ratio secundę partis est , quia esse formę diuisibilis non potest remanere extrā istam particulam materię ; ergo idem est quod sit , ac quod sit in hac particula materię ; ergo formę diuisibiles vniuntur materię per suum esse . Confirmatur , quia formę diuisibiles habent esse omnino materiale ; sed esse  
omni-

omnino materiale est quod ita est esse huius materiæ, vt non possit non esse huius materiæ: ergo esse formarum diuisibilibium, ita est esse huius materiæ, vt non possit non esse huius materiæ; ergo forme diuisibiles sunt in hac materia per suum esse, quod vtpotè omnino materiale, est esse commune huius materiæ, & huius formæ, ita vt non possit non esse vtriusque, & in vtraque.

Ex tradita differentia inter animam rationalem, & formas materiales potest inferri, quo pacto anima rationalis differat à ceteris formis primò in esse; secundò in produci; tertio in operari.

Primò differunt quoad esse. Nam anima rationalis propriè est; aliæ forme propriè non sunt, sed compositum his est, vnde dicit S. Thomas in quæst. disputatis quæst. 1. de virtutibus in comuni art. 11. in corp. *forma ens dicitur, non quia ipsa sit, si propriè loquamur, sed quia aliquid ea est.* Ratio est, quia illud propriè est, quod est susceptiuum primum & sufficiens sui esse, illud verò quod nō est susceptiuum primum, & sufficiens sui esse, sed est pars primi, ac sufficientis susceptiui, & eatenus suscipit esse, quatenus est in illo, propriè non est, sed est in eo, quod propriè est; sed anima rationalis

tionalis est primum, & sufficiens susceptivum sui esse, ideoque retinet suum, esse etiam separata à corpore, & ab homine; ergo anima rationalis propriè est. E' conuerso cæteræ formæ non sunt primum, & sufficiens susceptivum sui esse, e.g. anima equi non est primum, & sufficiens susceptivum sui esse, cum nō possit esse extra equum, sed primum, & sufficiens susceptivum esse est equus; anima verò equina est susceptivum solum insufficiens, & parziale, & eatenus partialiter suscipit esse, quatenus est in equo tanquam pars; ergo anima equi propriè non est, sed per ipsam equus est. Esse igitur primò, & principaliter conuenit composito, quia compositum est primum, & sufficiens susceptivum esse: secundo conuenit formæ, quia per ipsā compositum determinatur ad suscipiendum esse; tertio conuenit materiæ, quia materia determinatur à forma ad suscipiendum partialiter actum essendi.

Secundo differunt quoad produci, & fieri. Anima rationalis propriè producit, & fit, imo creatur à Deo, aliæ formæ propriè non fiunt, neque producuntur, sed ijs cōpositū fit, vt docet S. Thomas loco citato dicens; *forma fieri dicitur, non quia ipsa fiat, sed quia ea aliquid fit, dum scilicet subiectum reduci-*  
tur

*tur de potētia in actū.* Et est doctrina expressa Aristotelis 7. met. tex. 26. 27. 32. Ratio est, quia illud quod propriè est, & accipit esse de nouo, tanquam primum, & sufficiens susceptium actus essendi propriè fit, & producit, & si antea carebat omni esse propriè creatur. E conuerso illud, quod propriè non est, neque suscipit esse tanquam primum, & sufficiens susceptium actus essendi, sed est in alio, & accipit esse, in quantum est in primo, & sufficiente susceptiuo, propriè non fit, neque producit, sed eo compositum fit, & quando subiectum ante erat, educitur de potentia subiecti; sed anima rationalis propriè est, & quando generatur homo, anima accipit esse à Deo tanquam primum, & sufficiens susceptium actus essendi, cum antea caret omni esse; ergo anima rationalis propriè producit, & fit, imo creatur; aliæ formæ propriè non sunt, neque accipiunt esse, tanquam primum, & sufficiens susceptium actus essendi; sed sunt in composito, & accipiunt esse partialiter, in quantum sunt pars compositi, quod est primum, & sufficiens susceptiuum esse; ergo propriè non fiunt, sed per ipsas compositum fit.

Tertio differunt quoad operari: Quod enim primo, & per se est sufficiens tanquam

quam susceptiuum actus essendi , potest per se operari . Eatenus enim agit , & operatur , quatenus est in actu ; ergo si per se est in actu , per se aliquid agit , & operatur . E conuerso quod non per se est , sed solum in quantum est in toto , nec per se potest agere , & operari , sed solum in quantum agit , vel potest agere ipsum totum . Sed anima rationalis per se est ; ergo per se agit , & operatur exercendo aliquas operationes proprias quales sunt operationes intelligendi , & volendi , quarum principium est sola anima , non concurrente materia , vel vlllo organo , seu instrumento materiali ; alia forma non sunt per se , sed in toto , ideoque per se non operantur , sed ad earum operationes concurrunt etiam materia . E g. anima equi non per se videt , sed equus , concurrente etiam oculo materiali . Vnde S. Th. loc. cit. dicit *formae , quae habent esse dependens à materia , vel subiecto non habent per se operationem ; non enim calor agit , sed calidum* . Hinc est , vt sicut à priori probatur animam rationalem per se agere , quia per se est , sic à posteriori demonstratur animam per se esse , non posse separari à materia , quia per se agit intelligendo , cum ad operationem intelligendi non possit concurrere



rere corpus, vel materia, vt explicabitur, suo loco ex doctrina Platonis, & Aristotelis. Plato siquidem in dial. de pulchro, ante medium probabat animam esse per se, adeoque esse immortalem, quia mouet seipsam, hoc est quia intelligit per seipsam non concurrente corpore: Aristoteles 3. de anima, tex. 19. & 20. ostendit animam intellectiuam, verè, & per se esse, atque adeo esse immortalem, quia habet operationem intelligendi propriam, in qua non participat organum materiale, & corporeum, idemque docet secundo de generatione animalium cap. 3.

Ad 1. Dum dicitur quod, potentia, & actus faciunt vnum seipsis, sensus est, quod actus, eo ipso, quod insit potentie, facit vnum cum illa, propter mutuam proportionem, quam habent ad inuicem: at non negatur, quod aliqui sint actus, in quibus aliud est esse, aliud inesse potentie, vt dictum est de anima rationali. Aristoteles, dum rejicit dicentes, quod anima facit vnum cum corpore propter copulam, loquitur contra antiquos, qui dicebant animam vniri materie medio aliquo corpore subtilissimo, quod se haberet tanquam gluten, adglutinans animam materie: at  
non

non negat , animam inesse corpori ita ,  
vt ipsum inesse distinguatur ab esse ani-  
mæ . In eundem sensum loquitur Plato ,  
& S. Thomas .

Ad 2. Distinguo maiorem , esse inest  
immediatè , & intimè , non tamen seip-  
so vt quo , sed solum vt quod , concedo  
maiozem ; concedo minorem , & distin-  
guo consequens ; ergo forma substantia-  
lis immediatè inest , hoc est inest seipsa  
etiam vt quo , nego consequentiam ; im-  
mediatè inest , non tamen seipsa , vt quo ,  
sed solum vt quod , concedo consequen-  
tiam ; ergo non inest media vnione , quæ  
non sit ipsum inesse , concedo consequen-  
tiam .

Quando dicitur , quod aliquid imme-  
diatè agat , cognoscat , insit &c. potest  
fieri duplex sensus . Primus est , quod  
agat , cognoscat , insit seipso etiam , vt  
quo , ita vt sit ipsum agere , cognosce-  
re , & inesse . In hoc sensu parum vsi-  
tato non potest dici , quod oculus im-  
mediatè videat , intellectus immediatè  
intelligat , causa creata immediatè agat ,  
esse animæ rationalis immediatè conue-  
niat , & insit materiæ , quia nec oculus  
videt seipso , vt quo , sed visione distin-  
cta , nec anima rationalis seipsa inest ,  
sed vnione distincta . Secundus sensus  
communis , & vsitatus est , quod aliquid

agar, cognoscat vnitur immediatè, quia licet non sit ipsum agere, cognoscere, in esse, & vniri, tamen nihil mediat, quod non sit ipsum inesse, & vniri: quod non sit ipsum agere, & cognoscere. In hoc sensu, & oculus videt immediatè, & causæ immediatè agunt, & anima rationalis immediatè vnitur, & inest corpori, quia licet oculus non sit ipsum videre, tamen nihil mediat, quod non sit videre, & licet anima non sit in esse, nihil mediat quod non sit ipsum inesse. Hinc patet disparitas ad exemplum tabulæ, quæ quia iungitur glutine, non vnitur immediatè. Discrimen est quia tabula coniungitur glutine, quod non est ipsum inesse, & coniungi tabulæ.

Ad 3. Respondeo vnionem animæ rationalis cum corpore non esse accidens, nec esse accidentalem, vt efficaciter probatur in argumento, sed esse substantialem, quia non aduenit materiæ iam constitutæ in suo esse specifico, & actuali, sed illam constituit in suo esse specifico, & actuali hominis. Et licet adueniat animæ habenti suum esse actuale, adhuc aduenit animæ non constitutæ in esse specifico hominis, sed trahit illam ad esse specificum hominis, ponendo in materia, & constituendo vnum simpliciter existens per vnicum esse animæ, vt docet

docet S. Th. in quæst disp. quæst. i. de anima, art. i. ad i. Addo vnionem esse substantialem potius, vt quo, quam, vt vt quod. Ratio est, quia vnio est substantialis potius quia affert materiæ perfectionem substantialem animæ, & tribuit animæ perfectionem substantialem corporis, quam quia secundum se præcisè tribuat illis perfectionem substantialem considerabilem, cum vnio secundum se præcisè sit minime perfectionis, & entitatis, licet trahat maximam perfectionem extremorum. Ratio verò est, quia vt duo intimè vniantur, & communicentur perfectè, medium, quo vniuntur, debet esse minimum, & subtilissimæ entitatis, eo pacto, quo vt duæ tabule perfectius vniantur, gluten, quo vniuntur debet esse subtilissimum; sed vnio animæ cum corpore vnit intimè, & perfectè; ergo secundum se præcisè est minimæ entitatis, & perfectionis, & fortasse minoris perfectione accidentali absoluta. Idcirco vnio quibusdam visa est accidens, licet non sit accidens, quia non aduenit materiæ iam existenti, sed affert illi primum esse, quo existat primò, ac proinde est substantia partialis, vt quo. Ad Aristotelem diuidentem substantiam, formam, & compositum, respondeo nomine formæ intelligere

formam , in quantum format , & aduatur materiam, sub qua ratione includit vnionem

Ad 4. Sicut vnio est substantia partialis vt quo , vt dictum est , ita propriè existit , vt quo , sed talis existentia , vt quo distinguitur ab existentia animæ rationalis . Dum opponitur : in ente per se vno datur vnica existentia , distinguo maiorem ; in ente per se vno datur vnica existentia , qua existat formaliter & vt quod , concedo ; qua existat etiam vt quo , nego maiorem ; concedo minorem , & distinguo eodem pacto consequens . Dico quod in ente per se vno , e.g. in homine datur vnica existentia , qua formaliter existat, vt quod, sicut datur vnica anima intellectiua , qua fit animatus . At sicut vltra animam , qua homo formaliter , & vt quod est animatus , datur vnio cum anima , qua homo , & corpus non est formaliter animatum vt quod , cum vnio non sit anima , atque adeò seipsa non constituat animatum vt quod , sed solum constituat vnitum animæ , quod est esse animatum solum vt quo : sic vltra existentiam animæ , per quam homo formaliter , & vt quod existit , datur existentia vnionis , qua homo non existit vt quod , sed vt quo , hoc est habet corpus vnitum animæ per cuius  
exi-

existentiam , formaliter existit . Plura sunt exempla ad id explicandum . Homo formaliter , & vt quod est diues per diuitias , ac per possessionem diuitiarum non est diues vt quod , sed vt quo . Humanitas Christi subsistit per substantiã Verbi , ac per vnionem hypostaticam , quę est creata , non subsistit vt quod , sed solum vt quo , hoc est habet substantiam , qua formaliter subsistat . Ens igitur per se vnum habet vnicum esse , quo existit , vt quod , & tamen quando hoc esse communicatur toti à parte separabili , qualis est anima rationalis , potest habere aliud esse vnionis , quo existat vt quo .

Hinc patet , quo pacto cum homo generat hominem , per ipsam actionem generatiuam producat aliquam existentiam . Certum est , quod per actionem causę secundę non producatur existentia animę , vtpote , quę producat à solo Deo per creationem : Secundo non producatur existentia per quam homo , & materia existit , vt quod , quia vt dictum est , homo existit vt quod per existentiam animę creatę à solo Deo . Reliquum igitur est , vt producat , siue educatur de potentia materię existentia solius vnionis , per quam homo existit vt quo , & eadem quando homo moritur , sola

perit, seu reducitur in potentiam materiæ. Adhuc tamen homo producitur, & corrumpitur; quia tum homo producitur, cum datur materiæ, & formæ esse hominis, vniendo illas, & talem vniōem educendo de potentia materiæ; tum homo corrumpitur, cum amittit esse hominis per separationem materiæ à forma, & per reductionem vniōis in potentiam materiæ: sed hoc totum fit; ergo homo producitur, & corrumpitur. In resurrectione similiter, quæ vocatur à Christo regeneratio, regenerabuntur homines, reddendo animæ, & corpori esse hominis, ac formam materiæ reuiniendo.

Ad 5. Dico cum Suario contra Scotum in homine dari vnicam vniōem, vbi benè probatur in argumento. Ad primum argumentum ex paritate relationis, disparitas patet ex dictis, nam cum dno referuntur, constituuntur duo intrinsecè relata, & non vnum relatum; ergo per duas relationes quarum vna vni sit intrinseca altera alteri; at cum materia, & forma vniuntur constituuntur vnum; ergo per vnicam vniōem, & per vnicum esse vtrique commune.

Ad 2. Distinguo antecedens vnum non potest esse intrinsecum duobus, quæ consti-



constituantur vnum, nego, quæ non  
constituantur vnum, concedo. Vnio  
animæ cum corpore est intrinseca duo-  
bus; sed quæ per talem unionem fiant  
vnum. Hoc verò non solum non repu-  
gnat, sed est necessarium. Nam id, quo  
duo sunt intrinsecè vnum, debet esse  
utrique intrinsecum, & commune.

Ad 3. Vnio animæ rationalis debet  
esse materialis, quia omne, quod depen-  
det à materia, debet esse materiale; sed  
vnio cum materia essentialiter dependet  
à materia, nec potest esse extra mate-  
riam; ergo vnio cum materia est ma-  
terialis. Nec sequitur quod sit impro-  
portionata animæ spirituali: sicut enim  
animæ spirituali non est proportio-  
natum subiectum, & corpus materiale,  
ita nec vnio materialis sequens naturam  
subiecti materialis, à quo essentialiter  
dependet.

Si quarto opponitur exemplum vnio-  
nis hypostaticæ, quæ licet vniat Verbū,  
& humanitatem, recipitur intrinsecè in  
sola humanitate, non recipitur intrinse-  
cè in verbo, sed ad illud purè termina-  
tur. Respondeo disparitatem esse, quia  
vnio debet intrinsecè recipi in solo, &  
omni extremo, cui tribuit intrinsecè  
perfectionem alterius extremi; sed vnio  
hypostatica soli humanitati tribuit in-

trinfecè perfectiorem Verbi, Verbo verò, utpote summè perfectio, adeoque imperfectibili non tribuit perfectionem humanitatis; ergo debet intrinfecè recipi in sola humanitate. E conuerso vniõ animæ cum corpore, & corpori dat perfectionem animæ; & animæ dat perfectionem corporis; ergo debet intrinfecè recipi in corpore, & in anima.

Ad argumentum probans vniuersaliter omnes formas vniri materiæ per vniõnem distinctam ab esse, quia quæ possunt naturaliter vel etiam supernaturaliter esse, quin simul vniantur, vniantur per vniõnem distinctam ab ipso esse; omnes formæ non modales sunt, huiusmodi ut patet ex Eucharistia; ergo &c. Distinguo maiorem, quæ possunt separari retinendo idem esse; concedo, non retinendo idem esse, nego: distingo eodem pacto minorem; & nego consequentiã. Potest quidem anima equi poni extrã materiã, sed tunc non haberet esse equi, quod habet nunc, sed esset per se subsistens ad modum animæ rationalis. Si verò quærat, quo fundamento dicamus formas materiales, si conseruentur separatæ, non habere idem esse, respondeo rationem esse, quia esse formarum proportionatur operationibus præ-

præsertim immanentibus, ideoque ex eo,  
quod formę materiales habeant opera-  
tiones, quarum nullam possunt exerce-  
re sine materia, arguitur quod habeant  
esse, quod non possunt habere extra ma-  
teriam, ut dictum est; sed formę mate-  
riales nè de potentia quidem absoluta,  
possunt exercere sine materia suas na-  
turales operationes immanentes; ex. gr.  
anima equi non potest, etiam de poten-  
tia absoluta videre sine oculis, ambula-  
re sine pedibus, & materialibus instru-  
mentis; ergo formę materiales,  
nè de potentia quidem abso-  
luta, possunt habere  
suum esse naturale  
extra mate-  
riam, er.

go

sicut separatę à materia opera-  
rentur per alias operatio-  
nes immanentes, sic  
existerent per  
aliud ef-  
fe.

*Vtrum totum distinguatur à partibus simul sumptis, & vnitis. Quæstio XI.*

**V** Idetur vera esse sententia Auicennæ libro tertio suæ Metaphysicæ, Scoti in 3. dist. 2. quæst. 2. & aliorum, quod totum per se à parte rei distinguatur ab omnibus partibus, & ab omnibus constitutiuis partialibus etiam vnitis, non solum seorsim, & diuisim, sed collectiuè, & simul sumptis; e. g. quod humanitatis sit aliud ens seu quædam tertia entitas, præter materiam, formam, & vnionem, etiam simul, & collectiuè sumptas: 1. quia ex Aristotele 8. Met. tex. 15. totum per se in hoc differt à toto per accidens ad modum cumuli, & acerui, quod totum per se vnum, e. g. humanitas est aliquid aliud præter partes, totum verò per modum acerui non est aliquid aliud præter partes, e. g. aceruus lapidum non est aliquid aliud præter lapides simul congregatos; ergo.

2. Quod dicit totam perfectionem partium simul sumptarum, & aliquam aliam, est aliquid melius partibus simul sumptis, adeoque est aliquid aliud præter

ter partes simul sumptas, cum melius sit aliquid aliud præter deterius. Sed totum: e.g. humanitas dicit totam perfectionem partium simul sumptarum, nimirum animæ, corporis, & vnionis, & aliquam aliam; ergo humanitas est perfectior, & melior omniibus partibus simul sumptis. Probatur minor: ponamus quod anima sit perfecta, vt 4. materia, vt 3. vnio, vt 2. redigendo hanc perfectionem in vnā summā materia, anima, & vnio simul habebunt perfectionē, vt 9; sed humanitas constituta ex materia, anima, & vnione habet totam hanc perfectionem vt 9. & maiorem; nam, vltra hanc perfectionem vt 9. habet perfectionem, qua anima perficit corpus, quæ sit, vt 3. qua corpus perficit animā, quæ sit vt 2. & qua vnio perficit corpus simul, & animam, & ab ijs mutuo perficitur, quæ sit vt 2; ergo humanitas habet totam perfectionem partium simul sumptarum, & etiam maiorem. Contrarium accidit in toto constituto ex partibus coaceruatis. Cum enim partes se mutuo non perficiant, totum non est perfectius partibus simul sumptis, nec ab illis distinguitur.

3. Partes etiam simul sumptæ, & vnitæ constituunt, & causant intrinsecè totum, tanquam causæ intrinsecæ, veræ,  
&



& reales totius, ideoque materia, & forma recensentur ab Aristotele inter veras, & reales causas; sed partes simul sumptæ, & vnitæ non constituunt; nec causant partes simul sumptas, & vnitas; ergo totum à parte rei distinguitur à partibus simul sumptis, cum effectus à parte rei distinguatur à suis causis.

4. Quod per se generatur, & corrumpitur distinguitur ab eo, quod per se non generatur, neque corrumpitur; sed homo qui est totum generatur, & corrumpitur, partes hominis nimirum materia, & anima rationalis non corrumpuntur, sed remanent post mortem hominis, vtpotè incorruptibiles, & in regeneratione in die iudicii regenerabitur homo, materia, & anima rationalis non regenerabuntur, sed præexistent regenerationi; ergo totum, & homo distinguitur à materia, & anima rationali etiam simul sumptis. Neque dicas, quod homo corrumpitur ratione vnionis, quæ perit, & desinit esse, & reproducitur, ratione eiusdem, quæ reproducetur. Nā contra est, quia si totus homo est materia; anima, & vnio simul, vt totus homo generetur, aut corrumpatur, debet generari, vel corrumpi materia, anima, & vnio simul: vt enim aliquid generetur, aut corrumpatur, generari debet,  
aut

aut corrumpi, quod est illud; sed materia, anima, & vnio simul, non generantur, neque cotrumpuntur; ergo totus homo non generatur, neque corrumpitur; vel si generatur; & corrumpitur, est aliud à materia, anima, & vnione simul.

5. Operationes, & proprietates conueniunt toti, & non conueniunt partibus simul sumptis; e.g. homo videt, ambulat, loquitur; corpus, anima, & vnio simul sumpta propriè non vident, neque ambulant, neque loquuntur; sed si totum nihil aliud esset, quam partes simul sumptæ, corpus, anima, & vnio simul sumptæ propriè viderent, ambulant, loquerentur &c; ergo homo distinguitur à partibus simul sumptis.

6. Aristoteles pluribus locis videtur docere distinctionem totius à partibus simul sumptis. Primus locus est 7. met. tex. 7. secundo de anima, tex. 2. 8. Met. tex. 3. vbi dicit compositum esse tertiam substantiam, & tertium ens præter materiam, & formam; sed non id diceret, si compositum esset materia, & forma simul; siquidem duo simul sumpta incōuenienter vocātur tertium ab illis duobus; sicut si quis diceret in Trinitate dari 4, Patrem; Filium, Spiritum Sanctum, & quantum esse tres personas simul



mul sumptas. Secundus locus est 7. Met. tex. ult. vbi docet compositum per se non esse sicut cumulum vel aceruum, sed sicut syllabam, & quod sicut syllaba B A, est aliquid præter litteras, & elementa B nimirum, & A, sic totum non per coacervationem est aliquid præter partes. Tertius locus est 5. Met. tex. 19. vbi docet, quod sex non sunt bis tria, neque ter duo, sed semel sex; ergo asserit numerum senarium distingui à duobus ternarijs, & tribus binarijs simul sumptis.

7. Suppositum distinguitur ab omnibus partibus vnitis simul sumptis; sed totum est idem; ac suppositum; ergo totum distinguitur ab omnibus partibus vnitis simul sumptis.

Respondeo totum non distingui ab omnibus partibus, & constitutivis partialibus simul sumptis, & vnitis. Probat, quia vel distinguitur adæquatè, & totaliter, vel solum inadæquatè; non potest distingui totaliter, & adæquatè, quia illa tantum adæquatè distinguuntur, quorum neutrum est pars alterius, nec includitur in illo, e.g. Petrus, & Paulus distinguuntur adæquatè, quia neque Petrus est pars Pauli, neque Paulus est pars Petri; sed partes sunt partes totius, & includuntur in toto; ergo totum non distin-

distinguitur à partibus adæquatè , & totaliter : nec potest distingui inadæquatè , quia , cum duo inadæquatè distinguuntur , vel vtrumque , vel alterum saltem includit aliquid adæquatè , & totaliter distinctum ab altero ; & si vtrumque includat aliquid adæquatè distinctum , distinguuntur per modum excedentis , & excessi , si alterum tantum , distinguuntur per modum includentis , & inclusi . E . g . collectio omnium animalium , & collectio omnium intellectualium distinguuntur inadæquatè per modum excedentis , & excessi , quia collectio omnium animalium , præter hominem , qui est intellectualis , includit bruta totaliter , & adæquatè distincta à collectione omnium intellectualium ; & collectio intellectualium , præter hominem , qui est animal , includit Angelos adæquatè distinctos à tota collectione animalium . . . E conuerso collectio omnium animalium , & collectio omnium hominum distinguuntur inadæquatè per modum includentis , & inclusi , quia altera tantum , hoc est collectio omnium animalium , præter hominem includit bruta adæquatè distincta à collectione hominum . Hoc posito , vt totum distingueretur inadæquatè à partibus simul sumptis , deberet includere aliquid adæquatè distinctum

ab

ab omnibus partibus simul sumptis, sed non potest includere quidquam adequatè distinctum ab omnibus partibus simul sumptis: ergo &c. Probo minorem; si includeret aliquid adequatè distinctum ab omnibus partibus simul sumptis, illud esset pars, vel parziale constitutum totius; pars enim, seu parziale constitutum totius est quidquid ita constituit totum, ut distinguatur adequatè à ceteris constitutivis; e.g. anima est constitutum parziale hominis, quia ita constituit hominem, ut adequatè distinguatur à corpore, & unione, quæ sunt cetera hominis constitutivæ; sed implicat in terminis, quod totum ultra omnes partes, & omnia partialia constitutiva includat aliam partem, & aliud parziale constitutum; ergo totum non includit aliquid adequatè distinctum ab omnibus partibus simul sumptis; ergo totum non distinguitur ab omnibus partibus simul sumptis, nec adequatè, nec inadéquatè, vel si distinguitur inadéquatè, ita distinguitur, ut nihil includat adequatè distinctum; quod fateor me nunquam potuisse intelligere. Ideò hanc sententiam docent communiter auctores apud Suarezium disp. 36. met. sect. 3.

Ad 1. Distinguo maiorem; totum per se unum late sumptum est aliquid præter



præter partes materiales, vel quasi materiales, & elementares, utcumque localiter coaceruatas, concedo maiorem; totum per se unum est aliquid præter partes materiales, & formales, & præter omnia constitutiva partialia, nego maiorem: & distinguo eodem pacto minorem; & nego consequentiam. Aristoteles distinguit duo tota. Primum est totum ad modum cumuli, & acerui: secundum est totum ad modum syllabæ, e.g. huius syllabæ *Ba*. Totum ad modum cumuli, & acerui non est aliquid aliud præter partes materiales, vel quasi materiales utcumque localiter coaceruatas; e.g. aceruus lapidum, vel cumulus arenarum non sunt aliud, præter lapides, & arenas utcumque coaceruatas localiter. At totum ad modum syllabæ est aliud præter partes utcumque coaceruatas localiter; e.g. syllaba *Ba* non est solum litteræ *B*; & *A*; aliud enim est dicere successivè, *B*, *A*; aliud dicere *Ba* per modum unius syllabæ; ergo *Ba* ultra litteras *B*, *A*, quæ sunt elementa, & partes materiales, vel quasi materiales, dicit aliquam formam, seu formale constitutum syllabæ *Ba*, quidquid tandem sit hæc forma. Similiter caro non est solum quatuor elementa coaceruata localiter; possunt enim elementa coaceruari,

ri,

ri, quin fiat caro, sed ultra elementa, quæ sunt partes materiales ex quibus componitur caro, importat ipsam formam carnis, tanquam formale constitutum. Quod hic sit sensus Aristotelis est manifestum. Nam 7. met. tex. ult. dicit. *Cum verò quod est ex aliquo compositum, ita ut unum totum sit, non est, ut cumulus, sed ut syllaba; syllaba verò non est ipsa elementa, nec idem quod B, A, nec caro, ignis, & terra: & paucis interiectis; est ergo syllaba aliquid, non solum elementa, vocalis, & consonans, sed aliquid aliud, & caro non solum ignis, & terra, sed etiam aliquid aliud, & pergit ostendendo illud aliud non esse elementum; alioquin rediret difficultas, sed esse formam, quæ dat esse rei, tanquam principium formale. In eundem sensum 8. Met. tex. 15. dicit quod totum non per coacervationem est aliquid præter partes, quia partibus materialibus addit formam. Debet autem aduerti quod unum per se locis allegatis sumitur latè prout non solum comprehendit unum substantiale, quod simpliciter, & strictè est unum per se, sed etiam unum accidentale compositum ex materia, & forma, quod non est unum per solam coacervationem localem, sed per actuationem, qua forma actuatur subiectum.*

Ad

Ad 2. Distinguo maiorem ; quod est melius omnibus partibus & constitutivis simul sumptis non solum secundum se præcisè , sed prout intrinsecè perfectis , & melioratis per alias compartes , & constitutiva , est aliquid præter partes ; concedo maiorem : quod est melius omnibus partibus , & constitutivis solum , secundum se præcisè , non autem , ut perfectis per alias compartes , & constitutiva , nego maiorem ; distinguo eodem pacto minorem , & nego consequentiam . Ea probationem respondeo per eandem distinctionem . In toto constituto ex partibus se inuicem perficientibus , qualis est humanitas constituta ex corpore animato , & intrinsece meliorato per animam , & ex anima intrinsecè meliorata , & perfecta per corpus , & materiam , per quam constituitur quodammodo materiata , potest considerari duplex perfectio . Prima est perfectio conveniens partibus ratione sui præcisè : secunda est perfectio conveniens intrinsecè partibus non ratione sui præcisè , sed ratione compartium , à quibus intrinsecè perficiuntur . E.g. in mea humanitate potest considerari duplex perfectio materiæ quæ est pars . Prima est perfectio conveniens intrinsecè materiæ ratione sui præcisè . Secunda est perfectio cōveniens intrinsecè

secè materię non ratione sui præcisè, sed ratione animę rationalis vt vnitę, & intrinsecè perficientis, meliorantis, & actuantis materiam. Similiter potest considerari duplex perfectio animæ rationalis: altera competit illi ratione sui præcisè, & hanc retinet etiam post mortem hominis; altera competit intrinsecè animę ratione materię intrinsecè perficientis, & completis animam rationalem, quam perfectionem anima rationalis non retinet post mortem hominis. Idem dic de ceteris. Perfectio totius est quidem maior perfectione competente partibus vnitis simul sumptis ratione sui præcisè, vt efficaciter probatur in argumento: at non est maior perfectione competente partibus, non solum ratione sui præcisè, sed etiam ratione aliarum compartium. E.g. perfectio humanitatis est maior perfectione ratione sui præcisè competente animę, & corpori ratione sui præcisè: sed non est maior perfectione competente animę non solum ratione sui, sed etiam ratione corporis intrinsece perficientis animam, & perfectione competente corpori non solum ratione sui, sed etiam ratione animę intrinsece perficientis corpus, vt ex se patet; ergo totum non distinguitur à partibus, prout se inuicem perficiunt, & sibi



i mutue communicant intrinsece suā  
fectionem . In toto constante ex par-  
us se mutuo non perficientibus intrin-  
è , quale videtur acervus lapidum ,  
cum non est perfectius partibus simul  
sumptis , etiam secundum se precise , cū  
illa partibus conveniat ulterior perfe-  
o ratione aliarum compartium . Duo  
nt hic digna notatu . Primum est pos-  
aliquid magis perfici transitive perfe-  
one distincta , quam perficiatur in-  
transitive perfectione identificata ; e. g.  
humanitas Christi incomparabiliter ma-  
s perficitur transitive perfectione di-  
incta Verbi Divini , quam perficiatur  
transitive perfectione propria identifi-  
ata : si enim magis perficeretur , seque-  
tur quod humanitas Christi , ut Deifi-  
cata , non esset perfectior duabus huma-  
nitatibus simul sumptis , cum perfectio  
adita non esset maior perfectione huma-  
nitatis secundum se precise considerata .  
Secundum est , fortasse posse aliquod ac-  
cidents magis perficere transitive subie-  
ctum , quam perficiat intransitive seipsū :  
e. g. visio beata multo magis perficit tra-  
sitive S. Petrum , cum reddat illum Bea-  
tum , quam perficiat intransitive seipsam  
cum ipsa visio non sit beata . Ratio est ,  
quia , cum accidens sit ens , precipua-  
tus perfectio est transitiva , qua subie-  
ctum

ctum perficit ; ergo magna perfectio accidentis est in genere perfectionis transitivæ , licet perfectio in genere perfectionis intransitivæ sit minima , & minor quacunque substantiali .

Ad 3. Distinguo maiorem partes simul sumptæ causant , & constituunt totum secundum perfectionem intransitivam , nego ; causant , & constituunt totum secundum perfectionem transitivam , & secundum *ly simul* , concedo maiorem , & distinguo minorem ; partes simul sumptæ non causant partes simul sumptas secundum perfectionem intransitivam , concedo minorem secundum transitivam , & secundum *ly simul* , nego minorem ; & nego consequentiam . In toto e. g. in humanitate potest considerari duplex esse , & perfectio ; transitiva , & intransitiva . Intransitiva , quam habet materia à seipsa , anima à seipsa , & unio à seipsa non est intrinsecè causata neque constituta à partibus ; transitiva , quam materia habet ab anima , per quam constituitur animata , & anima à materia per quam constituitur quodammodo materiata est causata & constituta à partibus . Causari enim intrinsecè est accipere intrinsecè perfectionem , & esse alterius ; causare intrinsecè est intrinsecè dare suam perfectionem alteri ; sed anima  
dat

lat corpori seipsam, & suam perfectionem constituendo corpus animatum: materia dat seipsam, & suam perfectionem; constituyendo illam quodammodo materiata: ergo materia in ratione animati causatur intrinsecè ab anima; anima in ratione materiati; seu ipsum materiatum causatur intrinsecè à materia; ergo totum, hoc est materia animata, & anima materiata in ratione, & perfrictione transitiua animati, & materiati causatur à partibus simul sumptis; partes etiam simul sumptæ causant partes simul sumptas in ratione *simul*, in quantum constituunt ly simul, & communicant inuicem suam perfectionem.

Ad 4. Ex eo; quod id, quod per se generatur, & corrumpitur distingui debet ab eo, quod per se non generatur, & eque corrumpitur; distinguo maiorem; distinguui debet adæquatè, nego; inadæquatè secundum vltimum constitutum prius, concedo; concedo minorem, & distinguo consequens; ergo homo distinguitur ab anima, & corpore inadæquatè, quia superaddit vnionem, concedo consequentiam; adæquatè, nego consequentiam; sufficit autem distinctio inadæquata etiam in sententia Aduersariorum dicentium, totum inadæquatè

solum distinguì à partibus .

Ad replicam , distinguo maiorem ; totus homo generatur , & corrumpitur totaliter , nego maiorem , partialiter , & secundum vltimum constitutiuum hominis , quod est vnio , concedo maiorẽ ; concedo minorem , & distinguo consequens ; ergo materia , anima , & vnio simul debent generari , vel corrumpi simpliciter secundum se , nego consequentiam , debent generari , & corrumpi secundum id , secundum quod constituuntur in esse hominis , quod est vnio , qua sibi inuicem communicantur , concedo consequentiam . Anima , & materia simpliciter ; non generantur , neque corrumpuntur secundum se , sed solum accipiunt vltimũ esse hominis , quod est vnio qua sibi inuicem communicantur .

Ad 5. Concedo quod operationes & proprietates primo , & per se competunt toti , exceptis operationibus intelligendi , & volendi , quę primo , & per se conueniunt animę rationali , vtpotè per se existenti , vt dictum est qu. 10. Ideò bene dicit Aristoteles propriè , non animam irasci , sed hominem , quia passionēs sunt operationes , in quibus participat organum corporale , vt explicabitur in lib. de Anima . Ideò passiones primo ,

&

per se competunt non animæ nec corpori sed toti homini ; sed nego quod operationes non conueniant partibus simul sumptis , in quantum se inuicem efficiunt , & communicant in esse . Verè enim corpus , vt animatum , & anima , vt materiata videt , audit , sentit , ambulat , cum homo nihil aliud tandem est quam materia , vt animata , & anima ; & materiata prout se inuicem perficientes , & habentes esse commune , & secundum illud esse , & perfectionem communem operantes . Radix æquiuationis in hac quæstione oritur ex eo , quod totum dicit partes simul sumptas non vtrunque , sed vt se inuicem intrinsecè perficientes , ideoque dicit partes non semel tantum , sed bis , nec solum in recto , sed etiam in obliquo : e.g. homo est corpus , & anima non vtrunque , sed corpus , vt animatum , & anima , vt materiata ; ideoque corpus bis dicitur , semel in recto ; & vt habens perfectionem animæ , quæ importatur in obliquo ; & semel in obliquo ; & vt habitum ab anima , quæ importatur in recto . Quod enim significatur in recto , importatur , vt habens , quod in obliquo , vt habitum . Anima similiter bis dicitur . Ex hoc sequitur , quod quædam denominationes conueniant toti , quæ non conueniunt

niunt partibus semel tantum, & in re-  
cto sumptis, ideoque videtur, quod to-  
tum distinguitur à partibus; sed quod  
tales denominationes conueniant to-  
ti, non oritur ex eo, quia totum ad-  
dit aliquid supra partes, sed quia  
easdem partes bis dicit, vt est explica-  
tum.

Ad 6. Ex auctoritate Aristotelis. Re-  
spondeo loca adducta non esse contra  
nos, sed pro nobis. Primus ex eo  
quod dicat vltra materiam, & formã dari  
tertiũ, quod ex his resalter, ostendit da-  
ri suppositum constans ex materia, &  
forma, & addens suprã vtramque subsi-  
stentiam distinctam vt dicetur Quæst. 13.  
Secundus ex eo quod compositum non  
vt cumulus, sed vt syllaba addat aliquid  
supra partes, explicatus est in solutione  
primi argumenti. Tertius ex eo quod  
sex non sunt bis tria sed semel sex,  
ostendit, quod numerus senarius supra  
duo ternaria, ex quibus; quasi ex par-  
tibus materialibus constituitur, addit  
formã senarij, quæ est vna constituens  
ipsum sex. Est autem forma senarij re-  
latio, per quam singulę vnitates coexi-  
stunt quinque reliquis, iuxta dicta in  
logica in tractatu de relationibus; quare  
hic locus non fauet Aduersarijs, sed cõ-  
firmat nostram sententiam de relationi-  
bus.

Ad

Ad 7. de supposito respondeo, quod tangit quæstionem in alio sensu in quo examinanda est. Quæst. 13. In hac enim quæstione examinauimus solum, an totum distinguatur ab omnibus constitutivis partialibus simul sumptis, non autem in totum per se subsistens constituatur ultimò per aliquod vltimum constitutum, distinctum à materia forma, & vnione, quod vocatur subsistentia.

*Utrum sit bona definitio natura.*  
*Quæstio XII.*

**V**idetur non esse bona definitio naturæ, quam Aristoteles affert 2. Phys. ex. 3. *natura est principium, & causa, ut moueatur, atque quiescat in quo est primo per se, & non per accidens* 1. quia sequeretur, quod in Deo non esset natura. Cum enim Deus sit immobilis, & immutabilis non est in Deo vllum principium, & causa, ut moueatur, & muteatur, & cum nihil Diuinum habeat causam, non est vlla causa, ut Deus quiescat in suo esse, ac perfectione infinita; sed in Deo est essentia, & natura, imo Deus est idem quod sua essentia ac natura, ut docet S. Thomas prima parte quæst. 3. art. 3. quem omnes sequuntur. Est



etiam de fide quod in Christo sit duplex natura, Diuina nimirum, & humana; ergo non est bona definitio naturæ.

2. Sequeretur quod in corporibus celestibus non esset natura. Nam licet in illis detur principium, & causa, vt moueantur, non datur principium, & causa, vt quiescant, cum sint irrequieta, & perpetua vertigine circumuoluantur.

3. Est possibile de potentia absoluta, aliquod corpus omnino immobile, & immutabile; sed tale corpus esset naturale, & habens naturam, & tamen non daretur in eo principium, & causa, vt moueretur; ergo non est essentia naturæ, quod sit principium, & causa, vt id in quo est moueatur.

4. Etiam in accidentibus, & in ipso motu, & quiete datur natura; sed in accidentibus, ac præsertim in motu & quiete non datur principium, vt moueantur, & quiescant, cum motus, & quies neque moueantur, neque quiescant; ergo natura non est principium vt id, in quo est moueatur, & quiescat.

5. Sequeretur quod etiam aliquæ artes, e.g. medicina esset natura hominis; est enim principium, vt homo medicans seipsum ab infirmitate moueatur ad sanitatem.

nitatem . Si verò dicatur medicinam ,  
esse causam per accidens , vt medicus  
infirmus medicetur seipsum , cum medi-  
cina non ordinetur per se ad medican-  
dum medicum , sed ad medicandum in-  
firmum quemcunque , seu sit medicus ,  
seu non , adhuc ars saltatoria esset na-  
tura , cum per se ordinetur ad hoc , vt  
saltet , & moueatur illam habens ; habi-  
tus etiam virtutum , & vitiorum essent  
natura , cum sint principium , & causa  
per se ; & non per accidens , vt ij , in  
quibus sunt moueantur per operationes  
talium habitum .

6. Vel in definitione naturæ ly prin-  
cipium , & causa intelligitur de solo  
principio actiuo , vel etiam de passiuo .  
Si cum Auicenna intelligatur de solo  
actiuo , sequitur primò Cælum non esse  
naturam respectu sui motus circularis ,  
cum non moueat actiuè seipsum , sed mo-  
ueatur ab intelligentia ; , ex quo vltèrius  
infertur motum circularem non esse na-  
turalem Cælo . Motus enim , qui non  
est secundum naturam moti non est illi  
naturalis . Secundo sequitur materiam  
primam non esse naturam , cum , vtpote  
ens in potentia , non sit principium a-  
ctiuum vllius motus , sed sit principium  
merè passiuum , & receptiuum . Si verò  
dicatur cum alijs communiter naturam

esse principium motus, siue actiuum, siue passiuum, sequitur omnes motus esse naturales, nullos violentos, ac neutros: e.g. motus quo graua feruntur sursum, leuia deorsum, aqua calefit; similiter motus artificiales, quibus nauis fertur per aquam essent naturales; omnes enim tales motus, essent secundum naturam subiecti, nimirum secundum materiam primam, quæ quatenus est principium, passiuum est natura.

7. Si natura esset principium, & causa motus posset demonstrari per motum causa enim demonstratur per effectum, & principium per principiatum; sed ex Aristotele 2. Phys. tex. 6. natura non potest demonstrari, imo, vt ipse loquitur *quid sit natura tentare demonstrare ridiculum est*; ergo natura non est principium motus, & quietis.

Respondeo quod nomen naturæ dicitur à nascendo, & multipliciter sumitur, vt docet Aristoteles 5. Metaph. cap. 4. Relictis alijs acceptationibus, quæ videri possunt apud Aristotelem, tres præcipue sunt explicandæ. Primo natura dicitur communissimè; secundo communiter; tertio propriè. Natura communissimè sumpta est essentia cuiuscunque rei per definitionem explicata. In hoc sensu etiam accidentia habent naturam;

turam: e. g. natura albedinis est, ut sit color disgregatiuus visus. Natura communiter sumpta est substantia, qua ens substantiale constituitur in sua specie, vel quasi specie; & vocatur etiam forma totius. In hoc sensu etiam Deus, & Angeli habent naturam: Deitas enim, qua constituitur Deus est natura Dei; Angeleitas, qua constituitur Angelus, est natura Angeli. Natura propriè dicta definitur ab Aristotele 5. Met: cap. 4. per hæc verba: *Prima, & propriè dicta natura est substantia eorum quæ in seipsis, ut ipsa sunt motus principium habent*. Genus igitur, in quo natura propriè dicta conuenit cum natura communiter dicta est, quod sit substantia, qua ens substantiale constituitur in sua specie: differentia est quod natura propriè dicta ita constituit ens substantiale in sua specie, ut sit principium, ut moueatur sensibiliter, ut ex Aristotele dicetur in responsione ad primum. Natura verò communiter dicta non est principium, ut moueatur sensibiliter, e. g. humanitas, equinitas &c, quæ sunt naturæ propriè dictæ conueniunt cum Angeleitate, quæ est natura solum communiter dicta, in hoc, quod sicut homo constituitur in specie hominis per humanitatem, ita Angelus constituitur in specie Angeli per Angeleitatem:

tem : ita differunt in hoc , quod humanitas est principium , ut homo moueatur motibus sensibilibus , qui conueniunt homini , cuiusmodi sunt videre , audire. Angelitas verò non est principium , ut Angelus moueatur vlllo motu sensibili. Hinc patet primo quod ens naturale , quod est obiectum Physicæ , constituitur per naturam propriè dictam ; quæ est principium motus sensibilis , cum è conuerso ens transnaturale , quod est obiectum Metaphysicæ , non constituatur per naturam propriè dictam . Patet secundo , quod definitio allata 5. Metaph. coincidet cum definitione , quam Aristoteles affert 2. ph. dicens quod . *Natura est principium , & causa , ut id moueatur , atque quiescat , in quo est primo per se , & non per accidens illa particula in quo est primo* significat quod natura sit substantia eius , in quo est ; quod enim primò inest rei est ipsius substantia . Illa particula *principium ut id moueatur* , equiualeat illis , *quæ in seipsis , ut ipsa sunt motus principium habent* . Tertio patet , quod sicut natura primo , & principaliter dicta est substantia dans enti sensibilibus mobili speciem completam : e.g. natura hominis est humanitas dans homini speciem completam hominis ; natura , equi est equinitas &c. sic materia , & forma ex quibus consti-

constituitur species , ac quidditas completa sunt natura incompleta . Hæc natura incompleta hominis est anima , & materia . Quia verò humanitas , quæ est natura completa constituitur principaliter per formam , quam per materiam , ideo forma magis principaliter dicitur natura quam materia , vt docet Aristoteles 2. ph. tex. 1. demum patet bonam esse allatam definitionem naturæ , cum explicet ipsius genus , & differentiam , & declaret discrimen , quo ens naturale , quod est obiectum Physicæ , differt à transnaturali , quod est obiectum Metaphysicæ .

Ad 1. Datur in Deo natura communiter dicta , & ipsa Deitas seu diuina essentia , & substantia tribus personis communis , quæ vocatur etiam forma Dei , sicut humanitas vocatur forma hominis , iuxta illud Apostoli de Christo , *qui cum in forma Dei esset* , hoc est cum Deitate quæ est forma Dei esset Deus , accipiens humanitatem , quæ est forma hominis factus est homo , vt explicant Sancti Patres probantes ex eo loco Christum , esse Deum per naturam . Dicitur autem Deitas natura Dei , quia sicut homo est homo humanitate , ita Deus est Deus Deitate , imo est ; ipsa Deitas , cum homo non sit humanitas , ideoque docet S.

Thomas loco citato, quod Deus est sua natura, cum homo non sit sua natura, sed habeat naturam, idest humanitatem. Natura in eodem sensu communi datur etiam in Angelis: Natura propriè sumpta in quantum est substantia, quæ est primum principium motus, non datur in Deo, quia Deus est omnino immobilis, & immutabilis. Licet tamen Diuina substantia non sit natura propriè dicta, quia non est principium motus in Deo, adhuc habet perfectionem naturæ, in quantum natura est principium motus. Tota enim perfectio naturæ, in quantum est principium motus, & operationum immanentium consistit in eo, ut habeat à se bonitatem motus, & operationum immanentium: e. g. humanitas in quantum est principium motus sensitiui habet à se bonitatem talis motus; sed natura Diuina cum sit à se, & sit ipsa sua operatio immanens intelligendi, & volendi & totum suum esse eo ipso habet totam perfectionem intelligendi, & volendi, & absolutè omnem perfectionem à se; ergo habet modo eminentiore totam perfectionem explicatam in definitione naturæ. Imo diuinam perfectionem habendi à se operationes immanentes, imitatur, sed non assequitur natura creata, in quantum est

il-



illarum principium, & causa. Deus enim habet intelligere, & velle adæquatè à seipso, excludendo quodlibet aliud à quo accipiat, & habet per identitatem, qui est perfectissimus modus habendi. At natura caecata solum inadæquatè habet à se, hoc est concurrente alia causa; ita enim homo mouet seipsum, vt etiam moueatur ab alio, saltem à Deo primo motore; & habet motum, & operationes immanentes non per identitatem, sed per inhærentiam, qui est imperfectus modus habendi. Proportionaliter in Angelis datur natura communiter, non propriè, quia datur principium, vt se moueant motu merè intelligibili, non autem sensibili. Aristoteles autem nomine nature intelligit principium motus sensibilis, ideoque primo de partibus animalium cap. I. docet animam rationalem esse naturam solum in quantum est principium motus vegetatiui, sensitiui, & loco motiui, qui motus, & sunt sensibiles, & recipiuntur in materia; in quantum verò est principium intelligendi non esse naturam.

Ad 2. Dum dicitur, quod natura est principium motus, & quietis non est sensus, quod sit principium motus, & quietis in quocunque subiecto, & in quocunque ente naturali, sed quod in aliquibus

quibus est principium vtriusque : in alijs est principium solius motus . In ijs, quæ possunt remoueri ab actu perfecto , & à fine suæ substantiæ , natura est principium motus , per quem acquirat actum perfectum , & finem , & cum illum acquisuerit est principium quietis . Ex. g. quia graua , & leuia remoueri possunt à perfectione essendi in loco proprio , natura est principium , vt per motum se collocent in loco proprio , e. g. in centro , quod est locus proprius grauium , vel in circumferentia Cæli lunaris , quæ est locus proprius leuium , & in eo quiescant . E conuerso in ijs , quæ non possunt remoueri ab actu perfecto , & à fine suæ substantiæ cuiusmodi est Cælum , quod nequit remoueri à loco debito , nec à debitis qualitatibus natura est principium , vt perpetuo moueatur motu circulari , quo diffundat in corpora inferiora suam perfectionem per actiones , & influentias , ideoque est principium solius motus , & non quietis . In nullo natura est principium solius quietis , quia quies est priuatio motus in subiecto mobili ; ergo subiectum incapax quietis propriè dictæ . In definitione igitur nature copula , & qua dicitur esse principium motus , & quietis , non sumitur pro particula disiunctiua , vel , vt quidam dicunt , sed

sed sumitur copulatiuè , ita tamen , vt natura non in omnibus entibus naturalibus sit principium motus , & quietis , sed in corporibus inferioribus sit principium vtriusque , in corporibus celestibus sit principium solius motus , vt bene explicat Zabarella .

Ad 3. Primo dico quod , si corpus omnino immobile , & immutabile esset possibile , ac daretur . propriè non esset corpus Physicum , & naturale , sed solum corpus mathematicum . Corpus enim Physicum , & naturale est , quod habet in se principium motus ; corpus mathematicum est , quod habet trinam dimensionem .

Secundo respondeo , quod repugnat corpus , & substantia immobilis , & immutabilis , excepto Deo . Ratio est , immutabilitas est proprietas entis perfecti , mutabilitas est proprietas entis imperfecti . Ens enim eo ipso quod est perfectum , & habet totum esse , & totam perfectionem , imo est totum esse , & tota perfectio , non potest moueri , neque motu perfectiuo , quo acquirat esse , & perfectionem , qua caret , cum sit totum esse , & tota perfectio , neque motu deterioratiuo , quo amittat perfectionem , quam habet , cum eo ipso , quod remaneat id quod est , sit totum esse , & perfectio ;

fectio . Ita Deus cum sit omnis scientia totius scibilis non potest moueri ad sciendum nouum scibile ; cum sit immensitas existens in omni loco non potest moueri ad nouum locum &c. E conuerso , eo ipso , quod ens sit imperfectum , & habeat esse determinatum , & limitatum moueri potest ad aliud esse , quo perficiatur , & rursus amittendo illud esse potest deteriorari ; eo ipso quod intellectus imperfectus non sit scientia totius scibilis , potest moueri ad sciendum nouum scibile ; eo ipso quod corpus non sit in omni loco potest moueri ad locum in quo non est . Ipsa enim imperfectio essendi inclinatur , & stimulat ad acquirendam per motum nouam perfectionem . Sed omne ens creatum est imperfectum ; ergo omne ens creatum est mobile , & mutabile , & si sit corpus est in loco determinato , & finito , & potest moueri ad alium locum , in quo non est , vel secundum totum , vel secundum partes , ut accidit in motu circulari , quo cælum mouetur in seipso ad acquirendum nouum locum , non quidem secundum totum ; sed secundum partes . Pars enim quæ erat in oriente , per motum ponitur in occidente .

Ad 4. Dictum est , quod in accidentibus datur natura communissimè sumpta  
pro

pro essentia accidentali, non autem propriè sumpta. Accidentia igitur propriè non sunt natura, nec habent naturam, qua constituentur, sed sunt naturalia, vel supernaturalia, vel violenta, vel neutra, vel respectu agentis, vel respectu subiecti, ut explicabitur in responsione ad sextum.

Ad 5. Nego sequelam, quod artes etiam actiuæ, ac versantes circa operationes immanentes essent natura. Et primo de medicina patet, quia non est per se principium medicandi medicum, sed solum medicandi infirmum. Quia tamen accidit medicum aliquando esse infirmum, ideo per accidens medicatur medicum. Hinc medicina non est per se ars actiua, quia non per se ordinatur ad medicationem immanentem in medico. Artes etiam per se actiuæ, ut saltatoria non sunt natura, quia non sunt substantia eius; qui habet principium, ut moueatur; sed sunt eius accidentia, neque sunt primo in habente artem tanquam constituentes illum in suo esse, sed adueniunt secundariò subiecto iam constituto in suo primo esse per formam substantialem: & ex eadem ratione etià habitus virtutum, & vitiorum non sunt natura, sed qualitates, quibus natura benè, vel malè se habet. Dicuntur ta-

men

men habitus præsertim inueterati transire in alteram naturam, quia ita inclinamur ad operandum secundum habitus, sicut inclinamur ad operandum secundum naturam. Ponit autem Aristoteles 2. Phys. quædam discrimina ad distinguendam formam, quæ est natura, à forma artis. Primum est: Res in quantum constituuntur per formam, quæ sit natura habent impetum, & inclinationem, ut moueantur quibusdam motibus, vel localibus, vel alteratiuis, vel augmentatiuis: at verò in quantum constituuntur per formam artis non habent impetum, & inclinationem, ut moueantur villo motu. E. g. statua marmorea in quantum marmorea, per formam marmoris habet impetum, ut moueatur deorsum, ut si calefiat reducat se ad pristinam frigiditatem &c. At in quantum per formam statuæ est statua, non habet impetum, & inclinationem, ut mutetur vlla mutatione. Animal paruum, & imperfectum habet impetum, ad hoc, ut crescat, & augmentetur, & perueniat ad statum perfectum; domus parua, & imperfecta non habet impetum, ut crescat, augeatur, & perficiatur, sed augeri debet ac perfici ab extrinseco agente. Secundo res in quantum constituuntur per formam artificialem non generat sibi



sibi simile ; sed solum in quantum constituantur per formam naturalem . Ità lectus ligneus si defodiatur in terram , ità , vt putrescat , generabit aliud lignū eiusdem speciei , sed non generabit aliū lectum . Similiter medicus non generat medicum , sed hominem ; habituatus habitu virtutis , aut vitij , non generat habituatum , sed hominem , quia humanitas est natura medici , vel habituati , non autem ars medicandi vel ullus alius habitus .

Ad 6. In definitione nature ly principium & causa intelligitur de principio siue actiuo siue passiuo , inclinato tamen ad hoc vt moueatur vno potius motu , quam alio , vel à seipso , vel ab alio mouente . Datur igitur in Cælo , natura , quia Cælum per suam formam est principium inclinatum actuali inclinatione ad hoc , vt moueatur circulariter ab intelligentia , & motus circularis est maximè naturalis Cælo , cum sit secundum eius inclinationem , & nullo pacto est violentus , vtpote perpetuus , nullum vero violentum sit perpetuum . Materia secundum se præcisè est natura solum in potentia , vt Aristoteles docet , quia secundum se præcisè non est inclinata ad vnum potius motum , quam alium . Quod enim potest constitui , vel non constitui caro,



caro, est natura carnis solum potentia nō actu per formā verò carnis cōstituitur actu natura, quia cōstituitur ad vnū potius motum quam alium. Non tamen sequitur quod omnes motus sint naturales. Motus enim, qui simpliciter sunt contrā naturam, & contrā inclinationem materiē vt actuatē, sunt simpliciter, & actu violenti, licet possit dici quod sint naturales materiē in potentia, in quantum possent esse secundum inclinationem materiæ si haberet aliam formam. Sed hoc significat quod sint violenti absolute, & actu: sint naturales solum conditionate, & in potentia.

Sed postulat locus, vt explicetur quid sit naturale, supernaturale, violentum, & neutrum. Possunt hæc considerari, vel respectu agentis, vel respectu subiecti. Naturale subiecto est, quod est secundum eius naturam, & inclinationem; violentum subiecto est, quod est contra eius naturam, & inclinationem derivatam à natura, seu vt definitur ex Aristotele tertio Eth. cap. i. *Violentum est quod procedit ab extrinseco agente nullam vim conferente passo*; intelligendo ly *nullam vim conferente passo*, vt significet *renitente passo per inclinationem contrariam*, vt explicat Scotus, quem alij sequuntur. Violentum agenti non datur, quia eo ipso quod e

quod agens agat , actio procedit ab intrinseco , tum quia omne agens agit secundum inclinationem , cum ipsa actio sit inclinatio ad effectum . Neutrum subiecto est , quod neque est secundum naturam , & inclinationem subiecti . Neutrum respectu agentis non datur , quia omnis actio est secundam inclinationem agentis . Supernaturale est , quod est supra naturam omnium subiectorum , & agentium , tum creatorum , tum etiam , fortasse creabilium . Quare non sufficit , ad supernaturale , quod sit supra naturam agentium , ideoque definitur à Nazianzeno , *quod est impossibile per naturam , Deo autem volenti possibile .*

Exemplis res explicabitur . Est igni naturale sursum ferri versus Cæli lunaris circumferentiam concavam , quia talis motus est iuxta ignis naturam , & inclinationem . E conuerso est igni violentum moueri deorsum versus centrum , quia est contra eius naturam , & contra inclinationem leuitatis à natura derivatam . Agenti tamen propellenti ignem deorsum est naturalis talis propulsio , cū sit secundum eius inclinationem , eo pacto , quo calefactio violenta aquæ patienti , est naturalis , & secundum inclinationem ignis calefacientis . Ad violentum porro sufficit , vt sit contra inclinationem .

nationem absolutam naturę , in quantũ est natura particularis , licet sit iuxta inclinationem quasi conditionatam eiusdẽ , in quantum est pars naturę vniuersalis . Hinc Deus potest inferre creaturis violentiam , vt docet Durandus in secundo dist. 25. quęst. 4. alijque communiter cõtra paucos negantes . Itã si Deus calefaciat aquam , talis calefactio erit aquę violenta , quia est contra inclinationem absolutam aquę , in quantum est natura particularis , licet sit aliquallyter iuxta quamdam inclinationem quasi conditionatam , qua inclinatur ad obediendum Deo , si velit illam calefacere , & qua inclinatur ad hoc , vt calefiat , si postulet id ordo vniuersi , quę inclinatio cõuenit aquę in quantum est pars naturę vniuersalis .

Motus neuter in sententia multorum est , quo ignis constitutus in circumferentia concaua Cœli lunaris rapitur à Cœlo lunari motu circulari , quia talis est motus , nec est secundum naturam , & leuitatem ignis , cum per illum non ascendant , nec est contra eius naturam , & leuitatem , cum neque descendat , sed feratur in gyrum retinens eandem distantiam à centro . Sed ego censeo talẽ motum esse naturalem igni . Est enim iuxta naturam ignis , vt coniungatur corpo-

corpori caelesti tanquam suo fini, & suo perfectiuo, vt sic participet naturam, & motum circularem Celi. Imò cenſeo non dari motus neutros, quia omnis motus, vel eſt perfectius, & melioratiuus ſubiekti, vel deterioratiuus, vel neque perfectius, neque deterioratiuus. Si melioratiuus, ac perfectius, eo pacto, quo illuminatio eſt perfectiua aeris, eſt ſecundum naturam, & inclinationem ſubiekti; quia ſubiektum inclinatur ad omnem perfectionem in quantum poteſt haberi à naturalibus agentibus; ergo eſt naturalis. Si deterioratiuus eſt contra inclinationem ſubiekti, atque adeo violentus. Si neque melioratiuus, neque deterioratiuus eſt ſuperfluens, & inutilis ſubiektò, atque adeò contra inclinationem naturę, quia natura ſubiekti renititur motibus ſuperfluis, & inutilibus.

Demum exemplum ſupernaturalis eſt vnio hypſtatica, quæ eſt ſupernaturalis humanitati Chriſti, quia talis vnio licet non ſit contra inclinationem humanitatis, vtpotè dans illi ſummum bonum, & ſummam perfectionem ſubſiſtentię Diuinæ, eſt ſupra eius inclinationem vtpote illam excedens. Et quia etiam excedit omnem vim actiuam ſubſtantiarum creatarum, eſt ſimpliciter ſupernaturalis,

naturalis , hoc est omnino impossibilis per naturam , Deo autem volenti possibilis : Gratia etiam qua constituimur Filij adoptiui Dei ; Fides , Spes , Caritas , lumen Gloriæ , visio beata , & alij similes habitus , atque actus sunt supernaturales ex eadem ratione .

Ad 7. Auicennas apud Auerroem, & S. Thomam putauit naturam posse demonstrari , non quidem à Physica , quia nulla scientia demonstrat , sed supponit primum subiectum , sed à Metaphysica , quia potest scientia superior demonstrare primum subiectum , suppositum à scientia inferiori . Sed hæc doctrina est expressè contra Aristotelem dicentem, quod ridiculum est tentare demonstrare naturam , quia est per se notum dari naturam , quæ ratio ostendit vniuersaliter , quod neque potest demonstrari à Physica , nec à Metaphysica, vel alia scientia. Explicando igitur rationem Aristotelis ostendo naturam demonstrari non posse ; quia quæ sunt ita nota per se , & per inductionem , vt nemo sanæ mentis sit illis assensurus ex syllogismo , demonstrari non possunt , cum demonstratio sit syllogismus causans assensum conclusionis in homine sanæ mentis ; e. g. demonstrari non potest , quod detur Sol , Luna , homines , animalia , planta &c. quia hæc omnia

omnia dari est ità notum per se ex inductione , & experientia , vt nullus sanæ mentis sit illis assensurus ex syllogismo ; sed dari multas naturas , & multa entia naturalia est ità notum per se , vt nemo sanæ mentis sit illis assensurus ex syllogismo ; e.g. quis ex syllogismo credat dari in homine naturam , quæ sit principium , vt moueatur motibus humanis ? dari in animalibus , ac plantis naturas , per quas moueantur suis motibus ? ergo non potest demonstrari natura . Hinc ad argumentum : causa potest demonstrari per effectum ; distinguo maiorem , causa quam intellectus cognoscit dari eo ipso actu , quo cognoscit effectum , nego : quā non cognoscit dari eo ipso actu , quo cognoscit effectum transeat ; distinguo eodem pacto minorem , & nego consequentiam . Causa quam intellectus cognoscit dari eo actu , quo cognoscit effectum non potest demonstrari per effectū ; e.g. quia eo ipso actu , quo ego cognosco meos effectus , ac meos motus , cognosco meam existentiam , non possum per meos effectus demonstrare meam existentiam ; quia eo actu , quo intellectus cognoscit dari motum , cognoscit dari aliquid , quod mouetur eo motu non potest mobile demonstrari per motum . In casu nostro ijs ipsis actibus , quibus co-

gnoscamus hominem, animalia, & plantarum mobiles ipsis motibus; sed talis substantia est natura; ergo ijs ipsis actibus cognoscimus dari naturam; ergo non possumus naturam demonstrare per motum, cum simul innotescat cum motu, atque adeò non sit per se ignota sed nota.

*Vtrum suppositum à parte rei addat aliquid supra naturam.*

*Quaestio XIII.*

**P**Rimo videtur vera sententia Henrici quodlibeto 4. Durandi in primo dist. 34. quaest. 1. & aliorum, quod suppositum, e.g. homo, equus &c. distinguitur à sua quidditate, natura, & essentia e.g. ab humanitate, & equinitate solum ratione, & ex modo concipiendo eo quod homo significet humanitatem in concreto, hoc est in aliquo eam habente, quod habens nihil dicat re, 'se sola ratione distinctum ab humanitate habita, cum humanitas significet eandem humanitatem in abstracto, & non in aliquo



aliquo habente ; 1. quia ex Aristotele 7. Met. textu 20. & 12. in substantijs idem est vnumquodque ac id, quodquid erat esse , seu quidditas sua ; sed supposita , e.g. Homo , Equus &c. sunt substantiæ ; ergo idem est Homo , ac eius humanitas quæ est quidditas hominis ; idem est Equus , ac equinitas , quæ est quidditas equi . Ratio verò est , quia homo constituitur homo adæquatè per humanitatem secluso quocunque alio positiuo , vel negatiuo ; ergo homo nihil addit supra humanitatem .

2. Videtur vera sententia , quam , licet , non omnino assertiuè proponit , ac defendit Scotus in 3. dist. 1. quæst. 1. & alibi , quod suppositum nihil positiuum addat supra naturam , sed solum addat duas negationes , primam vnionis actualis , per quam natura non vnietur actu alteri supposito ; secundam vnionis aptitudinalis , per quam non exigat vniri alteri supposito . Primo quia si natura substantialis neque est in alio supposito , & toto , neque exigit naturaliter esse in alio supposito , & toto , per hoc ipsum constituitur per se subsistens , atque adeò habet rationem suppositi , quod nihil aliud est quam substantia per se subsistens ; e.g. mea humanitas eo ipso , quod non est in supposito Diuino , sicut humanitas

Christi, & quod non exigit esse in alio supposito, & toto, sicut anima rationalis exigit esse in homine, qui est suppositum, & totum, eo inquam ipso humanitas mea per se subsistit, & habet rationem suppositi. E conuerso humanitas Christi non habet rationem suppositi, & Personæ, quia actu est vnita supposito Diuino, atque adeò cum habeat actua-lem vnionem non habet negationem vnionis actualis; anima separata non est suppositum, & Persona, quia licet per se subsistat, & non sit vnita corpori, atque adeò habeat negationem vnionis actualis, tamen exigit esse in supposito hominis, & est apta illi vniri, ideoque non habet negationem vnionis aptitudinalis, sed habet vnionem aptitudina-lem; sed natura constituitur non existēs actu in alio supposito per negationem vnionis actualis; constituitur non exigens esse in alio supposito per negationem vnionis aptitudinalis; ergo per has duas negationes secluso quocunque positiuo habet rationem suppositi.

2. Si suppositum, & persona adderet aliquid positium suprâ naturam, vel illud esset substantia, vel accidens; non potest esse accidens, quia substantia non potest constitui in ratione substantiæ per aliquod accidens, nec potest esse substantia,

stantia, tum quia ex Aristotele, substantia vel est materia, vel forma, vel compositum; sed hoc positium non esset vllum ex his; ergo non est substantia. Adde Aristotelem 7. Metaph. cap. 11. secundum explicationem S. Thomæ indicare, quod suppositum supra naturam addat accidentia, & proprietates characteristics materiæ, quod etiam insinuant plures Sancti Patres, quos citat Vasquez tertia parte disput. 31. cap. 3. ideoque Heruæus, & Iauellus docuerunt suppositum supra naturam addere sola accidentia, & proprietates characteristics.

3. Sequeretur, quod Verbum non, non assumpsisset omnia positiua hominis, cum id quod suppositum addit supra naturam non assumpserit omnia positiua hominis, præsertim substantialia, alioquin non assumpsisset totam substantiã, nec Christus esset homo vniuocè cum alijs. Præterea est regula Damasceni tertio de fide, capite 7. quod *id quod non fuit assumptum non fuit curatum à Verbo*; non fuisset assumpta personalitas positiua; ergo non fuisset curata à morbo peccati. Rursus humanitas Christi Domini careret perfectione substantiali sibi debita, & sic pateretur violentiam. Adde, quod hoc positium non posset assumi

à Verbo , quod est inconueniens , cum omnia positiuè eque subsint potentiaè assumptiuæ Verbi . Demum posset natura poni sine hoc positiuo , atque adeo poni posset in nullo supposito , & dari posset humanitas sine Persona hominis , quæ omnia videntur inconuenientia , & absurda :

4. Hoc positiuum deberet esse modus naturæ ; sed est inconueniens , quod personalitas sit modus ; alioquin Persona , quæ est res maximè absoluta , constitueretur in ratione Personæ per modum .

5. Modus positiuus subsistentiaè deberet esse terminus substantialis excludens à natura vltiorem perfectionem substantialem ex dictis in logica de negationibus : sed si esset terminus excludens vltiorem perfectionem substantialem , mutaretur , quando plantæ , & animalia per nutritionem acquirunt perfectionem substantialem nouæ materiæ ; ergo subsistentia in homine , animalibus , & plantis assiduè mutaretur : sed subsistentia hominis est eiusdem personalitas ; ergo personalitas hominis assiduè mutaretur ; ergo homo tractu temporis non remaneret eadem persona , cum mutaret personalitatem ; plantæ , & animalia non remanerent eadem supposita ,  
cum

cum mutarent supposititalitatem . Augetur difficultas , quia totaliter mutata personalitate , vel supposititalitate , non potest remanere eadem persona , & idem suppositum ; sed cum additur homini noua pars materię , atque adeò noua perfectio substantialis , terminus perfectionis substantialis , qui est personalitas hominis , totaliter mutaretur succedente nouo termino ; ergo non potest remanere eadem persona . Similiter addita , vel substracta vna gutta ab Oceano , mutaretur supposititalitas Oceani , & sic non remaneret idem suppositum Oceani : ex quo vltcrius infertur supposititalitatem rerum materialium , & quantarum esse modum ita subiectatum in tota re quanta , vt totaliter mutetur quocunque detracto , vel addito .

6. Si subsistentia est aliquid positium non potest explicari an sit ipsa existentia , vt docet Capreolus in tertio distinctione quinta articulo tertio , respondens ad argumēta contra secundam conclusionem ; an sit aliquid distinctum ab existentia , contrahens naturam ad rationem suppositi , antequam intelligatur aduenire naturę actualis existentia , vt docet Caietanus 3. parte , quęstione 4. articulo 2. an verò sit modus additus existentię , per quem determinetur ad

existendum per se, ut docet Suarius disputatione 34. Met. sect. 4. num. 24. Vasquez 3. parte, disp. 37. cap. 6. Cardinalis Delugo de Incar. 12. sect. 4, apud quos videri possint alij authores. Rursus non potest explicari an suppositum dicat in recto naturam, vel subsistentiam, vel utramque; an subsistentia habeat propriam existentiam, vel existat per existentiam suppositi. Quidquid enim dicatur occurrunt magnæ difficultates; ergo expeditius est constituere supposititalitatem in aliquo negativo.

Respondeo, quod in hac quaestione primò definiendum est suppositum, & Persona: secundo definienda est natura communiter dicta, quæ dat speciem supposito, ac personæ: tertio ad examinandum quid suppositum, & persona addat supra naturam: quarto demum definienda est ipsa supposititalitas, personalitas, ac subsistentia in abstracto.

Quoad primum, notandum, quod Aristoteles 5. Metaph. cap. 8. t. 15. docet substantiam sumi dupliciter. Primò substantia est indiuiduum habens naturam substantialem completam, e.g. Petrus, qui est indiuiduum habens completam naturam humanam: Bucephalus, qui est indiuiduum habens completam naturam equinam; Michael qui est indiui-

diuiduum habens completam naturam, Angelicam, sunt substantiæ in hoc sensu . Secundo substantia est natura completa constituens indiuiduum in sua specie, e.g. humanitas Petri est eius substantia; equinitas est substantia Bucephali &c. Substantia primò modo dicta vocatur ab Aristotele in prædicamentis prima substantia, vocatur etiam ab eodem tertia substantia, & tertium ens : à Porphyrio dicitur iudiuiduum, à SS. PP. Græcis Hypostasis, à SS. PP. Theologis, ac Philosophis latinis subsistentia, & suppositum . Suppositum igitur, seu prima substantia definitur ex doctrina Boetij lib. de duabus naturis . *naturæ completæ indiuidua substantia* . Et quia indiuiduum, seu substantia indiuidua definitur à S. Thoma, *quod est in liuisum in se, & diuisum à quolibet alio*, ideò clarius vniendo vtramque definitionem describi potest *suppositum ens substantiale totale habens naturam completam, in liuisum in se, & diuisum potentia, vel actu à quolibet alio ente substantiali totali* . Suppositum aliud est habens naturam rationalem, aliud est carens natura rationali . Suppositum habens naturam rationalem completam vocatur etiam Persona, tracto nomine Personæ ab illis, qui quia Personati, in comædijs, aut tragælijs



repræsentabant homines in dignitate constitutos, dicti sunt Personæ. Quia igitur magna dignitas est habere naturam rationalem completam, ideò supposita habentia naturam rationalem obtinuerunt nomen Personæ ad exprimendam eorum dignitatem, ut ex Boetio docet S. Thomas 1. parte qu. 29. art. 9. ad secundum. Suppositum carens natura rationali non vocatur Persona ex opposita ratione. Ideò Bucephalus e.g. non est Persona, sed purum suppositum. Hinc colligitur definitio Personæ ex Boetio loco citato. *Est enim rationalis natura individua substantia: seu ens substantiale totale habens naturam rationalem completam indivisum in se, & diuisum actu, vel potentia à quolibet alio ente substantiali totali.*

Ex prima particula definitionis, *ens substantiale totale* colligitur partes actuales totius non esse suppositum: e.g. mea materia, mea anima, meus pes, manus &c. non sunt supposita, sed sunt in supposito, hoc est in me: similiter medietas Oceani non est suppositum. Ratio est, quia partes eo ipso, quod sunt partes, non sunt entia totalia, sed partialia. Ex opposita ratione Verbum diuinum licet sit unitum humanitati Christi adhuc est suppositum, & Persona, quia adhuc est  
ens

ens substantiale totale, ac nullo pacto est pars, vel ens parziale. Pars enim est ens incompletum, ac perficitur, & completur alijs compartibus; sed Verbum Divinum est ens completissimum, & non completur, neque perficitur humanitate, sed illam purè complet, & perficit; ergo licet uniatur humanitati non est pars; sed retinet perfectam rationem entis totalis, suppositi, & Personæ. Ens creatum & defectuosum non potest uniri alteri substantialiter, ità vt remaneat suppositum, seu ens totale, quia eo ipso, quod uniatur alteri completur per illud adeoque amittit rationem totius, & suppositi, & euadit pars.

Ex secunda particula *habens naturam completam* colligitur partes continui, quæ separatæ retinent perfectam, & completam speciem, per separationem constitui supposita. E conuerso partes essentielles separatæ, quæ non retinent perfectam rationem speciei per separationem non constituuntur supposita: e.g. aquæ gutta per separationem ab Oceano euadit suppositum, quia gutta separata est ens substantiale, & totale habens completam naturam & speciem aquæ, cū species aquæ per definitionem explicata, non minus saluetur in una gutta, quam in toto Oceano. Ac anima rationalis separata non est suppo-

tum, neque persona; quia licet sit totum quoddam, non habet completam naturam, & speciem hominis, quæ non saluatur in anima separata.

Ex tertia particula *indiuifum in fe* colligitur aceruum, exercitum, & alia tota per accidens non esse supposita, quia constant ex partibus substantialiter diuifis. Quare sunt aggregata supposito- rum, seu plura supposita substantia- lity diuifa, & accidentaliter v- nita.

Ex quarta particula *diuifum à quolibet alio ente fubfiantiati totali potentia, vel aétu*, colligitur primò naturam Diuinam fe- fecundum fe formaliter non eſſe ſuppo- ſitum, neque perſonam, quia licet ſit ens totale indiuifum in fe, non eſt tamen diuifum aétu, neque potentia à tribus entibus totalibus, Patre, Filio, & Spi- ritu Sancto, ſed illis communicatur ita, vt non poſſit non communicari. Secun- dò colligitur humanitatem Chriſti non eſſe ſuppoſitum, neque perſonam, quia non eſt diuifa aétu à Verbo diuino, ne- que eſt diuifa potentia à quolibet ente ſubſtiantiati totali, cum non poſſit eſſe, quin ſit in aliquo ſuppoſito, vel puri ho- minis, vel Perſonæ diuinæ, quorum vtrumque eſt ens ſubſtiantiati totale. Præterea humanitas non eſt ſuppoſitum, quia

quia non est ens totale, sed partialē. Tertio inferitur in Christo aggregatum ex Verbo, & humanitate vnita non esse suppositum, neque Personam, quia licet sit ens substantiale totale, non est ens diuisum actu, neque potentia à Verbo Diuino, quod est ens substantiale totale. E conuerso Verbum Diuinum in Christo est suppositum, & Persona quia licet non sit actu diuisum ab aggregato, quod est ens totale, est diuisum potentia, cum possit esse sine tali aggregato. Ideo in Christo solum Verbum Diuinum est suppositum, seu persona, atque adeò suppositum in Christo est purè increatum.

Quoad secundum natura communiter dicta seu substantia, essentia, quidditas species, & forma totius (hæc enim omnia pro eodem sumuntur) definitur à Boetio libro de duabus naturis *unumquodque informans specifica differentia; seu ens substantiale constituens unumquodque in sua specie, tanquam forma inseparabilis à quolibet ente substantiali totali*: e.g. humanitas est mea natura, quia constituit me in specie hominis, tanquam forma inseparabilis à quolibet ente substantiali, totali potentia, vel actu, cū nō possit separari ab omni supposito. Differt igitur natura à supposito, quod suppositum potest separari.

separari ab omni alio ente substantiali, totali, secus natura, & ex eadem ratione natura non est indiuiduum, quia indiuiduum non est diuisum à quolibet alio ente substantiali totali, potentia, vel actu; natura non est diuisa neque potentia, neque actu. Hæc est illa natura, quæ in entibus sensibilibus est principium, vt propriè moueatur ac quiescant motu sensibili; in Angelis est principium, vt moueantur, ac quiescant motu intelligibili, qui est motus late dictus; in Deo est, à qua est Diuina operatio immanens intelligendi, & volendi. Natura alia est completa, quæ nimirum non potest esse pars essentialis, vel integralis alterius naturæ, vt humanitas; alia est incompleta, quæ potest esse pars essentialis, aut integralis alterius naturæ, vt materia, & forma, natura capitis, & pedis, &c. Natura creata sèper est ens parziale, seu pars suppositi. Ratio est, quia pars est ens defectuosum, & incompletum, quod perficitur, & completur ex eo, quod sit in ente completo; sed natura creata est ens defectuosum, & incompletum quod perficitur, & completur ex eo quod sit in supposito; ergo natura creata est essentialiter pars, & ens parziale. Ex opposita ratione Natura Diuina non est pars, nec ens parziale, sed totale, quia  
ens

ens illimitatum, & includens omne esse, & omnem perfectionem eo ipso est incomplebile, & imperfectibile; & licet sit in supposito, non perficitur, sed illud purè perficit.

Ex mysterijs Trinitatis, & Incarnationis innotuit quedam veritas, quam licet Aristoteles assequi non potuerit, visus est quodammodo indicasse; saltem ità accommodatè locutus est, ac si aliquam de ipsa suspicionem habuerit. Est autem hæc veritas, quod omnis natura etiam singulariter accepta est vniuersalis, & communis pluribus, potentia, vel actu, non logicè, sed metaphysicè, & constitutiue. E.g. natura diuina logicè est summè singularis, cum non possit prædicari de pluribus naturis, & non solum est vna numero, sed etiam vnica, quia non habet aliam similem in specie, & tamen diuina natura constitutiue, ac metaphysicè est vniuersalis, & communis actu tribus Personis, quæ per Deitatem constituuntur vnus Deus. Similiter humanitas mea est logicè singularis, & vna numero, quia prædicari nõ potest de pluribus humanitatibus, licet sit vnica, quia habet plures humanitates similes; & tamen est metaphysicè, seu constitutiue communis potentia quatuor personis, in hi, in quo est actu, & tribus

tribus personis Diuinis, à quibus saltem diuissim potuisset assumi, ita vt illas constitueret hominem. Si enim assumpta fuisset à Patre constitueret illum hominem. Idem dic de alijs naturis. Dixi hanc veritatem Aristotelem assequi non potuisse. Cum enim ignorauerit mysterium Trinitatis, nesciuit naturam Diuinam, licet vnā numero, esse communem actū tribus Personis; & cum ignorauerit mysterium Incarnationis, nesciuit naturas creatas singulares easde numero posse diuissim competere pluribus suppositis saltem quatuor. Adhuc tamen Aristoteles aduertit naturam per definitionem explicatam esse vniuersaliorem, & communiorē supposito. Ideo vocauit illam speciem, quod nomen significat aliquid commune, & vniuersale; dixit substantiam secundo modo dictam, seu substantiam secundam esse vniuersalem; sed hic hæsit, ac penetrare non potuit, quænam communitas, & vniuersalitas conueniat naturis singulāribus. Non tamen heſerunt, Sancti Patres Græci, qui olim acutissimè disputarunt de distinctione naturæ à supposito, sed illustrati reuelationibus mysteriorū Trinitatis, & Incarnationis vnanimiter docuerunt naturam differre à supposito, seu hypostasi, & Persona tanquam specie



ab indiuiduo ; commune à proprio ; substantiam secundam à prima ; vniuersalē à particulari ; agnoscentes in eadem numero naturā communitatem , & vniuersalitatem non logicam , sed constitutiua modo explicato . Videri possunt eorum testimonia apud Ruiz primo de Trinitate disp. 32. sect. 6. & Petauium tomo secundo theologicorum dogmatum libro quarto cap. 7.

Quoad tertium statuendum est , quid addat suppositum , seu persona supra naturam . Dico primo contra Durandum : suppositum creatum addit aliquid plus , quam ratione distinctum à natura . Probat , quia si suppositum , & persona creatā non adderet aliquid à parte rei distinctum à natura , natura per se ipsam , & nullo addito esset suppositum , & Persona ; sed natura non est suppositum , & Persona per se ipsam , nullo addito ; ergo &c. Probat minor : si natura per se ipsam esset suppositum , & Persona , quodocunque esset , semper esset suppositum , ac Persona : quodocunque enim res est , semper est ; id quod est per se ipsam , eo pacto , quo quia homo per se ipsum est animal rationale , quodocunque est , semper est animal rationale : è conuerso , quia potest esse homo , quin sit musicus ; homo non est musicus

musicus per seipsum, sed per musicam distinctam; sed potest esse natura, quin sit suppositum, & Persona; datur enim in Christo humanitas, & perfecta natura humana, quæ non est suppositum, neque Persona; alioquin, cum humanitas à parte rei distinguatur à Persona verbi, daretur in Christo Persona distincta à persona verbi; & sic darentur in Christo duo supposita, & duæ personæ, quod est hereticum, & Nestorianum; ergo natura potest esse quin sit suppositum, & persona; ergo constituitur in ratione suppositi; & personæ per aliquod distinctum positivum, vel negativum. Ideò Damascenus libro tertio de fide, capite tertio, & alij Patres docent hæreticos ideò errasse, quia non distinxerunt Personam à natura. Quod si dicat Durandus humanitatem Christi non esse suppositum, & personam, quia non est per se, sed est in Verbo; ergo iam ad suppositum requirit, ut natura non sit in alio supposito, atque adeò requirit negationem unionis, & declinat in sententiam Scoti, à quo authores primæ sententiæ videntur sola voce differre, in quantum dicunt obscure quod Scotus clarè explicavit.

Secundo dico: suppositum supra naturam addit cõplementum positivum substantia-

stantiale & non meram negationem ; vt docuit Scotus , nec aliquid merè accidentale , vt docuerunt Heruæus , & Iauellus .

Probatur , quia suppositum , ac persona constituuntur vltimo in ratione suppositi , ac Personę per id , quod datur supra naturam ; sed non possunt constitui in ratione suppositi ac personę per negationem , nec per aliquid accidentale ; ergo suppositum non addit supra naturam meram negationem , nec aliquid purè accidentale . Probatur minor , quia suppositum in ratione suppositi est substantia totalis , immo est prima substantia , quæ secundum Aristotelem in prædicamentis est principaliter , & maxime substantia , & est magis substantia , quam secunda substantia ; sed substantia totalis in ratione substantię totalis non potest constitui per negationem , neque per accidens , & quod est magis substantia non potest constitui magis substantia per negationem , & per accidens , eo pacto , quo non potest aliquid constitui magis lucidum per negationem , neque per aliquid , quod sit non lux , sed solum per lucem ; ergo id , per quod suppositum constituitur in ratione suppositi , est aliquid positium substantiale , non autem mera negatio , vel accidens .

Confir.

Confirmatur argumentum, quia ego non constituor ego per negationem, neque per accidens; si enim constituerer ego per negationem, me esse me, esset sicut aliquid esse cæcum; si per accidens, me esse me, esset sicut aliquid esse album; sed ego constituor ego per meam personalitatem, cum ego sim hæc persona; ergo personalitas non est negatio neque accidens, alioquin esset sicut cæcitas, vel albedo.

Ratio à priori est, quia substantia totalis ut totalis est substantialiter perfecta, & præminet substantiæ partiali; sed repugnat, quod sit substantialiter perfecta per perfectionem non substantialem; ergo id, quo substantia constituitur totalis, est perfectio substantialis, atque adeò non est mera negatio, neque merum accidens; sed suppositalitas, personalitas, ac substantia sunt id, quo substantia constituitur totalis; ergo suppositalitas, personalitas & substantia est perfectio substantialis, & non purè negatio, neque purum accidens. Confirmatur ex paritate Diuinarum personalitatum, & suppositalitatum, quæ non sint negatiuæ, sed positiuæ substantiales, licet non distinguantur à diuina Essentia ex natura rei, sed solum virtualiter intrinsecè, cum suppositalitates creatæ distinguantur  
ex

ex natura rei .

Quoad ad quartum , colligi possunt exacte definitiones supposititalitatis , personalitatis & subsistentie in abstracto . Supposititalitas est actualitas positiua substantialis , per quam ens substantiale totale , habens completam naturam in diuisum in se , constituitur diuisum actu , vel potentia à quolibet alio ente substantiali totali . Personalitas est , supposititalitas nature rationalis completæ : e. g. mea personalitas , & supposititalitas est actualitas substantialis addita meæ humanitati , per quam constitutor diuisus actu ab omnibus alijs entibus totalibus , & illis non communicatus ; idemque valet de ceteris personalitatibus & supposititalitatibus creatis , vel increatis . Paternitas enim est supposititalitas Patris æterni , quia per Paternitatem Pater constituitur diuisus , seu non communicatus alijs personis : Filiatio est Personalitas filij ex eadem ratione , quia constituit Filium diuisum seu non communicatum à Patre , & Spiritu Sancto , & diuisum potentia ab aggregato ex Verbo , & Humanitate Christi vnitis , quod aggregatum est ens substantiale totale per se vnum . Proportionaliter subsistentia in abstracto in quantum est communior supposititalitate , & Personalitate , est actualitas substantialis

tialis positiua, per quam ens substantiale habens naturam completam, vel incompletam, indiuisum in se constituitur diuisum à quolibet alio ente totali; e.g. cum anima separata per se subsistit, habet subsistentiam propriam, quia habet actualitatem, per quam diuiditur à quolibet alio ente totali. Talis autem subsistentia non est suppositalitas, neque personalitas, quia non diuidit ens habens naturam completam, sed solum incompletam. Nota tamen, quod licet subsistentia apud scolasticos sumatur pro actualitate, qua substantia per se subsistit, apud SS. PP. sumitur pro ipso concreto, seu substantia per se subsistente, & idem significat, ac suppositum, siue Hypostasis.

Ad 1. Pro sententia Durandi; Aristoteles 7. Metaph: tex. 20. & 21. dum dicit quod substantiæ sunt quidditas sua, nomine quidditatis intelligit definitionē obiectiuam, ex.gr. quidditas hominis est esse animal rationale, ac docet; quod idem est esse hominem, & esse animal rationale, contra Platonem, qui dicebat animal rationale esse ideam distinctā ab homine sensibili; at non dicit, quod, homo sit idem, ac humanitas; ergo locus adductus non fauet sententiæ Durandi. Videri potest S. Thomas in commenta-

mentario illorum textuum . Dum ex ratione arguitur, quia homo singularis, e.g. Petrus constituitur adæquatè per humanitatem , respondeo id esse falsum , cum supra humanitatem communicabilem pluribus suppositis addat suppositalitatè; vt explicatum est.

Ad 1. Pro sententia Scoti iam est responsum , ostendendo , quod suppositum addat naturæ actualitatem positivam .

Ad 2. Iam est ostensum quod suppositalitas positiua non est accidens, sed aliquid substantiale . Aristoteles dum diuidit substantiam in materiam , formam , & tertium quod ex his . Nomine tertij intelligit suppositum constitutum in ratione primæ substantiæ per actualitatem substantialem . Dum 7. Metaph. cap. vi. primo indicat , quod suppositum supra naturam addat quadam accidentia, & quasdam proprietates characteristicas loquuntur de supposito sensibili , & discernibili à nobis : supposita autem , & personæ sunt à nobis discernibilia solum per proprietates characteristicas , ideoque etiā Porphyrius per tales proprietates describit indiuiduum , seu suppositum dicens , indiuiduum est , quod ex proprietatibus consistit , quarum aggregatum in nullo alio fiet . In eundem sensum loquuntur



SS. PP. relati à P. Vasquez. Addo supposititalitatem esse accidens latè sumptum, in quantum omnia, quæ non spectant ad speciem vocantur accidentia.

Ad 3. Ex eo, quod Verbum non assumpsisset totam nostram substantiam, ut respondeatur notandum ex P. Vasquez prima parte quæst. 124. cap. 1. & sequ. quod licet nomina substantiæ, & Hypostasis, ex prima etymologia idem significant, tamen ad vitandas æquiocationes restricta est eorum significatio, ita ut in materia de Trinitate, & Incarnatione Hypostasis significet non naturam, sed suppositum, substantia significet naturam. Ideò iam non licet dicere, quod in Deo sit vnica Hypostasis, quia sunt tria supposita, quod sint tres substantiæ, quia est vnica natura, nec licet dicere, quod in Christo sint duæ Hypostases, quia est vnicum suppositum, ac persona, nec quod sit vnica substantia sumpta pro natura, quia sunt duæ naturæ completæ, Diuina, & humana. Hoc posito, dum dicitur, quod Verbum assumpsit totam nostram substantiam, sensus est, quod assumpsit totam nostram naturam, non autem, quod assumpsit substantiam sumptam pro hypostasi, vel persona, & pro supposititalitate, vel personalitate: sicut cum dicitur, quod Pater æternus

com-

communicat Filio totam suam substantiam, sensus est, quod communicet totam naturam, cum profecto Personam Patris, & Paternitatem non communicet Filio. Nec ex hoc sequitur, quod Christus non sit homo uniuocè nobiscū. Nam ut sit homo uniuocè, & eiusdem speciei, sufficit, quod habeat totam naturam, & speciem, non verò requiritur, ut habeat suppositalitatem, quæ non spectat ad speciem, sed ad individuum, seu suppositum habens speciem.

Dum vrgetur: quod non fuit assumptum, non fuit curatum; dico hoc axioma intelligendum de ijs, quæ spectant ad naturam, quæ erat infirma, & sananda. Adam enim peccato infecit naturam humanam; & quia nos ab Adam accipimus naturam per carnalem generationem, accipimus naturam infirmam, & Personæ sunt infirmæ, quia habent naturam infirmam. Christus assumens totam naturam humanam totam curauit, & sic Personæ sunt curatæ, quia est curata natura.

Dum vterius opponitur: humanitas Christi careret propria personalitate sibi debita; ergo pateretur violentiam: distinguo a tecedens, careret carentia perfectè compensata cum infinito quodā

excessu, concedo: earentia non compensata nego; & nego consequentiam. Humanitas Christi caret quidem personalitate creata, sed cum perfecta compensatione, & infinito excessu, quia loco creatæ personalitatis imperfectæ habet personalitatem infinitam, quæ tribuit humanitati totam perfectionem. Verbi quam tribuit personalitas creata, cum excessu penè infinito; sed non patitur violentiam illud, cui auferitur bonum debitum cum perfecta compensatione, & maximo excessu; e.g. non pateretur violentiam ille, cui auferretur parvus ager debitus ex paterna hereditate, compensando illud per imperium totius Mundi; ergo multo minus patitur violentiam humanitas Christi dum auferitur propria subsistentia imperfectissima, & in compensationem datur personalitas verbi; præsertim cum per Diuinam personalitatem expleatur, & superexpleatur appetitus humanitatis. Humanitas enim appetit propriam personalitatem sub ratione communi personalitatis sibi bonæ in certo gradu, non excludendo meliores, quæ continent talem gradum bonitatis, iuxta dicta de appetitu materiæ; sed personalitas Verbi continet totam bonitatem personalitatis creatæ; ergo appetitur ab humanitate secundum rationem

tionem communem personalitatis, in qua conuenit cum personalitate creata; ergo personalitas Verbi est secundum appetitum humanitatis, illamque perfectissimè satiat, & explet. Quia tamen secundum rationem differentialem infinite excedit personalitatem creatam, excedit etiam appetitum naturę, ideoque superexplet.

Dum instatur, quia personalitas nostra positiua non posset assumi à Verbo; concedo sequelam. Dum dicitur hoc esse absurdum, quia omnia positiua æquè subsunt potentiaę assumptiuę verbi, distinguo: omnia positiua spectantia ad naturam substantialem, concedo: spectantia ad suppositum, vel accidentia, nego. Est communis doctrina, quod Verbum possit assumere solas naturas substantiales, supposita verò, personas, & accidentia non possit assumere; ergo nec potest assumere suppositalitem, & personalitatem, quæ sunt vltimo constitutiua suppositi, ac personæ. Si quæretur, cur natura creata possit vniri Personis Diuinis, suppositum creatum non possit: respondeo rationem esse, quia suppositum est substantia totalis; ergo dum retinet suppositalitem, retinet totalitatem; sed si suppositum creatum vniretur substantialiter alteri supposito,



eo ipso non retineret totalitatem, quia omne imperfectum per vnionem substantialem ad alterum non remanet totum, sed euadit pars; ergo non retineret supposititalitatem; ergo retinens supposititalitatem non potest vniri alteri supposito. Imo ex eadem ratione suppositum creatum non potest vniri alteri naturæ, quia eo ipso euaderet pars, & amitteret suam totalitatem. Solum suppositum Diuinum potest vniri alteri naturæ, quia cum sit imperfectibile, per vnionem non amittit suam totalitatem, & supposititalitatem. Ratio, cur accidens non possit immediate vniri Verbo est, quia accidens est entis ens, ideoque immutat subiectum, cui immediate vnitur; sed Verbum est immutabile; ergo nequit vniri immediate cum accidente,

Demum cum opponitur, quia posset humanitas conseruari sine omni personalitate, nego. Ratio est, quia non potest esse quin vel sit vnita alieno supposito, vel diuisa ab illo, si est vnita alieno supposito, eo ipso habet personalitatem talis suppositi; si sit diuisa, habet diuisionem, per quam est per se: hoc autem est personalitas propria.

Ad 4. Concedo, quod supposititalitas creata sit modus, vel quasi modus natu-

ra.

æ. Dum opponitur : entitas absoluta non potest constitui per modum , eo pacto , quo substantia non potest constitui per accidens ; distinguo maiorem : entitas absoluta non potest constitui per modum alterius entis totalis , concedo ; per modum non alterius entis totalis nego ; concedo minorem , & nego consequentiam . Entitas absoluta ; e.g. homo , equus , constitui non possunt per aliquid , quod sit modus alterius entis , alioquin eo ipso non essent entitates absolutæ , sed essent entitas alterius entis ; at potest constitui per modum suę naturæ totalis , vel partialis , e.g. per unionem , quæ est modus materiæ , & formæ , & per supposititalitatem , quæ est modus naturæ completæ ; at per accidens non potest constitui substantia , quia accidens dat esse non substãtiale , sed accidentale .

Ad 5. Cōcedo , quod in suppositis creatis , addita quacunq; perfectione substãtiali , mutatur tota supposititalitas , vt docet Vasquez 3. parte disp. 32. & alij . Dum opponitur , ergo non remanet idem suppositum , & eadem personæ nego consequentiã , vt sit idẽ suppositũ , & eadẽ persona nõ requiritur , vt sit eadẽ Personæ , sed sufficit , vt sit idem habens personalitatem ; sicut vt sit idem sciens non requiritur , vt sit eadem scientia , sed

sufficit, vt sit idem habens scientiam; sed remanet idem habens personalitatē; ergo remanet eadem persona, & idem suppositum hominis; & similiter remanet idem suppositum bruti, vel plantæ, quia remanet idem habens supposititalitatem. Sed explicandum, quid sit *habens personalitatem*. Dico, quod habens personalitatem est substantia radicalis, & principalis, essentialiter perfecta, quæ vi sua adiungit sibi alia complementa suppositalia, & integralia; & illa continet. Est autem hæc in homine, animalibus, & plantis forma vnita partibus materiæ; in quibus consistit humidum radicale. Hæc enim habent vim adiungendi sibi per nutritionem, & augmentationem alias partes substantiales materiæ, per quas excrescat in debitam molem, & etiam adiungendi sibi complementa suppositalia, & personalia. Ideo forma vnita partibus materiæ, in quibus est humidum radicale, habet, & continet alia complementa substantia- lia, tum integralia, tum suppositalia: id etiam est præcipuum rectum animalis, ac plantæ, & dum remanet, etiamsi mutantur alia substantiaalia constitutiva, integralia, & suppositalia, remanet idem suppositum, & eadem Persona, vt dictum est Quæst. 5. In Christo tamen re-  
lum



ctum vnicum habens naturam humanam, est solum Verbum, quia Verbum est ens vndique perfectissimum, adiungens sibi propria vi humanitatem, & illam habens, & continens, non tanquam partem perfectiuam Verbi, sed tanquam partem purè perfectibilem à Verbo. Ex quo sequitur primo, quod Christus fuit ab æterno, & ante natiuitatem temporalem, iuxta illud: *antequam Abraham fieret, ego sum*, quia Persona Christi, quæ est vnicum rectum importatum nomine Christi, fuit ab æterno, licet Verbum non fuerit homo ab æterno, sed factum sit homo in tempore, quo naturam humanam assumpsit. Secundo sequitur, quod si humanitas Christi non fuisset assumpta à Verbo, sed haberet propriam personalitatem; non esset eadem persona, & idem homo, qui est nunc, quia non solum non haberet eandem personalitatē, sed non esset idem habens personalitatē, nec idem rectum hominis. Nunc enim rectum huius hominis, qui est Christus, est Verbum Diuinum, tum non esset Verbum Diuinum. Concedo etiam argumento, quod mutata gutta vnica Oceani, mutatur eius suppositalitas, si tamen Oceanus est vnum suppositum per se, non autem aggregatum plurium suppositorū. Suppositalitas tamen Oceani non est indi-

diuisibilis, hoc est carens partibus, sed habet partes, licet illę partes sint ita connexę, vt vna non possit remanere sine altera: vt contra Suarez docet Vasquez.

Ad 6. Ex eo quod non possit explicari vtrum subsistentia sit idem cum existentia, an modus existentiaę, an modus naturę præcedens aliquam existentiaę. Respondeo hæc explicando. Primo potest dici subsistentiam esse complementum naturę diuidens illam ab alio supposito, atque illam determinans ad esse separatim ab esse alterius suppositi. Cum enim humanitas mea e.g. possit existere, vel in Verbo, vel separata à Verbo, sicut vnio cum Verbo determinaret illam ad existendum in Verbo, & fortasse ad existendum per existentiam Verbi, vt S. Thomas docet, sic personalitas mea separat meam humanitatem à Verbo, & quocunque alio supposito, & determinat ad existentiam separatam à Verbo, vel fortasse ad existentiam propriam debitam formę. Probari potest hæc sententia, quia suppositum, & persona proprię existunt; ergo suppositum debet intelligi constitutum in ratione suppositi ante esse, & ante actualement existentiam; ergo id, quo suppositum constituitur in ratione suppositi, nec est ipsa existentia actualis

actualis , nec modus consequens illam ,  
vt Suarius , & Vasquez volunt , sed est  
motus naturæ existentiam aliquam  
præcedens , vt docet Caietanus allegans  
S- Thomam .

Hinc respondetur ad secundum quæsi-  
tum an modus supposititalitatis habeat e-  
xistentiam distinctam ab existentia to-  
tius . Respondeo negatiuè , cum sit vlti-  
ma determinatio ad habendam existentiam  
separatam .

Ad tertium quæsitum , an substantia  
importetur in recto , vel in obliquo, re-  
sponsum est in solutione quinti argumē-  
ti , quod saltem non est principale rectū  
in suppositis creatis.

Secundo quia doctrina allata videtur  
supponere , quod humanitas Christi exi-  
stat per existentiam Verbi . à quo hic  
præscindo , & quia habet quasdam alias  
difficultates , dici potest cum sententia .  
Suarij , & Vasquez substantiam esse  
modum existentiae , quo determinatur ad  
hoc , vt sit existentia per se , & prima ,  
non autem secunda supponens aliam exi-  
stentiam . Si enim mea humanitas assu-  
meretur à Verbo , & haberet propriam  
existentiam creatam , illa non esset exi-  
stentia per se , & prima , cum supponeret  
in Verbo aliam existentiam priorem ;  
ergo separatio à Verbo constituit exi-

stentiam creatam existentiam per se, & primam, & constituit humanitatem primo, & per se existentem. Hinc saluatur quo pacto subsistentia non sit accidens, cum eo ipso quod sit modus existentie adueniat enti iam existenti, quod est proprium accidentis. Dico, quod accidens est quod aduenit esse primo, & primæ existentie iam constitutæ in ratione primæ existentie; at quod aduenit existentie indifferenti, ut sit prima, vel non prima tanquam primitas determinans ad hoc, ut sit prima, non est accidens, sed modus substantialis, & substantia ut quod; sed subsistentia est primitas qua existentia humanitatis constituitur prima existentia; ergo subsistentia non est accidens, sed modus substantialis.

Hinc ad quaesitum, an subsistentia habeat propriam existentiam, dico quod habet, ut quod, hoc est habet existentiam, non qua suppositum existat, sed qua suppositum existat existentia prima, & per se, cum sit ipsa primitas, qua existentia suppositi constituitur formaliter prima.

Finem

## QV AEST I O N E S

## De causis .

*Ordo disputandorum .*

**P**ost tractationem de principijs  
intrinsecis, agendum est de  
causis etiam extrinsecis rerum  
naturarum . Primo disputamus de defi-  
nitione causae, & eius diuisione in qua-  
tuor genera . Secundo de causa mate-  
riali, & formali, earum effectibus, &  
causalitate . Tertio de causa finali, eius  
causalitate, & effectibus . Quarto de  
causis fortuitis, & casualibus . Quinto  
de causa ideali . Sexto aggredien-  
tes tractationem de causa efficiente  
disputamus de virtute causatiua, efficien-  
tis . Septimo de actione, quae est causa-  
litas efficientis, & eius distinctione ab  
agente, termino &c. Octauo de subie-  
cto receptiuo actionis, atque eius di-  
stinctione à passione . Nono de priori-  
tate naturae, & vtrum consistat in actio-  
ne . His pertractatis, reijcientes in li-  
bros de generatione ceteras quæstiones

de causa efficiente, & de conditionibus requiritis ad agendum, comparamus causas inter se, & decimoquærimus an duæ causæ possint se mutuo causare. Undecimo an possint ad eundem effectum concurrere plures causæ totales, & concludimus tractationem de causis.

*Vtrum conuenienter assignentur  
quatuor genera causarum.*

*Quæstio XIV.*

**V**idetur, quod non r. quia non conuenienter assignantur in aliqua scientia ea quorum consideratio non spectat ad talem scientiam, sed consideratio causarum non spectat ad Physicam, nec ad Mathematicam; sed ad Metaphysicam; ergo non conuenienter causæ assignantur in Physica, sicut nec in Mathematica, sed sunt assignandæ in Metaphysica. Minor probatur; quia consideratio rationum communium, quæ possunt inueniri extra materiam sensibilem, non spectat ad Physicam, & Mathematicam, sed ad Metaphysicam; sed ratio causæ potest inueniri etiam extra materiam sensibilem, cum Deus; & Angeli sint causæ; ergo &c.

2. Sal-



2. Saltem ad *Phyficam* non spectat ; consideratio omnium causarum , sed solius causæ materialis , ideoque antiqui Philosophi omnia reduxerunt ad causam materiale[m] , dicentes cunctos naturales effectus oriri ex necessitate materie , ut ait Aristoteles 2. *Phys.* tex. 74. *Si aliam causam dixerint hic quidam concordiam , & discordiam ille mentem tangunt illam duntaxat ; deinde valere sinunt .*

3. Inconuenienter assignantur species causarum non præmissa definitione comuni omnibus causis ; sed nullam communem definitionem præmisit Aristoteles ; ergo inconuenienter assignauit genera causarum .

4 Ex assignatis causis , materiali nimirum , formali , efficiente , & finali , sola causa efficiens est vera , & propria causa , e.g. causa statuæ marmoreæ est artifex , marmor autem , & figura sunt quidem materia , & forma statuæ , sed non sunt causæ statuæ , nisi valdè improprie , & æquiuocè , præsertim , quia vera causa debet totaliter distingui à suo effectui ; sed marmor , & figura & vniuersim materia , & forma non distinguuntur totaliter à suo effectui cum sint partes ipsius ; ergo marmor , & figura , materia , & forma non sunt veræ causæ , & propriæ compositi ; finis etiam , propter quem



quem efficitur statua, non est causa statuæ; causa enim est principium; sed finis non est principium; ergo non est causa. Rursus causa non potest poni post effectum; sed cum aliquis efficit statuam ex fine lucri, lucrum ponitur post statuam; ergo lucrum licet sit finis non est causa statuæ.

5. Sunt aliquæ causæ, quæ non reducuntur ad ullam ex quatuor assignatis. Fortuna enim est causa rerum fortuitarum: casus est causa rerum casualium; idea etiam est causa rerum artificialiū; sed istæ causæ non reducuntur ad ullam ex 4. assignatis; ergo insufficiens est assignatio 4. causarum.

Respondeo optimam esse diuisionem, causæ in quatuor genera, materialem, formalem, efficientem, & finalem, quarum duæ primæ sunt intrinsecè, quia causant per hoc, quod intrinsecè componant effectum; duæ posteriores sunt extrinsecè, quia non causant per hoc quod intrinsecè componant effectum. Causa materialis est ex qua fit aliquid, ut inquit; hoc est ex qua aliquid fit, & intrinsecè componitur tamquam ex aliquo determinabili. Causa formalis est per quam aliquid intrinsecè constituitur, tamquam per actum determinatiuum: e.g. marmor est causa materialis statuæ, figura

gura est causa formalis, quia statua componitur intrinsecè ex marmore, tamquam ex aliquo per figuram determinabili ad esse statuę, & ex figura tamquam ex actu determinatiuo. Causa efficiens est principium vnde est mutatio: e.g. artifex est causa efficiens statuę, quia ab artifice marmor mutatur in statuam. Causa finalis est bonum cuius gratia res fit: e.g. si statua fiat propter uerum, causa finalis statuę est uerum.

Quod bona sit hæc assignatio causarum probat 1. Aristoteles 2. Physicorum. 31. inductione. Nam omnia quæ cõnunitè dicuntur causę reducuntur ad aliquod ex quatuor generibus assignatis; ergo bona, & adequata est assignatio quatuor generum. Probat antecedens: nam ad causam materiale reducuntur elementa, seu litterę, quæ dicuntur causę syllabarum; materia artefactorũ, quę dicitur eorum causa; quatuor corpora simplicia, terra nimirum, aqua &c, quę dicuntur causę, & elementa corporum mixtorum; partes, quæ dicuntur causa totius; suppositiones, aut præmissæ sumptæ secundum terminos, vt explicat Sanctus Thomas, quę dicuntur causę conclusionis, in quantum conclusio constat ex terminis præmissarum. Ad causam formalem reducitur quidditas, seu

seu forma totius, totalitas, ipsa compositio, & forma partis, e. g. causa formalis hominis est humanitas, quæ est quidditas, & forma totius; anima, quæ est forma partis; totalitas etiam, seu suppositivitas est causa formalis suppositi, & ipsa compositio anime cum corpore, siue unio reduci potest ad causam formalem. Compositio verò partium est causa formalis præsertim artificiatorum, e. g. causa formalis, & forma domus est compositio, & dispositio lapidum, lignorum, &c. Ad efficientem reducitur semen quod e. g. est causa efficiens lactuæ; medicus qui est causa efficiens sanitatis; consiliarius, qui est causa efficiens eius ad quod consilium dat, & alia similia. Causa finalis est bonum, cuius gratia cetera fiunt, quod solet esse optimum, ac melius ijs, quæ fiunt gratia talis boni, e. g. sanitas est melior omnibus ijs, quæ fiunt ad sanitatem consequendam Confirmat Aristoteles I. Met. tex. 10. & 50. bonam esse divisionem assignatam causarum, quia antiqui causas quærentes nunquam potuerunt tangere causam, quæ non reducatur ad aliquam ex quatuor; ergo omnes reducuntur ad quatuor assignatas.

Secundo probat Aristoteles bonitatem divisionis ratione. Tot enim sunt causæ, quot sunt ea per quæ respondetur

ad

ad quæstionem, qua quæritur propter  
quid est res? hæc enim manifestè est quæ-  
stio causæ; sed ad quæstionem, propter  
quid responderetur per aliquam solum ex  
quatuor assignatis; ergo causæ sunt solum  
4. assignatæ. Probatur minor, quia vel  
quæritur propter quid rerum immobi-  
lium, seu sint immobiles à parte rei, vt  
Deus; seu sint immobiles per solam ab-  
stractionem intellectus, vt res mathema-  
ticæ, & tunc responderetur solum per de-  
finitionem, & quidditatem, quæ est cau-  
sa formalis, vel quasi formalis; e. g. si  
quærat in Mathematica, cur aliquis  
angulus sit rectus? responderetur per defi-  
nitionem anguli recti dicendo, *quia hic*  
*angulus constituitur ex linea recta cadente*  
*super aliam rectam, & faciente duos angulos*  
*æquales ex utraque parte.* Similiter si quæ-  
ratur cur Deo coueniat hoc vel illud  
predicatum? responderetur per Diuinam  
essentiam, quæ est causa quasi formalis.  
Si verò quærat causa mobilium in-  
quantum sunt mobilia, hoc est in quan-  
tum procedunt ex potentia in actum, tum  
extra causam formalem requiruntur aliæ  
res causæ; materialis nimirum, quæ est  
potentia mobilis; formalis, quæ est actus;  
quia non potest aliquid ex potentia  
reducere in actum, nisi ab aliquo ente in-  
actu, quod sit principium, motus; e. g.  
quod

quod potest esse, & non esse, non potest transire à non esse ad esse, nisi per actionem alicuius effectus, à quo fiat, ideò prima causa mobilium est causa efficiens; & quia actio agentis sicut procedit à principio determinato, ita tendit ad aliquem finem determinatum, ideò datur quarta causa mobilium, quæ est finis, propter quem efficiens operatur, & mouet. Cum ergo queritur propter quid rerum naturalium, responderi potest per omnes causas: e. g. si queratur, cur homo sit mortalis, & corruptibilis responderi potest per causam materiale dicendo *quia compositus est ex contrarijs, calidis nimirum, ac frigidis, &c.* Si queratur cur bellum est gestum? responderi potest per primum mouens dicendo, *quia iniuria illata concitauerunt animos ad vindictam*, vel per causam finalem dicendo, *bellum est gestum ad imperium propagandum.*

Ad I. Transeat maior, & nego minorem, quod nimirum consideratio causarum spectet ad solam Metaphysicam. Vt enim Aristoteles docet. tex septimo, & sequentibus, Physica contéplatur omnes causas, & per omnes demonstrat. Quare tum Metaphysica, tum Physica considerat omnes causas, sed modo diuerso. Metaphysica considerat causas in quantum ratio-



rationes communes causarum possunt etiam inueniri in entibus separatis à materia sensibili, e. g. considerat causam materialem, in quantum subiectum etiam spirituale, vt Angelus est causa sustentatiua, & quasi materialis suorum accidentium, idemque dic de reliquis causis. Physica verò considerat causas magis limitatè, in quantum sunt causæ naturales effectuum naturalium, At Mathematica cum abstrahat à motu, contemplatur præcipuè causam formalem, hoc est definitionem, ideoque in Mathematica non est agendum de causis, sed sufficit præmittere definitiones, per quas omnia demonstrantur. Non est tamen negandum Mathematicam aliquammodo demonstrare per causam materialem, vt cum ex æqualitate partium, quæ sunt causæ quasi materiales totius, demonstrat totum esse æquale alteri toti. Præsertim verò mathematica non demonstrat per causam finalem, & rationem boni. Si enim sicut Physica assignat rationem cur dentes anteriores sint acuti, maxillares lati, per causam finalem, quia sic est melius ad cibum incidendum per dentes anteriores, conterendum per maxillares, ita mathematicus rationem daret cur triangulum habeat tres angulos æquales duobus re-  
ctis, quia sic est melius, esset plane deri-  
dendus.

dendus. Hinc, vt Aristoteles refert tertio Met. tex. 3. Aristippus quidam Sophista contemnebat demonstrationes ex fine, & ex eo, quod sic est melius; dicebat enim tales rationes assignari in artibus etiam illiberalibus, & vilissimis. Sutor e. g. dat rationem cur crepida sit ita facta, quia sic est melius ad finem calceandi, idemque dic de alijs artificibus. At in Mathematicis, quae sunt scientiae praestantissimae nunquam afferuntur tales rationes. Sed exemplum artificum ostendit rationes ex fine esse praestantissimas. Ideo enim artifices ductu naturae afferunt rationem operum suorum ex fine, quia operantur ex fine; sed etiam natura operatur ex fine; ergo etiam ratio rerum naturalium afferri debet ex fine. Imò etiam rerum mathematicarum ratio afferri potest ex fine non à Mathematica, sed à Metaphysica. Prima enim ratio, cur res Mathematicae sint tales, est, quia tales debebant esse ad suum finem, representandi diuinas Perfectiones.

Ad 2. Iam est ostensum ad Physicam non spectare solam considerationem, causae materialis, sed etiam aliarum. Antiqui quia considerarunt, ex professo solam causam materiale, ideò valde imperfectè Physicam tradiderunt.

Ad 3. ex eo quod Aristoteles non  
prae-



præmise rit definitionem cōmunem causæ, primo dico, quod sicut non omnium quærenda est demonstratio: prima enim principia sunt per se nota, ideoque demonstratione non indigent; ità non omnium quærenda est definitio: quædam enim rationes e. g. ratio entis, vt dictum est in logica, sunt primo notæ, ideoque definitione non indigent. Iam ratio communis causæ est primo omnibus nota; & probatur, quia etiam pueri sunt curiosi; curiositas autem est appetitus sciendi causam, & dicitur curiositas, quia quærit *cur*; sed non possent appetere scire causam, nisi haberent notionem causæ; ergo etiam pueris naturaliter est ingenta notio causæ. Secundo omnis quæstio, est quæstio causæ, vt dictum est in logica qu. prima; ergo ante omnem quæstionem est naturaliter omnibus indita notio causæ, ac proinde qui non perciperet quid sit causa, non posset mouere vllam quæstionem, adeoque neque posset mouere hanc quæstionem *quid est causa*, cum per illam quæretur definitio, quæ est causa formalis.

Secundo respondeo Aristotelem hoc lib. i. tex. 68. supponere descriptionem causæ in communi esse hanc. *Causa est quam quærimus per quæstionem, quam omnes naturaliter mouemus, cum dicimus propter quid est res?*

Ter-

Tertio dico asserri posse aliquam accuratorem definitionem causæ in communi, quæ habeat tres conditiones. Prima est, vt conueniat omnibus 4. generibus causarum; secunda, vt non conueniat puris conditionibus, qualis est propinquitas agentis ad passum; tertia est, vt distinguat causas à principio purè productiuo, quod non est causa; e. g. Pater æternus est principium productiuum Filij, & tamen non est causa Filij, alioquin Filius esset effectus Patris, & esset factus à Patre, quod est contrà Symbolum fidei, in quo confitemur Filium esse genitum, non factum, idem dic de Spiritu Sancto, qui est productus, & procedens, sed non est causatus, neque factus à Patre, & Filio. Et licet Ss. PP. Græci aliquando vocent Patrem æternum causam Filij, tamen vocabulum græcum habet ampliorem significationem, quam nomen latinum causæ, ideoque iuxta significationem nominis latini Pater non potest dici causa Filij.

Quarto dico descriptionem causæ in communi habentem tres conditiones dictas esse hanc. *Causa est, quæ saltem sustentatiuè concurrat ad dandum esse alteri, quod nec identicè quidem est à se.* Hæc descriptio habet primam conditionem, vt conueniat omnibus quatuor generibus causa-

causarum . Primo conuenit duabus causis extrinsecis , efficienti , & finali ; nam de efficiente , patet , quod dum producit effectum dat illi esse ; finalis etiam dum mouet efficientem , dat esse suo modo effectui , & est id propter quod effectus accipit esse . Duæ etiam causæ intrinsecæ materialis , & formalis dant effectui , seu composito esse , dum dant illi seipsas , & suum esse ; & per hoc differunt à causis extrinsecis , quæ non dant effectui seipsas , & suum esse , sed solum dant aliud esse . Causa materialis extrinseca sustentatiuè concurrit ad dandum esse formæ , quam recipit . Habet etiam hæc descriptio secundam conditionem , vt non conueniat conditionibus , quia conditiones non dant esse effectui , sed purè determinant causas , vt effectui dent esse ; e. g. propinquitas ignis non dat esse calefactioni , sed purè determinat ignem ad calefaciendum , Demum habet tertiam conditionem , vt non conueniat principio purè productiuo . Pater enim æternus licet Filio det esse , ac Deitatem , tamen dat esse Filio , qui identicè est à se , cum sit idem cum Deitate , quæ est à se , imo est ipsum esse à se .

Hinc patet primo , quæ sit imperfectio effectus , propter quam Filius æternus non est effectus , *Est enim nec identicè esse à se.*

*à se*. Secundo patet, quid sit dependere & cur Filius non dependet à Patre eterno. Dependere est quod unum ita accipiat esse ab altero, ut nec identicè sit à se, nec sibi sufficiat ad essendum. Tertio patet quid sit indigere, & cur Filius non indigeat patre, licet non possit esse sine Patre. Indigere est non esse sibi sufficientem ad essendum; sed Filius est Deitas, quæ est sibi sufficientissima ad essendum, imo est ipsa sufficientia ad essendum toti Trinitati; ergo Filius non indiget, sed est purè connexus cum Patre. Quarto patet, cur non sit admittenda definitio causæ, qua dicitur *causa esse quæ dat esse rei contingentis*. Dico quod saltem hæc definitio non est conformis doctrinæ Aristotelis. Putavit enim Aristoteles Mundum Cælum, & Intelligentias esse entia non contingentia, sed necessaria, & æterna, & tamen causata à Deo primo motore; ergo putavit ad rationem causæ non requiri, ut det esse rei contingentis: adhuc tamen agnouit causam dare esse alteri, quod non sibi sufficit ad essendum, nec est à se, sed indiget causa, & dependet à causa; ergo Aristotiles admississet nostram definitionem. Quinto demum patet cur in sola Trinitate dari possit aliquod esse productum simul, & incausatum, genitum, & non factum. Ratio est

est quia in sola Trinitate aliquid productum potest identicè esse à se, & sibi sufficere ad essendum.

Ad 4. Nego solum primum mouens, seu causam efficientem esse verè, & propriè causam. Nam etiam materia, & forma sunt verè, & propriè causæ intrinsecæ compositi, & vtraque compositum causat, in quantum dat suum esse composito, quod nec identicè est à se, nec sibi sufficit ad essendum, vt explicatum est in responsione ad tertium. Nego etiam ad veras intrinsecas causas requiri, vt totaliter distinguantur ab effectu, cum sufficiat, vt distinguantur partialiter, & inadequatè, ita vt effectus causatus addat aliquid supra entitatem causæ. Finis etiam est vera, & propria causa, tum quia per finem respondetur questionì propter quid, tum quia finis suo modo dat esse effectui, in quantum est id, propter quod ponitur effectus. Dum opponitur: causa est principium; finis non est principium; ergo finis non est causa: distingo minorem, finis in quantum est in seipso non est principium, concedo minorem; finis in quantum est intentionaliter in cognitione, & intentione non est principium, nego minorem, & nego consequentiam. Sanitas in quantum est in seipsa non est princi-

N

pium

tate, & vnitur intrinsecè humanitati, & tamen non est causa materialis, neque formalis talis aggregati, cum vtraque causa dicat imperfectionem; ergo non sufficit ad causalitatem istarum causarum inexistencia vel vnio.

2. Videtur, quod non conuenienter explicetur, vtrum materia sit causa formarum, quas recipit, & vtrum vniuersim omne receptiuum sit causa materialis recepti. Si enim dicatur, quod omne recipiens est causa materialis recepti, sequitur, quod materia, quæ recipit animam rationalem, sit causa materialis, & passiva animæ rationalis, quod est absurdum; eo enim ipso anima rationalis propriè non crearetur. Illud enim propriè non creatur, quod producitur, concurrente causa materiali. Rursus sequitur, quod substantiæ spirituales sint causæ materiales accidentium: essentia sit causa materialis existentiae, quam recipit, quæ videntur absurda. Si vero dicatur, quod materia non est causa materialis vllius formæ substantialis, sed pura conditio, vt docet Lessius lib. 3 de sum bono num. 9. & sequentibus, sequitur, quod omnes formæ substantiales creantur, non minus, quam anima rationalis. Ideò enim anima rationalis creatur, quia licet recipiatur in materia, tamen materia non influit

influit in animā , sed purè illam recipit , ac solum se habet , vt conditio ; sed materia non influit in animam equi , sed purè illam recipit , & se habet , vt mera conditio ; ergo etiam anima equi , & ceterę formę materiales creantur . Si tertio dicatur subiectum , quod recipit sustentando , esse causam materiale[m] recepti , quod verò recipit non sustentando , esse puram conditionem , ideoque materiam non esse causam , sed puram conditionem respectu animæ rationalis , quia purè illam recipit , & non sustentat , è conuerso esse causam aliarum formarum , quia illas sustentat ; contra est , primo , quia non explicatur , quid sit sustentare , quid purè recipere . Secundo contra est , quia sustentare est exercere aliquam virtutem , & influentiam ; sed virtus , & influentia non exercetur nisi per existentiam ; ergo materia sustentat formam substantialem per existentiam , ac proinde habet propriam existentiam . Tertio contra est , quia si materia prima haberet virtutem influendi in omnes formas substantiales materiales , esset valdè perfecta , cum virtus influendi in formas innumeras perfectissimas magnam indicet perfectionem , vt patet in Cēlo , quod censetur valde perfectum , quia virtutem habet influendi in omnia inferiora .



idendus . Hinc, vt Aristoteles refert tertio Met. tex. 3. Aristippus quidam Sophista contemnebat demonstrationes ex fine, & ex eo, quod sic est melius ; dicebat enim tales rationes assignari in artibus etiam illiberalibus, & vilissimis. Sutor e. g. dat rationem cur crepida sit ita facta, quia sic est melius ad finem calceandi, idemque dic de alijs artificibus . At in Mathematicis, quae sunt scientiae praestantissimae nunquam afferuntur tales rationes . Sed exemplum artificum ostendit rationes ex fine esse praestantissimas . Ideo enim artifices ductu naturae afferunt rationem operum suorum ex fine, quia operantur ex fine ; sed etiam natura operatur ex fine ; ergo etiam ratio rerum naturalium afferri debet ex fine . Imò etiam rerum mathematicarum ratio afferri potest ex fine non à Mathematica, sed à Metaphysica . Prima enim ratio, cur res Mathematicae sint tales, est, quia tales debebant esse ad suum finem, representandi diuinas Perfectiones .

Ad 2. Iam est ostensum ad Physicam non spectare solam considerationem, causae materialis, sed etiam aliarum. Antiqui quia considerarunt ex, professo solam causam materiale, ideò valdè imperfectè Physicam tradiderunt .

Ad 3. ex eo quod Aristoteles non  
præ-

præmiserit definitionem cōmunem causæ, primo dico, quod sicut non omnium quærenda est demonstratio: prima enim principia sunt per se nota, ideoque demonstratione non indigent; ità non omnium quærenda est definitio: quædam enim rationes e. g. ratio entis, vt dictum est in logica, sunt primo notæ, ideoque definitione non indigent. Iam ratio communis causæ est primo omnibus nota; & probatur, quia etiam pueri sunt curiosi; curiositas autem est appetitus sciendi causam, & dicitur curiositas, quia uærit *cur*; sed non possent appetere sciendi causam, nisi haberent notionem causæ; ergo etiam pueris naturaliter est inuenta notio causæ. Secundo omnis inuestigatio, est quæstio causæ, vt dictum est in logica qu. prima; ergo ante omnem inuestigationem est naturaliter omnibus inuenta notio causæ, ac proinde qui non perperet quid sit causa, non posset mouere ullam quæstionem, adeoque neque posset mouere hanc quæstionem *quid est causa*, cum per illam quæretur definitio, quæ est causa formalis.

Secundo respondeo Aristotelem hoc. 1. tex. 68. supponere descriptionem causæ in communi esse hanc. *Causa est illam quærimus per quæstionem, quam omnes naturaliter mouemus, cum dicimus propter quid est res?*

Ter-

Tertio dico asserri posse aliquam accuratorem definitionem causæ in communi, quæ habeat tres condiciones. Prima est, vt conueniat omnibus 4. generibus causarum; secunda, vt non conueniat puris conditionibus, qualis est propinquitas agentis ad passum; tertia est, vt distinguat causas à principio purè productiuo, quod non est causa; e. g. Pater æternus est principium productiuum Filij, & tamen non est causa Filij, alioquin Filius esset effectus Patris, & esset factus à Patre, quod est contrà Symbolum fidei, in quo confitemur Filium esse genitum, non factum, idem dic de Spiritu Sancto, qui est productus, & procedens, sed non est causatus, neque factus à Patre, & Filio. Et licet Ss. PP. Græci aliquando vocent Patrem æternum causam Filij, tamen vocabulum græcum habet ampliorem significationem, quam nomen latinum causæ, ideoque iuxta significationem nominis latini Pater non potest dici causa Filij.

Quarto dico descriptionem causæ in communi habentem tres condiciones dictas esse hanc. *Causa est, quæ saltem sustentatiuè concurrat ad dandum esse alteri, quod nec identicè quidem est à se.* Hæc descriptio habet primam conditionem, vt conueniat omnibus quatuor generibus causa-

causarum . Primo conuenit duabus causis extrinsecis , efficienti , & finali ; nam de efficiente , patet , quod dum producit effectum dat illi esse ; finalis etiam dum mouet efficientem , dat esse suo modo effectui , & est id propter quod effectus accipit esse . Duæ etiam causæ intrinsecæ materialis , & formalis dant effectui , in composito esse , dum dant illi seipsas , & suum esse ; & per hoc differunt à causis extrinsecis , quæ non dant effectui seipsas , & suum esse , sed solum dant aliud esse . Causa materialis extrinseca sustentatiuè concurrit ad dandum esse formæ , uam recipit . Habet etiam hæc descriptio secundam conditionem , ut non conueniat conditionibus , quia conditiones non dant esse effectui , sed purè determinant causas , ut effectui dent esse ; g. propinquitas ignis non dat esse causationi , sed purè determinat ignem ad calefaciendum , Demum habet tertiam conditionem , ut non conueniat principio purè productiuo . Pater enim æternus licet Filio det esse , ac Deitatem , tamen dat esse Filio , qui identicè est à se , im sit idem cum Deitate , quæ est à se , non est ipsum esse à se .

Hinc patet primo , quæ sit imperfectio effectus , propter quam Filius æternus non est effectus , *Est enim nec identice esse à se.*

*à se*. Secundo patet, quid sit dependere & cur Filius non dependet à Patre eterno. Dependere est quod unum ita accipiat esse ab altero, ut nec identice sit à se, nec sibi sufficiat ad essendum. Tertio patet quid sit indigere, & cur Filius non indigeat patre, licet non possit esse sine Patre. Indigere est non esse sibi sufficientem ad essendum; sed Filius est Deitas, quæ est sibi sufficientissima ad essendum, imo est ipsa sufficientia ad essendum toti Trinitari; ergo Filius non indiget, sed est purè connexus cum Patre. Quarto patet, cur non sit admittenda definitio causæ, qua dicitur *causa esse quæ dat esse rei contingentis*. Dico quod saltem hæc definitio non est conformis doctrinæ Aristotelis. Putavit enim Aristoteles Mundum Cælum, & Intelligentias esse entia non contingentia, sed necessaria, & æterna, & tamen causata à Deo primo motore; ergo putavit ad rationem causæ non requiri, ut det esse rei contingentis: adhuc tamen agnouit causam dare esse alteri, quod non sibi sufficit ad essendum, nec est à se, sed indiget causa, & dependet à causa; ergo Aristotiles admississet nostram definitionem. Quinto deum patet cur in sola Trinitate dari possit aliquod esse productum simul, & incausatum, genitum, & non factum. Ratio est



est quia in sola Trinitate aliquid productum potest identicè esse à se, & sibi sufficere ad essendum.

Ad 4. Nego solum primum mouens, seu causam efficientem esse verè, & propriè causam. Nam etiam materia, & forma sunt verè, & propriè causæ intrinsecæ compositi, & vtraque compositum causat, in quantum dat suum esse composito, quod nec identicè est à se, nec sibi sufficit ad essendum, vt explicatum est in responsione ad tertium. Nego etiam ad veras intrinsecas causas requiri, vt totaliter distinguantur ab effectu, cum sufficiat, vt distinguantur partialiter, & inadequatè, ita vt effectus causatus addat aliquid supra entitatem causæ. Finis etiam est vera, & propria causa, tum quia per finem respondetur questionì propter quid, tum quia finis suo nodo dat esse effectui, in quantum est id, propter quod ponitur effectus. Dum opponitur: causa est principium; finis non est principium; ergo finis non est causa: distingo minorem, finis in quantum est in seipso non est principium, concedo minorem; finis in quantum est intentionaliter in cognitione, & intentione non est principium, nego minorem, & nego consequentiam. Sanitas in quantum est in seipsa non est princi-

N

pium

pium mouens ad se curandum, sed mouet ad cessandum à curatione, ideoque est finis curationis, & operationis medicatiuæ. At sanitas in quantum cognoscitur ab ægroto vt recuperabilis, ideoque est in cognitione egroti, est principium mouens egrotum ad amorem sanitatis, & ad intentionem, qua vult recuperare sanitatem, & in quantum est in tali intentione est principium mouens ad ponenda media, quibus sanitatem recuperet, & ad se curandum, vt melius explicabitur inferius. Hinc respondeo ad alteram instantiam: causa non potest poni post effectum; finis ponitur post media; ergo non est causa mediorum; distinguo maiorem; causa non potest poni post effectum secundum illud esse, per quod causat, concedo maiorem; secundum illud esse, per quod non causat, sed causatur, nego maiorem; & distinguo minorem: finis ponitur post media secundum esse, quod habet in se, per quod non causat, concedo minorem; ponitur post media secundum esse intentionale, per quod causat, nego minorem, & nego consequentiam. Sanitas non causat curationem secundum esse reale, quod habet in seipsa, sed secundum esse intentionale, quod habet in intentione, & cognitione, secundum quod esse præcedit esse-



effectum, quia prius cognoscimus, & intendimus finem, deinde operamur propter finem.

Ad 5. Ex eo, quod fortuna, casus, & idæ sint causæ, & non reducuntur ad assignata genera respondeo omnia hæc reduci ad genus causæ efficientis, aut formalis, ut patebit inferius.

## Q V A E S T I O X V.

*Vtrum conuenienter assignentur  
causalitas, & effectus cau-  
sæ materialis, &  
formalis.*

**P**rimo videtur, quod non conuenienter explicetur causalitas per quam duæ causæ intrinsecæ, materialis nimirum, & formalis causant intrinsecè compositum. Vel enim causalitas per quam materia, & forma, e. g. corpus, & anima causant hominem est inexistencia, per quam existunt in homine, ut quidam dixerunt, vel est unio, qua ununtur ad inuicem, ut docet Suarez. disp. 15. Met. sect. 9. neutrum dici potest: nam Verbum Diuinum, inexistit aggregato ex Verbo, & humani-

tate, & vnitur intrinsecè humanitati, & tamen non est causa materialis, neque formalis talis aggregati, cum vtraque causa dicat imperfectionem; ergo non sufficit ad causalitatem istarum causarum inexistencia vel vnio.

2. Videtur, quod non conuenienter explicetur, vtrum materia sit causa formarum, quas recipit, & vtrum vniuersim omne receptiuum sit causa materialis recepti. Si enim dicatur, quod omne recipiens est causa materialis recepti, sequitur, quod materia, quæ recipit animam rationalem, sit causa materialis, & passiuæ animæ rationalis, quod est absurdum; eo enim ipso anima rationalis propriè non crearetur. Illud enim propriè non creatur, quod producitur, concurrente causa materiali. Rursus sequitur, quod substantiæ spirituales sint causæ materiales accidentium: essentia sit causa materialis existentiae, quam recipit, quæ videntur absurda. Si vero dicatur, quod materia non est causa materialis vllius formæ substantialis, sed pura conditio, vt docet Lessius lib. 3. de sum. bono. num. 9. & sequentibus, sequitur, quod omnes formæ substantiales creantur, non minus, quam anima rationalis. Ideò enim anima rationalis creatur, quia licet recipiatur in materia, tamen materia non influit

influit in animā , sed purè illam recipit , ac solum se habet , vt conditio ; sed materia non influit in animam equi , sed purè illam recipit , & se habet , vt mera conditio ; ergo etiam anima equi , & ceterę formę materiales creantur . Si tertio dicatur subiectum , quod recipit sustentando , esse causam materialem recepti , quod verò recipit non sustentando , esse puram conditionem , ideoque materiam non esse causam , sed puram conditionem respectu animæ rationalis , quia purè illam recipit , & non sustentat , è conuerso esse causam aliarum formarum , quia illas sustentat ; contra est , primo , quia non explicatur , quid sit sustentare , quid purè recipere . Secundo contra est , quia sustentare est exercere aliquam virtutem , & influentiam ; sed virtus , & influentia non exercetur nisi per existentiam ; ergo materia sustentat formam substantialem per existentiam , ac proinde habet propriam existentiam . Tertio contra est , quia si materia prima haberet virtutem influendi in omnes formas substantiales materiales , esset valdè perfecta , cum virtus influendi in formas innumeras perfectissimas magnam indueret perfectionem , vt patet in Cælo , quod censetur valde perfectum , quia virtutem habet influendi in omnia inferiora .

Neque dicas materiam influere per influxum purè passiuum, qui paruam indicat, perfectionem. Nam primo debet explicari quid sit influxus purè passiuus, & quomodo differat ab actiuo. Secundo debet reddi ratio, propter quam solus influxus actiuus indicet magnam perfectionem, non autem passiuus.

3. Videtur, quod neque conuenienter explicetur vtrum forma præsertim substantialis sit causa materiæ. Ex vna enim parte videtur, quod sit causa: cum enim dat esse materiæ eo ipso causat materiam. Ex alia parte videtur impossibile, quod sit causa: alioquin materia, & forma se mutuo causarent. Rursus non explicatur an, & quomodo causa formalis distinguatur à suo effectû formali; ergo causalitas, & effectus causæ materialis, ac formalis non conuenienter explicantur.

Respondeo in hac quæstione tria esse explicanda. Primo est explicanda causalitas, qua materia, & forma causant, & constituunt intrinsecè compositum, & vniuersim partes, & partialia constitutiva causant totum. Secundo explicanda est causalitas, qua materia causat formas, & vniuersim subiectum recipiens causat receptum, vel saltem est conditio ad illud. Tertio est explicanda causalitas,

salitas, qua formę causant materiam, & vniuersim quod recipitur, & informat causat subiectum recipiens.

Quo ad primum, dico primo causalitas, qua materia, & forma causant compositum, & vniuersim partes, & constitutiva partialia causant totum, est communicatio, per quam dant seipsa, & suum esse partiale composito, ac toti, seu talis communicatio includat vnionem distinctam, seu non, e. g. causalitas, qua materia, & anima rationalis causant hominem, est communicatio, qua dant homini seipsas, & suum esse partiale, perficiendo se inuicem. Similiter etiam hoc genus causalitatis exercet suppositalitas, seu personalitas hominis, & eiusdem existentia, quia etiam hec dant toti homini seipsas, & suum esse partiale, ideoque omnia partialia constitutiva possunt aliquo modo dici causę intrinsecę totius, quod ex illis constituitur.

Secundo: dico causalitas propria materię, & subiecti est communicatio qua materia dat composito seipsam tanquam subiectum, & tanquam potentiam receptiuam, perfectibilem, ac determinabilem ad esse specificum substantiale, vel accidentale: e conuerso causalitas propria formę est communicatio, per quam dat composito seipsam tanquam partem,



& actum receptum, perfectiū, ac determinatiū, ad esse specificum substantiale, ve accidentale. Causalitas aliorum, quę propriē neque sunt materia, neque forma, est communicatio, quā dant seipsa tanquam complementa suppositi, vel tanquam vltimas actualitates & reducuntur ad causas formales. Exēplis res explicabitur. Causalitas, quā materia causat hominem, est communicatio, quā materia dat homini seipsam tanquam potentiam pfectibilem, ac determinabilem ad esse specificum hominis. E conuerso causalitas, quā forma & anima rationalis causat hominem, est communicatio, quā dat homini seipsam tanquam partem, & actum determinatiū ad esse specificum hominis. Personalitas etiam dat seipsam homini tanquam complementum suppositi; existentia dat seipsam homini, tanquam actualitatem, quā homo actu existit, ideoque reducuntur ad causas formales, licet propriē non sint causę formales, quia non sunt formę determinantes ad esse specificum, sed sunt quasi causę formales. Quod exemplificauimus in materia prima, & in forma substantiali potest etiam exemplificari in materia secunda, & forma accidentali, e. g. subiectum est causa materialis albi albedo, quę est forma est causa formalis albi. Quo

Quo ad ad secundum dico: subiectum recipiens tum est causa materialis, ac passiva recepti, cum recipit illud sustentando in esse; cum verò recipit non sustentando, sed est purum requisitum ad hoc, ut receptum primo ponatur, ac sit, est mera conditio.

Probatur, & explicatur ex descriptione causæ actiuae, seu efficientis, & causæ passivæ, siue subiectivæ, & materialis. Causa activa est, à qua aliquid dependet tanquam à principio continēte actu perfectionem illius, & potente illam communicare, atque effundere: Causa passiva est, à qua aliquid dependet tanquam à subiecto potente recipere perfectionem illius, & illam recipiente. e.g. cum aqua calefit ab igne ignis est causa activa caloris, quia calor aquæ dependet ab igne, tanquam à principio habente actu perfectionem caloris, & potente illam communicare, atque effundere calefaciendo: aqua è converso est causa passiva caloris, quia calor aquæ dependet ab aqua tanquam à subiecto non continente perfectionem caloris actu, sed potente recipere calorem ab agente, & illum recipiente.

Causalitas activa, quæ vocatur actio, & productio, est dependentia, qua aliquid dependet ab altero tanquam a prin-



cipio continente actu perfectionem illius, & potente ipsam effundere, ac communicare. Causalitas passiva, quæ vocatur sustentatio, est dependentia, per quam aliquid dependet ab altero tanquam à subiecto potente recipere perfectionem illius, atque illam recipientem. E. G. dependentia, qua calor aquæ dependet ab igne est causalitas actiua caloris; dependentia qua calor aquæ dependet ab aqua, est causalitas passiva, ac sustentatio eiusdem caloris. Cum verò aliquid est tale, vt aliud ab ipso dependeat tanquam à principio continente partialiter in actu perfectionem illius, & potente illam communicare, & effundere, & præterea simul est tale, vt ab illo dependeat aliud tanquam à subiecto potente recipere perfectionem illius ab alio agente partiali, tum est simul causa actiua, & passiva, materialis, & efficiens, & exercet vtramque causalitatem, producendo simul, ac sustentando. E. G. intellectus in multorum sententia est causa passiva simul, & actiua intellectionis, quia intellectio pendet ab intellectu, tanquam à principio continente actu, licet partialiter perfectionem intellectionis, & potente illam communicare intellectioni, & eadem intellectio pendet ab intellectu tanquam à subiecto potente recipere

cipere perfectionē intellectionis ab obiecto tanquam à cōcausa partiali. Similiter sensus est causa actiua simul, & passiua sensationis, idemque dic de pluribus alijs.

Hinc iam probatur conclusio; nam causa passiua est, à qua aliquid dependet tanquam à subiecto potente illud recipere, & illud recipiente, sed eo ipso quod subiectum recipit aliquam formam sustentando, talis forma dependet à subiecto tanquam potente illam recipere, cum sustentari nihil aliud sit, quam dependere à subiecto recipiente; ergo eo ipso, quod subiectum recipit aliquam formam sustentando, est causa materialis, & passiua respectu illius. E conuerso eo ipso, quod recipit non sustentando, non est causa passiua, cum causalitas passiua sit sustentatio, ac pendentia à subiecto, sed est pura conditio.

Hinc Infertur primò materiam esse causam passiuam, & materialem omnium formarum, excepta anima rationali. Ratio est, quia materia recipit omnes formas sustentando, excepta anima rationali; omnes enim formæ materiales dependent à materia tanquam à subiecto sustentante, cum esse quod formæ materiales habent in materia, sit essentialiter commune materiæ, & primo competens: composito, inseparabile à materia,

teria, atque adeò pendens essentialiter à materia, tanquam à subiecto, ut dictum est agendo de vnione Qu. 10. E converso materia non est causa passiva animæ rationalis, quia illam recipit non sustentando, cum anima utpote forma per se subsistens habeat esse propriū separabile à materia, atque adeò sit independens à materia quo ad esse. Materia igitur est pura conditio ad primam positionem animæ rationalis, quia Deus naturaliter non creat animam rationalem, nisi in materia disposita. Respectu tamen vnionis cum anima rationali materia est causa passiva, & sustentatur, cum vnio utpote materialis dependeat à materia tanquam à subiecto sustentante.

Infertur secundo sustentationem, & dependentiam, qua formæ materiales dependent, & sustentantur à materia esse ipsarum existentiam. Ratio est, quia sustentatio, ac dependentia à materia est id, quo formæ dependent à materia, & sunt in illa dependendo; sed formæ dependent, & sustentantur per existentiam, quæ cum primo, & necessariò sit existentia compositi communis materiæ, necessariò pendet à materia tanquam à subiecto: ergo dependentia, & sustentatio est ipsa existentia formarum materialium. Actio tamen, qua fiunt, & de-  
pen-

pendent ab agente distinguitur ab existentia, vt dicetur inferius suo loco.

Quoad ad tertium dico: causalitas cōpletia, qua formæ causant materiam, & vniuersim, quo, quod recipitur causat recipiens est informatio, qua determinant illud ad aliquod esse specificum, substantiale, vel accidentale, e. g. anima equi, causat completiue materiam per informationem, qua determinat materiam ad habendum primum esse specificum equi; causalitas completia, quā figura causat ceram, est informatio qua ceram determinat ad esse figurati.

Ad 1. Causalitas causę intrinsecę non est inexistencia, & vnio vtcumque, sed inexistencia, & vnio communicatiua, per quam dant seipsa, & suum esse partiale composito, ac toti; sed Verbum Diuinum non dat aggregato suum esse partiale, cum Verbum non sit pars, sed totum completissimum continens in se quodlibet esse; ergo Verbum non est, nec potest esse causa intrinseca materialis, aut formalis vllius compositi, cum causa intrinseca ex sua ratione dicat imperfectionem partis. Ideò ad congruè loquendum in hac materia dicendum est quod Verbum non est causa formalis, quia non est forma cum formasit essentialiter pars, sed est quasi causa formalis;

lis, in quantum actualuat, perficit, ac deificat humanitatem, sicut forma perficit subiectum seclusa imperfectione formæ, quæ consistit in hoc, ut perficiat per suam entitatem partialem.

Hinc potest responderi ad quæsitum, an sicut Deus potest supplere defectum efficientis, e.g. potest supplere defectum ignis calefaciendo me loco ignis, ita possit supplere defectum causæ materialis, ac formalis, e.g. defectum corporis, ita ut uniatur animæ loco corporis, & constituat hominem, & defectum animæ, ita, ut uniatur corpori loco animæ, & constituat illud animatum, & hominem. Communiter responderetur negativè. Ratio est, quia, ut fiat homo non equivoce debet habere naturam, & quidditatē hominis eiusdem speciei; sed si non habeat corpus, sed loco corporis Verbum Divinum, quidditas, & natura, profecto non erit eiusdem speciei nobiscum. Secunda ratio est, quia ut Verbum constitueret hominem loco corporis, aut animæ, deberet constituere cum corpore, aut anima vnam naturam humanam, hoc est vnum principium agendi ac patiendi; sed verbum non potest constituere cum vlla creatura vnam naturam, & vnum principium agendi ac patiendi, cum nihil possit recipere ac pati; ergo non potest  
sup-

supplere defectum materie, vel forme, neque potest vniri in ratione nature, vt docent SS. PP. & Theologi. E conuerso potest persona Diuina supplere æquiualerenter effectum formalem suppositiualitatis create constituendo naturam creatam subsistentem, & supplet hunc defectum in Christo; quia constituere naturam subsistentem non est vniri in ratione nature, constituendo vnum principium passiuum, vel actiuum vlius operationis, sed est purè terminare naturam, quod non repugnat Verbo. Dixi, quod Verbum supplet æquiualerenter, non formaliter, quia effectus formalis subsistentie create est constituere naturam subsistentem subsistentia creata, finita, & limitata; hunc autem effectum non tribuit Verbum humanitati Christi formaliter, sed solum æquiualerenter, in quantum constituit humanitatem subsistentem subsistentia Diuina, & dat illi perfectionem quam daret subsistentia creata seclusis imperfectionibus.

Ad 2. Iam dictum est, quod materia non est causa passiuæ omnium formarum quas recipit, cum non sit causa, sed pura conditio anime rationalis. Dictum est etiam quod materia respectu aliarum formarum est causa passiuæ, & non pura conditio, cum ceteræ forme dependant

in suo esse à materia tanquam à subiecto sustentante ; ideò sola anima rationalis creatur, aliæ formæ non creantur, immò nec propriè sunt, vt dictum est Quæstione 10. sed solum educuntur ex potentia materæ.

Dum opponitur, ergo etiam substantiæ spirituales sunt causæ materiales suorum accidentium, distinguo ; sunt causæ materiales, in quantum materiale opponitur efficienti, concedo, in quantum materiale opponitur spirituali, nego. Causa materialis sumitur prout opponitur efficienti, & est subiectum recipiens sustentando. In hoc sensu Angeli, & Anima rationalis sunt causæ materiales suorum accidentium, etiam supernaturalium ; e. g. anima est subiectum sustentatiuum gratiæ, & virtutum infusarum, cum gratia, & virtutes infusæ licet supernaturales habeant esse dependens ab anima rationali, tanquam à subiecto. Hinc est vt gratia, & habitus infusi propriè non creentur, sed infundantur à Deo, & aliquàlter educantur de potentia subiecti. Concedo etiam, quod formæ sint causæ materiales, & sustentatiuæ accidentium, quæ in ipsis recipiuntur ; quod essentia sit aliquàlter causa materialis ac sustentatiua suæ existentie.

Dum vltèrius opponitur, quod non  
expli-



explicatur , quid sit recipere , quid sustentare; dico iam hæc esse explicata . Et sane vnusquisque experitur se recipere suos actus intelligendi, & volendi, adeoque est manifestum experientia , quid sit recipere .

Dum vrgetur: sustentare est exercere virtutem ; virtus non exercetur nisi per existentiam; ergo materia prima sustentat formas substantiales materiales per existentiam ; ergo habet propriam existentiam; distinguo maiorem: sustentare est exercere virtutem actiuam, nego; pure passiuam , concedo ; distinguo minorem ; virtus actiua non potest exerceri , nisi per existentiam , concedo ; virtus passiuæ , nego ; & nego consequentiam . Virtus actiua non potest agere nisi per existentiam, quia vnumquodque agit in quantum est actu, calefacit in quantum est actu calidum, dat esse in quantum habet esse . Et ratio est , quia virtus actiua supponit , quod agens habeat esse, quod dat effectui , cum agens , vt agens contineat actu perfectionem effectus . At virtus passiuæ , & sustentatiua non supponit existentiam, sed solum est virtus recipiendi ab agente formam dantem esse essentialiter pendens à recipiente. Ratio est quia vnumquodque patitur, & recipit, non in quantum est actu , sed in quantum est  
in

in potentia; e.g. calefactibile calefit, non in quantum est actu calidum, sed in quantum, est calidum solum in potentia; sed materia est potentia recipiendi formas substantiales materiales pendentes ab ipsa secundum esse quod dant; ergo materia recipit formas substantiales, non in quantum existit actu, sed in quantum existit solum in potentia. Discrimen assignatum inter potentiam actiuam, & passiuam clarè exprimit Aristoteles pluribus locis, ac præsertim 2. de generatione animalium cap. 1. non multum ante finem per hæc Verba. *Omnia quæcunque natura, aut arte efficiuntur ab eo quod actu est fiunt, ex eo quod potentia tale est.* Ex Aristotele S. Thom. desumpsit suum axioma *unum quodque potest agere in quantum est ens actu*; quod repetit innumeris locis, ac præsertim in comp. Theol. cap. 116.

Dum demum opponitur, quia si materia prima causaret passiuè omnes formas, esset valde perfectæ, sicut Cælum, est valde perfectum, quia causat actiuè omnia inferiora: respondeo virtutem actiuam magnam arguere perfectionem virtutem passiuam arguere perfectionem valde paruam. Ratio, est quia virtus actiua fundatur in cōtinentia, qua agens cōtinet actu perfectionē effectus; ergo agēs debet

debet continere perfectionem effectus ,  
atque adeò cum potest producere plures  
effectus, valdè perfectos est valde perfe-  
ctum . E conuerso virtus passiva est po-  
tentia recipiendi effectum dependen-  
tem à recipiente ; potentia autem reci-  
piendi effectum dependentem in suo es-  
se à recipiente non arguit magnam, sed  
paruam perfectionem . Cum ergo ma-  
teria prima sit potentia recipiendi for-  
mas materiales ab ipsa dependentes , à  
quibus determinatur ad esse specificum,  
& actuale , est valdè imperfecta , vtpotè  
ens, & substantia solum in potentia non  
in actu . Explicatur exemplis . Virtus  
dandi alteri millionem aureorum arguit  
magnas diuitias in habente talem virtu-  
tem; at virtus recipiendi ab altero cen-  
tum miliones aureorum datur in quo-  
cunque mendico , atque adeò nullas ar-  
guit diuitias actuales in potente reci-  
pere .

Ad 3 . Concedo, quod forma sit causa  
completiua materie , vt docet S. Thom.  
Neque hæc mutua causalitas qua mate-  
ria causat formam sustentando , forma  
causat materiam informando ac deter-  
minando ad esse specificum repugnat , vt  
dicetur , cum agemus de mutua causa-  
litate .

Dum quæritur , vtrum anima rationa-  
lis

lis sustētet vnionem: respondeo affirmati-  
uè, quia recipit vnionem, ita vt vnio  
essentialiter dependeat à materia simul,  
& anima rationali: hoc autem est susten-  
tare.

Demum dum quæritur, quo pacto cau-  
sa formalis distinguatur à suo effectu  
formali, dico quod causa formalis alia  
est physica, alia logica causa formalis  
physica est forma intrinsecè efficiens su-  
biectum, quod denominat e. g. calor est  
causa formalis physica, calidi, quia est  
forma intrinsecè efficiens subiectum,  
quod denominat calidum. Causa forma-  
lis logica est forma denominans subie-  
ctum purè extrinsecè: e. g. cognitio An-  
tichristi, vel hircocerui, est causa forma-  
lis logica Antichristi, & hircocerui, vt  
cogniti, quia denominat Antichristum,  
& hircoceruum purè extrinsecè. Effe-  
ctus etiam formalis potest sumi duplici-  
ter. Primo effectus formalis, est ipsum  
concretum denominatum à forma physi-  
ca, vel logica; e. g. effectus formalis co-  
gnitionis de Antichristo, vel hircocer-  
uo est cognitum, vt cognitum. Secun-  
do effectus formalis est ipsa denomina-  
tio, quæ à forma tribuitur subiecto; e. g.  
effectus formalis caloris est ipsum esse  
ac denominatio calidi; effectus formalis  
cognitionis est ipsum esse, ac denomina-  
tio

tio cogniti competens subiecto ratione cognitionis .

His positis ad quæsitum respondeo , quod si effectus formalis sumatur pro ipso concreto denominato physicè , vel logicè , causa formalis distinguitur ab effectû formali inadequatè in quantum concretum , quod dicitur effectus formalis , ultra causam formale includit etiam subiectum . Si verò sumatur effectus formalis pro ipsa denominatione , quæ tribuitur subiecto logicè , vel phisicè , à causa formali , tum causa formalis est idem cum effectû formali omnino e. g. denominatio , qua Antichristus constituitur cognitus , nihil addit suprâ cognitionem .

Ultimo duo debent aduerti quozmodo loquendi . Primum est quod causa materialis , & formalis , in quantum comparantur cum effectibus non contradistinctis , dici solent intrinsecæ , e. g. materia prima solet dici causa materialis intrinseca compositi . At verò in quantum comparantur cum effectibus contradistinctis dici solent causæ extrinsecæ ; e. g. materia vocari solet causa materialis extrinseca formarum , quas recipit . Secundum est : constitutiva totius , quorum neutrum recipit alterum vel in altero recipitur reducuntur ad causas  
ma-

materiales e. g. duo semipalmi dicuntur causæ materiales palmi, quia ita illum constituunt, vt neuter semipalmus recipiatur in altero.

## Q V A E S T I O X V I.

*Vtrum conuenienter assignetur  
causalitas, & effectus  
causæ fina-  
lis.*

**V**idetur, quod non 1. quia finis est cuius gratia cætera fiunt; sed non explicatur, quid sit id cuius gratia cætera fiunt ex vna enim parte, videtur, quod id, cuius gratia omnia facimus, simus nos ipsi tantum & amici, quia omnia operamur gratia nostri, & amicorum, ideoque amicus est alter ego; ex alia parte videtur, quod omnia faciamus non propter nos, sed propter bonum, & felicitatem nostram, & amicorum; immò videtur, quod omnia faciamus non propter bona, sed propter possessionem bonorum; avarus e. g. operatur, non vt dentur diuitiæ, sed vt ipse possideat diuitias; ergo non sufficienter explicatur finis.

2. Non

2. Non explicatur vtrum causa finalis sit solum bonum existens, an etiam bonum purè possibile, imò, & impossibile. Ex vna parte videtur quod etiam bonum impossibile possit causare finaliter. Nam aliquando ex errore operamur gratia boni impossibilis, vt cum quis petit à Deo, vt faciat illum Angelum, quod est impossibile. Ex alia parte causa finalis est causa vera, & realis sed impossibile cum non sit ens reale, non potest esse causa vera realis; ergo impossibile non potest esse causa finalis.

3. Non explicatur, vtrum sola natura intellectiua creata operetur propter finem, & propter causam finalem, an etiam Deus. Ex vna parte videtur, quod Deus non operetur propter causam finalem. In operante enim propter causam finalem, volitio operandi causatur à causa finali; sed in Deo volitio operandi non causatur à fine, cum volitio Dei sit incausata in omni genere; ergo Deus non operatur propter causam finalem. Ex alia parte videtur, quod Deus operetur propter causam finalem, vt enim docet Scriptura omnia propter semetipsum operatus est Deus. Et confirmatur quia operari non propter finem, & bonum est operari imperfectè; Deus operatur perfectissimè; ergo.

4. Non



4. Non explicatur, quo pacto bruta & res insensata operentur propter finem. Quod enim non cognoscit finem, non habet mutuam proportionem, quam finis & media habent ad inuicem, non potest operari propter finem; sed res insensata nullo pacto cognoscunt finem; Bruta cognoscunt finem solum materialiter, proportionem verò mutuam inter finem & media non cognoscunt; ergo bruta & nature insensata non operantur propter finem.

5. Vel virtus causatiua finis est ipsum bonum cognitum, cognitio verò est mera conditio, e. g. cum quis sumit medicinam propter sanitatem, virtus causatiua talis sumptionis est bonitas sanitatis, cognitio verò est mera conditio; cognitio non est mera conditio, sed virtus causatiua finaliter. Ex vna parte videtur, quod virtus causatiua finis est bonum, cognitio verò sit mera conditio, quia virtus causatiua est id, cuius gratia operamur; sed operamur gratia recuperandæ sanitatis e. g. non verò gratia cognitionis de sanitate; ergo virtus causatiua non est cognitio, sed sanitas. Ex alia parte videtur, quod virtus causatiua non sit bonum, sed cognitio boni. Nam virtus causatiua debet esse cum effectus producit; sed ipsum bonum  
sepe

sepè non est, nec potest esse, cum effectus producitur; ergo virtus causatiua non est ipsum bonum, sed cognitio.

6. Videtur; quod neque possit explicari causalitas, qua finis causat in actu secundo suos effectus, e. g. non potest explicari causalitas, qua sanitas mouet ad sumendam medicinam. Vel enim talis causalitas est aliquid antecedens amorem finis, vt docet Soncinas 3. Metaph. quæst. 2. vel est ipse amor finis, vt docet Ocam in 2. quæst. 3. art. 2. vel est aliquid consequens amorem sanitatis, & finis, vt docent communiter alij auctores. Non potest esse amor finis, vel aliquid antecedens talem amorem: causalitas enim actualis qua finis causat positionem mediorum, neque diuinitus potest dari sine tali positione, eo pacto quo actualis calefactio, neque diuinitus potest dari sine calore; sed amor finis, & ea, quæ præcedunt talem amorem, possunt saltem diuinitus poni sine medijs, e. g. amor sanitatis potest diuinitus poni sine positione medicinæ; ergo nec amor finis, nec aliquid antecedens amorem est actualis causalitas finis. Neque potest causalitas actualis esse aliquid consequens amorem finis, cum non possit assignari, quid tandem sit.

7. Videtur, quod neque conuenien-

ter assignetur effectus causæ finalis . Ex una enim parte videtur , quod effectus causæ finalis sint omnia , illa quæ causantur a fine , & bonum , vt cognitum , e. g. quod effectus sanitatis , & finis sint omnia , e. g. quæ causat bonum sanitatis , vt cognitum ab ægroto . Ex alia parte videtur id impossibile , quia finis , vt cognitus causat ipsam adeptionem , & positionem sui ; sed finis non potest causare adeptionem , & positionem sui , alioquin causaret se ipsum ; ergo effectus finis non sunt ea omnia : quæ causat finis , & bonum , vt cognitum .

Respondeo , quod in hac quæstione explicanda sunt quinque , primo bonum quod est finis , & causa finalis ; secundo virtus , per quam causat : tertio causalitas actualis , qua causat : quarto effectus quos causat : quinto agentia , quæ operantur propter finem .

Quoad primum ex Aristotele primo Ethicorum cap. 1. & alibi, Bonum est , quod omnia appetunt , & quia appetere est moueri intentionaliter ad obiectum , ideo bonum est terminus motus intentionalis appetitiui , & est id , quod mouet appetitum ad amorem sui . Iam , vt S. Thomas docet 1. parte quæst. 5. art. 6. in corpore sicuti triplex est terminus motus localis , ita triplex est terminus  
motus

motus appetitui , atque adeò triplex est bonum, honestum, vtile, & delectabile . Primo terminus motus localis est locus naturalis , ad quem mobile mouetur , vt in eo quiescat, & cesset à motu; e.g. centrum , seu medium mundi est terminus motus grauium, quia centrum est locus , ad quem graua mouentur, vt in eo quiescant, & cessent à motu . Secundo terminus motus est ipsa quies in loco, e. g. ipsa quies in centro est terminus motus grauium . Tertio loca etiam intermedia , ad quæ mobile mouetur ; tanquam ad media, per quæ transeat ad vltimum terminum, in quo quiescat, dicuntur termini secundum quid motus , in quantum terminat aliquam partem motus ; e. g. cum graua mouentur ad centrum , omnia loca; per , quæ transeunt sunt termini secundum quid motus, quia terminant aliquam partem motus .

Proportionaliter triplex est terminus motus appetitiui . Primus terminus est id , quod appetimus tanquam aliquid , in quo proportionaliter propter eius præstantiam cognitam rationaliter quiescamus, quia nos simpliciter perficit, ac reddit meliores , & hoc est bonum honestum . Secundus terminus est id , quod appetimus tanquam quietem qualemcumque perfectam , vel imperfectam , in ali-

quo, quod nos perficit, vel simplicitate vel secundum quid, & hoc est bonum iucundum. Incunditas enim, seu delictatio est quies in bono possesso perfectio, ideòque iucunditas terminat motum appetitus, sicut quies in centro terminat motum lapidis: Tertius terminus est id quod appetimus, tanquam medium, per quod perueniamus ad vltimum terminum, & hoc est bonum utile e. g. aegrotus appetit sumere medicinam, ut medium, per quod perueniat ad sanitatem in qua quiescat, tanquam in bono perfecte expetibili. Sicut autem medium, per quod transit mobile, est terminus motus secundum quid, quia terminans motum tanquam medium, per quod transitur ad ulteriorem terminum; ita bonum utile est terminus appetitus solum secundum quid, atque adeò est bonum secundum quid, quia terminat appetitum tanquam medium, per quod acquiratur vltimum bonum, in quo quiescamus.

Quoad secundum de virtute causatiua finis dico: virtus causatiua ut quod est ipsum bonum; virtus causatiua ut quo est cognitio boni. Probatur, nam virtus causatiua ut quod est id, quod mouet ad amorem sui, & ad positionem mediorum; virtus causatiua (ut quo) est illud esse per quod bonum mouet ad amorem sui & ad

& ad positionem mediorum; sed bonum est id, quod mouet: illud esse per quod mouet est esse intentionale cognitionis; ergo bonum est virtus causatiua, *ut quod*, cognitio est virtus causatiua, *ut quo*. Probatur minor: quando egrotus cognoscens bonum sanitatis mouetur ad sanitatem amandam, & procurandam, sanitas cognita mouet ægrotum ad amorem sui, & ad electionem, ac positionem mediorum: at non mouet sanitas nisi per esse intentionale cogniti, cum moueat ad amorem, in quantum cognoscitur; ergo sanitas est virtus, quæ mouet, cognitio est virtus, per quam mouet.

Quoad tertium de causalitate actuali, qua finis causat, dico quod cum bonum causare nihil sit aliud, quàm bonum cognitum mouere ad amorem sui, ad electionem, & positionem mediorum, & aliorum effectuum, causalitas finis, ac boni est illa motio metaphorica, qua bonum cognitum mouet ad amorem sui, & ad electionem, ac positionem mediorum, e. g. cum sanitas cognita mouet ægrotum ad amorem sui illa motio, qua sanitas cognita mouet est causalitas, qua finis causat amorem sui. Præterea cum amor sanitatis mouet ægrotum ad sumendam medicinam, illa motio, qua sanitas amata mouet ad medicinam sumendam,



est causalitas, qua causat sumptionem medicine. Dicitur autem, motio metaphorica, quia non est motio proprie (cum uon ut in vlla specie motus, quæ species sunt generatio, corruptio, augmentatio, diminutio, alteratio, & secundum locum mutatio. Licet autem causalitas realis, eo pacto, quo, licet amœnitas prati sit risus metaphoricus, est amœnitas realis propria. Si verò quæretur, quid tandem sit à parte rei) motio, qua bonitas mouet ægrotum ad amorem sui, dico, quod est ipsa causalitas, qua efficiens cognoscens finem efficit amorem illius. Hæc actio in quantum comparatur cum efficiente est causalitas, qua efficiens efficit amorem, in quantum comparatur cum bono, & fine, est causalitas, qua bonum, & finis cognitus mouet ad amorem sui.

Hinc infertur cum Aristotele Bonum ac causam finalem esse simpliciter primam omnium causam. Ratio est, quia cum plures causæ comparantur inuicem sicut mouentes, & motæ &c. illæ, quæ se habent vt mouentes, sunt priores illis; quæ se habent, vt motæ; sed quando efficiens mouet materiam ad formam propter finem, e. g. quando ædificator mouet materiam domus ad formam propter finem commodæ habitationis, finis

com.



comparatur ad efficientem sicut mouens ad motum; finis enim mouet ædificantem ad edificandum: efficiens, e. g. ædificator comparatur ad materiam, sicut mouens ad motum, cum moueat materiam ad formam domus; idem efficiens comparatur ad formam, sicut ad terminum motus; ergo in toto hoc negotio finis est primum mouens efficientem ad mouendam materiam ad formam, quæ est terminus motus, ac proinde finis non solum est causa, sed est prima causa: secunda causa est efficiens: tertia est materia: quarta est forma, prout ponitur à parte rei.

Quo ad quartum de effectibus causæ finalis, dico quod effectus causæ finalis sunt omnia ea, ad quæ mouet finis cognitus.

Vt probetur conclusio explicanda sunt ea, ad quæ mouet ordinatim finis cognitus. Bonum sanitatis cognitum ab ægroto mouet primo ad amorem sui inefficacem, & ad quandam velleitatem, quæ vocatur simplex complacentia. Secundo mouet ad amorem efficacem quo dicat *volo sanari*, qui vocatur intentio. Est autem intentio amor finis mouens ad ponenda media, quibus consequamur finem. Tertio finis intentus mouet ad consultationem de medijs, quibus illum conse-

quamur ; & siquidem in consultatione concluditur media necessaria ad finem consequendum non esse in nostra potestate , vel nimis esse difficilia , sequitur desperatio de fine ; e. g. si ægrotus concludat morbum esse incurabilem , vel posse quidem curari , sed remedijs , ita diuturnis , vt nolit illa adhibere , desperat de sanitate , ac desistit ab intentione sanitatis ; si verò concludatur media ad finem consequendum esse in nostra potestate , tum eliguntur media : Quarto medijs electis imperatur eorum executio potentij executionis , incipiendo à primo medio , quod sit immediatè in nostra potestate . Quinto ex medijs sufficientibus sequitur consecutio finis , e. g. ex sufficiente curatione sequitur recuperatio sanitatis . Sexto obrento fine , sequitur gaudium , & fructus finis , ac quies , & cessatio à medijs . Dicitur autem fructio , eo quod fruendo decerpamus vltimum fructum boni .

In toto hoc negotio considerari debent duo ordines quodammodo contrarij . Primus est ordo intentionis ; secundus est ordo executionis . Ordo intentionis est ordo actuum voluntatis primo versantium circa finem , & media antequam executioni mandentur . In hoc ordine primus est finis , tum quæ fini sunt pro-

propinquiora, deinde remotiora, & remotissimum à fine est ultimum, e. g. agrotus primo intendit recuperationem sanitatis tanquam finem, deinde eligit media usque ad primum medium remotissimum à fine quod debet ponere hic, & nunc. Ordo executionis est ordo actuū, quibus media, & finis executioni mandantur. In hoc ordine finis est ultimus, medium remotissimum à fine est primum; e. g. agrotus incipit à medio distantissimo à fine, quod est aduocatio medici, deinde ponit ordinatim alia, & alia media usque ad ultimum, quod causat recuperationem sanitatis, qua posita cessat à medijs, & fruitur, ac gaudet sanitate recuperata. Hinc est axioma commune, quod est *primum in intentione est ultimum in executione*; & , quod est *ultimum in intentione est primum in executione*.

Hoc posito, dico quod omnia, ad quæ mouet ordinatim finis cognitus, incipiendo à complacentia, & intentione finis usque ad gaudium, & fruitionem, de fine iam possessa, sunt effectus causæ finalis.

Probatur primo, quia causalitas finis est motio; ergo omne, ad quæ finis mouet, causantur à fine; sed finis cognitus mouet ad totam seriem ordinatam actuū inclusorum in duplici ordine executio-

nis, & intentionis; ergo omnes tales actus sunt, effectus finis. Secundo probatur, quia finis est cuius gratia, hoc est propter cuius bonitatem cognitam cætera fiunt; sed omnia hæc fiunt propter bonitatem suam, & propter bonitatem finis eligimus media; propter eandem finem ipsum ponimus executivè per media, & gaudemus de fine obtento; ergo omnia ista sunt effectus causæ finalis. Videri possunt Suarius disp. 23. met. sect. 3. & Vasquez 1. 2. disp. 3. cap. 2.

Quo ad quintum de agentibus, quæ operantur propter finem, dico cum Aristotele 2. Phys. tex. 75. & seqq. & cum S. Thoma 1. 2. quæst. 1. art. 2. omnia agentia agunt propter finem. Ratio est quia, si actio agentis non dirigeretur ad aliquem finem, & effectum determinatum, agentia non magis producerent vnum effectum, quam alium e. g. si gravitas lapidis non dirigeretur ad aliquem locum, & finem determinatum, non magis lapis moveretur deorsum, quam sursum. Dupliciter tamen potest aliquid tendere, ac dirigi ad finem. Primo, ut se ipsum ordinans, & dirigens ad bonum, & finem præcognitum. Ita homo tendit ad bonum, & finem tanquam ordinans, ac dirigens se ipsum ad bonum, & finem, cum cognoscat, & finem ipsum, & media, quæ  
ad

ad finem conducunt, & mutuam proportionem inter finem, & media, ideoque dirigit se per media proportionata ad finem. Secundo potest aliquid tendere ad finem, sicut motum, ac directum ad finem ab alio, eo pacto quo sagitta mouetur ad scopum, vt directa à sagittario. Hoc pacto ratione carentia mouentur ad bonum, & finem, tanquam mota, ac directa à Deo per inclinationes naturales: e. g. lapis mouetur deorsum vt directus ad centrum per inclinationem naturalem suæ grauitatis. Bruta etiam mouentur ad bonum sensibile apprehensum per naturales instinctus; quia cum non cognoscant proportionem mediorum ad finem, non possunt se ipsa per electionem mediorum ad finem dirigere, & ordinare. Deus non solum operatur propter finem, sed operatur vt dirigens omnia ad suos fines particulares, per inclinationes rebus impressas, & etiam ad finem vniuersalem, & bonum commune omnium rerum, quod bonum est ipse Deus, cum omnia propter se ipsum, tanquam propter vltimum finem Deus operetur. Hinc est, vt operatio Diuina sit quodammodo circularis. Motus enim circularis est, in quo idem est principium, & finis, eo quod ita egrediatur à principio, vt egrediendo, & progredien-

diendo semper moueatur versus idem principium; sed Deus est principium, & finis Alpha, & Omega omnium operum suorum, cum omnia ita procedant a Deo; sicut a principio, ut ad Deum tendant, tanquam ad ultimum finem; ergo omnis operatio Diuina est quodammodo circularis, ideoque est operatio perfecta, quia solus motus circularis est perfectus.

Ad 1. Finis, cuius gratia operamur, ex doctrina Aristotelis secundo de anima, tex. 35. & S. Thomæ secundæ in primis quaest. triplex est finis *cui*, finis *qui*, & finis *quo*. Finis *cui* est id, cui finaliter volumus bonum; finis *qui* est bonum, quod volumus; finis *quo* est possessio boni; e.g. cum operamur propter beatitudinem finis *cui*, sumus nos, quia nobis volumus bonum beatitudinis; finis, *qui* est Deus, quia Deus est nostra beatitudo, seu bonum potens nos beatificare, & satiare; finis *quo* est ipsa possessio Dei summi boni, quæ possessio est visio Dei, vel amor, iuxta varias sententias Theologorum. Verum igitur est, quod omnia facimus propter nos ipsos, & amicos ut finem *cui*; verum est etiam, quod omnia facimus propter bonum, & felicitatem ut finem *qui*; & verum est quod omnia operamur propter possessionem boni; ut finem

nem

nem *quo*. Sicut autem, vt diximus agentes de vnione licet anima perficiat corpus, vt vnita vnione distincta, tamen corpus præcipuè perficitur per animam vnione communicatam; sic licet Deus beatificet vt visus, tamen præcipuè beatificans, & satians beatum Deus est; non visio, ita vt beatus beatificetur vt *quod* per Deum tanquam per bonum possessum, & per visionem solum, tanquam per possessionem boni, & vt *quo*. Rursus appetitus finis, e. g. beatitudinis fertur indiuisibiliter in finem *cui*, *qui*, & *quo*, Cum enim volumus beatitudinem, volumus illam vt nos beatificantem; sed beatitudo beatificat, vt bonum possessum à nobis tanquam à fine *cui*: ergo tendimus indiuisibiliter in nos vt finem *cui*, in beatitudinem vt *finem qui*, & in possessionem, vt *finem quo*. Præcipuus inter fines est finis *cui*, qui terminat amorem amicitiae. Secundus est finis *qui*, quia licet ametur, vt bonum alterius, atque adeò per amorem concupiscentiae, tamen amatur vt præcipuum bonum alterius. Tertius est finis *quo*, possessio enim boni est bona in quantum id quod possidetur est bonum.

Ad 2. finis *cui* potest esse, & cognosci vt existens, sicut cum quis appetit felicitatem sibi, & amicis existentibus: potest  
cogno-



tuendi finem cui, est bonitas hominis, & Angeli, quæ est realis, licet quia imaginatur ut possibilem aliquem, qui simul sit homo, & Angelus, constituat sibi pro fine hominem Angelum impossibilem. Similiter cum aliquis habet pro fine *qui*, vel *quo* cognitionem comprehensivam Dei, motuum illam desiderandi est bonitas cognitionis comprehensivæ, quam Deus habet de se ipso, quæ est realis, licet quia imaginatur cognitionem creatam, posse esse comprehensivam Dei, appetat illam. Ratio est, quia impossibile semper est quædam simultas, vel identitas prædicatorum impossibilem, & est aliquid relatiuum; sed simultas, & identitas utpotè relatiua non est amabilis, nisi propter bonitatem absolutam rerum, quarum est simultas, & identitas, quæ bonitas absoluta est possibilis, & realis; ergo impossibile non est amabile nisi propter bonitatem absolutam, & realem, quam imaginamur in impossibili. Hinc ad argumentum: causa finalis est causa realis; impossibile non est causa realis; ergo impossibile non est causa finalis; distingo maiorem; causa finalis semper est causa realis secundum bonitatem apprehensam, & primo mouentem concedo; secundum id in quo apprehenditur bonitas, nego; distingo minorem; impossi-

possibile non est causa realis secundum bonitatem apprehensam, & primo mouentem; nego; secundum id, in quo apprehenditur bonitas; cōcedo minorem, & distinguo consequens; ergo impossibile non est causa finalis per bonitatem apprehensam, nego consequentiam; per id, in quo apprehenditur bonitas, concedo consequentiam. Cum al quis amat hominem Angelum bonitas realis hominis, & Angeli apprehensa in homine Angelo est causa finalis mouens ad amandum hominem Angelum impossibilem, & constituendum finem cui.

Ad 3. Iam dictum est etiam Deum operari propter finem. Et quidem omnia operatur propter se ipsum tanquam propter vltimum finem cui totius gloriae & propter creaturas rationales tanquam propter finem cui receptium totius utilitatis. Cum enim Deus sit perfectissimus, operatur non vt ex suis operationibus acquirat vllum emolumentum, sed solum, vt creaturis rationalibus manifestet suam perfectionem. Hæc autem manifestatio est summa gloria Dei, & summa perfectio, & utilitas nostra, ita vt idem sit Deum summè glorificari, ac creaturas rationales summè beatificari, quia summa glorificatio Dei est quod videatur Diuina perfectio. Videri autem diui.

diuinam perfectionem eſt ſumma beatitudo videntis . Dum opponitur : in operante propter finem volitio operandi cauſatur à fine ; ergo &c. diſtinguo maiorem ; in operante propter finem , vt motus , concedo ; vt purè mouente, & agente , nego ; concedo minorem , & nego conſequentiam . Dupliciter aliquid agit propter finem : primo ita , vt non ſolum moueat, ſed moueatur ad finem : ſecundo, vt purè moueat, & purè agat propter finem . Ens perfectiſſimum, & continens in ſe omnem perfectionem non poteſt operari propter finem ita vt moueatur ad finem , quia cum ipſum ſit ſuus finis vtpotè ſummum bonum , non poteſt vllò pacto moueri ad Finem . Solum igitur operatur propter finem vt mouens alia ad finem . At creaturæ vtpotè imperfe-ctæ operantur propter finem , tanquam motæ ad finem . Hinc eſt , vt in creaturis volitio operandi propter finem cauſetur à cauſa finali , quia dum volunt operari mouentur à bono , & fine ad volendum operari , ideoque cauſatur volitio operandi . E conuerſo primus motor immobilis ita operatur propter finem, vt non moueatur à fine ad volendum operari, alioquin moueret motus, & non eſſet immobilis ; ergo volitio operandi non cauſatur à fine ſed ſicut eſt à ſe, & non cauſa-

causatur ab alio in genere causæ efficientis, ita est propter se, & non causatur ab alio bono, & fine in genere causæ finalis, sed est causata in omni genere. Deus igitur efficit motum, ut operationes externas, quibus moueat creaturas ad finem, ideoque efficit operationes externas causatas à fine, quia finis non est causa actus volendi, sed est causa solum operandi.

Ad 4. Iam explicatum est, quo pacto bruta, & res insensatæ ita operentur propter finem, ut moueantur ad finem à primo motore, non autem ut se moueant, & agant ad finem.

Ad 5. Dicitur est, quod virtus causatiua ut quod est bonum cognitum virtus causatiua ut quo est cognitio. Illud enim esse, per quod bonum mouet, non est pura conditio, sed est virtus ut quo; sed bonum mouet per esse intentionale; ergo cognitio, & esse intentionale non est pura conditio, sed est virtus ut quo. Ideò cognitio boni non se habet, sicut propinquitas ignis ad passum, quia esse, per quod ignis calefacit, non est propinquitas, sed esse calidi; ergo propinquitas est pura conditio, non autem virtus ut quo; at esse, per quod mouet bonum, est esse intentionale cognitionis; ergo cognitio est virtus ut quo, non autem pura conditio.

Ad

Ad 6. Iam dictum est, quod causalitas, qua finis causat effectum quemcumque, est motio, qua mouet ad illum. Causalitas igitur qua finis causat amorem, est motio, qua mouet ad amorem, seu talis motio sit actio distincta ab ipso actu amoris, seu non, adeoque causalitas, qua finis causat primum effectum, hoc est amorem sui, præcedit aliquammodo amorem præcedentia reali, vel rationis, ut docet Soncinas; at causalitas, qua finis causat effectus consequentes amorem, est motio consequens amorem; e. g. causalitas, qua finis causat electionem mediorum, est motio, qua finis amatus mouet ad electionem mediorum, & per hoc conciliatur sententia communis cum opinione Soncinatis.

Ad 7. Concedo, quod effectus cause finalis sint omnia ea, ad quæ mouet finis cognitus. Dum opponitur; ergo finis secundum esse intentionale causat seipsum secundum esse reale; concedo; finis causat se ipsum secundum idem esse; nego. Finis ut existens intentionaliter in cognitione, & amore causat se ipsum secundum esse reale, e. g. sanitas ut cognita ab egroto causat existentiam realem sanitatis in egroto: neque in hoc est vllum absurdum. Dum verò dicitur causam finalem esse, cuius gratia cætera fiunt,

fiunt, sensus est, propter cuius bonita-  
tem cognitam fiunt cetera distincta ab  
esse intentionali, quod habet in cogni-  
tione, & quia esse reale finis distingui-  
tur ab esse intentionali, quod habet in  
cognitione, ideo potest finis secundum  
esse reale comprehendi in effectibus ex-  
pressis per ly cetera.

## Q V A E S T I O   X V I I

*Virum conuenienter explicetur  
causalitas, & effectus ca-  
sus, fortuna, &  
fati.*



Rimo videtur, quod in rebus nul-  
lo pacto detur fortuna, & casus,  
vt quidam dixerunt citati ab Al-  
berto 2. phys. tex. 10. Nam si da-  
retur fortuna aut casus, darentur aliqui  
effectus casuales, ac fortuiti; sed nō dātur,  
neq; dari possunt; ergo &c. Probatur mi-  
nor: nam quod euenit secundum praeordi-  
nationē alicuius gubernantis, non est fo-  
rtuitum, neque casuale; sed omnes effectus  
eueniunt secundū praeordinationem Dei  
supremi gubernantis; ergo. Et confirma-  
tur, quia ex Aristotele vbi est multum  
intel-

intellectus, ibi est parum fortunæ, & vbi multum est fortunæ parum est intellectus; sed in mundo datur diuinus intellectus omnia disponens, præuidens, & præordinans; ergo in mundo nihil est fortunæ, vel casus, cum, nihil possit effugere præuisionem, & præordinationem intellectus infiniti.

2. Neque etiam potest dici dari effectus fortuitos, ac casuales, non quidem respectu Dei, sed respectu causarum secundarum, ita vt respectu fodientis in agro sit fortuita inuentio thesauri, respectu tegulæ decidentis ex tecto sit casualis occisio hominis transeuntis per viam. Nam effectus, qui non est fortuitus, neque casualis respectu principalis ordinantis, neque potest esse fortuitus ac casualis respectu ordinati; e. g. quando sagittarius, dirigit sagittam ad hominem occidendum, quia occisio hominis non est fortuita respectu sagittarij, nec est fortuita respectu sagittæ, sed Deus præordinauit fossionem agri ad inuentionem thesauri, casum tegulæ ad occisionem transeuntis; ergo sicut isti effectus non sunt fortuiti neque casuales respectu Dei ordinantis, ita non possunt esse fortuiti, neque casuales respectu causarum secundarum, quæ ordinantur.

3. Effectus, qui oriuntur necessario  
ex



ex combinatione suarum causarum, non sunt fortuiti, neque casuales; sed omnes effectus, exceptis actibus formaliter liberis, oriuntur necessario ex combinatione suarum causarum proximarum; e. g. ex eo, quod tegula cadat, & Petrus transeat, sequitur necessario, quod Petrus occidatur à tegula; ergo nullus effectus potest esse casualis. Ad summum igitur possunt esse effectus fortuiti, ac casuales secundum opinionem, cum eveniunt ea, quæ prævideri non poterant à nobis, utpotè non penetrantibus combinationem, & virtutem causarum.

4. Fortuna, & casus si darentur essent causæ per accidens effectuum, qui sequitur non semper, neque ut plurimum; sed raro, & præter intentionem agentium; sed neque hoc videtur subsistere: nam ludenti aleis ex fine victoriæ, victoria accidit secundum intentionem, & tamen est effectus fortuitus; ergo non sufficienter explicatur fortuna, & casus, & ipsorum causalitas.

5. Fortuna, & casus debent versari circa contingentia; sed non potest explicari quæ nam contingentia detur in rebus, an solum in ijs, quæ pendent ex libero arbitrio, an etiam in effectibus naturalibus; ergo non potest explicari fortuna, & casus.

6. Ne-

6. Neque etiam potest explicari, an monstra sint effectus casuales. Ex vna parte videntur casuales, quia nascuntur præter intentionem naturæ. Ex alia parte videntur effectus naturales sicut alij effectus, cum dentur causæ certæ, ac determinatæ, propter quas nascuntur monstra.

7. Videtur quod ex vna parte fatum sit ponendum. Nam dicit Sanctus Augustinus lib. quinto de Civitate *fatum à fando dictum intelligimus, idest à loquendo, ut ea fato fieri dicantur, quæ ab aliquo determinante sunt ante præloquuta*; sed omnia, quæ eueniunt ita eueniunt, vt sint à Deo determinante ab æterno præloquuta, ac dicta sibi ipsi; ergo datur fatum, & omnia fato eueniunt, fatoque subduntur: ideoque fatum definitur à Boetio lib. 4. de consolatione: *inherens rebus mobilibus dispositio per quam prouidentia suis quæque necesse ordinibus*. Ex alia parte videtur non dari fatum 1. quia S. Gregorius dicit, *absit à fidelium mentibus, vt fatum esse aliquid dicant*. 2. quia si daretur fatum omnia euenirent ex necessitate fatali; ergo nihil esset fortuitum, casuale, contingens, aut liberum. 3. fatum neque potest esse in creaturis, neque in Deo. Non in Deo, quia definitur *dispositio inherens rebus mobilibus*. Non in creaturis,  
1. quia

1. quia ex S. Augustino lib. 5. de ciuitate cap. 8. & 9. *ipsa Dei voluntas, & potestas fati nomine appellatur*; sed voluntas, & potestas Dei non est in creaturis; ergo fatum non est in creaturis. 2. quia fatum ex suo cōceptu est causa vniuersalis omnium, quæ eueniunt; sed nihil existens in creatura est causa vniuersalis omnium, quæ eueniunt; ergo fatum non existit in creaturis. 3. quia fatum debet esse aliquid immobile; sed quæ dantur in creaturis cuncta sunt mobilia, & mouentur cum ipsis creaturis, vt 2. top. cap. 3. docet Aristoteles; ergo fatum non existit in creaturis. Demum datur vnicum fatum; sed si fatum esset in creaturis, darentur tot fata, quot creaturæ; ergo fatum non datur in creaturis.

Respondeo, ac dico primo: dantur fortuna, & casus, & sunt causæ per accidens effectuum, qui sequuntur rarò, & præter præuisionem atque intentionem, fundatam in probabili præuisione, ex ipsarum operationibus, habentibus alium finem e. g. cum quis occiditur à regula decidente ex tecto, casu est causa mortis, quia regula decidens per accidens atque adeo casualiter, causat mortem, quæ raro sequitur ex regula decidente, & præter intentionem, & præuisionem, cum talis descensus non habeat pro fine

occi-

occisionem transeuntis, sed habeat pro fine centrum. Cum quis fodiens agrum inuenit thesaurum causa inuentionis dicitur fortuna. Ex eadem ratione, cum quis ludens aleis consequitur victoriam, fortuna est causa victoriæ, quia illa sequitur per accidens, & ita, vt non possit intendi ex probabili præuisione. Idem dic de pluribus alijs. Quia verò constat inductione multos effectus rarò sequi ex causis per accidens modo explicato, & vocari fortuitos, ac casuales, constat dari fortunam, & casum, & benè esse definita. Et confirmari potest ex Scriptura Ecclesiastis nono, vbi habetur. *Vidi nec velocium esse cursum, &c. sed tempus, casumque in omnibus.* Confirmatur etiam, quia ex tradita definitione benè explicantur, quæ communiter dicuntur de fortuna, & casu. Dicuntur esse causæ cæcæ, & sine ratione, quia effectus earum, vtpotè raro sequentes non præuidentur per discursum rationis. Dicuntur instabiles in causando, quia cum producant effectus rarò, quo pacto sint stabiles in producendo similes effectus? Dicuntur causæ fallaces propter suam instabilitatem. Dicuntur indeterminatæ, quia eadem causa, quæ per accidens producit vnum effectum, potest etiam producere effectum contrarium: idem ludus,

qui per accidens causat victoriam, paulò post per accidens causat iacturam.

Dico secundo: fortuna propriè dicta differt à casu tanquam species à genere, inferius à superiore. Fortuna quippe est *causa per accidens effectuum spectantium ad agentia, quæ operantur ex electione, & propriè possunt esse fortunata, vel infortunata.* Casus est *causa per accidens effectuum utriusque.* Probatur ex sensu communi. Nam sola agentia electiua dicuntur fortunata, vel infortunata; ergo fortuna propriè est *causa per accidens effectuum, ut spectantium ad agentia electiua.*

Dico tertio: omnes effectus, qui sunt fortuiti, & casuales respectu causarum inferiorum, reducuntur ad aliquam causam superiorem, prævidentem, ordinantem, & intendentem, vel permittentem tales effectus, respectu cuius non sunt fortuiti, neque casuales, sed quodammodo fatales, tanquam, fati, ac præloquuti à tali causa.

Probatur, quia quod est fortuitum respectu alicuius causæ inferioris, sapè non est fortuitum respectu causæ superioris, sed est ab illa præordinatum e. g. si quis mittat seruum ad agrum fodiendū in loco, in quo scit thesaurum latere, nō manifestans seruo, quod thesaurus lateat in eo loco, inuentio thesauri erit fortuita respectu

pectu serui , sed respectu Domini non erit fortuita, sed præordinata & intentata; sed Diuina prouidentia condens , ordinans, ac disponens mundum præuidit, ordinauit , intendit, vel permisit omnes effectus, qui sequuntur ; ergo omnes effectus, qui sunt fortuiti , & casuales respectu causarum inferiorum , respectu Diuinæ prouidentię non sunt fortuiti , neque casuales , sed quodammodo fatales , tanquam à Deo fati, ac præloquuti. Licet autem nihil sit præter Diuinam præuisionem, tamen quędam sunt præter Diuinam intentionem, & respectu eorū Deus est causa solum per accidens . Huiusmodi sunt peccata , quorum Deus non est causa per se, vt constat ex Concilio Tridentino, quia peccata non intendit, licet peccata nō sequātur casualiter, ac fortuito respectu Dei, quia Deus præuidit peccata sequutura ex libero arbitrio . Respectu aliorum effectuum Deus est causa per se, quia omnes alios effectus ytpotē bonos Deus intendit , ita tamen , vt aliquos intendat primo , & nulla facta suppositione , alios intendat solum secundo , & ex suppositione peccati : e. g. Deus diuerso modo intendit salutem S. Petri, ac damnationem Iudæ; nam salutem S. Petri intendit primo, & per se, & dedit S. Petro gratiam, & auxilia, vt per

illa saluaretur: at damnationem Iudæ non intendit primo, ac per se, immo potius primo, & per se intendit salutem Iudæ, ideoque dedit illi auxilia sufficientia, ut saluaretur, sed ex suppositione peccati, & impenitentiae finalis Iudæ voluit eius damnationem.

Dico quarto: plures effectus sunt fortuiti, & casuales etiam respectu Cæli, & Angelorum, ideòque causa quasi fatalis omnium effectuum non est Cælum, nec dispositio syderum, neque Angeli custodientes inferiora, sed sola Diuina providentia.

Probatur, quia Dæmon e. g. dum instigauit Iudæos ad mortem Christi, ex qua contra eius intentionem sequuta est redemptio generis humani, ac destructio diabolici regni, fuit causa fortuita redemptionis, ideòque facta redemptione, serò agnouit infortunium suum; similiter dum primos parentes impulit ad peccatum, fuit causa fortuita Incarnationis; & vniuersim tentans prædestinatos est ipsis causa fortuita coronæ, quam consequuntur ex victoria tentationum, Diuina providentia ità res ordinante, ut Dæmon respectu Christi, & prædestinatorum sit semper infortunatissimus, dum ex fine nocendi per accidens maximè illis prodest, & causat maxima bona, quæ propter



pter inuidiam sunt maxima Dæmonis infortunia . E conuerso Angeli boni possunt dici infortunati in custodia sibi commissorum , dum ex fine iuuandi per accidens nocent, & per custodiam, & per illuminationem , qua illis suadent, vt uident malum , & faciant bonum , causant illis per accidens, & fortuito malum non præuisum grauioris damnationis, & pœnæ maioris , quam merentur per contemptum, & abusum Angelicarum illuminationum . Cælum etiam cum tonat , e. g. potest casualiter causare salutem eternam alicuius, si salubri terrore concussus confiteatur peccata sua, & paulò post moriens consequatur salutem : potest etiam per accidens causare alios effectus bonos, aut malos.

Addit optimè S. Thomas 3. contra gentes cap. 92. & prima parte quæst. 116. art. 1. quod hæc est differentia inter intellectum, & causas naturales, quod actio naturæ ordinatur ad vnum , ideoque nullo principium naturale potest esse causa per se alicuius effectus, qui sit vnum, merè per accidens: e. g. non potest dari causa naturalis per se, vt quis fodiens seculcrum inueniat thesaurum , vel quod ambulante Socrate , coruscet, quia tales effectus sunt vnum merè per accidens . E conuerso intellectus potest per cogni-

tionem ordinare ea, quæ sunt vnum per accidens, e. g. potest ordinare fossionem sepulcri, & inuentionem thesauri, ambulationem Socratis, & conuersionem Coeli, & sicut potest hæc simul cognoscere, sic potest hæc intendere, & causare per se, eo pacto, quo quis potest fodere sepulcrum ad inueniendum thesaurum; ergo effectus fortuiti, & casuales, qui sunt solum vnum per accidens, non possunt reduci tanquam in causam per se in Coelum, quod est agens merè naturale, sed debent reduci ad al. quem intellectum: & quia intellectus perfectior essentialiter est magis ordinatiuus, quam minus perfectus, ideo quidam effectus, qui sunt fortuiti respectu causarum, & intellectuum inferiorum, reducuntur tanquam in causam per se, & quasi fatalem ad Diuinum intellectum; ergo sola Diuina prouidentia est causa quasi fatalis intendens, vel permittens ex perfectissima prouisione omnes effectus.

Colligit S. Thomas, quod potest aliquis esse fortunatus, vel infortunatus ex actione causæ superioris, cum à tali causa inclinatur ad actionem, ex qua fortuito consequitur aliquod bonum: e. g. si quis iter faciens ex actione solis nimis calefacientis inclinatur ad ingrediendam speluncam, vt vitet æstum, & ibi inuenit the-

thesaurum, est fortunatus ex impressione corporis coelestis. Si ab Angelo, vel à Deo inclinetur ad eligendum utile, cuius causam ignorat, est fortunatus ex illuminatione Angelica, vel inspiratione Diuina. Diuerso tamen modo inclinatur nostra voluntas ad electiones à Cœlo, Angelis, ac Deo. Nam à Cœlo inclinatur solum indirectè alterando corpus, cum Cœlum utpotè materiale, non possit directè agere in animam spiritua-lem, illam inclinando ad electionem. Ab Angelo inclinatur per solam illumina-tionem, quia Angelus potest quidem in-struere, & illuminare intellectum, non autem immediatè mouere voluntatem. A solo Deo inclinatur mouendo volun-tatem, quia solus Deus ut potè Domi-nus potest mouere voluntatem prout vo-luerit.

Dico quinto: datur fatum in sensu, in quo definitur à Boetio lib. 4. de conso-latione *inherens rebus mobilibus dispositio, per quam prouidentia suis quæque necit or-dinibus*. Probatur, quia fatum, ut no-men sonat, est dispositio omnium rerum ab æterno dicta, & præloquuta ab aliquo supremo intellectu; sed verè datur dispo-sitio certa omnium rerum ab æterno di-cta, & præloquuta à Diuino intellectu, & à Diuina prouidentia cuncta dispo-

nente, & conectente certis ordinibus; ergo datur fatum, & bene definitur definitione Boetij: & qui negat fatum in hoc sensu, negat Diuinam prouidentiam, vt de Tullio refert S. Augustinus lib. 5. de Ciuitate cap. 9. Quia tamen Hæretici Priscillianistæ, & alij nomine fati intellexerūt dispositionem omnium rerum, & euentum necessario consequentem ad impressionem Cœli, & dispositionem stellarum, sub qua quisque natus est, ideo Doctores Sacri vti recusarunt hoc nomine. Vnde S. Gregorius dixit, *absit à fidelium mentibus, ut fatum esse aliquid credant.* Et S. Augustinus lib. 5. de Ciuitate ca. 9. *Si propterea quisquam res humanas fato tribuerit, quia ipsam Dei voluntatem, vel potentiam fati nomine appellat, sententiam teneat, & linguam corrigat.* Videri potest S. Thomas 3. contra gentes cap. 74. & 93. & prima parte disp. 106.

Ad 1. Dictum est, quod nihil est fortuitū, vel casuale respectu Dei, sed multa sunt fortuita, & casualia respectu causarum secundarum, etiam respectu Cœli, & Angelorum. Verum igitur est Aristotelis dictum: *ubi multum fortune parum est intellectus.* Ideo diuinus intellectus quia est perfectissimus, & omnia prouidet, nihil operatur ex fortuna, sed omnia ex prouidentia; intellectus Ange-

ge-

gelicus in quantum deficit à perfectione, non prœuidendo quosdam euentus, potest quædam operari ex fortuna; multo plura operatur ex fortuna intellectus humanus, quia plura accidunt illi imprœuisa, & ex hominibus, qui minus sunt intelligentes, ac prœuidentes, plura agunt ex fortuna.

Ad 2. Distinguo maiorem, quod non est fortuitum respectu ordinantis, neque est fortuitum respectu ordinati habentis alium finem manifestum, nego; non habentis alium finem manifestum, transeat; distinguo eodem pacto minorem, & nego consequentiam. Sagitta dum mouetur non habet alium finem manifestum, quam finem sagittarij, ideo finis sagittarij non potest esse fortuitus sagittæ. At tegula decidens deorsum ex tecto, & occidens hominem, habet alium finem manifestum, quam occisionem, qui finis est centrum, ideo occisio est fortuita, & casualis respectu tegulæ. Explicatur exemplo. Si quis mittat seruum ad fodiendum in loco, vbi scit thesaurum latere, non manifestans seruo, quod thesaurus lateat, si talis fossio facta à seruo sit facta ad alium finem manifestum, quam inuentio- nem thesauri, e. g. ad plantationem arboris, inuentio thesauri esset fortuita respectu serui; at si non habeat alium fi-

rem manifestum; sed solum appareat, quod fodit propter finem, quem dominus intendit, non erit fortuita inuentio thesauri. Sic in casu nostro.

Ad 3. Distinguo maiorem; effectus, qui oriuntur necessario ex combinatione casualium combinatorum per se, non sunt fortuiti, concedo maiorem; combinatorum merè per accidens, sed rarò, nego maiorem; distingo eodem pacto minorem; & nego consequentiam. Ista combinatio, quod nunc tegula decidat, & Petrus transeat, est combinatio merè per accidens, quæ non potest per se intendi ab alia causa, quam ab intellectu. Ideò, licet ex hac combinatione necessariò sequatur mors Petri, tamen talis mors est fortuita, & casualis, non quidem respectu combinationis, sed respectu tegule decidentis. Tegula enim sicut per accidens coniungitur cum transitu Petri, ita per accidens, & casualiter causat mortem Petri. Non solum igitur effectus sunt fortuiti, & casuales, secundum opinionem, in quantum nos illos prævidere non possumus, sed etiam secundum veritatem, in quantum oriuntur per accidens, & rarò ex combinationibus accidentalibus. Idem dic ad alias similes instantias.

Ad 4. Dictum est in definitione fortune,

tunæ, quod est causa effectus non intenti cum probabili præuisione. Victoria igitur in ludo alearum est fortuita, quia licet intendatur, tamen non intenditur cum, probabili præuisione: & vniuersum effectus eo magis est fortuitus, quo minus est præuisus.

Ad 5. Fortuna versatur circa contingentia. Dico autem, quod datur duplex contingentia. Prima fundatur in causæ perfectione: secunda in causæ imperfectione. Contingentia fundata in causæ imperfectione est, per quam effectus ideò potest esse, quia causa potest liberè se determinare ad effectum ponendum, vel nō ponendum, prout voluerit. Contingentia fundata in causæ imperfectione est, per quam effectus ideò potest esse, & non esse, quia licet causa illum intendat, conetur producere, & faciat quantum potest ad producendum, tamen potest ab eius productione in aliquo casu raro impediri. E. g. est contingens, quod homo non generet hominem, sed monstrum, quia potest homo in aliquo casu impediri rarò à generatione hominis, ac determinari ad generationem monstri, licet intendat producere hominem. Contingentia primi generis datur solum in effectibus liberis, & solet vocari contingentia ad vtrumlibet, quia causa potest eli-



ere effectum, vel eius negationem prout  
 ibuerit . Contingentia secundū generis  
 datur etiam in effectibus naturalibus res-  
 pectu causarum naturalium, & non li-  
 berarum . E g. licet Cœlum naturaliter  
 moueatur circulariter, & ignis naturali-  
 ter moueatur sursum, tamen quod Cœ-  
 lum moueatur circulariter, non est con-  
 tingens, sed necessarium, quia Cœlum  
 est causa ita perfecta, vt non possit natu-  
 raliter impediri, nè circulariter mouea-  
 tur; at quod ignis sursum ascendat est  
 contingens, quia ignis est causa ascen-  
 dendi ita imperfecta, vt possit impediri  
 ab ascensu . Fortuna, & casus versantur  
 circa contingentia, & sunt causa eorum,  
 quæ rarò contingunt.

Ad 6. De monstris dico, quod mon-  
 stra solent esse effectus casuales, quia cau-  
 sæ naturales dum impediuntur per acci-  
 dens ab effectibus per se, producant mon-  
 stra non plerumque, sed raro . Dum op-  
 ponitur: dantur causæ certæ, & determi-  
 natæ monstrorum; ergo monstra sunt ef-  
 fectus naturales; distingo antecedens;  
 dantur causæ certæ, quæ consistunt in ac-  
 cidentali combinatione, concedo antece-  
 dens; dantur causæ certæ, quæ sunt en-  
 tia per se, nego antecedens; & nego con-  
 sequentiam . Causæ monstrorum solent  
 esse combinationes per accidens, ideo-  
 que

que monstra raro nascuntur, & sunt casualia. Potest autem monstrum definiri ex Aristotele 2. phys. tex. 162. *Peccatum nature agentis propter aliquem finem, quo frustratur; aliquo principio corrupto, vel confuso, seu vitium nature deficientis à fine suo ob aliquod impedimentum, 3<sup>o</sup> raro contingens: & ex eodē Aristotele lib. de generatione animalium; Oblesio rei præter eius naturam, in ijs, quæ non semper, sed ut plurimum agunt eodem modo. Cause monstrorum solent esse primo materiæ redundantia, vel defectus. Ita aliquando nascitur homo cum tribus brachijs ex redundantia materiæ; alius cum vnico brachio propter materiæ defectum. Secunda confusio, & permixtio seminum. Tertia vitium virtutis formatiæ, vt cum ex parente claudio nascitur filius claudus. Quarta excessus, aut defectus caloris, vel frigoris, & incongruum temperamentum. Quinto puerilitas loci, in quo foetus concipitur, & alia huiusmodi.*

Ad 7. Iam dictum est, quod quia Hæretici abusi sunt nomine fati ad significandam necessitatem inductam in euentus à syderum dispositione, ideo secundum doctrinam Sanctorum Augustini, & Gregorij fatum non est absolutè concedendum, sed cum addito exprimente, quod admittitur, in quantum est series,

&

& dispositio rerum à diuina prouidentia  
inducta, & per hoc patet ad primam  
obiectionem ex Auctoritate S. Grego-  
rij. Ad secundam ex eo, quod omnia  
ueniunt necessitate fatali, adeoque nihil  
est contingens, vel liberum, neque for-  
uitum, distinguo antecedens; omnia  
ueniunt necessitate fatali, quæ sit neces-  
sitas consequens, ex suppositione, & im-  
pedibilis, concedo; ex necessitate fatali  
antecedenti, & inimpedibili, nego; & ne-  
go consequentiam. Sicut dictum est in  
logica in Quæst. de futuris contingenti-  
bus, Diuina scientia, & prouidentia non  
tollit libertatem, & contingentiam effe-  
ctuum, quia non inducit necessitatem an-  
tecedentem, sed consequentem, & im-  
pedibilem à causis secundis. Ex eadem  
ratione non tollit fortunam, & casum:  
e. g. contingens est, & casuale, quod ho-  
mo aliquando generet monstrum, quia  
Diuina prouidentia disponit, vt homo  
ita generet hominem plerumque, vt ali-  
quando possit impediri à generatione ho-  
minis, ac determinari ad generandum  
monstrum. Dum opponitur, quia fatum  
neque potest esse in creaturis, neque in  
Deo, dico, quod fatum potest sumi du-  
pliciter, passiuè, & actiuè. Fatum passi-  
uè est dispositio, ac series rerum dicta,  
& præloquuta, à Diuina prouidentia:  
fa-

fatum actiue est ipsa præloquutio, quæ  
prouidentia dicit, ac decernit dispositio-  
nem rerum. Fatum passiuè est in creatu-  
ris, vt patet, ideòque definitur à Boetio  
*dispositio inherens rebus mobilibus*; talis au-  
tem dispositio aliquo pacto est immobi-  
lis, in quantum non potest dimoueri ab  
ordine dicto à Diuina prouidentia, iux-  
ta illud, *Verba mea non præteribunt*, licet  
sit mobilis, in quantum hoc ipsum est di-  
ctum, & prædefinitum à prouidentia,  
quod res se habeant nunc vno modo,  
nunc altero, adeoque moueantur. Fatum  
actiue est in Deo, cum sit ipsa præloquu-  
tio, ac prædefinitio, vel permissio, quæ  
Diuina Prouidentia cuncta disponit ab  
eterno; & de hoc fato actiuo loquitur  
Augustinus dicens, fatum posse vocari  
Dei voluntatem, ac potentiam. Hoc fa-  
tum actiuum est vnicum, & est vniuer-  
salis causa omnium rerum. Fatum verò  
passiuum est multiplex, & causatum, cum  
dispositio inherens rebus mobilibus sit  
multiplex, & causata; ideoque dixit Po-  
eta, *te tua fata trahunt*, loquens de mul-  
tiplici fato passiuo.



## QVAESTIO XVIII.

*Vtrum Idea dentur, & sint  
causa.*

**V** Idetur quod Ideæ non dentur, vel  
li-dantur, dentur solum in artifice  
creato, & imperfecto, non autem in Deo,  
1. quia Idea est similitudo, quam respi-  
ciens artifex imitatur; sed solus artifex  
imperfectus indiget his similitudinibus,  
atque exemplaribus ad imitandum; e. g.  
qui adhuc est imperfectus in arte scri-  
bendi, & discit scribere, indiget exem-  
plari magistri, ad quod respiciens ope-  
retur, illud imitando; Pictores etiam  
imperfecti imitantur exemplaria picto-  
rum perfectorum, idemque dic de cete-  
ris; qui vero sunt perfecti in artibus,  
nullis indigent exemplaribus, quæ imi-  
tentur, sed potius ipsi constituunt exem-  
plaria imitanda ab artificibus imperfe-  
ctis; ergo Deus, qui est artifex præstan-  
tissimus, & perfectissimus, nullam in o-  
pere suo imitatur Ideam, sed ipse condit  
Ideam, & exemplar absolutissimum,  
quod imitentur alij artifices.

2. Ideæ ponuntur solum ad hoc, ut per  
ipsas,

ipsas , tanquam per imagines , & similitudines cognoscantur ab artifice res faciendę : e. g. Idea domus , aut templique vocatur *modulus* , ponitur solum a hoc, vt per ipsam tanquam per imaginem , & similitudinem Architectus cognoscat , & habeat ob oculos domum aut templum faciendum ; sed Deus cognoscit omnes res faciendas in se ipsis & non per imagines , ac similitudines ergo respectu Dei non dantur Ideę .

3. Si Deus operaretur ex Idea, sicut facit res diuersas, deberet habere diuersas Ideas rerum: e. g. sicut homo differt a equo ; sic Idea hominis differre debere ab Idea equi ; sed repugnat diuine simplicitati, ac perfectioni , quod Deus habeat diuersas Ideas, sicut repugnat, quod habeat diuersas artes, ac diuersas scientias ; ergo Deus non operatur ex Idea.

4. Non potest explicari vtrum Idea sit obiectum ipsum prout cognitum , v docet Scotus cum Scotistis , quos sequitur Arriaga disp. 8. phy. sect. 8. an potius idea sit cognitio , vt cum Thomisti allegantibus S. Thomam docet Suarius disp. 25. Metaphy. sect. 5. Ex vna parte videtur , quod Idea sit obiectum , e. g. quod cum artifex facit domum imitatur illam domum idealem , quam habet in mente, ipsa domus cognita sit Idea . E

alia

tionem ordinare ea, quæ sunt vnum per accidens, e. g. potest ordinare fossionem sepulcri, & inuentionem thesauri, ambulationem Socratis, & conuscationem Coeli, & sicut potest hæc simul cognoscere, sic potest hæc intendere, & causare per se, eo pacto, quo quis potest fodere sepulcrum ad inueniendum thesaurum; ergo effectus fortuiti, & casuales, qui sunt solum vnum per accidens, non possunt reduci tanquam in causam per se in Coelum, quod est agens merè naturale, sed debent reduci ad aliquem intellectum: & quia intellectus perfectior essentialiter est magis ordinatiuus, quam minus perfectus, ideò quidam effectus, qui sunt fortuiti respectu causarum, & intellectuum inferiorum, reducuntur tanquam in causam per se, & quasi fatalem ad Diuinum intellectum; ergo sola Diuina prouidentia est causa quasi fatalis intendens, vel permittens ex perfectissima præuisione omnes effectus.

Colligit S. Thomas, quod potest aliquis esse fortunatus, vel infortunatus ex actione causæ superioris, cum à tali causa inclinatur ad actionem, ex qua fortuito consequitur aliquod bonum: e. g. si quis iter faciens ex actione solis nimis calefacientis inclinatur ad ingrediendam speluncam, vt vitet æstum, & ibi inuenit the-



thesaurum, est fortunatus ex impressione corporis coelestis. Si ab Angelo, vel à Deo inclinetur ad eligendum vrile, cuius causam ignorat, est fortunatus ex illuminatione Angelica, vel inspiratione Diuina. Diuerso tamen modo inclinatur nostra voluntas ad electiones à Cœlo, Angelis, ac Deo. Nam à Cœlo inclinatur solum indirectè alterando corpus, cum Cœlum vtpotè materiale, non possit directè agere in animam spiritua-lem, illam inclinando ad electionem. Ab Angelo inclinatur per solam illumina-tionem, quia Angelus potest quidem in-struere, & illuminare intellectum, non autem immediatè mouere voluntatem. A solo Deo inclinatur mouendo volun-tatem, quia solus Deus vt potè Domi-nus potest mouere voluntatem prout vo-luerit.

Dico quinto: datur fatum in sensu, in quo definitur à Boetio lib. 4. de conso-latione *inherens rebus mobilibus dispositio, per quam prouidentia suis quæque necit or-dinibus*. Probatur, quia fatum, vt no-men sonat, est dispositio omnium rerum ab æterno dicta, & præloquuta ab aliquo supremo intellectu; sed verè datur dispo-sitio certa omnium rerum ab æterno di-cta, & præloquuta à Diuino intellectu, & à Diuina prouidentia cuncta dispo-

nente, & conectente certis ordinibus; ergo datur fatum, & bene definitur definitione Boetij: & qui negat fatum in hoc sensu, negat Diuinam prouidentiam, vt de Tullio refert S. Augustinus lib. 5. de Ciuitate cap. 9. Quia tamen Hæretici Priscillianistæ, & alij nomine fati intellexerūt dispositionem omnium rerum, & euentum necessario consequentem ad impressionem Coeli, & dispositionem stellarum, sub qua quisque natus est, ideo Doctores Sacri vti recusarunt hoc nomine. Vnde S. Gregorius dixit, *absit à fidelium mentibus, vt fatum esse aliquid credant.* Et S. Augustinus lib. 5. de Ciuitate ca. 9. *Si propterea quisquam res humanas fato tribuerit, quia ipsam Dei voluntatem, vel potentiam fati nomine appellat, sententiam teneat, & linguam corrigat.* Videri potest S. Thomas 3. contra gentes cap. 74. & 93. & prima parte disp. 106.

Ad 1. Dictum est, quod nihil est fortuitū, vel casuale respectu Dei, sed multa sunt fortuita, & casualia respectu causarum secundarum, etiam respectu Coeli, & Angelorum. Verum igitur est Aristotelis dictum: *ubi multum fortunæ parum est intellectus.* Ideo diuinus intellectus quia est perfectissimus, & omnia prouidet, nihil operatur ex fortuna, sed omnia ex prouidentia; intellectus Ange-

ge-

gelicus in quantum deficit à perfectione, non prouidendo quosdam euentus potest quædam operari ex fortuna; multo plura operatur ex fortuna intellectus humanus, quia plura accidunt illi impræuisa, & ex hominibus, qui minus sunt intelligentes, ac prouidentes, plura agunt ex fortuna.

Ad 2. Distinguo maiorem, quod non est fortuitum respectu ordinantis, neque est fortuitum respectu ordinati habentis alium finem manifestum, nego; non habentis alium finem manifestum, transeat. Distinguo eodem pacto minorem, & nego consequentiam. Sagitta dum mouetur non habet alium finem manifestum, quam finem sagittarij, ideo finis sagittarij non potest esse fortuitus sagittæ. A tegula decidens deorsum ex tecto, & occidens hominem, habet alium finem manifestum, quam occisionem, qui finis est centrum, ideo occisio est fortuita, & casualis respectu tegulæ. Explicatur exemplo. Si quis mittat seruum ad fodiendum in loco, ubi scit thesaurum latere, non manifestans seruo, quod thesaurus lateat, si talis fossio facta à seruo sit facta ad alium finem manifestum, quam inuentio nem thesauri, e. g. ad plantationem arboris, inuentio thesauri esset fortuita respectu serui; at si non habeat alium finem

nem manifestum; sed solum appareat, quod fodit propter finem, quem dominus intendit, non erit fortuita inuentio thesauri. Sic in casu nostro.

Ad 3. Distinguo maiorem; effectus, qui oriuntur necessario ex combinatione causarum combinatorum per se, non sunt fortuiti, concedo maiorem; combinatorum merè per accidens, sed rarò, nego maiorem; distingo eodem pacto minorem; & nego consequentiam. Ista combinatio, quod nunc tegula decidat, & Petrus transeat, est combinatio merè per accidens, quæ non potest per se intendi ab alia causa, quam ab intellectu. Ideò, licet ex hac combinatione necessario sequatur mors Petri, tamen talis mors est fortuita, & casualis, non quidem respectu combinationis, sed respectu tegule decidentis. Tegula enim sicut per accidens coniungitur cum transitu Petri, ita per accidens, & casualiter causat mortem Petri. Non solum igitur effectus sunt fortuiti, & casuales, secundum opinionem, in quantum nos illos prævidere non possumus, sed etiam secundum veritatem, in quantum oriuntur per accidens, & rarò ex combinationibus accidentalibus. Idem dic ad alias similes instantias.

Ad 4. Dictum est in definitione fortune,

tunæ, quod est causa effectus non intenti cum probabili præuisione. Victoria igitur in ludo alearum est fortuita, quia licet intendatur, tamen non intenditur cum probabili præuisione: & vniuersum effectus eo magis est fortuitus, quo minus est præuisus.

Ad 5. Fortuna versatur circa contingencia. Dico autem, quod datur duplex contingencia. Prima fundatur in causæ perfectione: secunda in causæ imperfectione. Contingencia fundata in causæ imperfectione est, per quam effectus ideò potest esse, quia causa potest liberè se determinare ad effectum ponendum, vel nō ponendum, prout voluerit. Contingencia fundata in causæ imperfectione est, per quam effectus ideò potest esse, & non esse, quia licet causa illum intendat, conetur producere, & faciat quantum potest ad producendum, tamen potest ab eius productione in aliquo casu raro impediri. E. g. est contingens, quod homo non generet hominem, sed monstrum, quia potest homo in aliquo casu impediri rarò à generatione hominis, ac determinari ad generationem monstri, licet intendat producere hominem. Contingencia primi generis datur solum in effectibus liberis, & solet vocari contingencia ad vtrumlibet, quia causa potest eli-

gere effectum, vel eius negationem prout  
 tribuerit . Contingentia secundū generis  
 datur etiam in effectibus naturalibus res-  
 pectu causarum naturalium, & non li-  
 berarum . E g. licet Cœlum naturaliter  
 moueatur circulariter, & ignis naturali-  
 ter moueatur sursum, tamen quod Cœ-  
 lum moueatur circulariter, non est con-  
 tingens, sed necessarium, quia Cœlum  
 est causa ita perfecta, vt non possit natu-  
 raliter impediri, nè circulariter mouea-  
 tur; at quod ignis sursum ascendat est  
 contingens, quia ignis est causa ascen-  
 dendi ita imperfecta, vt possit impediri  
 ab ascensu . Fortuna, & casus versantur  
 circa contingentia, & sunt causa eorum,  
 quæ rarò contingunt.

Ad 6. De monstris dico, quod mon-  
 stra solent esse effectus casuales, quia cau-  
 sæ naturales dum impediuntur per acci-  
 dens ab effectibus per se, producant mon-  
 stra non plerumque, sed raro . Dum op-  
 ponitur: dantur causæ certæ, & determi-  
 natæ monstrorum; ergo monstra sunt ef-  
 fectus naturales; distingo antecedens;  
 dantur causæ certæ, quæ consistunt in ac-  
 cidentali combinatione, concedo antece-  
 dens: dantur causæ certæ, quæ sunt en-  
 tia per se, nego antecedens; & nego con-  
 sequentiam . Causæ monstrorum solent  
 esse combinationes per accidens, ideo-  
 que

que monstra raro nascuntur, & sunt casualia. Potest autem monstrum definiri ex Aristotele 2. phys. tex. 162. *Peccatum naturæ agentis propter aliquem finem, quo frustratur, aliquo principio corrupto, vel confuso, seu vitium naturæ deficientis à fine suo ob aliquod impedimentum, raro contingens*: & ex eodẽ Aristotele lib. de generatione animalium; *Obligio rei præter eius naturam, in ijs, quæ non semper, sed ut plurimum agunt eodem modo.* Cause monstrorum solent esse primo materiæ redundantia, vel defectus. Ita aliquando nascitur homo cum tribus brachijs ex redundantia materiæ; alius cum vnico brachio propter materiæ defectum. Secunda confusio, & permixtio seminum. Tertia vitium virtutis formatiue, vt cum ex parente claudio nascitur filius claudus. Quarta excessus, aut defectus caloris, vel frigoris, & incongruum temperamentum. Quinto peruersitas loci, in quo foetus concipitur, & alia huiusmodi.

Ad 7. Iam dictum est, quod quia Hæretici abusi sunt nomine fati ad significandam necessitatem inductam in euentus à syderum dispositione, ideo secundum doctrinam Sanctorum Augustini, & Gregorij fatum non est absolutè concedendum, sed cum addito exprimente, quod admititur, in quantum est series,

&amp;



& dispositio rerum à diuina prouidentia  
inducta, & per hoc patet ad primam  
obiectionem ex Auctoritate S. Grego-  
rij. Ad secundam ex eo, quod omnia  
eueniunt necessitate fatali, adeoque nihil  
est contingens, vel liberum, neque for-  
tuitum, distinguo antecedens; omnia  
eueniunt necessitate fatali, quæ sit neces-  
sitas consequens, ex suppositione, & im-  
pedibilis, concedo; ex necessitate fatali  
antecedenti, & inimpedibili, nego; & ne-  
go consequentiam. Sicut dictum est in-  
logica in Quæst. de futuris contingentibus,  
Diuina scientia, & prouidentia non  
tollit libertatem, & contingentiam effe-  
ctuum, quia non inducit necessitatem an-  
tecedentem, sed consequentem, & im-  
pedibilem à causis secundis. Ex eadem  
ratione non tollit fortunam, & casum:  
e. g. contingens est, & casuale, quod ho-  
mo aliquando generet monstrum, quia  
Diuina prouidentia disponit, vt homo  
itâ generet hominem plerumque, vt ali-  
quando possit impediri à generatione ho-  
minis, ac determinari ad generandum  
monstrum. Dum opponitur, quia fatum  
neque potest esse in creaturis, neque in  
Deo, dico, quod fatum potest sumi du-  
pliciter, passiuè, & actiuè. Fatum passi-  
uè est dispositio, ac series rerum dicta,  
& præloquuta, à Diuina prouidentia:  
fa-

fatum actiuè est ipsa præloquutio, qua prouidentia dicit, ac decernit dispositionem rerum. Fatum passiuè est in creaturis, vt patet, ideòque definitur à Boetio *dispositio inherens rebus mobilibus*; talis autem dispositio aliquo pacto est immobilis, in quantum non potest dimoueri ab ordine dicto à Diuina prouidentia, iuxta illud, *Verba mea non præteribunt*, licet sit mobilis, in quantum hoc ipsum est dictum, & prædefinitum à prouidentia, quod res se habeant nunc vno modo, nunc altero, adeoque moueantur. Fatum actiuè est in Deo, cum sit ipsa præloquutio, ac prædefinitio, vel permissio, qua Diuina Prouidentia cuncta disponit ab eterno; & de hoc fato actiuo loquitur Augustinus dicens, fatum posse vocari Dei voluntatem, ac potentiam. Hoc fatum actiuum est vnicum, & est vniuersalis causa omnium rerum. Fatum verò passiuum est multiplex, & causatum, cum dispositio inherens rebus mobilibus sit multiplex, & causata; ideoque dixit Poeta, *te tua fata trahunt*, loquens de multiplici fato passiuo.



ipsas , tanquam per imagines , & similitudines cognoscantur ab artifice res faciendę : e. g. Idea domus , aut templique vocatur *modulus* , ponitur solum ad hoc, vt per ipsam tanquam per imaginem , & similitudinem Architectus cognoscat , & habeat ob oculos domum aut templum faciendum ; sed Deus cognoscit omnes res faciendas in se ipsis & non per imagines , ac similitudines ergo respectu Dei non dantur Ideę .

3. Si Deus operaretur ex Idea, sicut facit res diuersas, deberet habere diuersas Ideas rerum: e. g. sicut homo differt ab equo , sic Idea hominis differre debere ab Idea equi ; sed repugnat diuinę simplicitati, ac perfectioni , quod Deus habeat diuersas Ideas, sicut repugnat, quod habeat diuersas artes, ac diuersas scientias ; ergo Deus non operatur ex Idea.

4. Non potest explicari vtrum Idea sit obiectum ipsum prout cognitum , vnde docet Scotus cum Scotistis , quos sequitur Arriaga disp. 8. phy. sect. 8. an potius idea sit cognitio , vt cum Thomisti allegantibus S. Thomam docet Suarius disp. 25. Metaphy. sect. 5. Ex vna parte videtur , quod Idea sit obiectum , e. g. quod cum artifex facit domum imitatur illam domum idealem , quam habet in mente, ipsa domus cognita sit Idea . Et

alia

alia parte videtur, quod Idea non possit esse obiectum, alioquin domus facta imitaretur se ipsam, quæ cognoscebatur; ergo videtur, quod Idea potius sit cognitio.

5 Si detur Idea, deberet esse causa; sed non potest reduci ad ullam ex quatuor generibus causarum numeratarum ab Aristotele; ergo ponendum esset quintum genus causæ.

6. Si Idea esset causa, deberet causare per propriam causalitatem; sed non potest explicari causalitas Ideæ; ergo Idea non est causa.

Respondeo Ideam græcè idem significare, ac formam latinè. Triplex autem est forma, ut docet S. Thomas in quæstionibus de veritate quæst. 3. art. 1. Prima est forma, à qua aliquid formatur; e. g. forma agentis, à qua formatur effectus, cum agens per suam formam format effectum, eo pacto, quo sol per suam lucem illuminat aerem, atque adeò format aerem lucidum. Secunda est forma, per quam aliquid intrinsecè formatur; ita anima est forma hominis, figura est forma cere; quia & homo formatur intrinsecè per animam, & cera formatur intrinsecè per figuram. Tertia est forma ad cuius imitationem aliquid formatur, & hæc sola est forma exemplaris, & sim-

pli-

pliciter dicitur Idea . Porro ad Ideam non sufficit , quod sit id , ad cuius similitudinem aliud formatur per accidens casualiter , & præter intentionem agentis , sed requiritur , vt sit id , ad cuius similitudinem aliud formatur per se , & ex intentione agentis ; e. g. si Pictor exprimat Petrum non intendens illum exprimere, Petrus non erit exemplar , & idealis picturæ . Præterea non sufficit ad Ideam , quod sit id , ad cuius similitudinem aliud fit ab agente non determinante sibi talem finem , sed solum directo, & ordinato ad finem à superiore ordinante ; e. g. licet equus producat alium equum sibi similem in specie, adhuc equus generans non est Idea equi geniti , qui equus generans non determinat sibi finem , sed dirigitur ad finem à Deo supremo ordinante, vt dictum est Qu. 16.

Hinc primo colligitur integra definitio exemplaris , & Ideæ. Idea enim est forma, ad cuius imitationem aliquid fit per se, & ex intentione ab agente sibi determinante finem . E. g. cum Pictor facit imaginem Petri Petrus est Idea , & exemplar talis imaginis , quia talis imago fit ad imitationem Petri ex intentione à Pictore determinante sibi hunc finem Petrum exprimendi.

Secundo colligitur dari, & esse necessarias

rias

rias ideas in quolibet artifice tum creato, tum increato. Ratio est, quia omnis artifex dum facit opus suum non casualiter, sed ex arte, habet pro fine ipsum opus artificiatum, & formam ipsius: E. g. cum architectus facit domum ex arte habet pro fine domum, & formam eius; sed non potest habere pro fine domum, nisi intelligibiliter habeat in mente domum, & eius formam, quam imitetur, conformans domum exteriorem domui Ideali præcognitæ: domus autem existens intelligibiliter in mente artificis est idea; ergo dantur, & sunt necessariae ideæ in quolibet artifice, ac proinde Deus, sicut est artifex perfectissimus, & produxit mundum, & omnes creaturas ex intentione, ita habet intelligibiliter in mente ideas perfectissimas omnium creaturarum.

Tertio colligitur differentia inter agentia purè naturalia, & agentia artificialia. Agentia purè naturalia sunt, quæ operantur secundum formam, quam habent in se ipsis purè naturaliter, & physicè. Agentia artificialia, quatenus, artificialia operantur ex forma, quam habent in se ipsis intelligibiliter in mente. E. g. cum sol illuminat, illuminat ex luce, quam habet in se ipso purè naturaliter, & physicè: at cum Architectus facit

cit

cit templum, facit illud ex templo, quod habet in se ipso, & in sua mente intelligibiliter, ideoque conformat templum reale templo intelligibili, quod habet in intellectu.

Ad 1. Agens imperfectum quia non potest formare ideam internam operis, nisi iuuetur ab aliquo exteriori, ideo indiget aliqua idea exteriori. E. g. scriptor imperfectus quia non potest formare ideam internam litterarum formandarum exterius, nisi iuuetur litteris externis positis ob oculos, idcirco indiget exemplari externo, quo iuuetur, & quod imitetur. Idem dic de Pictore imperfecto, de Architecto imperfecto, ac de alijs artificibus imperfectis. At artifex perfectus, quia potest ex se, & ex vi sui intellectus sine exteriori auxilio formare ideam operis, ideo non indiget vlllo exemplari, vel modulo exteriori. Deus quia est perfectissimus intellectus, & perfectissimus artifex vi sua sine vlllo externo auxilio habet perfectissimas ideas omnium rerum, & tales ideas existentes in mente diuina imitatur per opera exteriora. Quod verò non possit operari, nisi respiciat Ideas ab ipso vi sua habitas, non spectat ad imperfectionem, sed ad perfectionem, per quam non potest operari, nisi vt artifex perfectissimus.

Ad



Ad 2. Concedo maiorem, quod Idea resonantur, ut per ipsas tanquam per similitudines habentes rationem obiecti formalis cognoscantur res faciendae; & nego minorem, quod Deus cognoscat res faciendas per res ipsas tanquam per obiectum formale. Obiectum enim formale est ratio aliquid cognoscendi; sed Deus non habet rationem cognoscendi creaturam, sed vnica ratio, cur omnia cognoscat est diuina essentia; ergo Diuina essentia est vnicum obiectum formale, per quod Deus omnia cognoscit, & tam est absurdum, quod Deus habeat creaturam rationem cognoscendi, quam quod creaturae sint obiectum formale Diuinae cognitionis. Diuina igitur essentia est prima, & vniuersalis ratio, ac primum obiectum formale cognoscendi omnes veritates, & prima, & vniuersalis similitudo omnium rerum, ideoque Diuinus intellectus cognoscit omnes res faciendas per Diuinam essentiam, tanquam per similitudinem ipsarum. Dum opponitur: perfectius res cognoscitur in se ipsa tanquam in obiecto formali, quam in obiecto formali distincto; Deus cognosceret res faciendas in obiecto formali distincto à rebus; ergo cognosceret imperfectè: distinguo maiorem; perfectius res cognoscitur in se ipsa, quam in obiecto  
for-

formali distincto, in quo non continetur adæquatè, transeat; in quo continetur adæquatè, nego; distinguo eodem pacto minorem, & nego consequentiam. Cum res continetur in aliquo distincto adæquatissimè tunc potest in illo perfectissimè cognosci; & quia res omnes continentur perfectissimè in essentia Diuina, ideò res omnes possunt perfectissimè cognosci in Diuina essentia. Immo quia res sunt in essentia Diuina modo quodam excellentiori, & eminentiori, quam in se ipsis, ideò per essentiam Diuinam cognoscuntur excellentius, & perfectius, quam per se ipsas. E conuerso quia nulla creatura perfectissimè continetur in alia creatura, ideo nulla creatura potest perfectissimè cognosci per aliam creaturam tanquam per obiectum formale.

Ad 3. Deus cognoscit plura opera facienda per ideas, quæ terminantur ad plura, ideoque per plures Ideas terminatiuè, & repræsentatiuè; at. similiter, quæ terminatur ad plura, est vniuersa essentia Diuina; ergo Idea est formaliter vnica. Non autem repugnat quod aliquid perfectissimè vnicum, & simplex sit repræsentatiuum plurium, immò hoc spectat ad summam simplicitatem, per quam plura coadunantur in vno simplicissimo.

Ad

Ad 4. Dico , quod idea materialiter ,  
& *ut quod* est ipsum obiectum cognitum ,  
idea verò formaliter , & *ut quo* est ipsa  
cognitio . Ratio est , quia idea materiali-  
ter , & denominatiuè est id , quod denomi-  
natur idea , quam artifex imitatur ; sed o-  
biectum est id , quod denominatur idea ,  
quam artifex imitatur , e. g. domus ; co-  
gnita est exēplar , quod Architectus imi-  
tatur , & cui conatur conformare do-  
mum exteriorem ; ergo idea materialiter ,  
& *ut quod* est ipsum obiectum cognitum .  
E conuerso idea formaliter , & *ut quo*  
est id , per quod obiectum constitui-  
tur formaliter in ratione ideæ imitabi-  
lis ab agente faciente suum opus ; sed o-  
biectum per cognitionem constituitur  
idea imitabilis ab artifice faciente suum  
opus ; ergo cognitio est idea formaliter , &  
*ut quo* . Addo , quod cum cognitio con-  
tinet totam perfectionem operis facien-  
di non solum intelligibiliter , sed reali-  
ter , & substantialiter , tum cognitio est  
idea non solum formaliter , & *ut quo* ,  
sed etiam materialiter , & *ut quod* . Ita  
quia cognitio Diuina , quæ identificatur  
cum diuina essentia , & substantia , con-  
tinet opera facienda à Deo continentia  
non solum intelligibili , sed etiam reali ,  
& substantiali , ideò est idea omnium  
operum diuinorū non solum formaliter ,  
&

& ut quo, sed etiam materialiter, & ut quod, cum Deus in productione creaturarum semper illas assimilet secundum varios gradus Diuinæ essentiae, utpotè exemplari continenti in omni genere perfectionem omnium rerum.

Ad 5. In quo quæritur ad quod genus causæ reducatur Idea: respondeo, quod expresse ab Aristotele 2. Phys. tex. 28. reducitur ad causam formalem. Duplex igitur est forma, seu causa formalis; intrinseca nimirum, & extrinseca. Intrinseca est, per quam res intrinsecè constituitur in suo esse specifico; extrinseca est forma, ad cuius imitationem res constituitur in suo esse specifico; hæc autem forma est idea, & exemplar. Hinc saluat S. Thomas in disputationibus de veritate quæst. 3. art. 1. in 3. argumento pro parte affirmatiua, quo pacto etiam in Deo verificetur doctrina Aristotelis 1. phys. tex. 70. quod tres causæ, nimirum efficiens, finalis, & formalis, coincidunt in vnam. Essentia enim Diuina est simul causa finalis, efficiens, & formalis non intrinseca, sed extrinseca, & exemplaris omnium rerum.

Ad 6. Causalitas Idææ est actio efficiētis, per quam producit effectum ad imitationem exemplaris, quod habet in mente. Eadem enim actio, in quantum



comparatur cum efficiente, est effectio, in quantum comparatur cum exemplari, & ab ipso procedit exemplariter, est imitatio, seu causalitas ideæ.

## Q V A E S T I O   X I X.

*Vtrum virtus causatiua efficien-  
tis sit actus, seu con-  
tinentia perfe-  
ctionis.*

**V**Idetur, quod virtus causatiua, quæ efficiens potest causare suum effectum, non sit actus, seu continentia, quæ habet perfectionem, quam causando cōmunicet effectui, i. quia multa continent in sua perfectione perfectionem alterius, & tamen non possunt illud causare, & efficere; e.g. vnus Angelus continet perfectionem alterius Angeli, vna anima continet perfectionem altariius animæ rationalis, vnus Sol continet perfectionem alterius Solis, & tamen nec vnus Angelus potest efficere alium Angelum, nec vna anima rationalis aliam animam rationalem, nec vnus sol alium solem; ergo virtus causatiua efficientis non

non est actus, seu continentia perfectionis.

2. Substantiæ spirituales, e. g. Angeli continent actu perfectionem corporum, seu substantiarum materialium, & tamen non possunt producere corpora, cum sit axioma commune, quod creatura spiritualis nihil aliud potest producere in creatura corporea, quam motum localem, quo Angelus e. g. moveat Cœlum &c.

3. Vel virtus causalitina requirit continentiam adequatam, qua causa contineat totaliter perfectionem effectus; vel sufficit ad virtutem causatiivam continentia inadequata, per quam causa contineat partialiter perfectionem effectus; non potest dici, quod requirat continentiam adequatam; alioquin causa partialis, quæ continet inadequatè perfectionem effectus, non posset ad effectum concurrere; neque potest dici, quod sufficiat continentia inadequata; alioquin quodlibet continens inadequatè perfectionem alterius posset ad illud concurrere, vt causa partialis, & sic musca posset partialiter concurrere ad productionem Angeli, vel hominis, cum contineat partialiter eorum perfectionem, & quodlibet posset concurrere ad quodlibet, quia quodlibet continet partialiter perfectionem

nem cuiuslibet; ergo virtus causatiua non est actus, & continentia perfectionis.

4. Ex S. Thoma in commentario text. 18. 2. phys. quadruplex est causa efficiens, scilicet perficiens, preparans, adiuuans, & consilians. Perficiens est, quod dat complementum motui, & mutationi, sicut quod introducit formam substantialem in generatione. Preparans autem, seu disponens est, quod aptat materiam, seu subiectum ad vltimum complementum. Adiuuans autem est, quod non operatur ad proprium finem, sed ad finem alterius. Consilians in his, quae agunt ex proposito, seu ex electione est quod dat agenti formam, per quam agit; nam agens à proposito agit per suam scientiam, quam consilians sibi tradit, sicut & in rebus naturalibus generans dicitur mouere graua, & leuia in quantum dat formam, per quam mouentur; sed non apparet, quo pacto omnes istae causae contineant actu perfectionem effectus; ergo non requiritur, vt efficiens contineat actu perfectionem effectus.

5. Ad causas efficientes reducuntur etiam causae morales, & corruptivae, seu destructivae, de quibus non apparet, quo pacto contineant actu perfectionem effectus, e. g. non apparet, quo pacto meri-  
tum



tum contineat perfectionem premij, cuius est causa moralis, & quo pacto igni contineat destructionem niuis cum sit causa corruptiua niuis,

Respondeo, quod tria sunt examinanda. Primo utrum virtus productiua sit actus, vel fundetur in actu, seu continentia perfectionis. Secundo utrum a virtutem productiuam alicuius sufficiat continentia, per quam illud contineatur ab altero. Tertio qualis debeat esse continentia perfectionis.

Quoad primum: manifestum videtur quod virtus productiua, vel est continentia perfectionis, vel fundatur in continentia perfectionis. Producens enim effectum dat illi esse, & perfectionem, sed non posset dare, nisi contineret, & præhaberet perfectionem, quam dat, & communicat; quomodo enim daret perfectionem, quam non haberet? ergo virtus] productiua saltem fundatur in continentia perfectionis, ideoque Aristoteles, & Sanctus Thomas assumunt tanquam primum principium, quod vnumquodque agit in quantum est actu, patitur in quantum est in potentia.

Quoad secundum: videtur non sufficere continentia perfectionis etiam specificæ ad virtutem productiuam. Pater ex instantijs allatis in primo, & secundo

argumento de Angelis, Anima rationali, corporibus celestibus, quæ non possunt producere alia sibi similia, licet illa contineant etiam secundum perfectionem specificam. Quid ulterius requiratur difficile est explicare. Solum dico, quod si aliquid contineat adæquatè totam perfectionem alterius per continentiam, non solum physicam, sed etiam intelligibilem, & substantialem, eo ipso habet virtutem adæquatam illud producendi: & quia Deus continet adæquatè totum esse, & totam perfectionem possibilem continentia non solum physica, sed etiam intelligibili, cum perfectissimè cognoscat totum esse, ideò Deus habet adæquatissimam virtutem producendi quodcumque ens, quæ virtus est Omnipotentia. Et conuerso, quia nulla creatura continet adæquatè totam perfectionem alterius entis, vt dicetur in libris de generatione, ideò nulla creatura habet adæquatam virtutem producendi vllum ens, sed omnis creatura indiget diuino concursu ad operandum.

Quoad tertium, ad virtutem adæquatam requiritur continentia adæquata effectus. Eo enim ipso, quod causa non contineat totam perfectionem effectus, non potest illam communicare. Et quia nulla creatura continet adæquatè perfectionem

ctio-

tionem alterius entis, ideò nulla creatura habet virtutem adequatam producendi vllum ens, sed virtus adequata semper includit principaliter Divinam Omnipotentiam. Ad virtutem inadequatam sufficit continentia inadequata. At difficile est ulterius determinare, in quo gradu causa partialis debeat continere perfectionem effectus.

Ad 1. & 2. argumentum iam dictum est, quod non sufficit ad hoc, vt causa producere possit effectum, quod illum contineat in sua perfectione.

Ad 3. Dictum est, quod ad virtutem adequatam requiritur continentia adequata; ad virtutem inadequatam sufficit continentia inadequata. Non tamen sequitur, quod possit quodlibet producere quodlibet, e.g. musca Angelum, quia requiritur, vt causa contineat effectum gradu certo.

Ad 4. Causa perficiens, hoc est introducens formam substantialem, debet continere perfectionem formæ substantialis; causa præparans, ac disponens materiam debet continere perfectionem dispositionum, per quarum introductionem materia præparatur; causa adiuuans debet etiam aliquammodo continere effectum, ad quem adiuuat; causa consilians, sicut dat scientiam rei faciendæ, ita debet

præhabere talem scientiam, ideoq; igno-  
rans quid sit faciendum non potest esse  
doneus consiliarius.

Ad 5. Causæ morales sunt, quæ co-  
gnitæ ut existentes mouet agens morale,  
& liberum ad aliquam electionem. Hu-  
iusmodi sunt consilium, suasiones, pre-  
ces, minæ, pacta, promissiones, merita,  
exempla, & alia huiusmodi, & per hoc  
differunt à causa finali, quæ causat co-  
gnita ut possibilis, e. g. sanitas cognita,  
ut possibilis mouet ad amorem sui. Om-  
nes istæ causæ morales habent vim se  
manifestandi intellectui, & per scientiam  
sui inclinandi ad electionem; ergo sicut  
causæ morales continent actu in sua per-  
fectione scientiam, quam causant, ita  
continent mediata electiones, & ceteros  
effectus. Hinc explicatur, quo pacto  
iurgium e. g. contineat bellum. Iurgium  
enim continet actu cognitionem ipsius  
iurgij; cognitio de iurgio continet ele-  
ctionem belli ad vindictam sumendam;  
electio continet bellum; ergo à primo  
ad vltimum iurgium continet bellum.  
Causa corruptiua est triplex. Prima est  
quæ destruit subtrahendo concursum  
conseruatium, eo pacto, quo Deus po-  
test destruere mundum subtrahendo con-  
cursum conseruatium mundi; & hec  
manifestè cōtinet in sua virtute effectum,  
quem



quem definit conferuare. Secunda est quæ destruit introducendo aliquid oppositum, eo pacto, quo ignis introducendo in materiam calorem oppositum frigori, destruit frigus, & illud expellit à materia; & etiam hæc continet in sua perfectione perfectionem oppositi. Tertia est quæ est forma opposita alteri, eo pacto, quo calor introductus in manu mea destruit frigus; & hæc non tam reducitur ad causam efficientem, quam ad causam formalem.

## QVAESTIO XX.

*Utrum causalitas efficiens sit actio distincta ab agente, & termino.*

**V**idetur esse vera sententia Nominalium, quod actio nihil addat distinctum ab agente, & termino producto, e. g. quod illuminatio, qua sol illuminat aerem, nihil addat supra solem illuminantem, & supra lucem in aere productam, idemque dic de alijs actionibus, quia si poni deberet hæc actio distincta ab agente, & termino, e. g. hæc productio, qua Sol producit lucem in aere,

distincta à Sole, & luce, maxime deberet poni propter indifferentiam: cum enim possit dari Sol, & dari lux in aere, quin lux sit producta à Sole, sed ita ut lux sit producta ab alio agente, hoc est ab Omnipotentia Divina, per se solam, debet dari actio, & productio, per quam lux sit producta formaliter à Sole; sed hæc ratio non valet; ergo non debet poni actio distincta. Minor probatur, quia naturaliter est impossibile, ut in istis circumstantiis lux non pendeat à Sole; ergo hoc quod est lucem pendere à Sole nihil aliud est, quam dari lucem, & dari Solem in istis circumstantiis loci, temporis &c.

2. Si dicatur, quod saltem supernaturaliter, & miraculosè Deus posset in his ipsis circumstantiis producere lucem per solam suam Omnipotentiam, impediendo Solem, ne producat lucem, atque adeò quod dependentia lucis à Sole, quæ nunc datur, & tunc non daretur, sit aliquid distinctum à Sole, & luce etiam in istis circumstantiis, adhuc contra est 1. quia Aristoteles non cognovit possibilitatem talis miraculi; ergo saltem Aristoteles non admisit actionem distinctam. 2. possumus dicere, quod hoc, quod est Solem producere lucem, nihil aliud sit, quam existere Solem, & existere lucem cum istis

istis conditionibus, & circumstantijs, & Deum nolle facere miraculum; ergo adhuc non probatur sufficienter actio distincta ab agente, termino, circumstantijs, & negatione miraculi.

3. Inter alia naturalia requisita ad hoc ut Sol producat lucem, requiritur etiam Diuinum decretum, quo Deus velit, ut lux sit ex hoc motiuo, quia Sol exigit lucem; sed posito hoc decreto, nulla datur indifferentia ad hoc, ut lux pendeat à Sole; ergo tota indifferentia, secundum quam lux potest pendere, vel non pendere à sole, tollitur formaliter per Diuinum decretum, & nulla requiritur actio distincta ad talem indifferentiam auferendam.

4. Ideò datur actio distincta, per quam lux pendeat à Sole, quia cum lux possit à Sole pendere, vel non pendere, sed fieri à solo Deo, debet à Sole dependere per actionem distinctam, sed hæc ipsa actio, qua lux pendet à Sole, debet posse pendere, vel non pendere à Sole; ergo hæc ipsa actio pendet à Sole per aliam actionem distinctam, de qua redit difficultas, & proceditur in infinitum.

5. Si dicatur, quod actio, qua lux pendet à Sole, non est indifferens ad hoc, ut pendeat, vel non pendeat à Sole, sed ab ipso pendet essentialiter; primo contra,



est, quia non est magis absurdum, quod lux pendeat essentialiter à Sole, quam quod actio, per quam Sol producit lucem, pendeat essentialiter è Sole, ita ut fieri non possit à solo Deo. Secundo: quicquid Deus potest facere per creaturas, potest facere per solam suam Omnipotentiam; spectat enim ad Omnipotentiam Diuinam, ut per se solam sit sufficiens ad quodlibet efficiendum; sed Deus potest facere actiones per causas secundas; ergo Deus potest facere tales actiones etiam per solam suam Omnipotentiam.

6. Multi effectus pendent essentialiter, ac necessario à suis causis, ita ut non possint ab ipsis non pendere, e. g. Angelus essentialiter pendet à solo Deo per creationem, cum nulla causa secunda possit concurrere ad creationem Angeli; actus vitales intelligendi, volendi &c. pendent essentialiter à principio vitali, ita ut intellectio e. g. fieri non possit à solo Deo sine cōcursu intellectus creati, nec volitio possit fieri sine concursu voluntatis; ergo tales effectus non pendent à causis per actionem distinctam, cum non sint indifferentes ad hoc, ut ab ipsis pendeant, vel non pendeant, sed sint essentialiter determinati ad hoc, ut pendeant.

Re-

Respondeo , quod omninò causalitas , per quam effectus pendent à suis causis creatis , addit aliquid distinctum à causa sumpta cum omnibus suis conditionibus , & ab effectu , e. g. illuminatio per quam Sol illuminat aerem addit aliquid distinctum à luce , & à Sole considerato cum omnibus conditionibus requisitis ad illuminandum. Potest hoc primo suaderi , quia causa efficiens causando effundit esse , ac perfectionem , quam habet ; e. g. Sol illuminando effundit lucem , qua est plenus , ignis calefaciendo effundit calorem ; sed hoc , quod est effundere importat aliquid distinctum ab effundente , & effuso , eo pacto , quo effusio aquæ importat aliquid distinctum à fonte effundente , & ab aqua effusa ; ergo causalitas efficientis importat aliquid distinctum à causa producente , & ab effectu productio. Hinc est , ut causalitas efficientis vocetur nominibus exprimentibus ralem distinctionem . Vocatur enim influxus , quo effectus fluit ex causa , sicut aqua fluit ex fonte ; & ex eadem ratione dicitur emanatio ; dicitur motus , & resultantia ; motus autem , & resultantia distinguuntur à mouente , & mobili , ab eo quod resultat , & ab eo , ex quo resultat ; dicitur productio , qua effectus prodit , educitur , ac producitur ex causa .

sa. Confirmatur, quia actiones, per quas artifices operantur, manifestè distinguuntur ab artificibus, & ab artificiatis; e. g. actio pingendi manifestè distinguitur ab artifice pingente, & ab imagine depicta, idemque dic de reliquis.

Secundo probatur, quia optimum in vniuerso, atque illius præcipua perfectio est ordo rerum. Res autem colligantur in quandam vnitatem ordinis præsertim per hoc, quod quædam agunt, quædam patiuntur, quædam producant, quædam producantur; e. g. Pater connectitur cum filio per hoc, quod filium producat, corpora inferiora connectuntur cum corporibus Coelestibus per hoc, quod recipiunt effectus productos à corporibus Coelestibus, idemque dic de reliquis; sed hic ordo, quo causæ, & effectus mutuò ordinantur, distinguitur à rebus ordinatis; ergo actiones, & passionés, per quas res ordinantur, distinguuntur à rebus ordinatis. Probatur minor, quia toties ordo distinguitur à rebus ordinatis, quoties possunt esse eadem res ordinatæ sine tali ordine; e. g. ordo, secundum quem discipuli sedent in gymnasio, distinguitur ab ipsis, quia possunt iidem remanere sine tali ordine, ita vt qui sedet primus sedeat secundus, & sic de cæteris; sed possunt remanere eadem

eadem causæ, & iidē effectus sine ordine causalitatis, quem habent de facto: posset enim remanere hæc lux, & non pendere amplius à Sole, sed à Deo tantum; posset dari in mundo omnes, vel penè omnes entitates, quæ nunc datur ita, vt nulla produceretur ab alia, eo quod Deus omnia produceret per se ipsum, impediendo influxum causarum secundarum; ergo ordo actionis, & passionis distinguitur à rebus ordinatis. Breuius: ordo rerum spectans ad maximam perfectionem vniuersi, qui posset subtrahi, remanentibus eisdem rebus ordinatis, est aliquid distinctum à rebus ordinatis, & illis superadditum; sed ordo, quo in vninverso quædam res producant, aliæ producantur, spectat ab maximam perfectionem vniuersi, & posset Diuinitus subtrahi, si Deus has easdem res produceret immediate per suam Omnipotentiam, impediendo actiones causarum secundarum; ergo ordo actionum, & passionum est aliquid superadditum rebus ordinatis, quæ sunt causæ, & effectus, producentes, & productæ.

Ad 1. Ad probandam distinctionem vnus ab alio sufficit, quod miraculosè possit vnum esse sine alio: ita si Sol etiam miraculosè potest esse sine sua luce, euidenter distinguitur à luce, cum res neque



que miraculosè possit esse sine eo, cum quo identificatur; sed saltem miraculosè posset esse Sol in istis circumstantiis, & esse lux, quin Sol produceret lucem; ergo productio, per quam lux pendet à Sole, distinguitur à Sole, & luce.

Ad 2. Concedo, quod Aristoteles non agnouerit possibilitatem miraculorum, per quæ Deus potest impedire causalitates causarum secundarum; adhuc tamen ex alijs argumentis allatis cognouit, quod actiones, & passiones distinguuntur ab entibus, quæ per illas mutuo connectuntur, ideoque posuit specialia prædicamenta actionum, & passionum. Dum rursus opponitur; posito Sole, & luce, & decreto, quo Deus nolit facere miraculum, eo ipso lux pendet à Sole causaliter, & radicaliter concedo; dependet formaliter, nego; & nego consequentiam. Sicut eo ipso, quod Sol sit, & Deus nolit facere miraculum, Sol est lucidus non formaliter per voluntatem Diuinam, sed solum radicaliter, & est lucidus formaliter per lucem; sic eo ipso, quod detur Sol in talibus circumstantiis, detur lux, & Deus nolit facere miraculum, lux pendet à Sole, non formaliter per voluntatem Dei, sed solum radicaliter, formaliter verò pendet per dependentiam actionis, & passionis.

Et

Et ratio vtriusque est, quia cum hoc, quod est Solem esse lucidum, sit maxima perfectio Solis, qua potest miraculose carere, talis perfectio debet esse intrinseca Dei decreto. Similiter cum hoc quod est lucem pendere à Sole sit maxima perfectio vniuersi, qua potest carere, debet consistere in ordine intrinsecè recepto in vniuerso, non autem in diuino decreto extrinseco; & omnino est absurdum dicere, quod ordo actionis, & passionis non sit aliquid in mundo, ad cuius pulchritudinem spectat, sed sit aliquid in mente diuina.

Ad 3. Respondeo eodem pacto, quod licet vt Sol producat lucem requiratur diuinum decretum, tamen hoc, quod est lucem pendere à Sole, spectat ad perfectionem vniuersi, ideoque non potest esse ipsum diuinum decretum extrinsecum, vniuerso.

Ad 4. Nego, quod actiones, quibus causæ secundæ agunt, sint indifferentes ad hoc, vt pendeant, vel non pendeant à causis secundis, sed dico, quod ab illis pendent essentialiter. In vnoquoque enim genere vltimum determinatum, & ablatium indifferentiæ non est amplius indifferens, sed est per se ipsum essentialiter determinatum; e. g. motus circularis, quo corpus indifferens, vt mo-  
uea-

ueatur vel non moueatur circulariter, mouetur circulariter, non est vltterius indifferens, sed est per se ipsum determinatus vt moueatur circulariter *ut quo*; idem, dic de ceteris; sed actiones sunt vltima determinatiua indifferentiæ, quam habent effectus ad hoc, vt pendeant, vel non pendent à suis causis; ergo actiones per se ipsas essentialiter pendent a causis; ita, vt non possint fieri à solo Deo, atque adeò non sequitur processus in infinitum.

Ad 5. Dum vrgetur, quia non est magis absurdum, quod lux pendeat à Sole, essentialiter, quam quod actio pendeat, essentialiter à Sole, nego antecedens. Nam quod est vltimum determinatum ad aliquā denominationē non est indifferens ad illam denominationem, quod non est vltimum determinatum est indifferens; actiones sunt vltimum determinatum ad pendendum à cæteris causis; res, quæ pendent per actiones, non sunt vltimum determinatum; ergo actiones pendent essentialiter, res non pendent essentialiter, sed possunt pendere, ac non pendere.

Dum rursus opponitur, quia spectat ad Diuinam Omnipotentiam, vt possit omnia facere per se solam, primo dico, quod diuina Omnipotentia potest omnia  
face-



facere per se solam , excepto hoc, quod est causam secundam coagere , & concurrere Diuinæ Omnipotentia. Nam profectò implicat in terminis , vt Diuina Omnipotentia faciat per se solam hoc ipsum , quod est Solem agere simul cum Omnipotentia Dei , alioquin faceret , vt coageret non agendo ; sed actio est illud ipsum, quo causa secunda concurrit, & coagit cum Diuina Omnipotentia ; ergo Diuina Omnipotentia non potest se sola producere actiones causarum secundarum. Secundo dico , quod perfectio diuinæ Omnipotentia consistit in hoc , vt possit facere per se solam radicaliter quodcunque ens, non autem quod per se solam formaliter , excludendo concursum immediatum causarum secundarum ; sed saluatur , quod Diuina Omnipotentia potest facere actiones causarum secundarum per se solam radicaliter : illud enim potest aliquid facere per se solum radicaliter , quod potest facere per se solum totam virtutem ad illud requisitam ; sed Deus per solam suam Omnipotentiam potest facere virtutes causarum secundarum requisitas ad earum actiones ; ergo Deus per solam suam Omnipotentiam potest facere actiones causarum secundarum radicaliter .

Ad 6. Ex eo , quod quidam effectus esseu-

essentialiter pendent à suis causis e. g. Angelus à solo Deo, actus vitales à potentia vitali, sequitur quod non pendent per actionem distinctam; ergo nec alij effectus pendent per actionem distinctam. Respondeo primo transeat antecedens, & nego consequentiam, ac retorqueo argumentum. Ideò enim tales effectus non pendent à causis per actionem distinctam, quia pendent ab ipsis essentialiter, ita ut non possint non pendere, sed plures alij effectus ita pendent, ut possint non pendere; ergo plures alij effectus pendet per actionem distinctam. Addo probabile esse, quod etiam effectus, qui fiunt per creationem, pendeant à Deo per actionem distinctam, & quod actus vitales procedant à potentia vitali per distinctam actionem, ut multi docent. Sed de actibus vitalibus agendum in libris de Anima, de actione creaturae aliquid dicendum inferius.

QVAE.

## QVÆSTIO XXI.

*Vtrum actio sit in agente,  
vel in passo.*

**V** Idetur vera esse sententia satis communis recentiorum, quod actio non sit in agente, sed in passo, e. g. quod calefactio, qua ignis calefacit stupam, non sit in igne calefaciente, sed in stupa calefacta, atque idem dic de reliquis; i. quia sequeretur, quod mouens mouendo moueretur, & agens agendo pateretur; sed hoc est absurdum; ergo actio non est in agente. Probatur maior, quia toties aliquid mouetur, & mutatur, quoties se habet intrinsecè aliter, ac se haberet ante; sed omne mouens per hoc ipsum, quod moueret, se haberet intrinsecè aliter, ac ante; intrinsece enim reciperet actionem motiuam, quam ante non habebat; ergo &c.

2. Si actio reciperetur in agente omnis actio esset immanens, atque adeo non daretur vlla actio transiens. Actio siquidem immanens est, quæ remanet in agente, actio transiens est, quæ transit in aliud subiectum; sed quælibet actio remane-

maneret in agente; ergo omnis actio esset immanens, nulla transiens.

3. Si actio esset in agente, actio creatiua etiam, quâ Deus mundum creauit, & actio conseruatiua, qua mundum conseruat, esset in Deo, sed actio creatiua, qua Deus creauit mundum, & actio conseruatiua, qua mundum conseruat, non est in Deo; ergo actio non est in agente. Probatur minor, quia quod est temporale non est in Deo: quidquid enim est in Deo identificatur cum ipso, & est æternum; sed actio creatiua, & conseruatiua mundi est temporalis; Deus enim in principio temporis creauit mundum, Cœlum & terram, & in tempore res creatas conseruat; ergo actio creatiua & conseruatiua mundi non est in Deo: alioquin esset ab æterno, sicut quia voluntas creandi mundum est in Deo, est ab æterno, cum Deus ab æterno haberet voluntatem mundum creandi, & conseruandi; licet non ab æterno, sed in tempore præfinito exequatur talem voluntatem, creando, & conseruando mundum.

4. Quando ignis calefacit stupam, poni debet vnica dependentia, per quam calor stupæ pendeat ab igne; sed posito, quod poni debeat vnica dependentia, congruentius est, vt ponatur in passo, quam



quam in agente; ergo actio, per quam formaliter dependent effectus, potius poni debet in passo, quam in agente, cum simul in utroque recipi non possit.

5. Sæpè ad aliquem effectum concurrunt plura agentia, e. g. ad productionem hominis concurrunt Pater, Coelum, Sol, & alię cause vniuersales; sed in istis casibus non potest explicari, an vnica sit actio, vel plures actiones; nam si dicatur, quod est vnica actio, illa non poterit recipi simul in pluribus causis diuersissimis, ac distantissimis, e. g. actio productiua hominis recipi non posset simul in Sole, & in homine producente; neque est maior ratio, cur potius recipiatur in vno, quam in alio; si verò dicatur quod sint plures actiones, non posset explicari, vtrum singulæ actiones sint adequatæ, & sufficientes ad ponendum effectum, vel potius singulæ sint insufficientes, & inadequatæ: si enim singulæ sint adequatæ, cum vnaquæque sufficiat, omnes aliæ erunt superflue; si verò singulæ sint insufficientes, & inadequatæ, deberent esse ita mutuò connexæ, vt vna non posset esse sine alia, e. g. non posset actio, quæ est in sole, poni sine actione, quæ est in Patre; sed est difficile, quo pacto actiones receptæ in subiectis maxime distantibus habeant talem cõnexionem, ergo &c.

Ref-

Respondeo, quod si nomine actionis intelligatur in recto ipse terminus productus, connotando in obliquo modum productionis, actio recipitur in passo; e. g. si calefactio est ipse calor, quo subiectum calefit, est in subiecto calefacto: si verò nomine actionis intelligatur prima determinatio actualis, & efficax ad hoc, ut effectus egrediatur ab agente, dico cum Scoto, Scotistis, & plerisque Thomistis allegantibus S. Thomā, quod actio recipitur in agente. Probatur quia propria perfectio virtutis actiue, ad quam virtus actiua inclinatur vehementissime tanquam ad suum bonum, & perfectionem, est determinare effectum ad hoc, ut egrediatur ab ipsa virtute actiua; e. g. propria perfectio virtutis illuminatiue est determinare lucem ad hoc, ut egrediatur ex ipsa virtute illuminatiua; sed quod est propria perfectio rei debet intrinsecè recipi in illa; ergo propria determinatio effectus ad hoc, ut egrediatur ex causa, debet intrinsecè recipi in agente, & in causa.

Cōfirmatur quia omnis actualitas potentie secundum se imperfectæ, & inclinatæ ad illam actualitatem tanquam ad perfectionem ulteriorem recipi debet intrinsecè in tali potentia, & in tali causa; sed determinare effectum ad hoc, ut egre-

egrediatur ex virtute actiua , est actualitas virtutis actiuae creatae , quae secundum se cum solum est in potèria ad agendum est in statu imperfecto , & inclinatur ad agendum tanquam ad suam perfectionem vltiorem ; e. g. potentia calefactiua dum non calefacit est in statu quodam imperfecto , & inclinatur ad calefaciendum tanquam ad vltiorem perfectionem ; dum verò actu calefacit tunc est in statu perfecto ; ergo determinatio effectus ad hoc , vt egrediatur à virtute actiua , debet intrinsecè recipi in ipsa virtute actiua .

**Ad 1.** Duplex est mouens , & duplex agens, perfectum nimirum , & imperfectum . Mouens , & agens perfectum est, quod quia habet in se omnem perfectionem, ideo mouet , & agit non vt acquirat aliquam perfectionem , sed vt purè illam communicet alteri ; & hoc ita est mouens, vt sit immobile, & ita est agens, vt sit impatibile , cum non possit moueri ad vllam perfectionem, neque possit vllam perfectionem accipere. Mouens, & agens imperfectum est , quod quia non est omnino actuatum , & perfectum , ideo agit, & mouet, vt mouendo, & agendo acquirat ipsam perfectionem actualem mouendi, & agendi, qua ante carebat aliqualiter : & hoc mouens quando mouet moue-



tur à superiore mouente, & quando agit patitur, ac recipit perfectionem ipsius actionis ab agente superiore. Omnes creaturæ sunt mouentia, & agentia imperfecta, ideoque dum mouent, mouentur à Deo superiore mouente, & perducuntur ad nouam perfectionem, & actualitatem mouendi, qua ante carebant, & dum agunt, patiuntur, ac recipiunt à Deo superiori agente perfectionem, & actualitatem actionis, ad quam inclinant vehementissimè.

Ad 2. Actio immanens est cuius terminus manet in agente; actio transiens est cuius terminus transit in aliud subiectum. Ita intellectio, volitio, visio &c. sunt actiones immanentes, quia termini ipsarum manent in agente, cum terminus productus per actionem visiuam sit in ipso vidente, terminus productus per actionem intellectiuam sit in ipso intelligente. E conuerso calefactio, qua ignis calefacit meam manum, est actio transiens, quia terminus per illam productus, hoc est calor, non remanet in calefaciente, sed recipitur in calefacto distincto à calefaciente; & ex eadem ratione illuminatio, qua sol illuminat aerem, est actio transiens.

Ad 3. Ex eo, quod actio creatiua esset in Deo, nego sequelam. Actiones enim

enim simpliciter, & absolutè dicunt in  
recto non modum superadditum, qui al  
aliquibus conceditur, ab alijs negatur  
sed terminum per ipsas productum, &  
modum connotant in obliquo: e. g. illu  
minatio aeris est lux, vt procedens, &  
producta à Sole; ergo creatio mundi et  
mundus productus, in quantum produ  
ctus, & egrediens à Diuina Omnipoten  
tia: et quia mundus productus non est  
in Deo, ideo creatio mundi non est in  
Deo. Hinc patet, quo pacto verificetur  
quod creatio non sit æterna, sed tempo  
ralis. Nam cum terminus creationis in  
recto significatus per nomen creationis  
non sit æternus, sed temporalis, creatio  
nō est æterna, sed temporalis. Ideo Deus  
non ab æterno, sed in principio tempo  
ris creauit mundum, Cœlum, & terram  
eaque temporis progressu conseruat. In  
conuerso Deus ab æterno voluit mun  
dum creare, & volitio Dei fuit ab æteri  
no, quia volitio Dei non significat in  
recto, & intrinsecè obiectum volitum  
sed actum volentem, qui fuit ab æterno.  
Si verò quærat, vtrum sicut datur in  
causis secundis determinatio intrinsec  
ad hoc, vt effectus egrediatur ex ipsarum  
virtute, ita detur in Deo determinatio  
intrinseca ad hoc, vt effectus egrediatur  
ex ipsa Dei Omnipotentia, responde

R 2

affir-

affirmatiuè, & dico quod hec determinatio est ipsa Dei voluntas intendens, vel permittens effectus. Ratio est, quia Deus non aliter determinat effectus, vt egrediantur à sua Omnipotente virtute, quam per determinationem vitalem, & rationalem, hoc est volendo, vel permittendo, vt effectus egrediantur ex sua virtute; ergo ipsa volitio, vel permissio est actio diuina. In hoc tamen differunt causæ secundæ à causa prima. Causæ secundæ quia sunt imperfectæ, & in potentia, dum determinant effectus, accipiunt perfectionem determinandi ab aliqua causa superiore, nimirum à Deo primo mouente, & agente, ideoque dum mouent, mouentur, & dum agunt, patiuntur, perficiuntur, & actuantur. E conuerso Deus cum sit ens perfectissimū, & actualissimum per suam essentiam, dum determinat effectus, quia habet à se totam perfectionem, & actualitatem determinandi, ideo non accipit perfectionem determinandi ab vlla causa superiori, nec mouetur, & patitur, sed purè determinat, & agit determinatione, & actione, cuius perfectionem habet à se, vtpote identificatā cum sua essentia. Si demum quærat, per quid vltimò compleatur determinatio efficax, qua Deus determinat effectus, an compleatur per aliquid intrin-

trinsecum Deo , & cum ipso identifica-  
tum, an per aliquid extrinsecum , & di-  
stinctum à Deo, dico hoc dubium specta-  
re ad quaestionem de complemento Di-  
uinorum decretorum , quæ quaestio spe-  
ctat ad Theologos , & non est hic exa-  
minanda . Solum assero , quod determi-  
natio, & actio, qua Deus determinat ef-  
fectus exteriores , est ipsum Diuinum  
decretum , atque adeò completur per il-  
lud idem , per quod completur decre-  
tum .

Ad 4. Respondeo primo, quod etiamsi  
poni debeat vnicus modus dependentiæ,  
adhuc est aliqua ratio specialis ad illum  
ponendum potius in causa producente,  
quam in effectui producto . Ratio est  
quia agere importat aliquam perfectio-  
nem agentis, per quam agendo actuetur,  
ac perficiatur intrinsecè; sed agens tran-  
seunter non perficitur intrinsecè per ter-  
minum productum; ergo debet intrinse-  
cè perfici , & actuari , recipiendo deter-  
minationem , per quam determinet effe-  
ctum ad hoc, vt egrediatur ex ipsius vir-  
tute : at passum , cum recipiat intrinsecè  
perfectionem effectus producti , non de-  
bet recipere aliam perfectionem. Adde,  
quod hoc , quod est effectum dependere  
ab agente , est quædam præeminentia  
agentis, non autem effectus ; ergo potius

recipi debet in agente, quam in effectū . Confirmatur, quia si ignis A producat ignem B. e. g. per hoc præcisè, quod producat, præeminet ceteris paribus igni B. producto; sed non præeminet per productionem intrinsecè afficientem ignem productum, & purè extrinsecè denominantem ignem producentem; ergo.

Secundo respondeo negando, quod poni debeat vnicus modus. Dico enim, quod debet poni duplex modus, alter in agente, quo agens constituatur intrinsecè produciens, ac determinans effectum; alter in effectū, quo effectus constituatur intrinsecè productus, & pēdens ab agente. Primus vocatur modus actionis, seu productio actiua: secundus vocatur modus passionis, seu productio passiva. Ratio est, quia ordo, quo res produciunt, & produciuntur, spectat ad maximam perfectionem vniuersi, vt dictum est quaest. 19; ergo debet esse intrinsecus rebus ordinatis, atque adeò causæ debent habere intrinsecum ordinem, quo constituentur intrinsecè producentes, effectus debent habere intrinsecum ordinem oppositum, quo constituentur intrinsecè producti. Confirmatur, quia hoc pacto explicatur clarissimè differentia actionis, & passionis, & optimè distinguuntur hæc duo prædicamenta. Adde,

de, quod hæc doctrina mirè est consona mysterio Trinitatis. In Diuinis enim, vt docent communiter Theologi, realiter distinguuntur productiones actiuæ, & productiones passiuæ. Productio enim, ac generatio actiua, qua Pater Aeternus producit, ac generat Filium, est intrinseca Patri, non autem Filio, & constituit primam Personam formaliter generantem; productio, seu generatio passiuæ, qua Filius generatur à Patre, est intrinseca Filio, & constituit Filium formaliter genitum, & productum à Patre &c.

Ad 5. Respondeo, quod sicut concurrunt plures causæ partiales ad eundem effectum, e. g. ad productionem hominis concurrunt homo, & Sol, sic concurrunt per plures actiones partiales; & sicut singulæ causæ seorsim consideratæ sunt inadæquatæ, & insufficientes, & tamen omnes simul constituunt vnā causam adæquatam, & sufficientem; ita singulæ actiones seorsim consideratæ sunt inadæquatæ, & insufficientes, & tamen omnes simul constituunt vnā actionem sufficientem, & adæquatam; e. g. sicut homo est causa inadæquata hominis, Sol etiam est causa inadæquata, sed Sol, & homo constituunt vnā causam secundam adæquatam; ita actio, quæ est in Sole, est inadæquata, passio, quæ est in homine, est

nadaquata, & tamen simul sumptę constituunt vnā actionem sufficientem, & adequatam. Concedo etiam, quod istę actiones partiales sint mutuò connexę, nec est difficilius, quod determinationes intrinsecę causis distantibus mutuò sint connexę, quam quod causę distantes sint mutuò connexę in ordine ad causandum vnū effectum.

## QVÆSTIO XXII.

*Utrum detur prioritas naturę, & consistat in actione.*

**V**Idetur primo, quod non detur prioritas naturę, per quam causa præcedat effectum sibi coexistentem pro eodem instanti, e. g. quod non detur prioritas naturę, per quam Sol, qui est causa luę lucis, præcedat lucem sibi coexistentem pro eodem instanti reali temporis. Si enim sol in eo instanti temporis, in quo habet lucem, esset prior natura, quam lux, sequeretur, quod lux pro eodem instanti existeret in sole, & non existeret in sole; sed manifestè hoc repugnat; ergo. Maior probatur, quia si sol est prior natura, quam lux, in eo priori, in quo  
sol



sol est ante lucem, lux non existit; sed lux existit in posteriori eiusdem instantis; ergo in eodē instanti reali lux prius non existit, & post existit, quod implicat.

2. In instanti indivisibili non datur prius, & posterius, nisi per fictionē intellectus; sed instans temporis est indivisibile; ergo in eodem instanti temporis non datur prius, & posterius, nisi per fictionem intellectus; ergo dum in vno instanti indivisibili assignatur primum signum nature, in quo est causa, sed adhuc effectus non est, & secundum signū nature, in quo est etiam effectus, sunt mera figmenta intellectus sine vllō solido fundamento in re. Et licet non darentur instantia indivisibilia, adhuc cum certum sit per nullam etiam minimam moram temporis solem fuisse sine luce, dum dicimus, quod omni tempore, quo fuit sol, fuit lux, & tamen est aliquod primum signum nature, in quo est sol, & lux non est, & est secundum signum nature, in quo est lux, sunt solum fictiones intellectus sine fundamento in re.

3. Si causa producens esset prior natura, quam effectus, etiam vniuersaliter principium producens esset prius natura, quam productum, atque adeo Pater Aeternus, qui est principium producens Fi-

m, esset prior natura, quam Filius; sed  
c est absurdum, quia iuxta symbolum  
Athanasij in illa summa Trinitate,  
nil est prius, aut posterius; ergo causa  
roducens non habet prioritatem natu-  
respectu effectus producti.

4. Debet etiam dari prioritas naturæ  
ter prædicata Dei necessaria, & eiusdē  
bera decreta, ac liberam scientiam.  
ū enim Deus liberè decreuerit creare  
mundum; ergo in aliquo priori, in quo  
Deus poterat velle creationem mundi,  
el nolle eandem creationem, non  
abebat vllum decretum de creando  
mundum; sed decretum creandi mundum  
uit deinde in posteriori; ergo Deus, &  
psius scientia necessaria, quam habet pro  
mni signo, est prior natura decretis li-  
beris Diuinę voluntatis. Similiter cum  
Deus in aliquo priori erat liber ad mun-  
dum volendum, vel non volendum, in eo  
priori non sciebat mundum exiturum;  
sed post sciuit mundum exiturum; ergo  
Deus fuit prior natura, quam sua scien-  
tia de futura existentia mundi. Imò da-  
retur etiam ordo naturę inter Diuina  
decreta, per quem ordinem vnum de-  
cretum esset prius, aliud posterius. Nam  
cum Deus volebat mundum creare, & mo-  
care ad Apostolum, erat paratus ad lu-  
dam saluandum, nisi prodiceret, arque  
adco

adeò non habebat in eo priori decretum  
efficax de Iuda damnando ; ergo decre-  
tum creandi Iudam fuit prius natura de-  
creto damnandi, idemque valet de pluri-  
bus alijs decretis ; ergo etiam inter diui-  
na decreta datur ordo prioris , & poste-  
rioris , per quem ordinem quædam de-  
creta præcedunt, alia subsequantur . Sed  
ex alia parte videtur absurdum, quod in  
Deo detur prioritas , & posterioritas na-  
turæ . Nam sicut repugnat, quod detur  
aliquod instans temporis, in quo Deus  
non habeat totam suam sciëntiam, & om-  
nia sua decreta , sic repugnat , quod de-  
tur aliquod signum naturæ, in quo Deus  
non habeat totam suam scientiam , &  
omnia sua decreta; sed si daretur in Deo  
ordo prioritatis, ac posterioritatis, Deus  
in illo priori signo , in quo posset deter-  
minare, ac discernere creationem, vel non  
creationem mundi, non haberet vllum  
decretũ de creatione, vel non creatione  
mundi, nec sciret an mundus esset extit-  
urus , vel non extiturus; ergo repugnat  
in Deo talis ordo prioritatis , ac poste-  
rioritatis . Et confirmatur, quia si dare-  
tur talis ordo , si Deus in priori ante  
omne suum decretum liberum interro-  
garetur , an esset creaturus mundum, vel  
non , non posset questioni respondere  
ergo repugnat talis prioritas.

5. Si daretur prioritas naturæ, omnes causæ deberent esse priores natura, quàm effectus ipsarum, ac proinde non solum causa materialis, & efficiens, sed etiam causa formalis, ac finalis præcederēt natura suos effectus, quod non solet admitti.

6. Etiam conditiones natura præcederent suos effectus, e. g. non solum ignis calefaciens meam manum esset prior natura calore producto in mea manu, sed etiam propinquitas ignis ad meam manum præcederet natura eundem calorem; sed si conditiones haberent prioritatem naturæ respectu effectuum, nō appareat, cur conditiones non sint causæ, & per quid differant à veris causis; ergo &c.

7. Omnis ordo, per quem aliqua ita ordinantur, ut possint non ordinari tali ordine, distinguitur à rebus ordinatis; sed ordo, secundum quem in vniuerso aliqua sunt priora natura, alia sunt posteriora, est talis, ut res possint non ordinari tali ordine; ergo talis ordo distinguitur à rebus ordinatis; sed non potest explicari, in quonam consistat talis ordo, an in actione, & passione, an in aliquo alio; ergo non datur prioritas naturæ.

Respondeo, quod in hac questione primo explicandum est vniuersim, in quo  
nam

nam consistat ordo prioritatis, & posterioritatis. Secundo explicandæ sunt variorum species prioritatis, ac posterioritatis. Tertio agendum de prioritate naturæ, declarando, in quo consistat & quibus rebus competat.

Quo ad primum: ordo prioritatis, ac posterioritatis est habitudo plurium, secundum quam quibusdam alia adduntur. Illa, quibus alia adduntur, per hoc ipsum constituuntur priora additis; id, quod nulli additur, sed ipsi adduntur cetera, constituitur primum, & prius omnibus constitutis in tali ordine; id, quod alicui additur, sed nullum aliud additur ipsi, constituitur ultimum in tali ordine; demum quod additur vno, & ipsi additur aliud, constituitur posterius vno, & prius altero. Patet id manifestè. Nam, quando intellectus numerat plura, ordinando illa secundum prius, & posterius, ita ut vnum constituatur primum, aliud secundum, aliud tertium, aliud quartum, & sic deinceps usque ad ultimum, totus hic ordo prioritatis, & posterioritatis consistit in tali additione, per quam vnum additur alteri. E. g. cum aliquis numerando ordinat decem aureos secundum prius, & posterius, illum aureum, quem projicit in mensam, non addendo illum alteri aureo, vocat primum; illum

au-

aureum, quem addit primo, vocat secundum; illum, quem addit primo, & secundo, vocat tertium; quem addit nono, vocat decimum; & si nullum huic deinceps superaddat aureum, vocat etiam ultimum, & ultimum; ergo manifestum est, quod ordo prioritatis, & posterioritatis sit habitudo, secundum quam quibusdam adduntur alia modo explicato.

Quoad secundum de speciebus prioritatis, & posterioritatis; ordo prioris, & posterioris aliquando est extrinsecus rebus, & illis competens per arbitrariam numerationem intellectus; aliquando est intrinsecus rebus, illisque conueniens ante arbitrariam numerationem intellectus. Exemplum ordinis extrinseci, & arbitrarij est, cum decem homines numerantur ab aliquo ordine merè arbitrario, incipiendo ab eo, quem voluerit, dicendo, Petrus, Franciscus &c. Secundum talem numerationem Petrus est primus, Franciscus secundus merè arbitrariè, cum si placuisset numerare ordine inuerso, Franciscus esset primus, Petrus secundus propter diuersam numerationem. Exemplum ordinis non arbitrarij, sed intrinseci rebus est, qui inuenitur inter tres personas Diuinas. Nam Pater intrinsecè ex ipsa natura rei antecedenter ad omnem nostram numerationem est pri-

prima Persona; Filius intrinsecè est secunda Persona; Spiritus Sanctus intrinsecè est tertia Persona, & habent ex ipsa rei natura ordinem primi, secundi, & tertij. Debet tamen aduerti, quod licet cum numeramus homines numeratione arbitraria, ordo prioris, & posterioris sit extrinsecus hominibus numeratis, adhuc tamen est intrinsecus, & essentialis cognitionibus numerantibus. Cognitio enim, qua dico, *primus*, essentialiter supponitur à cognitione, per quam dico *secundus*, ita ut hæc cognitio essentialiter addatur alteri cognitioni, qua dicebam, *primus*, atque adeo sit intrinsecè, & essentialiter secunda: & similiter cognitio, per quam dico, *tertius homo*, est essentialiter tertia, & additur duabus cognitionibus, quibus dicebam *primus*, & *secundus*, idemque dic de reliquis.

Porro per additionem explicari possunt omnes species prioritatis, ac posterioritatis, quas Aristoteles assignat in prædicamentis cap. de priori. Sed non libet in ijs immorari: quare ipsis relictis, venio ad explicandam prioritatem naturæ.

Quoad tertium igitur de prioritate naturæ notandum, quod Aristoteles diuerso modo sumpsit prioritatem naturæ quinto metaph. cap. 11. ex sententiâ Platonis,



tonis, ac eandem prioritatem explicauerit in prædicamentis ex propria sententia. Nam 5. metaphy. habet; *Quedam sunt priora secundum naturam, atque substantiam, quæcunque contingit absque alijs esse, ista verò sine istis minimè; qua diuisione usus est Plato.* At in postprædicamentis dicit, *quæ conuertuntur secundum esse consequentiam, quod alteri quomodolibet causa est, conuenienter prius natura dici debet.* Prioritas igitur naturæ, vt sumitur à Platone, coincidit cum prioritate à subsistendi consequentia, cum detur inter ea, quæ possunt esse sine alijs, quæ non possunt esse sine ijs, nec ad illam requiritur ullus ordo causalitatis. E conuerso prioritas naturæ prout sumitur ab Aristotele differt à prioritate à subsistendi consequentia, cum sit inter ea, quorum vnum est alteri causa, etiamsi conuertantur secundum esse consequentiam. Ità Sol est prior natura, quam sua lux, quia licet conuertantur secundum esse consequentiam, eo quod nec possit esse sol sine sua luce, nec possit esse lux sine sole, adhuc sol est causa lucis, & hæc prioritas naturæ est hic explicanda. De qua etiam aduertendum, quod potest sumi dupliciter, latè nimirum, & strictè. Sumitur latè, cum sumitur ità, vt omne id, quod alteri quomodolibet est causa, dicatur prius

prius natura, quam illud; in quo sensu auctores præsertim antiqui solent dicere, quod omnes causæ, etiam causa finalis, & formalis sunt priores natura suis effectibus. Sumitur strictè, cum restringitur ad causam efficientem, & materialem, & ad ipsarum condiciones, in quo sensu accipitur à recentioribus, & explicanda est à nobis.

Ordo igitur prioritatis, ac posterioritatis naturæ est habitudo quædam pluriū, quorum vnum additur alteri, quod per suam existentiam, vel per suam essentiam intrinsecam constituit saltem partialiter potentiam proximam completam, & adequatam, ex qua resultat illud aliud, quod non habet esse à se. Prius natura est id, quod per suam existentiam, vel per suam essentiam intrinsecam constituit quomolibet potentiam proximam adequatam, ex qua resultat, & cui additur aliud, quod non habet esse à se. Posterius natura è conuerso est illud, quod cum non habeat esse à se, resultat ex altero, quod per suam existentiam, vel per suam intrinsecam essentiam constituit quomolibet potentiam proximam, & adequatam ad illud. Prioritas actualis naturæ est ipsa actualis additio, per quam aliquid, quod non habet esse à se, additur alteri, quod per suam existentiam, vel  
per

per suam intrinsecam essentiam constituit quomodolibet potentiam proximam, & adequatam, ex qua illud resultat.

Pro intelligentia nota, quod est impossibile aliquid habere esse, & non à se ipso, quin id accipiat ab aliquo alio; e.g. quia ignis habet esse, & non habet illud à se, accipit illud ab aliquo alio. Rursus repugnat, quod aliquid accipiat esse ab altero, quin illud aliud sit proximè potens dare illi tale esse. Quod enim, dat esse alteri, potest dare illi esse, & nihil ipsi deest ex ijs, quæ requiruntur, ut possit dare esse; sed illud, quod potest alteri dare esse, ita ut nihil ipsi desit ex ijs, quæ requiruntur, ut possit dare tale esse, per hoc ipsum constituitur proximè potens dare illi esse; cum proxima potentia sit illa, cui nihil deest ad hoc, ut possit dare esse alteri; ergo &c.

Positis his, omnia illa, quæ per suam existentiam, vel intrinsecam essentiam, constituunt saltem partialiter potentiam proximam adequatam, ex qua resultat aliquid aliud, quod sibi non sufficit ad essendum, est prius natura.

Hinc primò iufertur, quem defectum importet ordo prioritatis, ac posterioritatis nature, propter quem non datur inter diuinas Personas. Importat nimirum in posteriori defectum insufficientis sibi  
ad

ad essendum . Et quia Personę Diuinę etiam procedentes sunt identicę à se , & sibi sufficiunt ad essendum , vt dictum est Quęst. 14. in responsione ad tertium , ideò nulla Persona Diuina est posterior natura, quàm alia , nec datur inter Diuinas Personas ordo prioritatis , ac posterioritatis naturę . Admittitur tamen ab aliquibus ordo prioritatis , ac posterioritatis originis , per quem Persona producens sit prior origine, Persona producta sit posterior , ita tamen, vt talis prioritas non sit prioritas simpliciter , sed prioritas cum aliquo addito distrahente . Potest autem definiri ordo originis , habitudo plurium , quorum vnum additur alteri , quod per se ipsum constituit potentiam proximam adęquatam , ex qua alterum effluit ; & quia in diuinis Filius per productionem additur Patri , qui Pater est potentia adęquata , ex qua effluit Filius ; similiter Spiritus Sanctus per productionem additur Patri , & Filio, qui per spirationem actiuam sunt potentia adęquata , ex qua effluit Spiritus Sanctus, ideò in Diuinis datur ordo originis , per quem Pater est prior origine, quàm Filius, & Filius est posterior origine , quàm Pater , & Spiritus Sanctus est posterior origine, quàm Pater, & Filius ; & propter talem ordinem Pater est prima

ma Persona, quæ nulli additur, sed ipsi adduntur ceteræ, Filius est secunda Persona, quæ cum procedat ab vna tantum Persona, additur vni tantum; Spiritus Sanctus est tertia Persona, quia cum producat a duabus Personis, duabus additur. Prioritas igitur originis comparatur ad prioritatem naturæ sicut genus ad speciem. Nam omnia priora natura, sunt etiam priora origine, sed è conuerso quædam sunt priora origine, quæ non sunt priora natura, quia nimirum prioritas originis abstrahit ab imperfectione, & dependentia posterioris, quam imperfectionem importat prioritas naturæ, ut explicatum est. Patet etiam ex hoc res omnes esse ordinatas à parte rei secundum ordinem numerorum, secundum quem aliquæ sunt primæ, aliæ secundæ, aliæ tertiæ, & sic deinceps. Nam secundum ordinem originis datur primum simpliciter, & absolutè, hoc autem est Pater Aeternus, qui cum à nullo procedat, nulli omnino additur; Filius est secundus, quia cum solum procedat ab vna Persona, vni tantum additur; Spiritus Sanctus est tertius, quia cum procedat à duabus Personis, additur duobus. Secundum ordinem naturæ, & causalitatis primum locum tenet prima causa, quæ cum non causetur, non additur vlli cause,

scq, qualis causa est Deus subsistens in tribus Personis; secundum locum tenent illę creaturę, quę procedunt à solo Deo, ideoque soli Deo adduntur; tertium, illę creaturę, quę procedunt à creaturis productis immediatè à Deo, & sic deinceps. Cum verò Deus cognoscit numerum ordinatum rerum, & vnāquāque rem ponit suo loco, alias primo, alias secundo, alias tertio, non facit id per plures cognitiones, quarum vna procedat ab alia, sed per vnicam, qua cognoscit vnā rem procedere ab alia, ideoque numerus datur intrinsecè in rebus numeratis, non autem in cognitionibus numerantibus.

Secundo infertur, quod in Diuinis ordo originis datur tantum inter Diuinas Personas. Nam ea, quę ordinantur secundum ordinem originis, debent realiter distingui; sed solę Personę realiter distinguuntur in Diuinis; ergo ordo originis datur inter solas Personas. Diuinę igitur cognitiones, & diuina decreta sicut realiter identificantur inter se, & cum omnibus Diuinis Personis, ita non habent vllum realem ordinem originis, aut naturę, neque vllum decretum est prius origine, vel natura, quam aliud, neque vna cognitio est prior origine, quam alia.

Si

Si tamen decreta & cognitiones liberae distinguuntur ratione obiectiva, vel virtualiter intrinsecè inter se, aut à Divina essentia, possunt habere prioritatem quandam rationis, aut virtuales, quæ non includit ullam imperfectionem.

Inferitur tertio, quod causa efficiens, & etiam materialis sunt priores natura, quam effectus. Ratio, cur causa efficiens sit prior natura est, quia causa efficiens est ipsa potentia, ex qua effectus resultat, atque effluit. Ratio, cur etiam causa materialis sit prior natura, quam effectus est, quia potentia proxima, ut resultet effectus per actionem naturalem, & transmutatiam, includit ipsam potentiam, & subiectum transmutabile; e. g. potentia proxima, ut resultet ignis per actionem transmutatiam, includit, quod materia sit ignibilis, hoc est potens transmutari in ignem; sed materia ignibilis est causa materialis ignis; ergo causa materialis includitur in potentia proxima, tanquam illius constitutiva. Sed difficultas est, utrum materia constituatur prior natura, quam effectus, per solam suam essentiam, an etiam per existentiam. Dico, quod materia constituitur prior natura per id, per quod constituitur transmutabilis; & quia constituitur transmutabilis substantialiter non per existentiam, quam ha-



habet in instanti , in quo recipit formam substantialem, sed per existentiam, quam habuit in tempore antecedente ad primam receptionem formæ substantialis ; ideo constituitur prior natura ad receptionem formæ substantialis per existentiam , quam habuit in tempore antecedente . E. g. cum ex ligno fit ignis, materia ignibilis constituitur prior natura, quam ignis , non per existentiam ignis , per quam constituitur iam transmutata in ignem, sed per existentiam ligni, quam habebat, antequam esset transmutata ; eo pacto , quo corpus mobile constituitur proximè potens poni in tali loco , non per vicationem , per quam nunc est in tali loco, sed per vicationem, per quam immediatè ante fuit in loco proximo . E conuerso quia materia constituitur transmutabilis accidentaliter etiam per existentiam substantialem , quam habet, cum recipit formam accidentalem , ideo cōstituitur prior natura per existentiam substantialem, quam habet in eo instanti: e. g. manus constituitur calefactibilis, & prior natura , quam calor , per existentiam manus , quam habet , in instanti , in quo calefit.

Quarto infertur plures cōditiones licet causæ non sint, esse tamen priores natura respectu effectus: e. g. propinquitas ignis ad

ad stupam, licet non sit causa calefactionis, adhuc est prior natura respectu illius. Ratio est, quia ignis constituitur proximè potens calefacere stupam, per hoc, quod sit propinquus stupæ; quando enim est remotus, non habet proximam potentiam calefaciendi stupam. Addo quasdam conditiones esse priores natura respectu effectus per existentiam, quam habent; non tum, quando ponitur effectus, sed immediatè ante. Patet in motu locali. Quando ego moueor per hoc spatium, habeo potentiam, ut mouear per ipsum, & constituor potens moueri per tale spatium ex eo, quod immediatè antè fuerim in loco propinquo: si enim immediatè antè fuisset in loco distant, non possem modò moueri per hoc spatium; ergo constituor proximè potens moueri per hoc spatium ex hoc, quod ante fuerim in loco proximo; sed illa præsentia in spatio proximo non datur, quando moueor per hoc spatium, alioquin haberem simul præsentiam in duplici spatio, & ego essem in duplici loco; ergo constituor proximè potens moueri per hoc spatium per aliquid, quod extitit immediatè ante motum; ergo aliqua conditio præterita est prior natura, & constituit potentiam proximam ad hoc, ut resultet effectus. Nihil tamen futurum potest.

potest naturaliter esse prius natura respectu effectus ante producti, quia nihil potest constitui in potentia ad operandum per aliquid, quod nondum est, sed erit paulo post. Addo, quod omnia, quæ per suam existentiam faciunt, aut difficultant actionem, inclinant, vel retrahunt potentiam productivam ad agendum, sunt priora respectu effectus. Ratio est, quia hæc omnia constituunt agens proximè potens operari faciliè, vel difficile, cum inclinatione, vel repugnantia, & cum certo gradu inclinationis, aut repugnantia. Ità cum aliquis peccat ex habitu, ipse habitus inclinans ad peccatum est prior natura respectu actionis peccaminosa, quia constituit potentiam potentem peccare cum facilitate, & inclinatione. Similiter cum quis ieiunat cum habitu temperantia, vel intemperantia, tales habitus sunt priores natura, quia constituunt illum potentem ieiunare cum tali gradu facilitatis, aut repugnantia; & vniuersim quidquid per suam existentiam, vel per cognitionem de eius existentia constituit potentiam operandi cum certo gradu inclinationis, aut repugnantia est prius natura.

Quintò colligitur causam formalem, & finalem non esse priores natura respectu effectus. Ratio de causa formali est,

ad stupam, licet non sit causa calefactionis, adhuc est prior natura respectu illius. Ratio est, quia ignis constituitur proximè potens calefacere stupam, per hoc, quod sit propinquus stupæ; quando enim est remotus, non habet proximam potentiam calefaciendi stupam. Addo quasdam conditiones esse priores natura respectu effectus per existentiam, quam habent; non tum, quando ponitur effectus, sed immediatè ante. Patet in motu locali. Quando ego moueor per hoc spatium, habeo potentiam, ut mouear per ipsum, & constituor potens moueri per tale spatium ex eo, quod immediatè antè fuerim in loco propinquo: si enim immediatè antè fuisset in loco distante, non possem modò moueri per hoc spatium; ergo constituor proximè potens moueri per hoc spatium ex hoc, quod ante fuerim in loco proximo; sed illa præsentia in spatio proximo non datur, quando moueor per hoc spatium, alioquin haberem simul præsentiam in duplici spatio, & ego essem in duplici loco; ergo constituor proximè potens moueri per hoc spatium per aliquid, quod extitit immediatè ante motum; ergo aliqua conditio præterita est prior natura, & constituit potentiam proximam ad hoc, ut resultet effectus. Nihil tamen futurum potest.

potest naturaliter esse prius natura respectu effectus ante producti, quia nihil potest constitui in potentia ad operandum per aliquid, quod nondum est, sed erit paulo post. Addo, quod omnia, quæ per suam existentiam faciunt, aut difficultant actionem, inclinant, vel retrahunt potentiam productivam ad agendum, sunt priora respectu effectus. Ratio est, quia hæc omnia constituunt agens proximè potens operari facile, vel difficile, cum inclinatione, vel repugnantia, & cum certo gradu inclinationis, aut repugnantia. Ità cum aliquis peccat ex habitu, ipse habitus inclinans ad peccatum est prior natura respectu actionis peccaminosa, quia constituit potentiam potentem peccare cum facilitate, & inclinatione. Similiter cum quis ieiunat cum habitu temperantia, vel intemperantia, tales habitus sunt priores natura, quia constituunt illum potentem ieiunare cum tali gradu facilitatis, aut repugnantia; & uniuersim quidquid per suam existentiam, vel per cognitionem, de eius existentia constituit potentiam operandi cum certo gradu inclinationis, aut repugnantia est prius natura.

Quintò colligitur causam formalem, & finalem non esse priores natura respectu effectus. Ratio de causa formali est,

*Tomo III.*

S

quia

quia illud solū est prius natura respectu effectus, quod cōstituit potentiā proximā ex qua resultat talis effectus; sed per causam formalem non constituitur potentia proxima, ex qua resultat effectus, sed cōstituitur ipse effectus in actu; e.g. per albedinē non constituitur potentia ad hoc, ut paries sit albus, sed per ipsam paries constituitur albus actus; ergo causa formalis non est prior natura respectu effectus. Et confirmatur, quia repugnat, quod per illud idē, per quod aliquid ultimo constituitur in actu, constituatur potentia ad illud. De causa finali est eadem ratio. Finis enim mouet ut possibilis; ergo non constituit per suam existentiam, vel per suum esse intrinsecum potentiam proximam, ut ponantur media, & alij effectus finis; e.g. cum quis sumit medicinam ad sanitatem recuperandam, sanitas, quæ mouet ut possibilis, non constituit per suam existentiam, vel per suum esse intrinsecum potentiam proximam sumendi medicinam propter sanitatem. Immò quando finis existit, eo ipso non possumus quidquam facere, vel ponere vllum medium ad finem consequendum: e.g. cum quis videt se iam esse sanum, eo ipso non potest facere quidquam, vel ponere vllum medium ad sanitatem recuperandam. Cognitio tamen finis ut possibi-

sibi-

sibilis est prior natura respectu omnium, quæ fiunt propter finem : e. g. cognitio sanitatis vt recuperabilis est prior natura respectu omnium, quæ facit ægrotus ad sanitatem recuperandam . Ratio est, quia vt aliquis sit proximè potens operari propter finem, debet finem cognoscere vt possibilem, & vt consequibilem; ergo per cognitionem finis vt possibilis constituimur proximè potentes operari propter illum . Immò vniuersim omnis cognitio, quæ dirigit ad operandum, est prior natura respectu operationis, ad quam dirigit, & respectu effectus per operationem producti ; e. g. cognitio, quæ dirigitur Architectus in domo faciendam, est prior natura, quam domus, cum per talem cognitionem constituatur Architectus potens sapienter, & artificiosè domum construere : similiter cognitio, qua Deus dirigitur in suis operibus faciendis, est prior natura talibus operibus . Demum eo ipso, quod cognitio directiua sit prior natura respectu operationis, ad quam dirigit, & respectu effectus, qui fit per talem operationem, sequitur, quod omnia ea, quæ cognoscuntur tanquam existentia per talem cognitionem directiuam, sint priora natura . Ratio est, quia omnia, quæ cognoscuntur vt existentia, per suam existentiam



cognitam aliquammodo dirigunt ad operandum, inclinando, vel retrahendo; ergo habent prioritatem naturæ.

Sexto demum, & ultimo inferitur actionem productiuam effectus non esse priorem naturæ *ut quod* respectu effectus, sed esse ipsam prioritatem naturæ, & esse priorem solum *ut quo*. Ratio est, quia prioritas naturæ est additio, qua vnum additur alteri, *ut dictum est*; sed causa addit sibi effectum per actionem, qua producit effectum, atque adeo actio est formalis additio, qua effectus additur causæ; ergo actio est ipsa actualis prioritas naturæ, per quam causa, & potentia proxima cum omnibus suis conditionibus constituitur prior naturæ, quam effectus. Et quia duplex est productio, actiua nimirum intrinseca agenti, & passiva intrinseca effectui, ideò productio actiua, per quam causa constituitur intrinsecè producens effectum, est prioritas intrinseca causæ; productio verò passiva, qua effectus constituitur intrinsecè productus à causa, est posterioritas effectui intrinseca, qua effectus constituitur intrinsecè posterior causa, & potentia, ex qua resultat. Recentiores satis communiter solent dicere, quod actio est prior origine, quam effectus. Sed congruentius dicitur, quod sit prior natura, vel

vel origine solum *ut quo*. Sicut enim, albedo, quæ paries constituitur formaliter albus, non est alba *ut quod*, sed *ut quo*, ita ipsa prioritas naturæ, & originis, per quam causa constituitur prior natura, vel origine, quam effectus, non est prior nisi *ut quo*.

Ad 1. Repugnat, quod idem pro eodem instanti existat simpliciter, & non existat simpliciter, e. g. repugnat quod ego nunc existam, & non existam: at non repugnat, quod idem pro eodem instanti simpliciter existat, & non existat cum certo modo, & ordine existendi, e. g. non repugnat, quod ego nunc existam simpliciter, & non existam independentem à Deo. Dum enim dicitur, quod ego non existo independentem à Deo, non negatur quod existam, sed solum negatur, quod existam tali modo, hoc est cum independentia à Deo. In casu nostro, dum dicitur *lux existit in posteriori natura, sed non existit in priori*, non negatur, quod lux existat simpliciter, sed solum negatur, quod habeat modum existendi, per quem existat in priori natura, ideoque non sequitur vlla contradictio. Si verò quærat, quid sit lucem existere, & non existere in priori, sed in posteriori, dico quod nihil est aliud, quam lucem existere quidem in hoc in-

anti, sed ita, ut addatur Soli per productionem passivam, qua resultat ex sole, non autem existat ita, ut habeat ullam productionem activam, qua sol addatur soli, & lux constituatur prior sole, vel habeat ullam productionem passivam, qua lux addatur eidem potentiae completae, cui sol additur, atque adò constituatur simul natura cum sole.

Ad 2. Certum est, quod si quis assignet instanti indivisibili duas, aut plures partes ipsius instantis, quarum unam dicat esse priorem, aliam posteriorem, erit fictio intellectus, cum indivisibile partibus careat. At non est fictio, si in pluribus rebus, quae existunt in eodem instanti indivisibili, assignet ordinem, per quem una res sit prima, alia secunda &c. Dum dicimus, quod in primo signo alius instantis datur causa, in secundo signo datur effectus, ponimus ordinem in rebus, non autem in partibus instantis. Dicimus enim causam ita existere in hoc instanti, ut habeat ad effectum ordinem prioris, quia causa ita existit, ut non addatur effectui, sed ipsi addatur effectus per productionem passivam, per quam effectus procedit, & effluit ex causa, atque illi additur; hoc autem non est fictio, quia verè datur ordo naturae, per quem effectus procedit ex causa, & addi-

tur

tur illi, cum causa non procedat ex effectu, neque ipsi addatur à parte rei. Similiter non est fictio, dum dicitur, quod in primo signo datur causa, & non datur effectus, in secundo signo datur effectus. Non est enim sensus, quod sit una pars instantis in qua est causa, & effectus non est: hoc enim esset mera fictio; sed asseritur solum, quod ita in toto instanti datur causa, ut habeat ordinem prioris ad effectum, per quem ordinem verificatur, quod causa præcedat effectum, & quod in eo signo, in quo est causa, non est effectus, quia effectus non habet similem ordinem prioritatis ad causam, quem causa habet ad effectum, nec etiam habet ordinem, quo sit simul natura cum effectu.

Ad 3. Dictum est, quod ad prius natura requiritur, ut sit id, cui additur alterum insufficiens sibi ad essendum; at Patri Aeterno additur quidem Filius, sed ita, ut Filius non sit insufficiens ad essendum, sed sit sufficientissimus; ergo Pater non est prior natura. Est tamen prior origine, vel ordine quodam, in quantum Pater est prima Persona, hoc est talis, ut nulli addatur, sed ipsi addantur ceteræ Personæ, quæ prioritas nullam importat præminentiam perfectionis in priori, nullum defectum perfe-

ionis, nullamque imperfectionem in posteriori. Dum dicitur: in eo priori, in quo est Pater, non est Filius: si purè negatur, quod filio competat ille ordo prioris, qui competit Patri, concedo: si per hoc asseratur aliquid aliud, nego: & nego consequentiam. Istae propositiones: *in eo priori in quo est principium, non est productum, & procedens à tali principio, in quo est causa non est effectus*; si intelligantur in sensu, in quo debent intelligi, solū negant, quod productū habeat illū ordinē ad principiū, quem ordinē habet principiū ad productū, & quod effectus habeat milē ordinē ad causam, quē habet causa ad effectū, & in hoc sensu sunt verissimae. Facile tamen est, quod aliquis sumat æquivocationem, & intelligat, quod in aliqua parte temporis vel instātis, in quo principium existit, non existat productum, & in hoc sensu sunt falsissimae.

Ad 4. Ex eo, quod prioritas naturæ praearetur etiam inter prædicata Dei necessaria, & ipsius decreta libera, & inter vnum decretum, atque aliud; nego consequentiam. Vt enim dictum est, prioritas naturæ, & originis datur solum inter ea, quæ realiter distinguuntur; sed prædicata necessaria, & decreta libera Dei non distinguuntur realiter, saltem secundum id, secundum quod sunt intrinseca



seca Deo; ergo non datur inter illa prioritas naturæ. Si tamen distinguuntur virtualiter intrinsecè, nō repugnat quod habeant quandam prioritatem virtuales, secundum quam vnum virtualiter additur alteri, & ab illo procedit. Dum dicitur, quod in eo priori, in quo Deus poterat velle creare, vel nolle creare, non erat decretum, sed decretum fuit solum in signo posteriori, distinguenda est propositio; si per hoc negetur solum, quod decretum habeat illam prioritatem virtuales, quam habet potentia decernendi, cui additur decretum, concedo; si per hoc asseratur aliquid aliud, nego. In omnibus enim huiusmodi propositionibus non negatur existentia decreti, sed solum negatur existentia cum eo ordine virtuali prioris, quam Deus habet ad decreta, atque idem dic ad omnes propositiones similes. Nemo dum ad impugnandam vniuersaliter talem prioritatem etiam virtuales opponitur, quod sicut repugnat, quod Deus in aliquo instanti tēporis non habeat omnia decreta, & omnem scientiam, sic repugnat, quod in aliquo signo non habeat omnia decreta, & omnem scientiam, nego hoc. Nam si Deus pro aliquo instanti careret decretis, aut scientia aliqua, eo ipso simpliciter pro eo instanti non haberet decre-

ta, & scientiam. At si Deus pro aliquo signo non habet scientiam, non sequitur, quod simpliciter careat scientia, sed solum quod habeat scientiam cum ordine certo, & determinato, secundum quem scientia libera additur scientiæ necessariæ quodam ordine virtuali, qui non includit imperfectionem. Nec est verum, quod si pro eo priori Deus interrogaretur, an esset creaturus mundum, non posset quæstioni respondere. Verè enim, respondet quæstioni, sciendo, & dicendo, quod est creaturus, licet responsio detur pro posteriori. Non est autem absurdum, sed potius necessarium, quod responsio sit aliquo pacto posterior interrogatione. Eo enim ipso, quod est responsio, additur interrogationi ordine quodam, atque adeò est aliquo pacto posterior interrogatione.

Ad 5. Ex eo, quod si daretur prioritas naturæ, omnes causæ etiā causa formalis, & finalis essent priores natura, iam est dictum, quod causa formalis & finalis nō habent strictam prioritatem naturæ;

Ad 6. In quo opponitur, quod si conditiones essent priores natura, non apparet cur non sint causæ, & per quid à causis differant: respondeo id negando. Et quidem possumus quærere discrimen, per quod conditiones differunt à causis tum passivis, tum activis. A causa pas-

siva,



ſua , ſeu materiali extrinſeca differunt conditiones , quia cauſa paſſiua eſt id , à quo pendet receptum , tanquam à ſubiecto potente illud recipere , & actu recipiente: conditiones verò cauſæ materialis ſunt , quæ requiruntur in ſubiecto ad hoc , vt conſtituatur proximè potens recipere formam . E. g. cum producitur ignis ex lignis , materia eſt cauſa materialis , quia forma ignis pendet à materia , tanquam à ſubiecto recipiente : diſpoſitiones verò materiæ, nimirum calor, ſiccitas &c. ſunt puræ conditiones , quia requiruntur in materia , vt conſtituatur proximè potens tranſmutari in ignem .

Differentia inter cauſam efficientem , & conditiones ipſius eſt, quod effectus egreditur ex efficiente per quemdam influxum , at non egreditur ex conditionibus , ſed purè ab ipſis determinatur . Si verò quærat , quid ſit quod effectus egrediatur ex aliquo , vel purè determinetur, dico id conſtare experientia , nec indigere vltiori explicatione . Vnuſque enim experitur ſe influere in ſuos actus intelligendi , & volendi, eoſque egredi ex potentia vitali . Indicium ad diſcernendum, vtrum aliquid requiſitum ad effectum requiratur tanquam principium partialiter influens, an purè tanquam conditio determinatiua , poteſt eſſe,

S 6

esse, quod principia influentia requiruntur ita, ut assimilent sibi effectus: secus pure determinantia. Ita cum ad videndum requiratur potentia visiva, & obiectum, utrumque requiritur, tanquam principium partialiter influens, quia actus videndi assimilatur potentiae visivæ in vitalitate visiva, & assimilatur obiecto, vel speciei obiecti tanquam imago expressiva ipsius. Cognitio etiam requiritur ut causa partialis volitionis, quia volitio assimilatur aliquantulum cognitioni, à qua procedit, & eidem proportionatur. At propinquitas pure requiritur ad determinandum, cum non assimilet sibi effectum, qui non procedit ut similis propinquitati, sed solum ut similis agenti propinquo. Debet adverti, quod conditiones ab Aristotele vocari solent causæ per accidens. Causæ autem per accidens sunt in duplici genere. Primo causæ per accidens dicuntur, quæ ita accidunt causis per se, ut non requirantur, sed nihil referat ad productionem effectus, quod dentur, vel non dentur. In hoc sensu musicus est causa per accidens ædificationis, quia ita musicus ædificat, ut in ædificatore non requiratur musica, neque quidquam conferat ad ædificandum. Istæ causæ per accidens non considerantur in scientijs. Secundo causæ  
per

per accidens dicuntur, quæ ita accidunt causis per se, ut requirantur ad hoc, ut causent, adeoque sint determinatiuz effectus, & istæ vocantur à philosophis conditiones. Ità cum ignis propinquus stupæ calefacit illam, propinquitas est causa per accidens calefactionis, quia ita accidit igni, ut requiratur ad hoc, ut ignis calefaciat, & istæ considerari debent à philosophis, quia ad sciendam productionem effectus, debet sciri non solum quæ causæ requirantur, sed etiam quibus conditionibus debeant esse affectæ ad causandum. In hoc sensu priuatio est principium, & causa per accidens requisita in materia, & comprehendit omnes conditiones materiæ, ut explicatum est suo loco.

Ad 7. Respondeo concedo, quod ordo prioritatis naturæ debeat distingui à rebus ordinatis. Cum quaritur in quo consistat, dico, quod productio actiua est prioritas, per quam efficiens est intrinsecè prius naturæ effectui; & quod productio passiva est ordo, quo effectus est posterior naturæ causa efficiente. Sed potest quari, utrum productio actiua, per quam ignis e. g. producit calorem, & quæ est prioritas ignis sit essentialiter affixa non solum igni, qui est causa efficiens caloris, sed etiam conditionibus purè determinatiuis ignis ad productionem caloris.

Qui-

Quidam affirmant, alij communius negant, quos ego sequor. Ratio est, quia cum actio sit influxus, quo agens producit effectum, non autem sit influxus conditionum, ex sua ratione videtur importare affixionem cum solo agente, non autem cum conditionibus. Quod si quaeratur, per quid habeat hæc actio hoc, quod est determinari à talibus conditionibus; respondeo, quod habet id per relationes, quibus tali modo respicit tales conditiones, præsertim cum relationes sint institutæ à natura ad hunc finem, ut res inuicem ordinentur, & connectantur varijs modis, prout expedit ad perfectionem, & pulchritudinem vniuersi; ergo non est mirum, si conditiones connectantur cum effectibus per certas relationes.

## QVAESTIO XXIII.

*Utrum possit dari mutua causalitas, & prioritas natura.*

**V**idetur, quod possit dari mutua causalitas, per quam duo se inuicem causent, vel in eodem genere, ut docuerunt pauci recentiores contra omnes antiquos, vel saltem in diuerso genere, ut docent

docent communiter Thomistæ allegantes S. Thomam, & ex nostris recentioribus Ruuius, Fonseca, Conimbricenses, Molina, Valentia, Vasquez prima secundæ disp. 112. & alij. 1. quia nulla est repugnantia, quod duo se inuicem producant pro eodem instanti reali temporis, ita ut A producat B, & B producat A. Et confirmatur, quia posset Deus ita producere duo, nimirum A, & B, ut simul produceret duas actiones, per quarum vnā A produceret B, per aliam B produceret A, nam sicut posset producere singulas ex istis actionibus seorsim, ita posset illas simul coniungere; ergo potest saltem supernaturaliter dari mutua causalitas in eodem genere causæ efficientis.

2. Ex Aristotele 2. phys. tex. 13. datur mutua causalitas inter finem, & mediā: cum enim quis ambulat propter sanitatē, sanitas est causa finalis ambulandi, ambulatio est causa efficiens sanitatis; ergo potest saltem dari mutua causalitas inter causas diuersi generis; sed eadem etiam est ratio de causis eiusdem generis; ergo &c.

3. Quando Deus creat Angelum, Angelus pendet ab actione creatiua saltem in genere causæ efficientis *vs quo*, & eadē creatio passiuā pendet ab Angelo in genere causæ materialis; omne enim accidens



dens, quod recipitur in aliquo subiecto, pendet à subiecto recipiente in genere causæ materialis; ergo datur inter creationem passuam Angeli, & Angelum, mutua causalitas saltem in diuerso genere causæ.

4. Materia, & forma sunt sibi inuicem causæ. Sicut enim materia non potest esse sine forma, ideoque pendet, & causatur à forma in genere causæ formalis, sic forma non potest esse sine materia, ideoque pendet à materia in genere causæ materialis.

5. Cum introducitur vna forma, & expellitur alia, e. g. cum introducitur forma ignis in materia, & expellitur forma ligni, introductio formæ nouæ est causa, cur expellatur forma veteris; ideo enim expellitur à materia forma ligni, quia in illam introducitur forma ignis; sed etiam expulsio formæ veteris est causa introductionis formæ nouæ; nam ideo introducitur forma ignis, quia expellitur forma ligni; ergo datur mutua causalitas.

6. Quando ignis producit ex lignis, dispositiones antea introductæ, nimirum calor, siccitas &c. sunt priores naturæ formæ ignis, cum ad illam disponant, & præparent materiam, & forma ignis est causa receptiua, ac sustentatiua talium  
dispo-

dispositionum, cum illæ recipiantur in forma ignis, tanquam in subiecto sustentante; est etiam causa effectiua earunden dispositionum, quia proprietates debite alicui formæ substantiali emanant ab illa tanquam à causa efficiente; ergo datur mutua prioritas, & causalitas inter formam substantialem, & dispositiones ipsius.

7. Plures sunt experientiæ. Prima experientia est: cum ventus aperit fenestram, & ingreditur, apertio fenestræ est causa ingressus venti; nam si fenestra non aperiretur, ventus non posset ingredi; sed ingressus venti est etiam causa apertitionis; nam si ventus nō ingrederetur, fenestra non aperiretur; ergo. Secunda experientia est: duo carbonēs igniti mutuo conseruant calorem, ideoque diutius cōseruant talem calorem vniti, quam separati; ergo. Tertia experientia est: duo baculi se inuicem sustentant; ergo sustentatio vnus baculi est causa, cur alter sustentetur, & hoc mutuo. Quarta est: cum in curru quatuor rotæ mouentur, motus vnus rotæ est causa facilitans, & adiuuās motū alterius rotæ, & hoc mutuo. Quinta experientia est: impulsus violentus lapidi impressus causat in lapide motum sursum, & idem impulsus conseruatur à motu, vt patet; quia si motus lapidis impediatur, statim destruitur talis impulsus.

Sexta



dens, quod recipitur in aliquo subiecto, pendet à subiecto recipiente in genere causæ materialis; ergo datur inter creationem passivam Angeli, & Angelum, mutua causalitas saltem in diverso genere causæ.

4. Materia, & forma sunt sibi inuicem causæ. Sicut enim materia non potest esse sine forma, ideoque pendet, & causatur à forma in genere causæ formalis, sic forma non potest esse sine materia, ideoque pendet à materia in genere causæ materialis.

5. Cum introducitur vna forma, & expellitur alia, e. g. cum introducitur forma ignis in materia, & expellitur forma ligni, introductio formæ novæ est causa, cur expellatur forma vetus; ideo enim expellitur à materia forma ligni, quia in illam introducitur forma ignis; sed etiam expulsio formæ veteris est causa introductionis formæ novæ; nam ideo introducitur forma ignis, quia expellitur forma ligni; ergo datur mutua causalitas.

6. Quando ignis producitur ex lignis, dispositiones antea introductæ, nimirum calor, siccitas &c. sunt priores naturæ formæ ignis, cum ad illam disponant, & præparent materiam, & forma ignis est causa receptiva, ac sustentativa talium  
dispo-

dispositionum, cum illæ recipiantur in forma ignis, tanquam in subiecto sustentante; est etiam causa effectiua earundem dispositionum, quia proprietates debita alicui formæ substantiali emanant ab illa tanquam à causa efficiente; ergo datur mutua prioritas, & causalitas inter formam substantialem, & dispositiones ipsius.

7. Plures sunt experientia. Prima experientia est: cum ventus aperit fenestram, & ingreditur, apertio fenestrationis est causa ingressus venti; nam si fenestra non aperiretur, ventus non posset ingredi; sed ingressus venti est etiam causa apertitionis; nam si ventus non ingrederetur, fenestra non aperiretur; ergo. Secunda experientia est: duo carbonēs igniti mutuo conseruant calorem, ideoque diutius conseruant talem calorem vniti, quam separati; ergo. Tertia experientia est: duo baculi se inuicem sustentant; ergo sustentatio vnus baculi est causa, cur alter sustentetur, & hoc mutuo. Quarta est: cum in curru quatuor rotæ mouentur, motus vnus rotæ est causa facilitans, & adiuuans motum alterius rotæ, & hoc mutuo. Quinta experientia est: impulsus violentus lapidi impressus causat in lapide motum, sursum, & idem impulsus conseruatur à motu, vt patet, quia si motus lapidis impediatur, statim destruitur talis impulsus.

Sexta

---

Sexta est: si quis dicat, *Ego nolo mouere manum dexteram, nisi moueam sinistram, & nolo mouere sinistram, nisi moueam dexteram, si moueat vtramque manum, ideò mouebit vnā, quia mouet alteram; ergo tales motus se inuicem causabunt. Et vrgetur difficultas, quia posset vnus Angelus dicere, ego volo moueri, si videam moueri aliū Angelum, volo quiescere, si videam aliū Angelum quiescere, & volo facere quodcumque videro fieri ab altero; posset alius Angelus idem omninò decernere; in hoc casu siue vterque moueretur, siue quiesceret, ideo moueretur vnus, quia moueretur alius; ideo quiesceret vnus, quia quiesceret alius; ergo inter motus, & quietes istorum Angelorum daretur mutua prioritas naturæ.*

Respondeo certum esse ex Aristotele 2. phys. tex. 13. quem omnes sequuntur, inter quasdam causas dari mutuam causalitatem. Itā datur mutua causalitas inter finem, & media. Finis enim est causa finalis positionis mediorum; media verò si vtiliter ponuntur, sunt causa effectiua finis, vel saltem sunt conditio, aut dispositio ad finem consequendum; e.g. sanitas est causa finalis sumendi medicinam; est enim id, cuius gratia sumitur medicina; medicina verò si sumatur vtiliter, est causa efficiens sanitatis. Verum inter ea, quæ

quæ se mutuo causant modo explicato, hæc est differentia, quod finis causat positionem mediorum, non ut existens in semetipso, sed solum prout cognitus tanquam possibilis, & consequibilis per media; media verò e conuerlo causant finem ut existens in semetipsis. Ratio est, quia tota utilitas mediij consistit in hoc, quod eius positio, & existens conducat ad positionem finis; e. g. utilitas medicinæ consistit in hoc, ut sumptio medicinæ conducat ad positionem sanitatis, & si existens, & positio medicinæ ad hoc non conduceret, frustra, & inutiliter sumeretur medicina; ergo medium per suam existens est causatum finis. E conuerso finis non causat medium ut existens in se ipso. Neque enim sanitas, ut in se ipsa existens est ratio, cur ponantur media, immò esset omninò stultum sumere medicinam propter sanitatem, quæ iam existit, & habetur, sed sanitas prout cognita, tanquam possibilis, & consequibilis per sumptionem medicinæ, mouet ad medicinam sumendam. Hæc diuersitas causalitatis inter modum, quo media causant finem, & finis causat media, explicatur per modum loquendi. Dicimus enim, quod medium ponitur, non quia finis existit, sed ut finis existat: e conuerso dicimus, quod finis datur, quia media sunt posita, non

non ut media ponantur : e.g. egrotus curatur, & sumit medicinam, non quia est sanus, sed ut sanetur ; è conuerso ægrotus est sanus, non ut curetur, & ut sumat medicinam, sed quia iam est curatus, & medicinam sumpsit.

Secundò certum videtur, & communiter admittitur posse duo se inuicem causare in diuerso genere per quasdam causalitates, quæ non inuoluunt mutuam prioritatem naturæ in eo sensu, in quo illam definiuimus cap. superiore . Ita e.g. materia, & forma se mutuo causant, in quantum materia causat formam, illam sustentando, forma causat materiam, illam informando, illique dando existentiam determinatam . Sed hæc mutua causalitas non includit mutuam prioritatem naturæ, ut inferius patebit . Præterea possunt etiam duo saltem de potentia absoluta se inuicem causare etiam in eodem genere, & cum mutua prioritate naturæ pro diuerso tempore . Ita non repugnat, quod diuinitus filius alio tempore producat suum Patrem, à quo fuit ante productus.

Difficultas igitur est, an possint duo se mutuo causare in eodem instanti cum mutua, & propria proprietate naturæ, seu sint veræ causæ, seu meræ conditiones. In qua quæstione tenenda est sententia negatiua, quam docet Scotus in secundo dist.

dist. 12. quæst. 2. cum Scotistis; Suarius disp. 15. Metaph. Cardinalis de Lugo de poenitentia disp. 8. sect. 7. & 8. & plures alij recentiores. Puto etiam, quod eandem sententiam doceant antiqui, licet passim admittant mutuam causalitatem, & mutuam prioritatem, loquentes de ea, quæ non includit mutuam prioritatem naturæ in sensu rigorofo, in quo sumitur hic.

Probatur, quia prius natura propriè est, quod per suam existentiam constituit potentiam proximam, ex qua resultat effectus; e.g. cum ignis calefacit, omnia illa sunt priora natura respectu caloris, per quæ ignis constituitur proximè potens producere talem calorem; sed nihil ex illis, quæ constituunt per suam existentiam potentiam proximam, ex qua resultat effectus, potest esse posterius natura, quam effectus; e.g. nihil ex illis, per quæ ignis constituitur proximè potens producere calorem, potest esse posterius natura, quam calor; ergo non potest dari mutua prioritas naturæ. Probatur minor, quia quod operatur, iam est proximè potens operari, & implicat, quod acquirat potentiam proximam operandi ab ipsa sua operatione, & ab effectu producto per talem potentiam: e.g. qui currit, iam est proximè potens currere, & impli-

implicat contradictionem, quod dependen-  
 ter à cursu acquirat pedes, per quos  
 constituatur proximè potens currere;   
 sed si aliquid ex ijs, quæ constituunt po-  
 tentiam proximam, ex qua resultat effe-  
 ctus, esset posterius natura, quam talis  
 effectus, eo ipso quod operatur, & pro-  
 ducit effectum acquireret potentiam pro-  
 ximam operandi dependenter à sua ope-  
 ratione; e. g. si aliquid ex ijs, per quæ  
 ego constituor proximè potens currere,  
 esset posterius natura, quam cursus, quo  
 curro, ego acquirerem potentiam proxi-  
 mam currendi per ipsum cursum, quo  
 curro, & esset sicut si currendo acquire-  
 rem pedes, quibus currerem; ergo &c.  
 Probatur minor, quia vnumquodque  
 acquiritur à potentia, ex qua illud resul-  
 tat, atque adeo ex omnibus constitutivis  
 talis potentiæ e. g. calor acquiritur à po-  
 tentia proxima calefaciendi; & quia  
 potentia proxima calefaciendi constitui-  
 tur etiam per propinquitatem ignis, ideo  
 calor acquiritur etiam ab ignis propin-  
 quitate; sed si effectus esset prior natura,  
 quàm aliquid constitutivum potentiæ pro-  
 ximæ ad ipsum effectum, eo ipso effectus  
 constitueret potentiam, ex qua resultaret  
 tale constitutivum; ergo eo ipso acquire-  
 ret potentiam proximam producendi ef-  
 fectum ab ipso suo effectū, & esset sicut si  
 quis



uis acquireret alas ab ipso volatu, quem per alas exercet, atque afficit.

Hinc primo habetur repugnare mutuam causalitatem in genere causę efficientis : e.g. repugnat quod A producat B, & B producat A pro eodem instanti. Eo enim ipso sequeretur, quod A producendo B, acciperet ab ipso B esse, per quod constituitur proximè potens producere ipsum B, & esset sicut si quis currendo acquireret pedes, per quos posset currere. Et confirmatur, quia quid magis absurdum, quam quod cursus factus per pedes det mihi pedes, per quos possim currere, & cursum efficere; sed in casu nostro sequeretur, quod A efficiens B, ab ipso B effecto reciperet esse, & potentiam producendi, per quam posset illud efficere, ac producere; ergo est absurdissima mutua causalitas in eodem genere causę efficientis, ideoque ab omnibus antiquis negata.

Secundo habetur repugnare non solū quod aliquid producat suam causam, à qua producitur immediatè, sed etiam, quod producat pro eodem instanti causam productivam suę causę, à qua producitur mediatè; e.g. non solum repugnat, quod A, & B. se mutuo producant, sed etiam, quod A producat C, quod C producat B, quod B producat ipsum A. Ratio est, quia

quâ non minus repugnat, quod aliquid suo effectu recipiat potentiam produ-  
cendi talem effectum, quam quod aliquid à suo effectu accipiat virtutem produ-  
cendi sibi potentiam, qua efficiat talem effectum; e. g. non minus repugnat, quod aliquis à motu pedum accipiat pedes, quibus moueatur, quam quod à motu pedum accipiat virtutem efficiendi sibi pedes, quibus moueatur; sed hoc sequeretur in casu posito; nam A produ-  
cens C faceret virtutem efficiendi B, quod est potentia productiua ipsius A; ergo &c.

Tertio habetur repugnare etiam, quod mutuò se producant, atque efficiant duæ causæ productæ à tertia; e. g. repugnat, quod Deus ita producat A, & B, ut ipsa se inuicem producant, & efficiant. Ratio est eadem, quâ adhuc A à suo effectu B acciperet potentiam producendi ipsum B.

Quarto habetur æquè repugnare mutuam prioritatem originis e. g. qua Pater, & Filius Aeternus se mutuò prodicerent. Ratio est, quia repugnat vniuersim, quod produ-  
cens accipiat à producto potentiam proximam producendi ipsum. Ideo sicut in ordine causarum non proceditur in infinitum, neque sistitur in pluribus causis se inuicem causantibus, sed peruenitur ad aliquam primam causam.

sam incausatam, quæ est Deus ; ita in ordine productorum non proceditur in infinitum , neque sistitur in pluribus se mutuo producentibus, sed peruenitur ad aliquod primum, producens improductum, qualis est Pater Aeternus.

Quinto habetur æquè repugnare, quod effectus habeat prioritatem naturæ proximam , aut remotam respectu omnium conditionum . Ratio est , quia eo ipso , quod effectus esset prior natura respectu conditionis , esset prior natura respectu alicuius constitutiui potentiæ , ex qua resultaret talis effectus ; sed effectus resultans accipitur à potentia , & ab omnibus constitutiuis talis potentiæ ; ergo eo ipso causa producens effectum reciperet ab effectu potentiam proximam illi producendi , vel virtutem efficiendi sibi potentiam proximam ; quod implicat , quia esset sicut si pedes acciperent à motu potentiam proximam se mouendi tali motu , vel aliquid , per quod constituerentur proximè mobiles .

Sexto habetur posse hoc idem argumentum contra mutuam prioritatem naturæ vrgeri alijs etiam modis . Omnis enim causa agit non ut sit , sed quia iam est, non ut possit operari , sed quia iam potest operari ; sed si daretur mutua prioritas, posset causa agere ut esset , & v

posset operari ; ergo repugnat mutua prioritas . Probatur minor : omnis causa agit, vt sit effectus , & sint omnes effectus ipsius effectus : e. g. Pater generat filium, vt sit filius , & omnes nepotes , ac pronepotes ex filio nascituri ; sed inter effectus productos ab effectu esset ipsamet causa ; ergo causa operaretur, & ageret , vt esset , & vt posset operari . Rursus nullus effectus producitur, quia est ; sed si daretur mutua causalitas effectus produceretur, quia est ; ergo &c. Probatur minor : omnis effectus producitur , quia est causa ipsius, & cause causarum : e. g. ego sum productus, quia erat meus pater, & fuerunt alij progenitores ; sed inter causas productiuas effectus , & productiuas causarum ipsius esset ipsemet effectus ; ergo effectus produceretur, quia est pro eodem instanti, pro quo producitur. Preterea sequeretur, quod aliquid esset utile ad positionem sui . Quod enim est prius natura est utile ad posterius, quod sequitur ex ipso, & ad omnia , quæ sequuntur ex tali posteriori ; e. g. admotio ignis pulueri tormentario est utilis ad pulueris incensionem , & ad omnes effectus consequentes talem incensionem ; sed inter effectus sequentes talem incensionem esset ipsamet admotio ignis ; ergo esset utilis ad seipsam .

Ad

Ad 1. iam responsum est afferendo repugnantiam mutuae causalitatis. Dum videtur, quia sicut Deus posset producere seorsim duas actiones, per quarum vnam A produceret B, per alteram B produceret A, ita posset producere simul: respondeo, quod multa, quae sunt possibilia seorsim, sunt simul impossibilia, & inconiungibilia, ut patet in actu amoris, & odij circa idem obiectum, in actu assensus, ac dissensus, & in pluribus alijs. In casu nostro sunt simul impossibiles duae actiones, per quarum vnam A producat B, per alteram producat B ex rationibus allatis pro conclusione.

Ad 2. Media sunt quidem priora natura, quam finis; nam existentia mediorum constituit potentiam, ex qua finis resultat; at finis è conuerso non est prior natura, quam media, quia existentia finis non constituit potentiam, ex qua resultat positio mediorum; ergo inter finem, & media non datur mutua prioritas naturae, ac proinde non repugnat mutua causalitas inter finem, & media. Et confirmatur, nam media non ponuntur, quia finis est positus, sed ut finis ponatur: finis è conuerso non ponitur, ut media ponantur, sed quia sunt posita; quod verò duo sic se mutuo causent, ut vnum ponatur, quia aliud est positum, aliud ponatur



tur, non quia aliud est positum, sed ut ponatur, non est absurdum, sed necessarium in plerisque. Homo enim videt, quia habet oculos, per quos potest videre: & habet oculos, per quos potest videre, ut per illos videat, non quia videt per illos. At si duo haberent mutuam prioritatem naturae, eo ipso vtrumque poneretur, quia aliud est positum, quod repugnat, sicut repugnat, quod homo videat, quia habet oculos, per quos possit videre, & rursus habeat oculos, per quos possit videre, quia videt actu per oculos.

Ad 3. Respondeo primo plures auctores probabiliter opinari, quod non detur creatio passiva distincta à termino producto, & si hac doctrina est vera, argumentum non habet ullam vim. Secundo admittendo, quod detur creatio passiva distincta, concedo, quod intercedat inter creationem passivam, & terminum creatum aliqua mutua prioritas minus propria, quam non reiicimus, quia non valent contra illam rationes conclusionis. Nos enim solum reiicimus mutuam prioritatem, per quam duo ita se habeant, ut vtrumque constituat potentiam, ex qua aliud resultat. In hoc sensu neque creatio passiva est prior natura, quam Angelus, quia potentia proxima, ex qua resultat Angelus, est sola Divina Omnipotentia

tia, & non creatio, per quam creationem Angelus non constituitur potens produci, sed actu productus; neque Angelus est prior natura creatione passiva, quia potentia proxima, ex qua resultat creatio passiva Angeli, non est Angelus, sed solum diuina Omnipotentia, ex qua resultat Angelus simul, & eius creatio passiva; ergo Angelus, & creatio passiva non habent propriam prioritatem, sed simultatē naturæ, cum resultent ex eadem proxima potentia, absque eo, quod vnum constituat potentiam, ex qua resultat alterum. Habent tamen Angelus, & eius creatio passiva quamdam mutuam prioritatem, minus propriam, in quantum eo ipso, quod Angelus producit per creationē passivam, habet esse à creatione passiva, & pendet ab illa tanquam à sua productione, & rursus creatio cum sit Angeli accidens, pendet ab Angelo tanquam à subiecto, in quo ita est, vt non possit esse, quin sit in illo. Quia creatio passiva est accidens pendens à subiecto sine rigorosa posterioritate naturæ, solent dicere aliqui Recentiores, quod est accidens adhærēns subiecto, non autem inhærēns, putantes, quod ad inhærentiam requiratur, vt forma pendeat à subiecto cum propria posterioritate naturæ. E conuerso alij recentiores reiiciunt hunc modum



dum loquendi ut nouum, & absurdum, putantes omne accidens, & omnem formam materiale inhaerere subiecto, solam animam rationalem, quae est forma spiritualis, purè adhaerere subiecto. Quaestio est de nomine. Videntur tamen congruentius loqui qui concedunt omne accidens inhaerere subiecto, etiam creationem passiuam. Ratio est, quia forma inherens est, quae ita recipitur in subiecto, ut ab eo pendeat secundum suum esse, etiamsi non habeat propriam posterioritatem naturæ.

Ad 4. Admitti potest, & communiter ab auctoribus admittitur, quod materia, & forma materialis se inuicem causent, in quantum forma pendet à materia tanquam à subiecto sustentante, & materia pendet à forma tanquam ab actu dante materiæ esse specificum, & determinatam existentiam. At ista mutua causalitas non inuoluit propriam mutuam prioritatem. Ratio est, quia vel loquimur de materia, & forma in prima creatione, cum Deus creauit Cœlum, & terram, atque adeò materiam cum forma, & in prima creatione neque materia fuit prior natura, quam forma, neque forma fuit prior natura, quam materia. Prius enim natura est quod constituit potentiam, ex qua aliud resultat; potentia verò, ex qua

in creatione resularunt res, fuit sola Diuina Omnipotentia, ex qua effluxerunt; ergo neque materia effluxit ex potentia constituta per formam, neque forma ex potentia constituta per materiam, sed effluxerunt simultanee solum ex Diuina virtute; ergo non habuerunt propriam prioritatem nature. Vel loquimur de forma inducta in materiam per naturalem generationem, & transmutationem, & in naturali transmutatione materia cum existentia habita in tempore antecedenti est prior natura, quam forma inducta, quia agens naturale constituitur proximè potens transmutare subiectum per hoc, quod subiectum sit transmutabile, sicut constituitur proximè potens mouere per hoc, quod subiectum sit mobile; sed subiectum constituitur transmutabile per hoc, quod in instanti antecedenti existeret cum forma propinqua forme inducendæ, eo pacto, quo mobile constituitur proximè potens moueri in hoc spatio per hoc, quod ante fuerit in spatio proximo; ergo materia est prior natura, quam forma per naturalem generationem introducta. At forma non est prior natura, quam materia, quia per hoc, quod forma existat, materia non constituitur proximè potens existere, sed constituitur actu existens. Quan-

do materia, & forma conseruantur, materia, & forma prout in instanti antecedenti sunt priores natura duratione, quam habent in instanti sequenti, quia constituuntur proximè potentes recipere talem durationem per hoc, quod immediatè ante existerent.

Ad 5. Expulsio formæ veteris, & introductio nouæ sunt effectus simultanei procedentes ab eadem potentia faciendi simul vtrumque effectum, non autem effectus mutuo priores natura. Dum opponitur; ideò expellitur forma vetus, quia introducitur noua, & ideò introducitur noua, quia expellitur vetus; ergo introductio, & expulsio mutuo sunt causæ: distinguo antecedens: si ly *ideò* significet prioritatem constitutionis potentie, ex qua resultat effectus, nego; si tantum significet connexionem, per quã effectus resultant ex eadem potentia proxima, concedo antecedens, & nego consequentiam. Particula *ideò* aliquando sumitur latè, vt significet solam connexionem, & in hoc sensu verũ est, quod ideò expellitur forma vetus, quia introducitur noua, & ideò introducitur noua, quia expellitur vetus: si verò ly *ideò* sumatur strictè, in quantum significat veram prioritatem naturæ, neganda est propositio.

Ad 6. Respondeo ex dictis supra, ac dicen-

dicendis infra, cum agetur de resolutione usque ad materiam primam, dispositiones præcedere non solum naturæ, sed etiam tempore formam substantialem, ac non remanere eadem numero accidentia, introducta forma substantiali, sed resultare alia numero accidentia. Cum igitur diuersa sint numero accidentia, quæ disponunt materiam in instanti antecedenti, diuersa accidentia, quæ consequuntur ad formam in instanti præsentis, nulla datur mutua prioritas. Admittendo verò quod remaneant eadem numero dispositiones, sunt alij modi soluendi hoc argumentum, qui videri possunt apud recentiores.

Ad 7. ex pluribus experientijs. Respondeo nullam ipsarum probare mutuam prioritatem naturæ propriam, sed probare vel solam simultatem naturæ, vel mutuam prioritatem impropriad. Ad primam experientiam dico, quod cum ventus aperit fenestram, & ingreditur, apertio fenestræ, & ingressus venti sunt effectus non mutuo priores, sed simultanei. Ventus enim per suam vim motiuam, & impulsuam, & per hoc, quod fenestra habeat tantam resistentiam &c. constituitur proximè potens occupare locum fenestræ, expellendo simul, ac dimouendo fenestram ex loco, in quo erat. Qua-

e dicendum proportionaliter ad ea, quæ  
 diximus de introductione formæ nouæ,  
 & expulsionem formæ veteris. Dum op-  
 onitur, si ventus non ingrederetur, fe-  
 nestra non aperiretur; ergo ingressus  
 venti est causa apertionis: si fenestra  
 non aperiretur, ventus non ingrederetur;  
 ergo apertio fenestræ est causa in-  
 gressus; concedo vtrumque antecedens,  
 & nego vtramque consequentiam. Ex  
 eo enim, quod si non esset vnum, non  
 esset aliud, non probatur causalitas, sed  
 quæcunque connexio, vel causæ cum  
 effectu, vel effectus cum causa, vel duo-  
 rum effectuum concomitantium. Quia  
 igitur illi duo effectus, qui sunt ingres-  
 sus venti, & apertio fenestræ, vipotè  
 procedentes à potentia determinata ad  
 non faciendum vnum sine alio, sunt con-  
 nexi concomitanter, ideò vera est illa  
 conditionalis, licet non detur mutua  
 prioritas, vel causalitas.

Ad secundam experientiam de duo-  
 bus carbonibus ignitis, respondeo calo-  
 res carbonum non se mutuo conseruare  
 pro eodem instanti, sed conseruari per  
 conseruationem simultaneam ab Omni-  
 potentia Diuina, ad quam tamquam ad  
 primam causam spectat omnes formas  
 substantiales, & plerasque accidentales,  
 paucissimis exceptis, quales sunt lumen,

spe-

species &c. conseruare in esse, dum non est præsens causa secunda validior potens introducere aliam formam naturaliter impossibilem cum priori, atque adeo expulsiuam illius. Quia igitur calor carbonum iam est positus in esse, & quia non est præsens agens validius potens introducere frigus, conseruatur simul à Deo, ita ut Deus constituatur debens naturaliter conseruare talem calorem, quia ante existit, & non est præsens agens validius potens introducere frigus contrarium. Ratio verò, cur calor duorum carbonum vnitorum diutius cōseruetur, quam si essent separati, est quia duo carbones vniti sunt agens fortius, adeoque postulans contrarium validius ad destructionem; ergo propter hoc ipsum, quia calor nunc existens est validior, utpote extensiuè maior, plus ex illo conseruatur in instanti sequenti, ac minus diminuitur ad præsentiam agentis contrarij, quam diminueretur, si esset calor vnus tantum carbonis, qui utpote minor extensiuè, est agens debilius.

Vrgent: calor carbonum producit calorem in aere ambiente; sed calor aeris ambientis conseruat calorem carbonum pro eodem instanti; ergo datur mutua causalitas. Respondeo negando minorem. Nam calor productus in aere

carbonibus nullo pacto concurrat ad conseruationem caloris, à quo produci-  
tur pro eodem instanti, sed concurrat ad conseruationem ipsius pro instanti  
equenti per modum vnius agentis for-  
ioris propter maiorem extensionem.

Dicunt: si aer ambiens non haberet  
alem calorem productum à carbonibus,  
eo ipso calor carbonum diminueretur;  
ergo calor productus in aere concurrat  
ad conseruationem caloris producentis  
pro eodem instanti.

Respondeo nego consequentiam. Nam  
ratio, cur tum calor carbonum diminue-  
retur, esset, quia daretur causa validior  
potens calorem carbonum diminuerem,  
& simul impedire, ne produceret calo-  
rem in aere, ac determinare conserua-  
tionem frigoris, quod erat ante in am-  
biente.

Adducunt doctrinam Aristotelis 2. phy-  
sic. tex. 30. cum affirmatio est causa affirma-  
tionis, negatio est causa negationis; e. gr. si  
si praesentia gubernatoris est causa salutis,  
absentia eiusdem est causa naufragij;  
sed frigus ambientis esset causa, cur ca-  
lor carbonum non conseruaretur pro  
hoc instanti; ergo negatio frigoris in  
ambiente, seu calor ambientis est causa,  
cur in carbonibus calor conseruetur.  
Respondeo regulam Aristotelis intelli-  
gen.



gendam de negatione incausata, ut patet; nam si vita gubernatoris est causa salutis in naui, non quælibet mors est causa naufragij, sed mors incausata naufragio. Nam si gubernator pereat ex naufragio, mors gubernatoris non est causa naufragij, à quo causatur. Si non quælibet negatio frigoris in ambiente est causa, cur conseruetur calor in carbonibus, sed negatio incausata calore carbonum. At negatio frigori in aere causata à calore carbonum non est causa conseruans talem calorem pro eodem instanti. Hinc patet responsio ad similem instantiam: contrarium est causa destructionis; ergo negatio contrarij est causa conseruationis; sed negatio frigoris in aere ambiente est negatio contrarij respectu caloris carbonum; ergo negatio frigoris est causa conseruatiua caloris. Dicendum est enim, quod non omnis negatio contrarij est causa conseruationis, sed sola negatio non causata à contrario; illa verò negatio frigoris in aere ambiente, quæ causatur à calore carbonum, propter hoc ipsum non potest esse causa conseruatiua eiusdem caloris.

Ad tertiam experientiam de duobus baculis concedo, quod duo baculi se inuicem sustentent; sed ex hoc non sequitur mutua causalitas. Nam vnus baculus

non

---

non causat alterum baculum, sed solum  
 causat sustentationem alterius. Sustenta-  
 tio verò actualis vnius baculi non cau-  
 sat sustentationem alterius, quod ad mu-  
 tuam causalitatem requireretur, sed tales  
 sustentationes sunt effectus simultanei cau-  
 sati à gravitate vtriusque baculi. Quia  
 enim baculi habent tantam gravitatem,  
 & ante erant in loco, & nunc neque  
 possunt ascendere, neque descendere,  
 neque moveri lateraliter, ideo sustentan-  
 tur, ac remanent in loco, in quo erant  
 ante, detenti in eo ab vtriusque gravita-  
 te. Non possunt ascendere, quia gravi-  
 tas resistit ascensui; non possunt moveri  
 lateraliter, quia gravitas resistit etiam  
 motui laterali; non possunt descendere,  
 quia resistit mutua ipsorum impenetra-  
 bilitas, ne simul descendant; deberent  
 enim inuicem penetrari, & eorumdem  
 gravitas impedit, ne vnus ascendat, alte-  
 rum eleuando; ergo à sua gravitate  
 determinata à situ, & alijs circumstantijs  
 oritur, vt maneant in eodem loco, & per  
 hoc se inuicem sustentent sine vlla mutua  
 causalitate sustentationum actualium.  
 Ex eo verò, quod si cadit vnus, cadit al-  
 ter, infertur solum, quod eadem sit cau-  
 sacadendi vtriusque, sicut eadem est causa  
 vtriusque sustentatiua.

Ad quartam ex eo, quod in curru mo-  
 tus

tus vnius rotæ facili-  
ter motum alterius ,  
concedo, quod facilitas ad motum vnius  
eo ipso facili-  
ter etiam ad motum alterius  
propter mutuam connexionem talium  
motuum , sed nego , quod motus actualis  
vnius rotæ facili-  
ter motum alterius. Ro-  
tæ enim in curru sunt ita connexæ , &  
colligatæ, vt debeant simul moueri; ergo  
omnia , quæ faci-  
litant motum vnius , fa-  
cilitant etiam motum alterius , & om-  
nia, quæ diffi-  
cultant motum vnius , diffi-  
cultant motum alterius , non quia motus  
facili-  
ter motum, sed quia causa est deter-  
minata ad non mouendam vnâ rotam  
sine alia propter mutuam earum con-  
nexionem ; ergo eo ipso, quod causa habet  
difficultatem ad vnâ rotam mouendam,  
habet etiam difficultatem ad mouendam  
aliâ.

Vrgetur , quia quotiescumque aliquo  
ablato, requiruntur maiores vires ad po-  
nendum effectum , tunc illud est causa,  
saltem adiuuans ad talem effectum ; sed  
in curru impedito motu vnius rotæ , eo  
ipso ad motum aliarum requiruntur maio-  
res vires ; ergo motus singularum rota-  
rum est causa adiuuans motum aliarum.

Respondeo negando maiorem esse ve-  
ram vniuersaliter . Maiores enim vires  
requiri possunt non solum ex eo quia id,  
quod fuit ablatum , adiuuaret , sed ex  
alijs

alijs etiam rationibus. Primo ex eo, quod istę vires sunt determinatę ad faciendum vtrumque effectum simul, vel neutrum; ergo eo ipso, quod istę vires impediuntur à faciendo vno, impediuntur etiam à faciendo alio, atque adeo debent addi novę vires, vt illum solum efficiant. Secundo, quia si fiat vnum sine alio, eo ipso debet fieri aliquis alius effectus difficilior, adeoque requirens vires maiores. Ita in casu de rotis impedito motu vnus rotę, vt alię mouerentur, eo ipso deberet fieri nouus effectus, discontinuando rotas, & totum currum, & cum tali discontinuatione coniungendo motum vniuniformem rotarum; hic autem effectus discontinuationis est multo difficilior, quam motus currus cum quatuor rotis connexis, ac non discontinuatis. Pręterea sepe ad faciendum vnum sine alio requiruntur maiores vires, quia eo ipso deberet causa coniungere quędam inconiungibilia: e g. requiruntur maiores vires ad introducendam formam nouam, non expellendo veterem, quia eo ipso, quod causa introduceret nouam formam, non expellendo veterem, deberet coniungere in eadem materia duas formas: similiter requiruntur maiores vires, vt ventus ingrediatur, non aperta fenestra, quia eo ipso ventus deberet penetra-

netra-

netrari in eodem loco cum fenestra ; ergo non semper ex eo, quod ad faciendum vnum sine alio, requiruntur vires maiores ; sequitur, quod illud adiuuet, quia possunt vires maiores requiri ex alio capite. Confirmatur, quia maiores vires requiruntur ad Solem conseruandum sine luce, quam ad Solem conseruandum cum luce : ad conseruandum enim Solem sine luce requiruntur vires miraculosæ ; ad conseruandum Solem cum luce, non requiruntur vires miraculosæ ; & tamen lux non adiuuat ad Solem ponendum ; ergo illa maior non est vera vniuersaliter, quia maiores vires possunt requiri ad quædam disiungenda, quæ sunt connexa.

Ad quintam experientiam ex eo, quod impulsus violentus impressus lapidi causat motum sursum, & conseruatur à motu, respondeo negando, quod talis impulsus conseruetur à motu pro eodem instanti, pro quo causat motum ; sed dico, quod conseruatur solum pro tempore sequenti. Ideo si in hoc instanti impediatur motus, cessabit impulsus pro tempore sequenti, quia ad hoc, vt conseruetur impulsus, requiritur tanquam conditio, quod in instanti antecedenti fuerit motus. Non datur ergo hæc mutua causalitas, quia impulsus causat motum  
pro

pro hoc tempore, at motus huius temporis est conditio requisita ad conseruandum impulsu non pro hoc tempore, sed solum pro sequenti.

Ad sextam experientiam, ex eo, quod sit possibilis actus voluntatis, quo quis dicat, *volo mouere utramque manum, vel neutram*, concedo possibilitatem casus: sed nego consequuturam vllam mutua causalitatem. Solum enim sequitur, quod si quis deinde per vnicu actum absolutu dicat *volo mouere utramque*, motus vtriusque erit concomitans, & pendens ab eadem indiuisibili determinatione voluntatis; si dicat *volo utramque quiescere*, quies similiter erit concomitans.

Urgent: possem dicere *nolo mouere dexteram, nisi dependenter à motu sinistra, nec sinistram, nisi dependenter à motu dextere*; & *nolo quiescere dexteram, nisi dependenter à quiete sinistra, nec sinistram, nisi dependenter à quiete dextere*: in hoc casu non posset dari motus, nec quies sine mutua causalitate; ergo. Respondeo negando minorem. In hoc enim casu durante tali actu, non possem exercere vllum actum absolutum voluntatis utilem ad motum, vel quietem manuum; tales enim actus habere deberent mutuam prioritatem, quæ probata est impossibilis. Sequeretur igitur in manibus id, quod

quod sequeretur, si dicerē, nolo quidquam decernere circa motum, vel quietem manū. Mouerentur enim, vel quiescerent naturaliter, non spontaneè, prout exigere gravitas illarum, dependenter à libera exclusionē voluntatis absolutæ vtilis ad motum. Hac verò responsio iam melius explicabitur.

Dum vrgent vltcrius, quia si vnus Angelus diceret: *Ego volo facere circa motum, & quietem, quod videro alterum facientem*, alius Angelus idem decernat, tunc neuter posset moueri, vel quiescere sine mutua causalitate: respondeo argumentum esse difficile, sed soluendum etiā ab aduersarijs concedentibus mutuam causalitatem. Nam si dicat Michael: *ego volo moueri pro hoc tempore, si videro Gabrielem moueri, volo quiescere si videro Gabrielem quiescere, faciens quod illum videro facientem*; Gabriel è conuerso dicat, *Ego volo quiescere pro hoc tempore, si videro Michaelem moueri, volo moueri, si videro Michaelem quiescere, faciens oppositum, ac videro Michaelem facientem*, quæro quid sint facturi? non possunt vterque quiescere, neque vterque moueri, quia hoc esset contra voluntatem efficacem Gabrielis volentis efficaciter, & potentis facere oppositum Michaeli; non posset vnus quiescere, & alter moueri, quia hoc esset  
contra



contra voluntatem efficacem Michaelis potentis, & volentis facere idem cum Gabriele. Eandem responsionem, quam attulerint aduersarij, concessa mutua causalitate, afferam & ego, mutua causalitate negata.

Secundo respondeo directè, quod in eo casu vterque quiesceret, absque eo quod tales quietes haberent ad inuicem ullam causalitatē, vel prioritatem naturæ. Ratio, cur vterque quiesceret est, quia Angelus eo ipso, quod non habet voluntatem necessariam, aut vtilem ad motum, quiescit, & remanet in loco, in quo erat prius, cum moueri non possit, nisi ex propria voluntate; sed in vtroque casu neuter haberet voluntatem necessariam, aut vtilem ad motum; ergo vterque quiesceret in vtroque casu. Minor probatur, quia vt Angelus moueatur, requiritur voluntas nō supponens motum, aut quietem pro eo tempore: si enim voluntas supponit quietem, non sufficit ad motum pro eo tempore, quia ex suppositione quietis nequit Angelus moueri. Si verò eadem voluntas supponat motum, est inutilis ad motū; Frustrā enim decernitur motus ex suppositione, quod iam detur talis motus. Sicut igitur voluntas necessaria ad motum non supponit motum, vel quietem in eo Angelo, qui vult moueri, sic voluntas

se mouendi non supponit motum, vel quietem in alio Angelo, vel certè non supponit motum, aut quietem supponentem motum, vel quietem in eo ipso, qui decernit motum; Sed in casu nostro cum Angelus decerneret non moueri, nisi videret alterum moueri &c. excluderet à se voluntatem motus, & quietis independentem à motu, & quiete alterius, qui motus, & quies mutuò supponerent motum decernētis; ergo vterque Angelus excluderet voluntatem necessariam ad motum, ac quietem spontaneam; ergo vterque deberet quiescere, sicut si nihil decreuisset &c. Talis verò quies vtriusque Angeli non haberet vllum ordinem prioris, ac posterioris ad quietem alterius, sed solum dependeret tanquam à causa à libera exclusionem voluntatis antecedentis visionem motus, aut quietis, tum in se, tum in alio Angelo pro hoc instanti, quæ voluntas antecedens est necessaria ad motum.

## Q V A E S T I O XXIV

*Virum possint ad eundem effectum concurrere plures causa totales.*

**V** Idetur, quod etiam naturaliter possint ad eundem effectum concurrere

---

re plures causæ totales 1. quia possunt plures homines, quorum singuli sint sufficientes ad trahendum aliquod pondus, coniungere vires ad trahendum illud pondus simul; sed in hoc casu singuli concurrunt ad tractionem vt causæ per se sufficientes, & totales; ergo.

2. Pondus, quod sufficienter sustineretur ab vnico fune, potest pendere à duobus; lux, quæ sufficienter produceretur ab vna candela, potest simul produci à duabus candelis; ergo potest idem effectus produci à pluribus causis totalibus.

3. Si animæ brutorum perfectiorum sunt indiuisibiles, vt dicitur in libris de Anima, eadem anima, quæ sufficienter sustentabatur à partibus materiæ per generationem acceptis, pendet deinde, & sustentatur etiam à partibus materiæ per nutritionem acquisitis; ergo eadem anima pendet à causa materiali totali, & ab aliqua alia causa materiali; ergo potest etiam pendere à duplici causa materiali totali; ergo potest etiam pendere à duplici causa efficiente totali.

4. Potest eadem actio pendere à duplici causa totali finali; e.g. potest aliquis peregrinari Romam & ex fine totali deuotionis, & ex fine totali curiositatis, ac delectationis, ita vt Romam peregrinetur

retur etiam vno ex his finibus ablato ; ergo potest eadem actio pendere à duplici causa efficiente totali .

5. Videtur vera sententia Suarij disput. 26. Metaph. sect. 4. quod possint supernaturaliter concurrere ad eundem effectum plures causæ efficientes totales , licet naturaliter non possint , tum quia non potest afferri implicantia ; tum quia potest Deus facere, vt paries, qui accipit esse albi ab vna albedine , accipiat esse albi etiam ab alia albedine , adeoque sit albus per duas albedines , tanquam per causas formales totales ; ergo potest facere , vt effectus , qui accipit esse ab vna causa efficiente, accipiat esse etiam ab alia causa efficiente totali .

Respondeo . Certum est posse etiam naturaliter ad eundem effectum concurrere plures causas totales in actu primo, hoc est tales , vt earum singulæ cum solo concursu generali Dei naturaliter debito essent sufficientes ad producendum effectum sine concursu alterius concause. Probatur: nam plures homines, aut equi, quorum singuli essent sufficientes cum concursu generali Dei ad trahendum aliquod pondus , possunt ita attemperare vires, & concursum, vt trahant tale pondus eadem celeritate . Solum igitur est dubium , an possint saltem supernaturaliter

ter

ter ad eundem effectum concurrere plures causæ totales in actu secundo, hoc est per plures actiones, quarum singulæ, alijs ablatis, sufficerent ad ponendum effectum. Dicendum, quod non possunt, ut docet Scotus in 3. dist. 1. quæst. 2. Caietanus 1. parte quæst. 67. art. 6. & alij, quos citat Suarius disput. 26. Metaph. sect. 4. Probatur, quia si effectus produceretur per duplicem productionem ex se sufficientem, sequeretur, quod neutra productio daret esse effectui; ergo &c. Probatur antecedens: sumo enim productionem A, & probo quod non det esse effectui. Effectus non accipit esse à productione A; ergo productio A non dat esse effectui. Probatur antecedens, quia implicat, quod res accipiat ab altero id, quod aliunde habet sufficienter: nihil enim potest accipere quod habet aliunde; sed effectus habet esse sufficienter ab actione B; ergo non accipit esse ab actione A. Eodem modo probatur, quod non accipit esse ab actione B, quia iam habet id sufficienter ab actione A.

Hinc rejiciuntur responsiones adversariorum. Dicunt primo, quod ab actione B effectus habet quidem esse, sed non habet esse dependens à causa actionis A; ergo tale esse dependens à causa actionis A potest accipere ab actione A. Sed

con-

contra, quia effectus non solum accipitur per actionem dependentiam à causa, sed etiam accipit esse; sed non potest accipere quod habet aliunde sufficienter; ergo &c. Dicunt secundo, quod si non existeret actio B, effectus non haberet esse aliunde; ergo actio A potest dare nunc esse effectui pro eo casu. Sed contra, quia productio, qua effectus nunc producitur, nunc dat esse effectui; ergo nunc effectus accipit esse per talem productionem; ergo nunc non habet esse aliunde. Confirmatur, quia Deus operatur per omnes, & singulas actiones causarum secundarum, cum ipsa actio causæ secundæ sit etiam actio Dei; ergo Deus per duas actiones bis idem efficeret. Rursus vellet, ut causa secundæ ageret actum ab alia causa; daret effectui, quod habet; ferret auxilium ad obtinendam victoriam aliunde comparatam, quæ sunt absurda, & ridicula, & non conformia modo operandi diuinæ sapientiæ.

Ad 1. & 2. Exempla allata probant solum posse eundem effectum pendere à duabus causis totalibus in actu primo, non à totalibus in actu secundo.

Ad 3. Animæ indivisibiles brutorum pro eo instanti, quo per nutritionem acquirunt novas partes materiæ, non

pendent sustentatiuè ab ijs partibus, quas acquirunt, sed supponuntur iam conseruatae ante actionem vitalem, quà se nutriunt, adiungendo sibi nouas partes materiae, eo pacto, quo cum quis comedit, pro eo instanti non conseruatur dependenter à tali comestione, sed supponitur iam conseruatus ante actionem comedendi. Solum igitur animae brutorum pro tempore consequente ad primam acquisitionem nouarum materiae partium pendet ab ijs sustentatiuè: tum verò pendet vnica pendentia adaequata ab omnibus partibus materiae. Nam actio, & passio, per quas animae brutorum conseruantur in tali materia, pendet indiuisibiliter ab omnibus, & singulis partibus talis materiae, ita vt quacumque parte ablata, remanere non posset idem modus actionis, aut passionis; ergo cum animae brutorum conseruantur dependenter à materia accepta per generationem, & à materia acquisita per nutritionem, conseruantur dependenter à pluribus causis materialibus totalibus in actu primo, sed partialibus in actu secundo, quia conseruantur conseruatione pendente indiuisibiliter ab omnibus, & singulis partibus. Debet autem aduer-ti, quod cum diximus in quaest. 15. quod formae materiales sustentantur à materia  
per



per suum esse actuale , intelligendum d  
diuisibilibus, quæ vniuntur huic numeri  
materiæ per suum esse actuale, sine alia  
vnione distincta . Indiuisibiles verò s  
cut vniuntur vnione distincta, ita forma  
liter sustentantur sustentatione distincta  
hoc est ipso modo passionis, ita penden  
te ab hac materia, vt non possit esse sin  
tali materia .

Ad 4. Nullum est inconueniens, quod  
eadem actio fiat propter plures fines adeq  
quatos . Actio enim eò vtilius fit , qui  
propter plures fines fit ; e. g. vtiliter fit  
peregrinatio Romana propter finem de  
lectationis ; adhuc fit vtilius propter fi  
nem delectationis , & deuotionis ; si ad  
datur tertius finis adequatus conficiendi  
negotij , fit etiam vtilius . At è conuer  
so inutiliter , & stultè quod sufficienter  
est positum per primam actionem, fit, &  
ponitur per plures actiones . Eo enim  
ipso sequuntur omnia inconuenientia  
explicata in fundamentis conclusionis .

Ad 5. Iam est allata implicantia, prop  
ter quam nè supernaturaliter quidem  
potest idē effectus fieri per plures actio  
nes sufficientes . Dum opponitur , quia  
Deus potest facere parietem album per  
duas albedines ; ergo &c. concedo ante  
cedens, & nego consequentiam . Dispa  
ritas est, quia paries non acciperet idem

V 2 esse

se albi ab vna albedine, ac ab alia, ad ab vna acciperet vnum esse albi, ab alia aliud esse albi. At in casu nostro effectus illud idem esse, quod haberet efficienter per vnam actionem, acciperet etiam per aliam, quod repugnat. Hinc retorqueo argumentum. Cum paries habet hoc esse albi per vnam albedinem, non potest idem accipere per aliam albedinem; ergo cum effectus habet hoc esse per vnam actionem, non potest illud accipere per aliam actionem.

## QVÆSTIONES

### De proprietatibus corporis naturalis.



OST tractationes de principiis, & causis rerum naturalium sequitur tractatio de earum proprietatibus, & accidentibus.

Primo agemus de motu, & eius definitione. Secundo de loco tum extrinseco, tum intrinseco, qui vocatur ubicatio, & de replicatione corporum. Tertio de vacuo, examinantes an possit dari, & an corpora mouerentur in vacuo. Quarto de tempore tum extrinseco, tum intrinseco,

Seco, quod vocatur duratio. Quinto de infinito, eius definitione, & possibilitate. Sexto demum de quantitate, & continuo, examinantes an quantitas sit accidens speciale, an continuum componatur ex indiuisibilibus, vel ex partibus diuisibilibus in infinitum, potentia, vel actu distinctis, & an in continuo dentur indiuisibilia copulatiua, vel terminatiua.

## QVAESTIO XXV.

*Vtrum conueniens sit definitio motus.*

**V**idetur non esse conueniens definitio motus allata ab Aristor. 3. Phys. tex. 6. qua motus dicitur *actus entis in potentia prout in potentia* i. quia incōueniēter per definitionem obscurissimam definitur, res clarissima, & notissima, cū definitio debeat esse clarior, & notior definito, vtpotē illius declaratiua, & explicatiua, ac notificatiua; sed motus est aliquid notissimum, & clarissimum, cum nemo sit, qui non percipiat quid sit motus: definitio allata est ita obscura, vt pauci illam percipiant; ergo inconueniens est definitio motus.

2. Definitio allata conuenit cuicumque formæ imperfectæ, & intensibili; e.g. conuenit calori vt duo, qui est forma imperfecta, & intensibilis, cum possit intendi, & augeri, ac peruenire ad maiorem intensiōem caloris vt tria, vt quatuor &c; sed non omnis forma imperfecta, & intensibilis est motus; neque enim calor vt duo est motus calefactionis: alioquin calidum vt duo per hoc ipsum calefieret; ergo allata definitio cōuenit alicui, quod non est motus; ergo non est bona. Maior probatur, quia forma imperfecta e.g. calor vt duo est actus entis in potentia, quia est actus subiecti, quod est potentia calidum; & est actus entis in potentia prout in potentia, quia per hoc ipsum, quod subiectum sit calidum vt duo, remanet in potentia ad calorem vltiorem, per quē constituatur calidum vt tria, vt quatuor &c; ergo forma imperfecta, & intensibilis est actus entis in potentia prout in potentia, ideoque participat definitionem motus.

3. Si motus esset actus, esset forma quædam, nam omnis actus est forma; sed non potest esse forma: alioquin cum subiectum mouetur ad formam, e.g. cum calefit, haberet duas formas, aliam, quæ esset calidum imperfectè, & præterea ipsum motum calefactionis, qui esset alia forma;

forma ; ergo inconueniens . est definitio motus , & motus non est actus .

4. Non potest explicari, vtrum tradita definitio motus conueniat soli motui successiuo , quo terminus acquiritur paulatim, & per partes , an etiam motui instantaneo , quo acquiritur totus simul ; ergo .

Respondeo , quod vt discurret Aristoteles inuestigans definitionem motus, quia ens diuiditur per potentiam , & actum , tamquam per primas differentias, motus necessario vel erit potentia, vel actus, & ex ipsis tamquam ex rationibus notissimis benè definietur , & explicabitur . Porro res triplici modo possunt se habere ; primo vt sint purè in potentia ; secundo vt sint in actu perfectò ; tertio vt sint in statu quodam medio inter puram potentiam , & actum perfectum . Motus igitur ad aliquem terminum non potest esse pura potentia ad talem terminum . Quod enim est in pura potentia, adhuc non mouetur ; e.g. per hoc, quod aliquid purè possit esse calidum, nondum calefit, neque mouetur ad calorem . Rursus motus non est actus perfectus , quia cum aliquid est in actu perfectò non mouetur amplius, sed iam est motum ; e.g. per hoc, quod aliquid sit perfectè calidum, non calefit, sed est iam calefactum, & motum .

V 4 ad

ad calorem. Reliquum est igitur, quod motus sit actus imperfectus, per quem res est in statu medio inter puram potentiam, & actum perfectum. Hinc Aristoteles deducit definitionem motus. Est enim motus *actus existentis in potentia in quantum est huiusmodi, seu actus ensis in potentia prout in potentia*. Sensus est, quod motus est actus, sed ita imperfectus, ut ordinetur ad actum ulteriorem, ideoque actus subiecti, quod est in potentia ad actum ulteriorem, non quomodocumque, sed in quantum est in potentia ad actum ulteriorem, cum motus ex eo ipso, quia est actus imperfectus, adeoque ordinatus ad actum ulteriorem, postulet subiectum existens in potentia ad talem actum ulteriorem.

Tradita definitione motus, Aristoteles primo exponit illam applicando singulis speciebus motus: secundo exponit singulas partes definitionis: tertio probat eius bonitatem ratione.

Primo igitur exponitur definitio motus, exemplificando in singulis speciebus. Nam alteratio est actus alterabilis, in quantum est alterabile, e. g. calefactio est actus, quo actuatur calefactibile, in quantum est calefactibile, & est in potentia ad ulteriorem calorem, cum actus calefactionis propter ipsam suam

im-

imperfectionem, per quam ordinatur ad  
ulteriore actum caloris, postulet esse  
in subiecto ulterius calefactibili. Simi-  
liter augmentatio est actus augmentabilis  
in quantum est augmentabile, quia est  
actus, quo augmentabile ita actuatur, ut  
ipsa actuatio, quia est imperfecta, & or-  
dinata ad ulteriorem quantitatem, postu-  
let subiectum esse augmentabile, hoc est  
in potentia ad ulteriorem quantitatem.  
Similiter cum lapis mouetur deorsum,  
est in actu descendendi, qui actus est in  
lapide, in quantum habet potentiam, ut  
ulterius moueatur ad locum inferiorem;  
ergo patet inductione in singulis specie-  
bus motus allatam definitionem esse op-  
timam.

Secundo patet bonitas definitionis,  
exponendo illam per singulas partes. Est  
manifestum, quod motus est quidam actus.  
Nam id, per quod subiectum, quod ante  
erat in potentia, dicitur constitui in actu,  
est actus; sed per omnem motum subie-  
ctum, quod ante erat in potentia, dicitur  
esse in actu; e.g. per motum ædificationis  
domus, quæ ante erat in potentia, & po-  
terat ædificari, dicitur actu ædificari; per  
motum saltationis quod poterat saltare  
dicitur actu saltare; ergo motus est  
actus. Secundo est actus entis existentis  
in potentia. Nam actus eius subiecti



primo, & per se est actus, in quo semper inuenitur, ita vt non possit poni extra illud; ita lumen dicitur esse actus corporis diaphani, seu transparentis, quia semper lumen est in corpore diaphano, nunquam in opaco; sed motus non potest inueniri nisi in ente, quod sit in potentia ad actum vltiorem; e.g. calefactio non potest inueniri nisi in ente, quod sit in potentia ad vltiorem calorem; ergo motus est actus existentis in potentia. Tertio hinc patet, quod sit actus existentis in potentia, in quantum est in potentia ad vltiorem actum, ita vt actus ex sua ratione requirat in subiecto talem potentialitatem, & actuet illud secundum eandem potentialitatem. Cum enim motus sit actus ita imperfectus, vt ordinet subiectum ad actum perfectum, ex sua ratione requirit, vt sit actus entis in potentia, ita vt actuet ipsum, in quantum potest vltius actuari, eo pacto, quo lumen ex sua ratione actuatur corpus diaphanum secundum rationem diaphani.

Tertio explicata definitione, probat illam Aristoteles ratione. Nam omnis potentia potest actuari actu proprio spectante ad illam, in quantum est talis potentia; sed datur potentia mobilis, e. g. alterabilis, ædificabilis &c; ergo talis potentia est actuabilis actu proprio talis poten-

potentiæ ; sed actus proprius potentiæ ædificabilis non est ipsa forma domus , quia forma domus non postulat , vt potentia remaneat ædificabilis , & actuabilis vltiori actu ; ergo actus proprius ædificabilis est ædificatio , per quam ædificabile ita ædificatur , vt sit in potentia ad actum vltiorem ; idem dic de cæteris motibus ; ergo motus vniuersim est actus entis in potentia prout in potentia .

Ad 1. Definitio explicans quid rei , & non solum quid nominis debet esse clarior definito , non quidem ita , vt facilius acquiratur conceptus definitiuus , sed ita , vt per conceptum definitiuum perfectius , & clarius cognoscatur definitum , licet propter hoc ipsum conceptus definitiuus vtpotè perfectior difficilius , & à paucioribus formetur , quam conceptus definitus . In hoc sensu Aristotelica definitio motus est clarissima , cum per illam clarissimè penetratur natura , & essentia motus , licet difficile formetur , & à paucis , propter rationem vniuersalem , ex qua conceptus valdè clari , & perfecti difficilè formantur , & solum à paucis .

Ad 2. Nego , quod definitio motus cōueniat cuicumque formæ intensibili , e.g. calori vt duo . Calor enim vt duo est actus , qui potest etiam dari in subiecto

validissimo, & non ulterius calefactibilis; ergo non est actus postulans ex sua ratione potentiam ulterius actuabilem per calorem. At motus est actus ex sua ratione ordinatus ad actum ulteriorem, ideoque postulans potentiam ulterius actuabilem, nec potens actuare nisi potentiam ulterius actualem.

Ad 3. Concedo, quod motus eo ipso quod est actus, est quadam forma imperfecta, & ordinata ad formam ulteriorem. Non autem repugnat, quod in subiecto sint duæ formæ, si vna sit imperfecta.

Ad 4. Dico quod si definitio motus sumatur strictè, convenit soli motui successivo, non autem instantaneo. Ratio est, quia cum motus successivus non ponat totum terminum simul, verè actuatur subiectum, in quantum est in potentia ad recipiendum actum ulteriorem, hoc est novam partem termini producti. At motus instantaneus cum per se ponat totum terminum, est positio actus perfecti, & omninò actuantis, ac non per se relinquentis terminum in potentia ad actum ulteriorem. Potest tamen definitio motus explicari minus strictè, ita ut competat etiam motui instantaneo, in quantum motus instantaneus est actus, qui cum ordinetur ad terminum distinctum, qui est alius actus, ordinatur ad actum  
ulre-

vlreriorem, ideoque est aliquo modo actu-  
entis in potentia .

Pro complemento tractationis de mo-  
tu, quam Aristoteles tertio physicorum  
reliquit imperfectam, explicanda essent  
ea, quæ de motu disputat septimo physi-  
corum; nimirum quo pacto motus differ-  
rat à mutatione: quot sint prima genera  
motus: unde desumatur vnitas generica,  
specifica, & numerica motus: vtrum, &  
quomodo motui opponatur motus, vel  
quies. Sed breuitatis gratia libet horum  
discussionem omittere .

## QVÆSTIO XXVI.

*Vtrum locus extrinsecus bene  
definiatur .*

**V**Idetur primo locum non dari, nec  
posse explicari quid sit, cum valeant  
contra locum rationes ab Arist. adductæ  
4. phys. à text. 8. vsque ad 14. Primo enim  
si locus daretur, haberet trinam dimen-  
sionem, longitudinem, latitudinem, &  
profunditatem; sed quod habet trinam  
dimensionem est corpus; ergo locus esset  
corpus; sed locus, & locatum sunt si-  
mul; ergo duo corpora sunt simul, &  
pene-

penetrantur, quod repugnat.

2. Si corpus est in aliquo loco, & receptaculo, etiam superficies, ac punctum essent in aliquo loco, & receptaculo; nam etiam puncta sibi inuicem succedunt in eodem loco; sed locus puncti non potest esse nisi punctum; ergo locus aliorum locatorum non est aliud, quam locatum.

3. Si locus daretur, deberet reduci ad aliquam ex quatuor causis; sed non reducitur; non enim est materia, nam res constant ex materia, & tamen non constant ex loco, in quo sunt; ex eadem ratione non est causa formalis, quia res non constituuntur in specie per locum; neque est finis, vel causa efficiens, ac mouens; ergo locus non datur.

4. Ut arguit Zeno, omne quod est, in aliquo loco est; sed locus est; ergo locus est in loco; ergo datur locus loci, & proceditur in infinitum.

5. Videtur locus non benè definiri ab Aristotele *superficies prima & immobilis corporis continentis*. Nam omnis superficies corporis mouetur simul cum corpore; e.g; superficies aquæ, quæ continentur pisces in flumine nantes, mouetur simul cum aqua; sed omne corpus est mobile; ergo omnis superficies est mobilis; ergo non datur locus, si debet esse

esse superficies immobilis .

6. Sequeretur, quod mundus, & suprema sphaera Coelorum non esset in loco . Nam iuxta definitionem Aristotelicam esse in loco est contineri superficie alicuius corporis continentis , eo pacto , quo pisces in aqua continentur superficie aquae ; sed mundus, & suprema sphaera non continentur superficie ullius corporis continentis ; ergo mundus, & ultima sphaera non sunt in loco , quod videtur absurdum .

7. Deus cum non contineatur villo corpore, non esset in loco ; Angeli, & Anima rationalis non essent in loco, cum ens spirituale nequeat corpore, vel superficie corporea contineri .

Respondeo, quod aliud est quærere, quid sit locus extrinsecus, intra quem corpora dicuntur esse, quo dicuntur contineri, & ad quem, vel à quo dicuntur moveri : aliud est quærere, quid sit id, quo corpora constituuntur formaliter in loco extrinseco, & intra ipsum continentur, quod vocari solet vbicatio, vel locus intrinsecus . Aristoteles, & antiqui magis egerunt de loco extrinseco, quam de intrinseco . Circa locum igitur extrinsecum docuerunt plures antiqui, quod consistat in dimensionibus quibusdam immobilibus, cum quibus penetrantur  
cor-

corpora locata; e. g. datur per antiquos spatium quoddam immobile habens longitudinem, latitudinem, & profunditatem, cum quo penetror ego, & hic est locus meus. Reijcit istos Aristoteles, quia hoc spatium immobile habens longitudinem, latitudinem, & profunditatem esset corpus; ergo dum corpus locatum ponitur in loco, vnum corpus penetraretur cum alio corpore, quod est absurdum. Alij dixerunt locum esse materiam, vel formam corporis locati. Sed reijciuntur, quia loca, de quibus homines loquuntur, non sunt materia, neque forma intrinseca locati, sed aliquid illi extrinsecum. Dicimus enim aliquem esse in cubiculo, vel in platea tanquam in loco: manifestè verò cubiculum, & platea, & cetera loca, de quibus loquimur, sunt aliquid extrinsecum locatis.

Ex eo, quod locus neque consistat in dimensionibus immobilibus, neque sit aliquid intrinsecum corporibus locatis, infert Aristoteles, quod locus sit aliquid in corpore continente locatum. Et quia corpus continens continet locatum intra suam superficiem; e. g. cubiculum continet homines, qui sunt in cubiculo, intra suam superficiem, ideò locus est superficies corporis continentis; e. g. superficies huius cubiculi, in quo continemur,



mur, est locus, in quo sumus.

Verum quaestio de loco non quaerit, qua superficie materiali, ac mobili contineatur locatum, sed qua superficie formali, & immobili. Patet. Cum enim quaerimus, in quo loco sit Petrus e. g. non satisfacit quaestioni, dicendo, quod est in naui, & clauditur eius superficie materiali, ac mobili, non explicando ulterius, utrum naus sit in Asia, vel in Europa, sed debet explicari, quem situm in vniuerso habeat naus, & quam distantiam à punctis fixis, per quam distantiam constituitur superficies formalis, & immobilis, quam superficiem conantur describere Geographi, dum describunt loca terrarum; ergo locus non est utcumque superficies corporis continentis, sed est superficies immobilis, hoc est constituta per certam distantiam à punctis fixis vniuersi, prout describitur à Geographis, & Cosmographis. Per hoc verò locus differt à vase. Vas enim est superficies corporis continentis materialiter accepta, in quantum abstrahit à certa distantia à punctis fixis: Locus est superficies formaliter accepta, in quantum constituitur per talem distantiam. Hinc infert Aristoteles definitionem loci, in quantum differt à vase. Est enim locus *superficies corporis continentis immobilis*.

In

In hoc, quod sit superficies corporis continentis, conuenit cum vase: differt in eo, quod vas est superficies mobilis, locus est superficies immobilis. Sicut autem dupliciter corpus continetur superficie alterius corporis; primo immediatè, ita ut talis superficies vndique tangat; secundo mediatè, ita ut non tangat, sic duplex est locus, proprius, & communis. Proprius est prima superficies, & immediatè continens, ac tangens. Dicitur autem locus proprius, quia non possunt duo corpora simul contineri intra eandem superficiem tangentem, alioquin penetrarentur. Locus communis est superficies continens, sed non tangens immediatè. Dicitur communis, quia possunt plura corpora contineri intra eandem superficiem non tangentem, atque adeò esse in eodem loco communi. Ita nos omnes sumus in hoc eodem gymnasio; omnia elementa, & corpora sublunaria sunt intra eandem superficiem concavam orbis lunaris; omnia corpora distincta à suprema sphaera sunt intra superficiem concavam sphaerae supremæ, & ideò locus communis corporum sublunarium est superficies concava orbis lunaris; locus communis omnium corporum etiam coelestium distinctorum à sphaera suprema est superficies concava sphaerae supremæ.

Locus

Locus igitur proprius prout differt à cō-  
muni, definitur ab Aristotele: *superficies*  
*corporis continentis, immobilis, prima*: hoc  
est qua corpus continens immediatè tã-  
git contentum. Locus proprius est æ-  
qualis rei. Superficies enim continentis,  
cum tangat superficiem corporis conten-  
ti, cum illa penetratur, & omninò com-  
mensuratur. Locus communis est maior  
re. Addit Aristoteles, quod quædam  
sunt in loco per se, quædam per acci-  
dens. Per se sunt in loco, quæ primo  
continentur superficie corporis tangen-  
tis, cum quo non constituunt vnum con-  
tinuum; quæ verò non continentur pri-  
mo vlla superficie continentis non con-  
tinentur, sed sunt in aliquo primo contento  
contra talem superficiem, seu sint in illo,  
tamquam partes in toto, seu tamquam  
accidens, aut forma in subiecto, seu tam-  
quam terminus in terminato, sunt in lo-  
co per accidens. Ex ijs, quæ sunt in lo-  
co per accidens, quædam possunt esse in  
loco per se, quia possunt separari à toto:  
e.g. meum brachium, quod nunc est in  
loco per accidens, potest esse in loco per  
se, quia potest separari à meo corpore,  
tunc continebitur primo superficie  
corporis tangentis. Quædam non pos-  
sunt esse in loco per se, vt scientia, &  
virtutes, quia non possunt existere extra  
totum,

totum, & subiectum, ita ut claudantur primo aliqua superficie tangente. Similiter quædam mouentur per accidens, quædam per se. Partes continui sunt in continuo, non tamquam in loco, sed tamquam in toto. Accidentia, & formæ sunt in materia, non tamquam in loco, sed tamquam in subiecto. Termini corporum, e.g. puncta, superficies, & lineæ, sunt in eo, quod terminant, non tamquam in loco, sed tamquam in terminato, & hæc omnia sunt per accidens in eodem loco cum suis totis, subiectis, & terminatis.

Ad 1. Nego antecedens. Locus enim non habet trinam dimensionem, sed solū est superficies corporis continentis, habens longitudinem, & latitudinem sine profunditate; ergo non sequitur, quod dum locatum est in loco, duo corpora penetrentur simul, sed solum sequitur penetrari superficies loci, & locati, quod non repugnat, sed requiritur ad hoc, ut duo se tangant. Illa enim se tangunt, quorum extrema sunt simul, ut infra melius explicabitur. Quod si locus consisteret in dimensionibus immobilibus, tunc sequeretur absurdum illatum.

Ad 2. Ex eo, quod si corpora essent in loco, etiam superficies essent in loco, & puncta essent in loco; distinguo; essent in loco per se, nego; per accidens, transeat.

Vt

Ut dictum est, quod primo non clauditur superficie non est per se in loco: sola autem corpora discontinua ab alijs corporibus primo clauduntur superficie corporum continentium; ergo sola corpora discontinua ab alijs corporibus per se sunt in loco. Partes continui, & a fortiori superficies, lineę, & puncta non sunt in loco per se, sed solum sunt in continuo, eo pacto, quo scientia non est in loco per se, sed solum in anima, non tanquam in loco, sed tanquam in subiecto, & ad summum possint esse per accidens in loco, in quo est corpus, quod terminatur punctis, ac superficiebus.

Ad 3. Locus reduci posset ad causam finalem, in quantum omnis locus est finis alicuius locati. Ita superficies concava lunę est finis ignis, qui nunquam quiescit, nisi coniungatur cum superficie concava lunę.

Ad 4. Distinguo maiorem: omne quod est, & non est in altero tanquam pars in toto, vel forma in subiecto, vel terminus in terminato, est in aliquo loco, transeat; omne, quod est, & est in alio, tanquam pars in toto, forma in subiecto, vel terminus in terminato, nego. & distinguo minorem; locus est, & est in corpore continente tanquam terminus. in terminato, concedo minorem; locus est, & non est in  
con-

continente tanquam terminus in terminato, nego minorem; & nego consequentiam. Non omne corporeū debet esse in altero tanquam in loco, sed quædam corporea sunt in altero, vel tanquam partes in toto, vel tanquam formæ in subiecto, vel tanquam termini in re terminata: ita partes continui, e.g. partes Oceani sunt in Oceano, non tanquam in loco, sed tanquam in toto; accidentia sunt in altero non tanquam in toto, sed tanquam in subiecto; locus est in corpore continente, non tanquam in loco, sed tanquam terminus in terminato. Locus enim est superficies corporis continentis, atque adeo terminat corpus cōtinens. Addo, quod si corpus continens est in alio loco extrinseco, superficies eius per accidens est in eodem loco.

Ad 5. Locus formaliter est superficies, in quantū habet tantam distantiam à centro, & polis mundi, in quantum verò superficies sumitur cū hac distantia, moveri non potest: eo enim ipso mutaret distantia. Dum opponitur: quando aer ambiens mutatur, mutaretur locus, distinguo; mutaretur materialiter, concedo; formaliter, nego. Non mutatur locus formaliter, cum superficies continens corpus retinet eandem distantiam à punctis fixis.

Ad

**Ad 6.** Sequeretur , quod mundus non esset in loco, distinguo , non esset in loco secundum partes, nego; secundum totum concedo . Mundus est in loco extrinseco secundum partes, quarum vna continetur superficie alterius corporis continentis eo pacto, quo terra continetur superfici aeris, aer superficie ignis, ignis superficie cōcaua orbis lunaris, orbis lunaris superficie concava orbis superioris, & omnia superficie sphæræ supremæ. Dum vrgetur sphæra suprema, quæ est pars mūdi, neque esset in loco secundum partes, quæ solum sunt in tota sphæra, tanquam in toto, non autem tanquam in loco ; distinguo; suprema sphæra secundum partes nō est in loco actuali , concedo ; non est in loco potenciali , nego . Partes sphæræ supremæ possent diuidi , ac discontinuari ab alijs partibus , & tunc actu continerentur loco , hoc est superficie corporis discontinui; ergo saltem in potētia sunt in loco; & hoc sufficit ad hoc, vt sphæra suprema circulariter moueatur . Per motum enim vnaquæque pars acquirit locum extrinsecum potentialem alterius, hoc est quem alia pars haberet actu .

**Ad 7.** Concedo, quod Deus non sit in loco strictè, sed solum latè. Strictè esse in loco est contineri loco , seu superficie aliqua corporis continentis, quæ sit simul  
cum



cum superficie corporis locati : & in hoc sensu sola corpora possunt esse in loco, cū sola contineantur superficie extrinseca, modo explicato. Esse in loco latè est quomodocumque habere presentiam ad locum. In hoc sensu Deus per suam immensitatem est præsens actu omnibus locis existentibus, & potest facere sibi præsentia actualiter omnia loca possibilia, producendo talia loca. Addo, quod Deus est præsens loco, non tanquam contentus loco, sed tanquam continens omnia loca. De Angelis proportionaliter dico, quod sunt in loco, non tanquam clausi intra superficiem alicuius corporis, quæ sit simul cū superficie Angeli: Angelus enim utpotè spiritualis, non habet superficiem: solum igitur est in loco, tanquam præsens loco, & est in loco potius tanquam continens locum, quam tanquam contentus à loco. Illud enim continet locum, quod est præsens loco purè actiue, non autem passiue; continere enim dicit actionem, vel potentiam actiuam; contineri dicit passionem, vel potentiam passiuam; sed Angelus est ita præsens loco, ut possit agere in talem locum, non autem ut possit pati à loco; ergo Angelus est præsens loco tanquam continens, non tanquam contentus à loco. Et quia esse strictè in loco significat contineri, idcirco

An-

Angelus stricte non est in loco . In hoc sensu intelligo doctrinam S. Thomæ , dum dicit Angelū esse in loco per operationem, & actionem . Sensus enim est, quod Angeli naturaliter sunt in loco per præsentiam , per quam purè sunt actiue in loco, non autem per præsentia, per quam pati possint à loco . Ratio est, quia spiritus purè agit in corpora , non autem pati potest à corporibus . De Anima rationali dico , quod cum est vnita corpori, est in loco per accidens ; dum verò est separata à corpore , est præsens loco, sed non continetur loco, iuxta dicta de Angelis . Debet autem aduerti, quod naturaliter corpus passuum clauditur superficie corporis actiui tamquam loco naturali . Ita corpora inferiora, quæ patiuntur à corporibus cœlestibus, clauduntur à corporibus cœlestibus ; Cœli inferiores, qui recipiunt influentias superiorum, clauduntur à Cœlis superioribus ; ex corporibus inferioribus aer, qui comparatur ad ignem, tamquam passuum ad actiuum , clauditur igne, & sic de cæteris .



## QV AESTIO XXVII.

*Vtrum res sint in loco per vicationem distinctam à loco, & locato.*

**V** Idetur vera sententia Nominaliū, & aliquorum Recentiorum, quod res non sint in loco per vicationem distinctam à loco, & locato: e. g. quod sphaera elementaris non sit intra concavum lunę per vicationem distinctam à sphaera elementari, & à concavo lunę. 1. quia non est necessitas ponendi hanc vicationem, præsertim cum nec possit explicari, ad quem finem sit instituta, & quem usum habeat in rerum natura.

2. Non potest explicari, utrum vicationis intrinseca rei vicationis sit accidens absolutum, vel relatiuum, modaliter, an realiter distinctum à subiecto vicationis.

3. Hęc vicationis debet esse essentialiter immobilis, & affixa spatio, in quo est. Si enim posset dimoueri à spatio, in quo est, esset indifferens ad essendum, vel non essendum in tali spatio, atque, adeò esset in eo spatio per vicationem distinctam, de qua redit difficultas, ac pro-

proceditur in infinitum . Ex alia parte si sit affixa spatio , vel hoc spatium est aliquid reale , vel est aliquid merè imaginarium ; si est aliquid reale , non potest esse aliud , quam ipsa vbicatio ; ergo cum dicitur , quod vbicatio sit affixa spatio , dicitur , quod sit affixa sibi ipsi ; si est aliquid imaginarium ; ergo est mera imaginatio , quod vbicatio sit affixa spatio , atque adeò corrigenda per rationem .

4. Non potest explicari , an vbicatio permanens distinguatur ab vbicatione fluente , quæ vbicatio fluens est motus , an verò sit identificata cum motu . Non potest etiam explicari , à qua causa producat ; an producat per actionem distinctam , an verò per identificatam , & vtrum ipse motus sit actio productiva vbicationis .

5. Si daretur vbicatio , ex vna parte omnia , quæ essent in composito , deberent vbicari per vnicam vbicationem ; ex alia verò parte videtur , quod sicut non omnia , quæ sunt in composito , durant per vnicam durationem , sic nec omnia , quæ sunt in composito , vbicentur per vnicam vbicationem .

6. Si corpora vbicarentur per vbicationem distinctam , quæ esset posterior natura , quam corpora vbicata , sequeretur , quod saltem , supernaturaliter posset

Deus impedire omnem vicationem, & sic corpus poni nullibi, quod est inintelligibile.

Respondeo cum Suario disp. 51. metaph. Vasquez prima parte disp. 195. & recentioribus communiter, res viciari, seu constitui in loco per aliquam formam positivam intrinsecam distinctam à loco, & locato. Ratio est, quia potest esse locus, & esse corpus, quin corpus sit in tali loco; ergo hoc, quod est esse in tali loco, est aliquid distinctum ab utroque: e.g. potest esse hoc gymnasium, & possumus esse nos, quin linus intra tale gymnasium; ergo hoc, quod est nos esse intra tale gymnasium, est aliquid distinctum à nobis, & à gymnasio. Neque hoc, quod est esse in gymnasio potest esse mera negatio distantiae ab hoc gymnasio: primo quia negatio negat aliquid positivum; ergo si res est in loco per negationem distantiae, distantia est aliquid positivum; sed per hoc, quod res sunt in loco, habent certam distantiam à punctis fixis; ergo res est in loco per aliquid positivum. Secundo potius conjunctio cum loco, quam divisio à loco debet esse aliquid positivum; ergo absurdum est, quod conjunctio cum loco sit mera negatio distantiae. Tertio res habent summam inclinationem ad hoc, ut coniungantur suo loco

loco naturali; e. g. ignis habet summam inclinationem ad hoc, vt coniungatur concauo lunæ, ideoque mouetur ad concauum lunæ, grauiam mouentur ad centrum, vt coniungantur suo loco naturali; ergo coniunctio cum loco non debet esse negatio, sed debet esse aliqua perfectio positiua. Quarto sicut motus calefactionis ordinatur ad hoc, vt res sit calida, sic motus localis ordinatur ad hoc, vt mobile sit in loco, ad quem tendit per motum; sed esse calidum est perfectio positiua per calefactionem acquisita; ergo esse in loco est perfectio positiua acquisita per motum. Quinto est maior perfectio rei quiescere in loco, quam moueri ad locum; nam locus rectus habet pro fine quietem in loco; sed motus localis est aliquid positiuum; ergo etiam quies, per quam res sunt in loco, quæ finis est motus, est aliquid positiuum; sed quiescere in loco non est solum, quod existat locus, & locatum, absq; eo, quod locatum quiescat in loco; ergo vbicatio, per quam locatum quiescit in loco, est aliquid positiuum. Hinc reiiciuntur responsiones, quod vbicatio supra locum, & locatum addat solum motum præcedentem, negationem vltioris motus, & negationem miraculi. Ostensum est enim, quod addat aliquam perfectionem positiuam



fitiuam intrinsecam locato: præterquam, quod absurdum est, quod mobile moueatur tantum vt sit motum, & non amplius moueatur; sicut absurdum esset, quod calefactio daretur tantum, nō vt subiectum esset calidum per calorem remanentem, sed vt fuisset calefactio. Addo, quod ordo secundum locum debet addere perfectionem intrinsecam rebus localiter ordinatis.

Ad 1. Respondeo vbicationem esse necessariam, & vtilem ad hoc, vt res habere possint ad inuicem diuersam distantiam, & propinquitatem, vt possint diuersimodè applicari ad operandum. Patet enim, quod agentia diuerso modo exercent suam virtutem actiuam in corpora remota, quam in proxima: ignis e.g. diuersimodè calefacit res propinquas, ac remotas. Et quia etiam Angeli diuersimodè possunt operari in res propinquas, ac in remotas, ideò etiam ipsi sunt capaces motus, & vbicationis intrinsecæ, per quam tamen vbicationem potius continent locum, quam continentur à loco, vt explicatum est qu. 26. in resp. ad 7.

Ad 2. Dico vbicationem esse modum rei vbicatæ. Cum enim sit id, per quod corpus formaliter est in loco, non potest esse sine hoc corpore, cum hoc corpus possit



possit esse sine hac vbicatione. Est igitur vbicatio id, quod non potest esse, quin sit intrinsecum alteri, quod potest esse sine illo, quæ est definitio modi. Dum quæritur ulterius, vtrum vbicatio sit accidens absolutum, vel relatiuum, sensus quæsitæ est, vtrum vbicatio sit ipsa actualis coniunctio cum loco extrinseco, & distantia actualis ab alijs vbicationibus, præsertim punctorum fixorum, ita vt dari non possit hæc vbicatio intrinseca, quin coniungatur cum tali loco extrinseco, & quin constituat vbicatum taliter distans à punctis fixis. Ad hoc quæsitum primo dico vbicationem non esse actua-  
lem coniunctionem cum immediato loco extrinseco; e.g. mea vbicatio intrinseca non est actualis coniunctio cum superficie illius aeris, quo includor. Probat, nam mutato hoc aere extrinseco, remanet in me eadem vbicatio intrinseca; ergo mea vbicatio intrinseca non est actualis coniunctio cum superficie huius aeris; actualis enim coniunctio remanere non potest sine utroque extremo. Secundo dico vbicationem nec esse relationem distantiae ad alias res, quæ sunt in mundo; nam mutatis rebus, mutaretur vbicatio: e. g. cum Petrus appropinquat mihi, ego muto distantiam à Petro; ergo si vbicatio esset actualis di-

stantia, mutarem vicationem. Actualis igitur relatio distantiae, vel indistantiae consistit in coexistentia plurium vicationum, ut indicatum est in logica.

Ad 3. Concedo, quod vicatio sit immobilis, & essentialiter affixa spatio. Dū tamen dicitur, quod vicatio sit essentialiter affixa spatio, non est sensus, quod detur aliquod spatium distinctum ab vicationibus, & cum ipsis penetratum, cui spatio vicatio sit essentialiter affixa, sed solum est sensus, quod vicatio est talis, ut non possit acquirere maiorem distantiam, aut propinquitatem ad alias vicationes, quam illam distantiam, quā habet de facto. Ita duo corpora, quae distant centum passibus, possunt fieri magis, vel minus distantia, quam sint de facto; at duae vicationes distantes per centum passus non possunt magis appropinquare, vel distare; ideoque vicationes sunt immobiles. Affixio igitur spatio, quam habent vicationes, est determinatio ad habendum inuicem tantam distantiam, & non maiorem, neque minorem, si actu ponantur; & sic rem explicando, corrigitur per rationem iminatio de spatio penetrato cum vicationibus.

Sed explicandum, quid sit spatium reale, vel imaginarium. Spatium reale est

est actualitas vbicationum habentium inter se essentialiter tantam distantiam, & propinquitatem; e.g. spatium reale huius mundi sunt vbicationes corporum habentes inuicem tantam distantiam, vel propinquitatem. Spatium imaginarium sunt vbicationes possibiles, quæ si darentur, distarent ab omnibus vbicationibus actualibus, nec illis clauderentur, & haberent inter se certam distantiam, aut propinquitatem. Ita spatia imaginaria extra mundum sunt vbicationes possibiles, quæ si darentur, distarent ab omnibus vbicationibus huius mundi, nec clauderentur illis, & haberent certam distantiam, aut propinquitatem inter se. Hinc patet, quid intelligamus, cum concipimus Angelum moueri extra mundum, per spatia imaginaria; intelligimus enim acquirere aliquam vbicationem distantem ab vbicatione spheræ supremæ, & non clausam intra spheram supremam. Hinc etiam patet solutio celebris questionis, utrum Deus sit in spatijs imaginarijs. Respondeo, quod Deus actu non est in spatijs imaginarijs, quia non potest esse præsens actu vbicationibus, quæ actu non sunt, sed est potentia in spatijs imaginarijs, quia cum sit immensus, est talis, ut eo ipso, quod ponerentur, vbicationes extra mundum, esset illis præsens

ens per suam immensitatem. Porro ista potentialitas essendi in spatijs imaginarijs non est potentia passiva, per quam Deus possit acquirere aliquam perfectionem, qua caret, sed est potentia activa, qua potest dare vocationibus perfectionem actualis existentie, à qua denominetur extrinsecè præsens actualiter alijs vocationibus.

Dices: Deus non esset actu immensus, nisi esset actu in infinito spatio.

Respondeo distingo, non esset actu immensus, nisi esset actu in infinito spatio identificato suæ immensitatis, concedo; nisi esset actu in infinito spatio distincto à sua immensitate, nego. Deus est actu immensus, quia est actu in infinito spatio identificato Divinæ immensitatis, quæ est ita magna, ut possit nulla sibi facta additione, constitui præsens actu spatio creato maiori, & maiori sine termino. Similiter ad quæsitum, an Deus sit extra mundum: respondeo, quod si esse extra mundum significet, quod vocatione Divina, quæ est immensitas, sit infinita, ac maior vocatione mundi, concedo; si significet, quod Deus sit in aliquo spatio actuali distincto ab immensitate Divina, quod iparium sit extra mundum, nego Deum esse actu extra mundum.

Ad 4. Respondeo vocationem per-

ma-

manentem essentialiter distingui à motu, siue vbicatione fluente . Ratio est, quia corpus per vbicationem fluentem ponitur in loco maiori , quam sit ipsum corpus, at per vbicationem permanentem ponitur in loco equali ; e. g. naus per motum, per quem mouetur per milliare, ponitur in spatio milliaris, quod spatium est multo maius naui ; at naus per vbicationem permanentem , & quiescentem ponitur in loco equali . Et quia motus est diuisibilis in infinitum , ideò non est vlla pars motus , quæ non sit maior mobili , atque adeò distincta ab vbicatione quiescente eiusdem mobilis , quæ est equalis mobili . Debet autem aduerti , quod cum dicitur vbicationem fluentem esse maiorem permanente , debet intelligi de vbicatione eiusdem omninò , & adequati subiecti ; e. g. si compareretur motus, siue vbicatio fluens totius naus, & eiusdem vbicatio permanens , vbicatio fluens, seu motus semper est maior vbicatione permanente ; at verò si vbicatio fluens mediæ naus compareretur cum vbicatione permanente totius naus, poterit esse maior , vel minor, vel equalis . Dum opponitur : per motum mobile tantundem spatij relinquit , quantum acquirit ; sed relinquit spatium equali mobili ; ergo acquirit spatium equali



eidem mobili; distinguo maiorem, tan-  
 tundem spatij occupati per vbicationem  
 permanentem relinquit, quantum acqui-  
 rit per fluentem; nego; tantundem spa-  
 tij occupati per vnam partem motus re-  
 linquit, quantum acquirit per sequentem  
 partem, transeat: distinguo eodem pacto  
 minorem, & nego consequentiam. Per  
 primam partem motus mobile acquirit  
 transeunter maius spatium, quam relin-  
 quat de spatio permanentiter occupato  
 per vbicationem quiescentē, vt est osten-  
 sum; ergo argumentum nullam habet  
 vim. Dum vltcrius opponitur, quod non  
 potest explicari, quanam sit causa vbica-  
 tionis permanentis: respondeo causam  
 ipsius esse illam, quę determinat corpus  
 ad quiescendum, & cessandum à motu,  
 quęcumque tandem sit. Cum quęritur,  
 vtrum vbicatio, & motus producantur  
 per actionem distinctam: respondeo af-  
 firmatiuē. Ratio est, quia idem numero  
 motus, qui procedit ab vna causa, posset  
 procedere ab alia: idem motus, quo de  
 facto Cœlum mouetur ab vna Intelli-  
 gentia, posset procedere ab alia Intelli-  
 gentia; ergo procedit per actionem di-  
 stinctam. Videtur autem, quod actio  
 productiua vbicationis permanentis ad-  
 dat aliquid supra motum. Nam non po-  
 test dari actio productiua vbicationis  
 per-

permanentis, quin detur vbicatio permanens; sed posset dari motus, quin daretur vbicatio permanens, qua corpus quiesceret in tali loco, eo quod corpus continuaret motum sine vlla quiete interposita; ergo actio productiua vbicationis permanentis addit aliquid supra motum.

Ad 5. Duplex est sententia. Quidam censent singula, quæ sunt in composito, vbicari per suas proprias vbicationes, sicut durant per suas proprias durationes; e.g. in homine per vnā vbicationem vbicati corpus, per aliam vbicari animam; accidentia etiam tum materialia, tum spiritualia vbicari per suam vbicationem propriam. Alij è conuerso docent omnia, quæ sunt in composito, vbicari per vnica vbicationem, quorum sententiam ego sequor. Quod forma substantialis, & materia vbicentur vnica vbicatione, probatur ex nostris principijs, quia cum existant per vnica existentiam, durant per vnica durationem, & vbicantur per vnica vbicationem, quæ cum sit accidens, recipitur in ente iam actuato, & existente. Præscindendo etiam à nostris particularibus principijs probatur, quia eo ipso, quod subiectum sit vbicatum, omnia, quæ sunt in subiecto, sunt vbicata per accidens per



idem mobili; distinguo maiorem, tantundem spatij occupati per vbicationem permanentem relinquit, quantum acquirit per fluentem, nego; tantundem spatij occupati per vnam partem motus relinquit, quantum acquirit per sequentem partem, transeat: distinguo eodem pacto minorem, & nego consequentiam. Per primam partem motus mobile acquirit transeunter maius spatium, quam relinquat de spatio permanentem occupato per vbicationem quiescentem, ut est ostensum; ergo argumentum nullam habet vim. Dum ulterius opponitur, quod non potest explicari, quanam sit causa vbicationis permanentis: respondeo causam ipsius esse illam, quae determinat corpus ad quiescendum, & cessandum à motu, quaecumque tandem sit. Cum quaeritur, utrum vbicatio, & motus producantur per actionem distinctam: respondeo affirmatiue. Ratio est, quia idem numero motus, qui procedit ab vna causa, posset procedere ab alia: idem motus, quo defacto Caelum mouetur ab vna Intelligentia, posset procedere ab alia Intelligentia; ergo procedit per actionem distinctam. Videtur autem, quod actio productiua vbicationis permanentis addat aliquid supra motum. Nam non potest dari actio productiua vbicationis per-

permanentis, quin detur vbicatio permanens; sed posset dari motus, quin daretur vbicatio permanens, qua corpus quiesceret in tali loco, eo quod corpus continuaret motum sine vlla quiete interposita; ergo actio productiua vbicationis permanentis addit aliquid supra motum.

Ad 5. Duplex est sententia. Quidam censent singula, quæ sunt in composito, vbicari per suas proprias vbicationes, sicut durant per suas proprias durationes: e.g. in homine per vnā vbicationem vbicari corpus, per aliam vbicari animam; accidentia etiam tum materialia, tum spiritualia vbicari per suam vbicationem propriam. Alij è conuerso docent omnia, quæ sunt in composito, vbicari per vnica vbicationem, quorum sententiam ego sequor. Quod forma substantialis, & materia vbicentur vnica vbicatione, probatur ex nostris principijs, quia cum existant per vnica existentiam, durant per vnica durationem, & vbicantur per vnica vbicationem, quæ cum sit accidens, recipitur in ente iam actuato, & existente. Præscindendo etiam à nostris particularibus principijs probatur, quia eo ipso, quod subiectum sit vbicatum, omnia, quæ sunt in subiecto, sunt vbicata per accidens  
per

per vocationem subiecti, e.g. eo ipso, quod ego moueor, mea cognitio, quæ est in me, mouetur per accidens eodem motu; eo ipso, quod ego sum in hoc loco, quæcumque sunt in me, sunt in eo loco, in quo sum ego. Addo, quod videtur absurdum, quod cum quis ambulat, & iter facit, cognitio, quæ est in illo, recipiat suum motum specialem, quo moueatur cum subiecto, & percurrat multa miliaria. Si verò dicatur, quod me ambulante, cognitio mea non recipit vllum motum in se ipsa, sed solum est in me, qui motum recipio, atque adeò mouetur per accidens, in quantum mouetur subiectum, statim cessat admiratio. Similiter cum quis mouet duas manus motibus contrarijs, alteram sursum, alteram deorsum, anima rationalis indiuisibilis reciperet immediatè duos motus contrarios, & eodem tempore moueretur sursum, ac deorsum. Iuxta nostram sententiam, anima non recipit motus contrarios in se, sed est vnita duobus brachijs recipientibus motus contrarios. Ad paritatem de duratione, respondeo disparitatem esse manifestam. Nam eo ipso, quod aliquid mouetur, secum defert omnia, quæ sunt in illo tamquam in subiecto; ergo omnia mouentur per accidens ad motum subiecti, & vbicantur per accidens

cidens per vbicationem subiecti , ac proinde non requiritur alius motus, vel vbicatio . At non eo ipso , quod aliquid durat nunc , durant omnia accidentia , quæ ante erant in illo , vel durat vnio accidentium ; ergo requiritur , vt accipiant propriam durationem , per quam durent . Hinc infertur implicare, quod subiectum moueatur , vel ponatur in loco, quia deferat secum omnia sua accidentia independentia à loco , cum omnia moueantur , & vbicentur per accidens per motum , & vbicationem subiecti . Solet queri, an vbicatio , & motus rerum quantarum recipiantur immediate in substantia, an potius in quantitate . Probabilius censeo recipi in quâtitate, seu in substantia , media quantitate, vt ostendetur inferius quæstione 36. de Quantitate .

Ad 7. Quod est prius natura , quàm alterum , potest saltem miraculosè poni, impedito posteriori, sed corpus est prius natura, quam vbicatio ; ergo . Respondeo negando maiorem , quam ostensum est esse falsam quæst. 7. in responsione ad octauum . Existimo igitur cum Suarez lib. 8. de Angelis cap. 3. contra Scotum , & aliquos recentiores , corpus nè miraculosè quidem posse absolui ab omni vbicatione , ac poni nullibi . Probatur primo



primo ex communi consensu. Nam ve-  
 nit Aristoteles quarto Physicorum textu  
 primo omnes, ea quae sunt, alicubi esse exi-  
 stimant, quia id, quod non est, nusquam est.  
 Vbi enim est Hippocentaurus, aut Chimera?  
 Secundo sunt valde affinia nunquam esse,  
 ac nusquam esse; sed implicat, quod ali-  
 quid sit, & nunquam sit; ergo implicat,  
 quod aliquid sit, & nusquam sit. Minor pro-  
 batur, alioquin posset aliquis esse beatus,  
 & nunquam, seu nullo tempore esse bea-  
 tus. Tercio non potest aliquid existere,  
 quin sit in tempore, atque adeò com-  
 prehendatur Diuina aeternitate; ergo nò  
 potest existere, quin sit in loco, atque  
 adeò comprehendatur Diuina immensi-  
 tate. Quarto, quod existit, vel est pro-  
 pinquum alijs rebus, vel distans; sed  
 propinquitas, vel distantia consequitur  
 vlicationem; ergo quod existit habet  
 aliquam vlicationem. Hinc colligitur  
 nec Angelos posse poni nullibi. Argu-  
 menta enim valent etiam de Angelis.  
 Existimo etiam Angelos non posse natu-  
 raliter vbicari in spatijs imaginarijs ex-  
 tra mundum. Ratio est, quia cum sint  
 partes totius vniuersi, non possunt se se-  
 parare à toto. Existimo etiam non pos-  
 se Angelos naturaliter moueri motu di-  
 screto, quo transeant à loco ad locum,  
 non transeundo per medium. Ratio est,  
 quia

quia sicut ex limitatione Angelorum sequitur, quod sint præsentes vñico loco, & non alteri, sic ex eadem limitatione sequitur, quod ex loco, in quo sunt, possint immediatè transire ad proximum, non autem ad distantem. Ubicatio enim limitata constituit subiectum in proxima potentia ad transeundum tantum ad spatium proximum.

## Q V A E S T I O XXVIII.

*Vtrum corpus possit miraculose replicari.*

**V**idetur primo posse aliqua entia spiritualia etiam naturaliter replicari, ità vt sint in pluribus locis. Anima enim rationalis cum sit indiuisibilis, est simul in capite, pedibus, & brachijs, atque adeò est simul in locis capitis, pedum, ac brachiorum, ac proinde replicatur: Angelus etiam potest naturaliter esse præsens toti cubiculo; ergo erit simul in vtraque medietate cubiculi; ergo simul erit in pluribus locis.

2. Videtur, quod neque supernaturaliter possit corpus replicari. Si enim supernaturaliter replicari posset in pluribus locis

locis, possent etiam supernaturaliter plura corpora penetrari, ac poni in vnico loco. Vtrumq; autem videtur absurdum. Quæ enim sunt in vnico loco, eo ipso sunt vnum, quæ in pluribus sunt plura; sed non potest vnum corpus esse simul plura corpora, neque plura corpora esse vnum corpus; ergo corpora nec possunt supernaturaliter replicari, nec penetrari.

3. Si corpus replicaretur, deberent cum eo replicari omnia accidentia, quæ sunt in corpore, e.g. albedo, scientia &c; ergo etiam deberet replicari vbicatio corporis, quod est impossibile.

4. Videtur esse vera sententia Scoti, & aliorum, quos refert, ac sequitur Suarius eo. 3. in 3. partē disp 48. sect. 9. cum pluribus alijs recentioribus, quod corpus non solum sit miraculosè replicabile per plures vbicationes definitiuas per quas nimirum sit totum in toto, & totum in qualibet parte, eo pacto, quo corpus Christi in Eucharistia est totum in tota hostia, & totum in qualibet parte hostiæ, sed etiam quod possit replicari per plures vbicationes circumscriptiuas, per quas totum sit in toto, pars in parte, medietas in medietate &c; quia non est maior ratio de vna replicatione, quam de alia; immò difficilior videtur replicatio per vbicationem definitiuā; per illam enim non  
solum



solum corpus ponitur in duplici loco, sed etiam ponitur modo quodam mirabiliori, ita ut sit totum in toto, & totum in medietate spatij. Adde quosdā viros Sanctos visos esse de facto in duplici loco per vlicationem circumscriptiuam.

5. Si corpus replicaretur, posset post replicationem moueri pluribus motibus contrarijs, occurrere sibi ipsi, & in se ipsum impingere; in vno loco vulnerari, in altero remanere sine vulnere; in vno mori in altero viuere; posset vnicus homo constituere exercitum innumerabilium hominum, quæ videntur absurda, & impossibilia.

Respondeo: certum est primo, quod non potest corpus naturaliter replicari, & poni simul in pluribus locis. Vnusquisque enim videt non posse se naturaliter esse Romæ simul, & Neapoli.

Certum est secundo ex fide posse corpus miraculosè replicari, & poni in pluribus locis quasi definitiuè, & in vno loco circumscriptiuè, in altero quasi definitiuè. Corpus enim Christi simul est circumscriptiuè in Cælo, ac quasi definitiuè in Eucharistia, ac in pluribus mundi locis, in quibus est Eucharistia.

Tertio probabiliores existimo sententiam Sanctorum Bonaventuræ, & Thomæ, quos præter omnes Thomistas sequitur

tur

tur Valquez in 3. partē disp. 169. docētem ; quod ne diuinitus quidem potest corpus replicari per plures vbicationes circumscriptiuas.

Probaturs primo, quia principium proprium, ex quo per sensum venimus in cognitionem certam de distinctione inter homogenea sensibilia, non potest falsificari per ullam potentiam, sed principium proprium, ex quo venimus in cognitionem certam distinctionis inter res homogeneas sensibiles, est quod habeant diuersas vbicationes circumscriptiuas; e.g. ego videns albedinem A existentem in vno loco, & albedinem B existentem in alio, statim cognosco illas esse duas, & non vnā albedinem, nec aliunde venio in cognitionem talis distinctionis, quam ex vbicationum diuersitate; ergo ne per Diuinam quidem potentiam falsificari potest hoc principium, sed falsificaretur, si palmus albedinis replicaretur circumscriptiuē; viderem enim illum in duplici loco, & non esse distinctus; ergo &c.

Confirmatur, quia alioquin possemus dubitare, an omnes palmi albedinis, qui sunt in mundo, sint vnus numero palmus albedinis replicatus; an omnis materia sit vnica materia replicata; an omnia grana frumenti, quae de facto videmus, sint vnicum granum multipliciter replicatum.

Con-

10 Confirmatur secundo, quia principia quibus intellectus assentitur ex terminis, & non propter experientias sensibiles, falsificari non possunt; e.g. non possunt falsificari ista principia, *omne totum est maius parte: si ab equalibus equalia demas, quæ remanent sunt equalia* &c., quia nota sunt ex terminis; sed quod quæ sunt in pluribus locis circumscriptivè sunt plura, notum est purè ex terminis, cum profecto nemo possit per ullam experientiam deprehendere, quod totum frumentum mundi non est unicum granum replicatum; ergo licet non sit equè evidens hoc principium, ac alia, quorum exempla adduximus, est equè infalsificabile; nam etiam principia non omninò evidenter, sed probabilia, possunt esse omninò infalsificabilia.

Aduerte, quod sicut sensus principij: *omne totum est maius sua parte est*, omne, quod verè est totum, est maius parte: sic sensus principij: *quæ sunt circumscriptivè* &c. est, quæ verè sunt, non autem quæ videntur esse.

Probatur secundo conclusio, nam pars non potest esse æqualis toti nè diuinitus quidem; sed si posset corpus replicari circumscriptivè, pars posset esse æqualis toti; ergo &c. Probatur minor, nam ubi catio circumscriptiva mensurat rem ubi catam

atam, eo quod palmus vibrationis correspondeat, & adequetur palmo rei vibratae, digitus digito, & sic de alijs partibus; ergo tanta est res vibrata, quanta est vibratio; sed posset vibratio medietatis esse aequalis vibrationi totius, si medietas replicaretur per aliam vibrationem aequalem; ergo medietas posset esse aequalis toti. Et confirmatur, quia quae ibi congruunt sunt aequalia; sed medietas replicata congrueret toti; ergo esset aequalis toti.

Ad 1. Nego Animam rationalem in corpore replicari. Nam replicari est poni in duplici loco adequato, seu in duplici loco non constituyente unum locum; at Anima rationalis non ponitur in duplici loco adequato, sed solum in duplici loco partiali, siquidem locus capitis, & pedis constituunt unum locum totalem totius corporis; ergo Anima rationalis non replicatur. Idem dic proportionaliter de Angelo, qui esset praesens toti cubiculo.

Ad 2. Concedo posse duo corpora penetrari miraculose, ut est certum apud omnes Theologos, excepto Durando, qui quia in 4. dist. 14. quest. 6. problematice procedit, male audit apud Scholasticos. Certum est enim Christum in natiuitate penetratum fuisse cum utero Beatae Virginis,

ginis, cum natus est, salua matris integritate. Dum opponitur, quia quæ sunt in vno loco sunt vnum corpus, nego hoc. Sicut enim plures gradus caloris, ve frigidis, licet penetrentur, adhuc distinguuntur, sic plura corpora miraculosè penetrata remanent distincta. Neque enim sicut principium cognoscendi distinctionem sensibilium homogeneorum est vbicatio, per quam sunt in diuersis locis, ita principium cognoscendi identitatem sensibilium homogeneorum est penetratio, per quam sunt in eodem loco, vt patet exemplo, allato graduum.

Circa penetrationem aduerte, quod si duo corpora penetrarentur, non posset vnum sine nouo miraculo egredi ex altero. Ratio est, quia in hoc egressu quædam partes deberent successiue penetrari cum alijs partibus, cum quibus ante non essent penetrata; hæc autem noua penetratio requireret nouum miraculum.

Ad 3. Concedo, quod replicato corpore, replicentur omnia accidentia, quæ per accidens sunt in loco per vbicationem corporis. Ratio est primo, quia quod est in subiecto, defertur à subiecto quocumque transfertur subiectum. Secundo quia ad hoc, vt aliquid sit per accidens in loco, sufficit, quod sit in subiecto, quod subiectum existit in tali loco, vt dictum est

est quæst. 26. ad quintum. Ex hoc patet, quod ne per Diuinam quidem potentiam potest replicari subiectum, quin replicentur ea omnia, quæ vbicantur per accidens per vicationem subiecti. Patet secundo in Eucharistia sub speciebus panis esse concomitanter, & per accidens, licet non ex vi verborum, sanguinem, animam, & omnia accidentia, quæ Christus habet in Cælo. Quoad sanguinem, & animam doctrina est de fide; quoad alia accidentia est communiter recepta. Patet tertio, cur licet vbicumque est pes, sit anima rationalis, non tamen vbicumque est anima, sit pes. Ratio est, quia anima est in loco per accidens; ergo eo ipso, quod pes sit in aliquo loco, anima pedi vnita est in loco pedis; at licet anima sit per accidens in loco capitis, tamen quia caput, quod est per se in eodem loco, exigit ne ibi sit pes, cum nequeat penetrari cum pede, etiam anima exigit, nè vbi est caput, ibi sit pes. Si tamen anima replicaretur per se, & acciperet aliquam vicationem per se, traheret secum suum corpus.

Dum opponitur, quia deberet etiam replicari vicatione corporis, nego sequelam cum sententia communi contra paucos Recentiores. Ratio est primo, quia replicato corpore, eatenus alia accidentia replicantur, quatenus sunt per accidens  
in



in loco per vbicationem corporis ; sed vbicatio est in loco essentialiter per se ipsam, immo est ipsum esse in loco; ergo non debet replicari . Secundo replicato subiecto, ea debent replicari, quæ possunt alibi tribuere subiecto suum effectum formalem ; e.g. replicata anima Christi, replicari debet beatitudo Christi, quia potest etiam in loco replicationis animæ Christi tribuere effectum formalem beati ; sed vbicatio si replicaretur, nunquam posset alibi tribuere effectum formalem subiecto, quia non potest facere, vt subiectum in terra sit in Cœlo , vt concedunt aduersarij ; ergo vbicatio non debet replicari . Immo dico, vbicationem nè per Diuinam quidem potentiam posse replicari . Probat, nam licet idem subiectum possit diuinitus recipere duas formas contrarias , & duos effectus formales contrarios, ita vt recipiat albedinem, & nigredinem, & fiat simul albū, & nigrū, tamen vnum contrarium non potest recipere effectum formalem sui cōtrarij; e.g. albedo non potest fieri nigra , calor non potest fieri frigidus ; sed esse hic , & esse alibi sunt effectus formales oppositi , & impossibiles , ergo licet possit idem subiectum miraculosè poni simul hic, & alibi , tamen ipsum esse hic non potest poni alibi ; hoc enim esset sicut si calor



fieret frigidus. Et confirmatur, quia quies posset moueri; motus actualis posset quiescere; motus deorsum posset moueri sursum; rotunditas remanens rotunditas posset fieri quadrata, & coaptari, & congruere spatio quadrato, quæ omnia repugnant.

Ad 4. Nego rationes adductas contra replicationem per plura vbi circumscriptiua valere contra replicationem per vbicationes definitiuas. Prima ratio non valet, quia cum præsentia definitiua in pluribus locis sit insensibilis, principium distinguendi per sensum plura sensibilia non est præsentia definitiua in pluribus locis; ergo non falsificatur principium distinguendi res. Intellectus porro non distinguit intelligibilia etiam homogenea per præsentiam in pluribus locis, sed per alia principia infalsificabilia. Secundo neque etiam ex eo, quod corpus replicetur definitiuè, sequitur partem esse æqualem toti. Ratio est, quia tunc pars esset æqualis toti, cum mensuraretur eadem mensura, ac totum; sed mensura rei non est vbicatio definitiua, sed solum circumscriptiua, per quam corpus ita vbicatur, vt palmus corporis correspondeat palmo vbicationis, semipalmus semipalmo, & sic de cæteris partibus; vbicatio verò definitiua, per quam totum est

est sub tota vbicatione palmari, & totum sub qualibet parte vbicationis, non mensurat corpus; ergo non sequitur, quod pars sit æqualis toti, Hinc desumitur ratio, cur eo ipso, quod corpus vbicatur per vbicationem palmarem, sit palmare, eo ipso, quod vbicatur per vbicationem bipalmarem, sit bipalmare; Anima verò rationalis licet vbicetur per vbicationem bipalmarem, non sit bipalmaris. Ratio est, quia corpus naturaliter vbicatur circumscriptiuè, atque adeò commensuratiuè: Anima vbicatur definitiuè, atque adeò non commensuratiuè. Hinc etiam est, cur crescente vbicatione corporis, crescat corpus, Anima autem rationalis non crescat: neque enim est maior anima pueri, quam anima gigantis, nec est longior anima, quamuis sit in corpore longiore. Ideò etiam licet Anima vbicetur definitiuè, & per accidens per vbicationem figuratam, non est figurata; ideò corpus Christi in quantum est in hostia maiori non est maius; in quantum est in hostia rotunda, vel quadrata, non est rotundum, neque quadratum, quia non commensuratur vbicationibus definitiuis, & per accidens.

Ad id, quod additur de quibusdam viris Sanctis, qui visi fuerunt simul in pluribus locis, dico miraculum potuisse

contingere multipliciter sine reali replicatione. Primo, ut in altero locorum viderentur visione quadam phantastica, & imaginaria causata ab Angelis per motum phantasticum, sicut contingit in somnijs. Secundo ut in altero locorum videretur visione reali corpus aereum, formatum ab Angelis, & simile corpori reali illius Sancti, & utrumque eorum, sæpè accidit in visionibus, & apparitionibus. Tertio ut miraculosè species visibiles hominis distantis peruenirent ad oculos distantes, ita ut per illas viderent illum hominem distantem tamquam præsentem, sicut aliquando per telescopium distantissima objecta apparent ut propinqua.

Ad 5. Si corpus replicaretur circumscriptiuè, sequerentur absurda dicta; ac si replicetur solum definitiuè, & per accidens, ut contingit in corpore Christi, nullum sequitur absurdum. Nam corpus Christi in quantum est in Eucharistia non recipit in seipso intrinsecè vllum motum, sed solum mouetur per accidens ad motum specierum. Quod autem aliquid moueatur per accidens duobus motibus contrarijs, non recipiendo tales motus, non repugnat; quia eatenus motus sunt contrarij, in quantum se excludunt ab eodem subiecto; sed cum mouentur ac-  
ciden-

cidentia Eucharistica , nullus motus recipitur in corpore Christi; ergo &c. Cum igitur duæ hostiæ mouentur motibus contrarijs , accidit aliquid simile , sicut cum duæ manus eiusdem hominis mouentur motibus contrarijs . Similiter non potest corpus Christi in seipsum impingere , ita ut hoc significet aliquid receptum in corpore Christi , sed solum impingit in seipsum per accidens , hoc est vnitur speciebus impingentibus in alias species , vel in corpus Christi circumscriptiuè vbicatum . Rursus corpora in quantum vbicantur definitiuè nihil possunt agere , neque pati ; ideoque Christus in quantum est in hostia , neque potest frigesieri , neque calefieri , neque quidquam agere , sed solum habet potentias actiuas , ac passiuas , quas habet in Cœlo replicatas in Eucharistia ; ergo non potest prout in hostia vulnerari , vel mori , sed omnes actiones , ac passionες recipiuntur in solis accidentibus , quibus corruptis , corpus Christi desinit esse in Eucharistia . Idem proportionaliter contingeret in alijs corporibus definitiuè replicatis ; ergo omnia absurda illata sequerentur solum ex replicatione circumscriptiua , non autem ex definitiua , quam solam nos concedimus .

locis, possent etiam supernaturaliter plura corpora penetrari, ac poni in vnico loco. Vtrumq; autem videtur absurdum. Quæ enim sunt in vnico loco, eo ipso sunt vnum, quæ in pluribus sunt plura; sed non potest vnum corpus esse simul plura corpora, neque plura corpora esse vnum corpus; ergo corpora nec possunt supernaturaliter replicari, nec penetrari.

3. Si corpus replicaretur, deberent cum eo replicari omnia accidentia, quæ sunt in corpore, e.g. albedo, scientia &c; ergo etiam deberet replicari vbicatio corporis, quod est impossibile.

4. Videtur esse vera sententia Scoti, & aliorum, quos refert, ac sequitur Suarius eo. 3. in 3. partē disp 48. sect. 9. cum pluribus alijs recentioribus, quod corpus non solum sit miraculosè replicabile per plures vbicationes definitiuas per quas nimirum sit totum in toto, & totum in qualibet parte, eo pacto, quo corpus Christi in Eucharistia est totum in tota hostia, & totum in qualibet parte hostiæ, sed etiam quod possit replicari per plures vbicationes circumscriptiuas, per quas totum sit in toto, pars in parte, medietas in medietate &c; quia non est maior ratio de vna replicatione, quam de alia; immò difficilior videtur replicatio per vbicationem definitiuā; per illam enim non  
solum

solum corpus ponitur in duplici loco, secundum etiam ponitur modo quodam mirabiliori, ita ut sit totum in toto, & totum in medietate spatij. Adde quosdā viros Sanctos visos esse de facto in duplici loco per vlicationem circumscriptiuam.

5. Si corpus replicaretur, posset post replicationem moueri pluribus motibus contrarijs, occurrere sibi ipsi, & in se ipsum impingere; in vno loco vulnerari, in altero remanere sine vulnere; in vno mori, in altero viuere; posset vnicus homo constituere exercitum innumerabilium hominum, quæ videntur absurda, & impossibilia.

Respondeo: certum est primo, quod non potest corpus naturaliter replicari, & poni simul in pluribus locis. Vnusquisque enim videt non posse se naturaliter esse Romæ simul, & Neapoli.

Certum est secundo ex fide posse corpus miraculosè replicari, & poni in pluribus locis quasi definitiuè, & in vno loco circumscriptiuè, in altero quasi definitiuè. Corpus enim Christi simul est circumscriptiuè in Cœlo, ac quasi definitiuè in Eucharistia, ac in pluribus mundi locis, in quibus est Eucharistia.

Tertio probabiliorem existimo sententiam Sanctorum Bonauenturæ, & Thome, quos præter omnes Thomistas sequitur



tur Vasquez in 3. partē disp. 169. docentem ; quod ne diuinitus quidem potest corpus replicari per plures vbicationes circumscriptiuas.

Probaturs primo, quia principium proprium, ex quo per sensum venimus in cognitionem certam de distinctione inter homogenea sensibilia, non potest falsificari per ullam potentiam sed principium proprium, ex quo venimus in cognitionem certam distinctionis inter res homogeneas sensibiles, est quod habeant diuersas vbicationes circumscriptiuas; e.g. ego videns albedinem A existentem in vno loco, & albedinem B existentem in alio, statim cognosco illas esse duas, & non vnā albedinem, nec aliunde venio in cognitionem talis distinctionis, quam ex vbicationum diuersitate; ergo ne per Diuinam quidem potentiam falsificari potest hoc principium sed falsificaretur, si palmus albedinis replicaretur circumscriptiuē; viderem enim illum in duplici loco, & non esse distinctus; ergo &c.

Confirmatur, quia alioquin possemus dubitare, an omnes palmi albedinis, qui sunt in mundo, sint vnus numero palmus albedinis replicatus; an omnis materia sit vnica materia replicata; an omnia grana frumenti, quae de facto videmus, sint vnicum granum multipliciter replicatum.

Con-



Confirmatur secundo, quia principia quibus intellectus assentitur ex terminis, & non propter experientias sensibiles, falsificari non possunt; e.g. non possunt falsificari ista principia, *omne totum est maius parte: si ab equalibus equalia demas, rursus remanent sunt equalia* &c., quia notantur ex terminis; sed quod quæ sunt in pluribus locis circumscriptivè sunt plura, notum est purè ex terminis; cum profecto nemo possit per ullam experientiam deprehendere, quod totum frumentum mundi non est unicum granum replicatum; ergo licet non sit equè evidens hoc principium, ac alia, quorum exempla adduximus, est equè infalsificabile; nam etiam principia non omninò evidenter, sed probabiliter, possunt esse omninò infalsificabilia.

Aduerte, quod sicut sensus principij: *omne totum est maius sua parte est*, omne, quod verè est totum, est maius parte: sic sensus principij: *quæ sunt circumscriptivè* &c. est, quæ verè sunt, non autem quæ videntur esse.

Probatur secundo conclusio, nam pars non potest esse æqualis toti nè diuinitus quidem; sed si posset corpus replicari circumscriptivè, pars posset esse æqualis toti; ergo &c. Probatur minor, nam ubi catio circumscriptiva mensurat rem ubi-

catam

catam, eo quod palmus vicationis correspondeat, & adæquetur palmo rei vbi-  
catae, digitus digito, & sic de alijs par-  
tibus; ergo tanta est res vbiata, quanta  
est vbiatio; sed posset vbiatio medietatis  
esse æqualis vicationi totius, si me-  
dietas replicaretur per aliam vbiatio-  
nem æqualem; ergo medietas posset esse  
æqualis toti. Et confirmatur, quia quæ  
sibi congruunt sunt æqualia; sed medietas  
replicata congrueret toti; ergo esset  
æqualis toti.

Ad 1. Nego Animam rationalem in-  
corpore replicari. Nam replicari est po-  
ni in duplici loco adæquato, seu in du-  
plici loco non constituyente vnum locum  
at Anima rationalis non ponitur in du-  
plici loco adæquato, sed solum in duplici  
loco partiali, siquidem locus capitis, &  
pedis constituunt vnum locum totalem  
totius corporis; ergo Anima rationalis  
non replicatur. Idem dic proportionali-  
ter de Angelo, qui esset præsens toti cu-  
biculo.

Ad 2. Concedo posse duo corpora per-  
netrari miraculosè, vt est certum apud  
omnes Theologos, excepto Durando, qui  
quia in 4. dist. 14. quæst. 6. problematicè  
procedit, malè audit apud Scholasticos.  
Certum est enim Christum in natiuitate  
penetratum fuisse cum utero Beatæ Vir-  
ginis,

ginis, cum natus est, salua matris integritate. Dum opponitur, quia quæ sunt in uno loco sunt vnum corpus, nego hoc. sicut enim plures gradus caloris, vel rigoris, licet penetrentur, adhuc distinguuntur, sic plura corpora miraculosè penetrata remanent distincta. Neque enim sicut principium cognoscendi distinctionem sensibilium homogeneorum est vibration, per quam sunt in diuersis locis, ita principium cognoscendi identitatem sensibilium homogeneorum est penetratio, per quam sunt in eodem loco, vt patet exemplo, allato graduum.

Circa penetrationem aduerte, quod si duo corpora penetrarentur, non posset vnum sine nouo miraculo egredi ex altero. Ratio est, quia in hoc egressu quarum partes deberent successiue penetrari vnum alijs partibus, cum quibus ante non essent penetratæ; hæc autem noua penetratio requireret nouum miraculum.

Ad 3. Concedo, quod replicato corpore, replicentur omnia accidentia, quæ per accidens sunt in loco per vibrationem corporis. Ratio est primo, quia quod est in subiecto, defertur à subiecto quocumque transfertur subiectum. Secundo quia id hoc, vt aliquid sit per accidens in loco, sufficit, quod sit in subiecto, quod subiectum existit in tali loco, vt dictum est

est quæst. 26. ad quintum. Ex hoc patet, quod ne per Diuinam quidem potentiam potest replicari subiectum, quin replicentur ea omnia, quæ vbicantur per accidens per vicationem subiecti. Patet secundo in Eucharistia sub speciebus panis esse concomitanter, & per accidens, licet non ex vi verborum, sanguinem, animâ, & omnia accidentia, quæ Christus habet in Cœlo. Quoad sanguinem, & animam doctrina est de fide; quoad alia accidentia est communiter recepta. Patet tertio, cur licet vbicumque est pes, sit anima rationalis, non tamen vbicumque est anima, sit pes. Ratio est, quia anima est in loco per accidens; ergo eo ipso, quod pes sit in aliquo loco, anima pedi vnita est in loco pedis; at licet anima sit per accidens in loco capitis, tamen quia caput, quod est per se in eodem loco, exigit ne ibi sit pes, cum nequeat penetrari cum pede, etiam anima exigit, nè vbi est caput, ibi sit pes. Si tamen anima replicaretur per se, & acciperet aliquam vicationem per se, traheret secum suum corpus.

Dum opponitur, quia deberet etiam replicari vicatione corporis, nego sequelam cum sententia communi contra paucos Recentiores. Ratio est primo, quia replicato corpore, eatenus alia accidentia replicantur, quatenus sunt per accidens  
in

in loco per vbicationem corporis; sed vbicatio est in loco essentialiter per se ipsam, immo est ipsum esse in loco; ergo non debet replicari. Secundo replicato subiecto, ea debent replicari, quæ possunt alibi tribuere subiecto suum effectum formalem; e.g. replicata anima Christi, replicari debet beatitudo Christi, quia potest etiam in loco replicationis animæ Christi tribuere effectum formalem beati; sed vbicatio si replicaretur, nunquam posset alibi tribuere effectum formalem subiecto, quia non potest facere, ut subiectum in terra sit in Cœlo, ut concedunt aduersarij; ergo vbicatio non debet replicari. Immo dico, vbicationem nè per Diuinam quidem potentiam posse replicari. Probat, nam licet idem subiectum possit diuinitus recipere duas formas contrarias, & duos effectus formales contrarios, ita ut recipiat albedinem, & nigredinem, & fiat simul albū, & nigrū, tamen vnum contrarium non potest recipere effectum formalem sui cōtrarij; e.g. albedo non potest fieri nigra, calor non potest fieri frigidus; sed esse hic, & esse alibi sunt effectus formales oppositi, & impossibiles, ergo licet possit idem subiectum miraculosè poni simul hic, & alibi, tamen ipsum esse hic non potest poni alibi; hoc enim esset sicut si calor

fieret frigidus . Et confirmatur , quia quies posset moueri ; motus actualis posset quiescere ; motus deorsum posset moueri sursum ; rotunditas remanens rotunditas posset fieri quadrata , & coaptari , & congruere spatio quadrato , quæ omnia repugnant .

Ad 4. Nego rationes adductas contra replicationem per plura vbi circumscriptiua valere contra replicationem per vbicationes definitiuas. Prima ratio non valet , quia cum præsentia definitiua in pluribus locis sit insensibilis , principium distinguendi per sensum plura sensibilia non est præsentia definitiua in pluribus locis ; ergo non falsificatur principium distinguendi res . Intellectus porro non distinguit intelligibilia etiam homogenea per præsentiam in pluribus locis , sed per alia principia infalsificabilia . Secundo neque etiam ex eo , quod corpus replicetur definitiuè , sequitur partem esse æqualem toti . Ratio est , quia tunc pars esset æqualis toti , cum mensuraretur eadem mensura , ac totum ; sed mensura rei non est vbicatio definitiua , sed solum circumscriptiua , per quam corpus ita vbicatur , vt palmus corporis correspondeat palmo vbicationis , semipalmus semipalmo , & sic de cæteris partibus ; vbicatio verò definitiua , per quam totum  
est



est sub tota vbicatione palmari, & totum sub qualibet parte vbicationis, non mensurat corpus; ergo non sequitur, quod pars sit æqualis toti, Hinc desumitur ratio, cur eo ipso, quod corpus vbicatur per vbicationem palmarem, sit palmare, eo ipso, quod vbicatur per vbicationem bipalmarem, sit bipalmare; Anima verò rationalis licet vbicetur per vbicationem bipalmarem, non sit bipalmaris. Ratio est, quia corpus naturaliter vbicatur circumscriptiuè, atque adeò commensuratiuè: Anima vbicatur definitiuè, atque adeò non commensuratiuè. Hinc etiam est, cur crescente vbicatione corporis, crescat corpus, Anima autem rationalis non crescat: neque enim est maior anima pueri, quam anima gigantis, nec est longior anima, quamuis sit in corpore longiore. Ideò etiam licet Anima vbicetur definitiuè, & per accidens per vbicationem figuratam, non est figurata; ideò corpus Crissi in quantum est in hostia maiori non est maius; id quantum est in hostia rotunda, vel quadrata, non est rotundum, neque quadratum, quia non commensuratur vbicationibus definitiuis, & per accidens.

Ad id, quod additur de quibusdam viris Sanctis, qui visi fuerunt simul in pluribus locis, dico miraculum potuisse



cidentia Eucharistica , nullus motus recipitur in corpore Christi; ergo &c. Cum igitur duæ hostiæ mouentur motibus contrarijs , accidit aliquid simile, sicut cum duæ manus eiusdem hominis mouentur motibus contrarijs . Similiter non potest corpus Christi in seipsum impingere, ita ut hoc significet aliquid receptum in corpore Christi, sed solum impingit in seipsum per accidens, hoc est vnitur speciebus impingentibus in alias species , vel in corpus Christi circumscriptiuè vbicatum . Rursus corpora in quantum vbicantur definitiuè nihil possunt agere, neque pati; ideoque Christus in quantum est in hostia, neque potest frigesieri , neque calefieri, neque quidquam agere, sed solum habet potentias actiuas , ac passiuas , quas habet in Cœlo replicatas in Eucharistia ; ergo non potest prout in hostia vulnerari , vel mori , sed omnes actiones , ac passionες recipiuntur in solis accidentibus , quibus corruptis, corpus Christi desinit esse in Eucharistia . Idem proportionaliter contingeret in alijs corporibus definitiuè replicatis; ergo omnia absurda illata sequerentur solum ex replicatione circumscriptiua , non autem ex definitiua , quam solam nos concedimus .

## QVAESTIO XXIX.

*An detur Vacuum.*

**V** Idetur vera esse sententia antiquorum, quod detur vacuum I. quia extra supremum Cœlum dantur spatia imaginaria corporibus vacua.

2. Si totum spatium esset plenum, corpora moueri non possent, quia non possunt intrare in plenum. Neque dicas, quod corpus cum mouetur, intrat in locum alterius corporis cedentis loco: nam de hoc altero corpore redit difficultas, quia cum per motum cedat loco, intrat in alium locum, & pellit aliud corpus, de quo redit difficultas; ergo cum mouetur vnum corpus, vel datur vacuum, vel totus mundus secundum omnes partes mouetur, & fluctuat, sicut contingit in aqua, cum in illam ingreditur lapis proiectus.

3. Aliquando corpus condensatur, & tunc occupat minus spatium, cum antea occuparet spatium maius; sed hoc esset impossibile, nisi tum implerentur aliqua vacua intercepta: quomodo enim aer, qui occupabat spatium bipalmare, contrahitur ad palmare, nisi repleat quoddam

dam vacuitates ? ergo .

4. Dolium tantundem vini capit vna cum vtribus , quantum sine vtribus : vas tantundem aquæ capit cum cinere, quantum sine cinere, quæ non possent contingere sine vacuo .

5. Corpus planum tangit aliud planū immediatè, ita vt nihil mediet ; sed talis contactus fieri non potest sine vacuo, saltem pro paruo tempore ; ergo &c. Probatur minor : nam vt vnum planum alteri suprapositū tangat illud, debet egredi totus aer interceptus ; sed non potest egredi, quin detur vacuum : dum enim, aer correspondens partibus medijs plani egreditur ex lateribus successiuè, planum superius manet eleuatum, & non coniungitur alteri plano ; ergo in loco aeris egredientis intercipitur aliquod vacuū .

6. Dum flex rumpitur ictu mallei, simul separantur partes mediæ, & partes extremæ ; ergo in medijs datur vacuum pro aliquo breuissimo tempore , antequam aer per motum successiuum perueniat ad locum ipsarum .

7. Si fistula vitrea vltra duos cubitos longa, in qua sit vnicum foramen apertum, ex vna extremitate impleatur argento viuo, quod vocatur etiam Hydrargirum, leu Mercurius, penitus aere excluso, & digito supraposito foramini, ita

ut argentum viuum non possit egredi, fistula inuertatur, & demergatur in alio argento viuo parato in vase, seu catino abiecto, tum digito subducto, aperiatur foramen, ita ut libera sit argento viuo facultas egrediendi, ac descendendi, argentum viuum descendet usque ad certam mensuram fistulae: deinde sursum aliquantum ascendit, & post descendit, & sic aliquantulum fluctuat, ascendendo, ac descendendo, donec tandem quiescat in certa altitudine fistulae. Posito hoc experimento, superior fistulae pars remanet vacua aere, qui non potuit permeare per vitrum, utpote carens poris, ut comertum est pluribus experientijs; remanet etiam vacua quolibet alio corpore; ergo datur vacuum, & quidem satis manifestum in rerum natura.

Respondeo cum Aristotele, omnibus Peripateticis, & Philosophis penè omnibus, paucissimis exceptis, pluribus experimentis constare, quod natura refuset vacuum, adeò ut ad illud impediendum in alijs suis legibus dispense. Primo graua non descendunt contra legem grauitatis, cum nullum est aliud corpus potens in locum ipsorum subintrare ad vacuum impediendum. Ita si sit fistula ex vtraque parte perforata, & impleatur aqua, & claudatur foramen superior

rius

rius, aqua non descendit, quia non potest aer subintrare in locum aquæ descendens ad vacuum impediendum; si verò aperiatur foramen superius, statim aqua descendit, aere subintrante. Secundo grauiâ ascendunt contra suam gravitatem ad vacuum impediendum. Patet præsertim in machinis, quæ vulgo vocantur *Trombe*, ex quibus si superiore ex parte aer attrahatur, ascendit aqua, etiam ex profundissima cisterua, ut aeri succedens impediat vacuum. Tertio quædam corpora, cum potest aliud corpus succedere in locum illorum, facillimè mouentur; si nullum corpus possit succedere, nulla vi possunt moueri. Patet in fistula, qua inflantur folles lusorij. Si enim claudendo foramen, impediatur aer, ne subintret, bacillus interior poterit aliquantulum trahi, dum rarefactus, aer succedere potest in locum bacilli, sed cum aer iam est rarefactus quantum potest, nulla vi potest amplius trahi bacillus, quia sequeretur vacuum, non potente succedere alio corpore in locum bacilli. Ratio verò, cur natura usque adeò refugiat vacuum est, quia vacuum tolleret mutuum corporum continuitatem, & coniunctionem, quæ partialiter abrumpitur per vacua. Præterea natura vult, ut corpora possint vndique propagare.



er lineam rectam, hoc est breuissimam, ut actiones accidentales, eo pacto, quo sol vndique propagat suam lucem: hac autem propagatio non posset fieri per vacuum, cum accidentia non possint propagari extra subiectum. Et quia etiam vacua parua impedirent talem propagationem, etiam parua vacua excluduntur a natura, & quidem repugnantia naturaliter inuincibili, eo pacto, quo repugnantia ad mutuam corporum penetrationem est naturaliter inuincibilis. Si verò quærat, à qua virtute corpora contra suam naturam moueantur ad vacuum implendum: respondeo, quod licet aliqui censeant, quod mouentur à Deo, vel Angelis, vel à seipsis, certum videtur, quod moueantur ab eo ipso, quod à loco suo dimouet corpus, cui debet aliud succedere ad vacuum impediendum. e.g. ille idem, qui trahit aerem, eleuat etiam aquam, quæ succedit aeri ad vacuum impediendum. Sicut enim cum quis trahit funem, trahit etiam pondus funi alligatum, ita cum quis trahit aerem, trahit aquam aeri adhærentem, ideoque sentit pondus aquæ, & quo plus aquæ eleuat, plus sentitur ponderis, ac debet adhiberi maior conatus.

Ad 1. Vacuum est locus actu existens carens corpore, cuius est capax: nullus autem

autem locus actu existens est spatium imaginarium, vt dictum est quæst. 26. in responsione ad tertium; ergo in spatio imaginario non datur vacuum, cum non detur locus actualis.

Ad 2. Corpora possunt moueri per plenum, eo pacto, quo pisces mouentur per aquam. Sicut enim piscis ita ingreditur in locum aquæ anterioris, vt pellat aquam ab eo loco, ita nos ingredimur in locum aeris, pellendo aerem; sicut verò eodem tempore, quo piscis ingreditur in locum aquæ anterioris, aqua, quæ tangebat piscem à lateribus, & à tergo, succedit in locum piscis, aqua verò expulsa à pisce succedit in locum aeris lateralis, ita contingit, cum res mouentur in aere. Neque est necesse, vt fluctuet totus mundus, sicut cum piscis mouetur in Oceano, non fluctuat totus Oceanus; nam quodam quasi circuitu piscis intrat in locum aquæ anterioris, aqua anterior intrat in locum lateralis, aqua lateralis partim in locum piscis, partim in locum aquæ, quæ est à tergo piscis, hæc verò in locum piscis, & sic absoluitur motus. Addo aerem facillimè condensari, ac rarefieri. Cum igitur quis mouetur, aer anterior loco pulsus ita mouetur, vt etià aliquantulum condensatur; aer succedens à tergo aliquantulum etiam rarefit,



dus grauiſſimæ ſtatux, vel columnæ. Fac  
 enim intercipiatur tenuiſſima tela ara-  
 nei, numquid illa ſuſtinebit pondus ſta-  
 tux? Immo baſis ſuſtineret & telam, &  
 velum, & pondus ſtatux. Rurſus ſi ſtatua  
 madefacta ſuperponatur baſi, pro aliquo  
 tempore remanet madida; numquid igitur  
 illa aqua intercepta ſuſtinet ſtatuam?  
 Ex hoc verò exemplo aquæ reſpondetur  
 ad inſtantiam, qua obijcitur, quia ſeque-  
 retur, quod manus complanata non tan-  
 geremus lignum, & aquam, ſed aerem  
 interceptum. Nam idem argumentum  
 poteſt fieri, cum habemus manum ma-  
 defactam aqua. Tunc enim proculdubio  
 aqua mediat inter manum, & lignum.  
 Dicendum igitur, quod in iſtis caſibus  
 experimur per modum vnius tenuiſſimæ  
 aquam, vel aerem condenſatum, & li-  
 gnum, vel lapidem, & eius duritiem.

Ad 6. Dum flex ſcinditur icu mal-  
 lei, partes ſilicis non ſimul ſeparantur,  
 ſed ſucceſſiuè, & cum aliqua parua fle-  
 xione, dum aer ſucceſſiuè ingreditur.  
 Patet autem experientia corpora etiam  
 duriffima eſſe capacia alicuius parux fle-  
 xionis.

Ad 7. Ex experimento fiſtulæ plena  
 argento viuo &c. reſpondeo hoc expe-  
 rimentum confirmare, quod non datur  
 vacuum. Nam pluribus experientiis  
 cuin-

vincitur partem superiorem fistulæ re-  
pleri aliquo corpore , quod præsertim  
patet ex eo , quod si superior pars fistu-  
læ calefiat, corpus illud rarefcit , & ar-  
gentum viuum aliquantulum descendit  
deorsum ; si eadem pars fistulæ frige-  
fiat, corpus illud condensatur , & argentum  
ascendit sursum , ne detur vacuum ; ra-  
refactio autem , aut condensatio non  
conueniunt vacuo . sed corpori . Sed  
quoniam corpore repletur pars illa su-  
perior fistulæ ? Dico , quod repletur ali-  
quibus partibus subtilibus separatis ab  
argento viuo , & rarefactis . Probatur  
experientia . Nam si fistula impleatur  
argento viuo non puro, sed admiscendo  
aliquid aquæ, & deinde immergatur mo-  
do dicto , tum aqua vtpote leuior super-  
natabit argento viuo , & occupabit par-  
tem supremam fistulæ ; aperto foramine,  
descendet argentum viuum , & aqua ,  
& videbuntur quedam corpuscula cer-  
tatim per aquam ascendente , & illam  
instantia quibusdam bullis ; ergo hoc ex-  
perimentum confirmat repugnantiam  
vacui , cum natura mittat sursum sub-  
sidium alterius corporis in locum Mer-  
curij descendente , ne detur vacuum .  
Videri potest libellus P. Casati de  
hoc experimento , cui titulus *Vacuum*  
*proscriptum* , præsertim cap. 9. & 10.

in

## QVAESTIO XXIX.

*An detur Vacuum.*

**V**idetur vera esse sententia antiquorum, quod detur vacuum 1. quia extra supremum Cœlum dantur spatia imaginaria corporibus vacua.

2. Si totum spatium esset plenum, corpora moueri non possent, quia non possunt intrare in plenum. Neque dicas, quod corpus cum mouetur, intrat in locum alterius corporis cedentis loco: nam de hoc altero corpore redit difficultas, quia cum per motum cedat loco, intrat in alium locum, & pellit aliud corpus, de quo redit difficultas; ergo cum mouetur vnum corpus, vel datur vacuum, vel totus mundus secundum omnes partes mouetur, & fluctuat, sicut contingit in aqua, cum in illam ingreditur lapis proiectus.

3. Aliquando corpus condensatur, & tunc occupat minus spatium, cum antea occuparet spatium maius; sed hoc esset impossibile, nisi tum implerentur aliqua vacua intercepta: quomodo enim aer, qui occupabat spatium bipalmare, contrahitur ad palmare, nisi repleat quassdam

dam vacuitates ? ergo .

4. Dolium tantundem vini capit vna cum vtribus , quantum sine vtribus : vas tantundem aquæ capit cum cinere, quâ- rum sine cinere, quæ non possent contin- gere sine vacuo .

5. Corpus planum tangit aliud planū immediatè, ita vt nihil mediet ; sed talis contactus fieri non potest sine vacuo, sal- tem pro paruo tempore ; ergo &c. Pro- batur minor : nam vt vnum planum al- teri suprapositū tangat illud, debet egre- di totus aer interceptus ; sed non potest egredi, quin detur vacuum : dum enim aer correspondens partibus medijs plani egreditur ex lateribus successiuè, planum superius manet eleuatum, & non coniun- gitur alteri plano ; ergo in loco aeris egredientis intercipitur aliquod vacuū .

6. Dum filix rumpitur ictu mallei, si- mul separantur partes mediæ, & partes extremæ ; ergo in medijs datur vacuum pro aliquo breuissimo tempore , antequā aer per motum successiuum perueniat ad locum ipsarum .

7. Si fistula vitrea vltra duos cubitos longa, in qua sit vnicum foramen aper- tum, ex vna extremitate impleatur ar- gento viuo, quod vocatur etiam Hydrar- girum, leu Mercurius, penitus aere ex- cluso, & digito supraposito foramini, ita

Y 4 vt

ut argentum viuum non possit egredi, fistula inuertatur, & demergatur in alio argento viuo parato in vase, seu catino subiecto, tum digito subducto, aperiatur foramen, ita vt libera sit argento viuo facultas egrediendi, ac descendendi, argentum viuum descendet vsque ad certam mensuram fistulae: deinde sursum aliquantum ascendit, & post descendit, & sic aliquantulum fluctuat, ascendendo, ac descendendo, donec tandem quiescat in certa altitudine fistulae. Posito hoc experimento, superior fistulae pars remanet vacua aere, qui non potuit permeare per vitrum, vtpote carens poris, vt conuertum est pluribus experiencijs; remanet etiam vacua quolibet alio corpore; ergo datur vacuum, & quidem satis manifestum in rerum natura.

Respondeo cum Aristotele, omnibus Peripateticis, & Philosophis penè omnibus, paucissimis exceptis, pluribus experimentis constare, quod natura refugit vacuum, adeò vt ad illud impediendum in alijs suis legibus dispense. Primo grauiora non descendunt contra legem grauitatis, cum nullum est aliud corpus potens in locum ipsorum subintrare ad vacuum impediendum. Ita si sit fistula ex vtraque parte perforata, & impleatur aqua, & claudatur foramen superius



rius, aqua non descendit, quia non potest aer subintrare in locum aquæ descendentis ad vacuum impediendum; si verò aperiatur foramen superius, statim aqua descendit, aere subintrante. Secundo grauiâ ascendunt contra suam grauitatem ad vacuum impediendum. Pater præsertim in machinis, quæ vulgo vocantur *Trombe*, ex quibus si superiore ex parte aer attrahatur, ascendit aqua, etiam ex profundissima cisterua, ut aeri succedens impediat vacuum. Tertio quædam corpora, cum potest aliud corpus succedere in locum illorum, facillimè mouentur; si nullum corpus possit succedere, nulla vi possunt moueri. Pater in fistula, qua inflantur folles lusorij. Si enim claudendo foramen, impediatur aer, ne subintret, bacillus interior poterit aliquantulum trahi, dum rarefactus, aer succedere potest in locum bacilli, sed cum aer iam est rarefactus quantum potest, nulla vi potest amplius trahi bacillus, quia sequeretur vacuum, non potente succedere alio corpore in locum bacilli. Ratio verò, cur natura vsque adeò refugiat vacuum est, quia vacuum tolleret mutuum corporum continuitatem, & coniunctionem, quæ partialiter abrumpitur per vacua. Præterea natura vult, ut corpora possint vndique propagare.

er lineam rectam, hoc est breuissimam,  
as actiones accidentales, eo pacto, quo  
ol vndique propagat suam lucem: hæc  
tem propagatio non posset fieri per  
uum, cum accidentia non possint pro-  
gari extra subiectum. Et quia etiam  
acua parua impedirent talem propaga-  
onem, etiam parua vacua excluduntur  
natura, & quidem repugnantia natu-  
raliter inuincibili, eo pacto, quo repu-  
nantia ad mutuam corporum penetra-  
onem est naturaliter inuincibilis. Si  
erò quærat, à qua virtute corpora  
ontra suam naturam moueantur ad va-  
uum implendum: respondeo, quod licet  
liqui censeant, quod mouentur à Deo,  
el Angelis, vel à seipsis, certum vide-  
ur, quod moueantur ab eo ipso, quod  
loco suo dimouet corpus, cui debet  
liud succedere ad vacuum impediendū.  
g. ille idem, qui trahit aerem, eleuat  
tiam aquam, quæ succedit aeri ad vacuū  
mpediendū. Sicut enim cum quis trahit  
unem, trahit etiam pondus funi alliga-  
um, ita cum quis trahit aerem, trahit  
quam aeri adhaerentem, ideoque sentit  
ondus aquæ, & quo plus aquæ eleuat,  
lus sentitur ponderis, ac debet adhibere  
i maior conatus.

Ad 1. Vacuum est locus actu existens  
arens corpore, cuius est capax: nullus  
autem



autem locus actu existens est spatium imaginarium, ut dictum est quæst. 26. in responsione ad tertium; ergo in spatio imaginario non datur vacuum, cum non detur locus actualis.

Ad 2. Corpora possunt moueri per plenum, eo pacto, quo pisces mouentur per aquam. Sicut enim piscis ita ingreditur in locum aquæ anterioris, ut pellat aquam ab eo loco, ita nos ingredimur in locum aeris, pellendo aerem; sicut verò eodem tempore, quo piscis ingreditur in locum aquæ anterioris, aqua, quæ tangebat piscem à lateribus, & à tergo, succedit in locum piscis, aqua verò expulsa à pisce succedit in locum aeris lateralis, ita contingit, cum res mouentur in aere. Neque est necesse, ut fluctuet totus mundus, sicut cum piscis mouetur in Oceano, non fluctuat totus Oceanus; nam quodam quasi circuitu piscis intrat in locum aquæ anterioris, aqua anterior intrat in locum lateralis, aqua lateralis partim in locum piscis, partim in locum aquæ, quæ est à tergo piscis, hæc verò in locum piscis, & sic absoluitur motus. Addo aerem facillimè condensari, ac rarefieri. Cum igitur quis mouetur, aer anterior loco pulsus ita mouetur, ut etià aliquantulum condensetur; aer succedens à tergo aliquantulum etiam rarefit,

& per hanc condensationem, ac rarefactionem citius absoluitur motus.

Ad 3. Respondet acutissimè Aristoteles 4. phys. tex. 84 quod sicut corpus per seipsum est in potentia ad hoc, ut sit calidum, vel frigidum, calidius, vel minus calidum, rectum, aut curvum, album, aut nigrum, sic est in potentia ad hoc, ut sit magnum, aut parvum, maius, aut minus, bipalmare, vel palmare; & sicut idem corpus aliquando calore constituitur calidum, aliquando frigore constituitur frigidum, sic idem corpus aliquando magnitudine constituitur magnum, aliquando parvitate constituitur parvum, aliquando magnitudine bipalmari constituitur bipalmare, aliquando magnitudine palmari constituitur palmare. Prætereà sicut quando arcus intenditur, & fit magis curvus, fit magis curvus accipiendo maiorem curvaturam, non autem accipiendo aliquod aliud corpus curvum, sic cum corpus per rarefactionem fit maius, & occupat maius spatium, non accipit novum corpus, sed mutat parvitatē in magnitudinem, & cum per condensationem fit minus, & occupat minus spatium, non amittit ullam partem sui, sed mutat magnitudinem in parvitatē: ergo sine ullo vacuo, vel additione corporis potest corpus condensari, & rarefieri per mutationem

nē magnitudinum , ad quas est in poten-  
tia, sicut potest calefieri, vel frigeferi per  
mutationem qualitatis. Dum opponitur  
quā corpus rarefactum euaderet maius  
seipso , distinguo; euaderet maius , reti-  
nendo eandem magnitudinem , nego ;  
mutando magnitudinem, concedo. Sicut  
quando arcus curuatur magis, & magis  
fit curuior seipso , mutans curuitatem  
minorem in curuitatem maiorem, sic cor-  
pus mutans paruitatem in magnitudinem  
fit maius , quam esset ante, cum habebat  
minorem magnitudinem .

Ad 4. Si vera est experientia , quod  
dolum tantundem vini capiat cum vtri-  
bus, quantum sine vtribus, dicendum ,  
quod vinum in vtribus patitur aliquam  
condensationem . Similiter si vera est  
experientia , quod vas plenum cinere  
tantundem aquæ capiat , quantum si in eo  
non sit cinis, dicendum, quod tum cinis,  
tum aqua cōdensatur, vt patet experien-  
tia . Nā ex aqua cineri admixta resultat  
corpus valde densum, & graue .

Ad 5. Quando vnum planum supra-  
ponitur alteri plano, non tangit illud im-  
mediate, itā vt nihil remaneat aeris inter-  
cepti. Intercipitur igitur veluti tenuissi-  
mum velum aeris condensati à pondere  
plani suprapositi. Neque opponas , quod  
tenuissimum velum aeris sustineret pon-  
dus

duſ grauiſſimæ ſtatux, vel columnæ. Fac enim intercipiatur tenuiſſima tela aranei, numquid illa ſuſtinebit pondus ſtatux? Immo baſis ſuſtineret & telam, & velum, & pondus ſtatux. Rurſus ſi ſtatua madefacta ſuperponatur baſi, pro aliquo tempore remanet madida; numquid igitur illa aqua intercepta ſuſtinet ſtatuum? Ex hoc verò exemplo aquæ reſpondetur ad inſtantiam, qua obijcitur, quia ſequeretur, quod manus complanata non tangeremus lignum, & aquam, ſed aerem interceptum. Nam idem argumentum, poteſt fieri, cum habemus manum madefactam aqua. Tunc enim proculdubio aqua mediat inter manum, & lignum. Dicendum igitur, quod in iſtis caſibus experimur per modum vnius tenuiſſimæ aquæ, vel aerem condenſatum, & lignum, vel lapidem, & eius duritiem.

Ad 6. Dum ſilex ſcinditur icu mallei, partes ſilicis non ſimul ſeparantur, ſed ſucceſſuè, & cum aliqua parua flexione, dum aer ſucceſſuè ingreditur. Patet autem experientia corpora etiam duriffima eſſe capacia alicuius parux flexionis.

Ad 7. Ex experimento fiſtulæ plena argenti viuo &c. reſpondeo hoc experimentum confirmare, quod non datur vacuum. Nam pluribus experientiis

euin-



vincitur partem superiorem fistulæ re-  
pleri aliquo corpore, quod præsertim  
patet ex eo, quod si superior pars fistu-  
læ calefiat, corpus illud rarefcit, & ar-  
gentum viuum aliquantulum descendit  
eorsum; si eadem pars fistulæ frige-  
fiat, corpus illud condensatur, & argentum  
ascendit sursum, ne detur vacuum; ra-  
refactio autem, aut condensatio non  
conueniunt vacuo. sed corpori. Sed  
quoniam corpore repletur pars illa su-  
perior fistulæ? Dico, quod repletur ali-  
quibus partibus subtilibus separatis ab  
argento viuo, & rarefactis. Probatur  
experientia. Nam si fistula impleatur  
argento viuo non puro, sed admiscendo  
aliquid aquæ, & deinde immergatur mo-  
do dicto, tum aqua utpote leuior super-  
nabit argento viuo, & occupabit par-  
tem supremam fistulæ; aperto foramine,  
descendet argentum viuum, & aqua,  
& videbuntur quedam corpuscula cer-  
tatim per aquam ascendentia, & illam  
instantia quibusdam bullis; ergo hoc ex-  
perimentum confirmat repugnantiam  
vacui, cum natura mittat sursum sub-  
sidium alterius corporis in locum Mer-  
curij descendentis, ne detur vacuum.  
Videri potest libellus P. Casati de  
hoc experimento, cui titulus *Vacuum*  
*proscriptum*, præsertim cap. 9. & 10.  
in

in quo multa examinantur ad illud spectantia.

## QV AESTIO XXX.

*Vtrum in vacuo daretur motus.*

**V**Idetur vera sententia Auerrois, quod in vacuo nō posset dari motus 1. quia vt Aristoteles arguit tex. 71. lib. 4. eadem est proportio velocitatis motus ad velocitatem motus, quæ est proportio resistentiæ mediij ad resistentiam mediij; ergo velocitas motus in vacuo non haberet proportionē ad velocitatem motus in pleno; sed si motus fieret in tempore, haberet proportionem, & illam eandem, quam tempus haberet ad tempus; ergo motus in vacuo fieret in instanti, & in non tempore, atque adeo instanti indiuisibili mobile conficeret totum spatium vacuum, quod est contrā essentiam motus, ad quē requiritur, vt prius conficiatur vna pars spatij, quam altera, atque adeo quod fiat in tempore diuisibili, cum in solo tempore diuisibili inueniatur prius, & posterius.

2. Vt Aristoteles arguit tex. 64. in vacuo corpora neque possent moueri motu naturali grauium, & leuium, quia non est

est maior ratio, cur in vnam potius partem, quam aliam: neque motu proiectorum, quia projecta postquam separata sunt à proijciente, pelluntur à medio: neque motu progressivo, nam quæ progrediuntur, sustinentur ab aliquo corpore, sicut animalia progredientia sustinentur à terra, pisces natantes ab aqua, aues volantes librantur in aere.

3. Grauitas, & leuitas, & aliæ virtutes motiue naturales sunt solum institutæ ad motum faciendum in casibus naturalibus: sed vacuum non potest dari naturaliter: ergo non possêt efficere motum in vacuo.

4. Omnis motus velocior quocunque motu naturaliter possibili est supernaturalis, & miraculosus: sed motus in vacuo vtpote factus sine ulla resistantia mediij esset velocior quocunque motu in pleno, qui solus est naturaliter possibilis: ergo motus in vacuo esset supernaturalis.

Respondeo discrepare interpretes Aristotelis. Auerroes enim, & alij putant Aristotelem ex propria sententia docuisse, quod determinata velocitas motus haberi non possit, nisi per ordinem ad resistantiam mediij: & quia in vacuo nulla daretur resistantia mediij, non posset in vacuo haberi determinata velocitas motus, atque adeò non posset dari motus in vacuo. S. Thomas, & Scotus censent Aristote-



Aristotelem assumere solum ex sententia Antiquorum, quod tota ratio velocitatis in motu habeatur per ordinem ad resistantiam mediij, & ex hoc arguere ad hominem contra antiquos, ostendēdo, quod ex eorum principijs sequatur, quod in vacuo non possit motus habere velocitatem determinatam. Cæterum existimant secundum Aristotelem, & secundum veritatem, virtutem motiuam posse ex se ipsa, & ex propria limitatione, præscindendo à resistantia mediij, determinari ad certam velocitatem motus, eo pacto, quo virtus motiua Cœlorum determinatur ad certam velocitatem motus, etiamsi nullum medium resistat motui corporis cœlestis.

Vtraque sententia videtur probabilis, & est à nobis problematicè defendenda. Dico igitur primo iuxta sententiā S. Thomæ, & Scoti; graua, & leuia moueri possent in vacuo, dummodo non sequeretur nouum vacuum, & noua corporum discontinuatio, & talis motus fieret in tempore diuisibili, & haberet determinatam velocitatem, quia virtus motiua esset determinata, & limitata ad gradū certum velocitatis, etiamsi medium nihil resisteret. Dixi *dummodo non sequeretur nouum vacuum, & noua discontinuatio corporum*; si enim per motum in vacuo deberet mobile discontinuari ex aliqua parte à quocumque

cunque alio corpore, moueri non posset propter repugnantiam vniuersalem vacui. Ex quo colligitur, quod si hoc cubiculum esset vacuum, & pila plumbea tangeret fornicem cubiculi, non posset descendere deorsum, quia si descenderet, discontinueretur à fornice, & nullum corpus succederet loco fornicis: si verò pila plumbea esset in medio cubiculi vacui, descenderet ad pavementum ex opposita ratione.

Dico secundo: in vacuo corpora inæqualiter graua, aut leuia, æquali velocitate mouerentur, atque adeò æquali velocitate descenderet pila plumbea grauissima, ac palea leuissima. Vt probem conclusionem pono exemplum duorum Cursorum, qui haberent æqualem vim currendi, nisi grauarentur pondere, & haberent inæqualem vim currendi, si grauarentur pondere. Isti si currerent nudi, æquè velociter currerent; si currerent deferentes leue pondus, currerent penè equaliter, sed robustior aliquantulum anteciret; si currerent grauati armatura terrea, robustior curreret etiam duplò, vel triplò velocius; & si pondus augeretur, robustior aliquantulum curreret, infirmiori omnino immoto. & inhabili ad cursum. Colligitur ex sensibilibus experientijs, quod hoc pacto se habent in ordine

ordine ad motum corpora inæqualiter  
grauia, & leuia. Sint enim duæ pilæ  
eiusdem figuræ, ac magnitudinis, altera  
plumbea, altera lignea; licet pila plum-  
bea sit plus, quam duplò grauior lignea,  
tamen in aere descendunt æquali penè  
velocitate, non autem plumbea descendit  
duplò velocius, vt docere videtur Ari-  
stoteles; in aqua verò non seruant illam  
proportionem velocitatis, quam habent  
in aere, sed velocitas pilæ plumbeæ mul-  
to magis excedit velocitatem ligneæ, sup-  
ponendo, quod pila sit ex ligno non su-  
pernatante aquæ, eo quod sit grauius in  
specie, quam aqua. Posita hac experien-  
tia, quia aer propter suam subtilitatem,  
parum resistit motui, corpora valdè inæ-  
qualia in grauitate mouentur in aere ve-  
locitate penè æquali: quia aqua propter  
suam crassitiem valdè resistit motui, ea-  
dem corpora mouentur in aqua valdè  
inæqualiter; ergo signum est, quod gra-  
uia etiam inæqualia habent æqualem vir-  
tutem mouendi se, cum non est impedi-  
mentum, sed habent inæqualem virtutem  
vincendi impedimentum, & ad talem  
victoriam ordinatur excessus grauitatis;  
sed in vacuo nullum haberent impedi-  
mentum; ergo mouerentur æqualiter.

Dico tertio: probabilis est etiam sen-  
tentia Auerrois, & fortassè Aristotelis,  
quod

quod in vacuo dari non posset motus, quia fieret in non tempore, siue in instanti indiuisibili.

Probatur inductione. Videmus enim, quod omnes causæ, quæ operantur sine obfistentia contrarij, in instanti producant totum suum effectum, quem habent pro fine; & è conuerso illæ tantum causæ, quæ operantur cum obfistentia contrarij, producant suos effectus paulatim, & in tempore, nec statim consequuntur suum finem: e. g. ignis statim producit in cubiculo totam lucem, quam potest in illo producere, quia lucem producit sine obfistentia contrarij, cum lux careat contrario; idem ignis non statim, sed paulatim, & successiue producit calorem in eodem cubiculo, quia productioni caloris resistit frigus contrarium; sed graue posuit in vacuo haberet pro fine peruenire ad centrum, & nullum esset medium resistens, nè statim perueniret; ergo statim perueniret ad centrum, & moueretur in non tempore. Neque dicas, quod motus habet successionem ex ipsa diuisibilitate spatij, per quod fertur mobile. Nam ideò habet successionem à spatij diuisibilitate, quia spatium diuidendum, & scindendum resistit motui; sed solum spatium plenum resistit motui; ergo solum spatium plenum causat successionem.

cessionem motus . Ad exemplum Coeli, quod mouetur in tempore, licet medium non resistat ; respondeo corpus coeleste nō habere pro fine quietem, sed motum, per quem modo secundum partes sit in vna parte spatij, modo in alia; ergo cum habeat pro fine motum, non est mirum, si moueatur, etiam medio non resistente; at graua, & leuia, & quaecumque mouentur motu recto habent pro fine quietem in aliquo termino; ergo cum medium non resistit, statim consequentur suum finem, & peruenient ad terminum, atque in eo quiescent . Fateor tamen exemplum Coeli, & Angelorum, qui mouentur successiue, licet medium non resistat, reddere valde probabilem sententiam S. Thomae, & communem . Sed potest responderi, quod Angeli cum non mouentur per accidens simul cum aliquo corpore, cui assistunt, non possunt moueri successiue, vt plures auctores docent .

Ad 1. Iuxta principia sententiae, quod in vacuo daretur motus, non est eadem proportio velocitatis ad velocitatem eiusdem mobilis, quae resistentiae ad resistentiam, cum non non tota determinatio velocitatis habeatur à resistentia, sed etiam à limitatione virtutis motiuae . Solum igitur est eadem proportio retardationis



tionis velocitatis debite mobili ad velocitatem, quæ resistantiæ ad resistantiam. E.g. pilæ plumbeæ debetur velocitas vt sex: aer retardat istam velocitatem, & imminuit ex ea vnum gradum: si aqua resistat duplò plus, quam aer, retardabit duplò plus, & imminuet duos gradus, atque adeò pila plumbea in aere descendet velocitate vt quinque, in aqua velocitate vt quatuor, in medio resistente duplo plus, quam aqua, velocitate vt duo; in medio resistente triplo plus, quam aqua, non poterit omninò moueri, quia si aqua tollit duos ex sex gradibus velocitatis, medium triplò resistantius tollet sex, atque adeò omninò motum impedit; in vacuo idem mobile mouebitur velocitate vt sex, quia nihil ex illa imminuetur; in medio resistente centuplò minus, quam aer, tolletur centesima pars vnus gradus velocitatis; & sic proportionaliter procedendo; ergo in vacuo mobile habebit determinationem velocitatis, in pleno semper mouebitur minus, quam in vacuo, seruata debita proportione.

Ad 2. In vacuo interminato non esset maior ratio, cur corpora mouerentur in vnā potius partem, quam in aliam; in vacuo terminato maior ratio esset distantia à circumferentia, & à medio. Quia  
enim

enim graua non equè distarent ab omnibus punctis circumferentiæ, mouerentur ad medium, leuia mouerentur ad partem propinquiorem circumferentiæ. Quoad motum proiectorum, supposita sententia antiquorum, & fortasse Aristotelis, quod proiecta separata à proijciente pellantur à medio, non possent moueri in vacuo. Si verò mouentur à virtute impressa proiectis, vt indicat Aristoteles, & docent communiter Recentiores, adhuc non possent proijci à corporeo proijciente, quia non possent diuelli ab ipso; e.g. sagitta non posset diuelli ab arcu, pila non posset diuelli à bombarda sine nouo vacuo; possent tamen fortasse proijci ab Angelo. Concedo, quod in vacuo neque posset dari progressus corporum, neque volatus, neque natatus ex rationibus allatis. Addo, quod si cubiculum esset vacuum, & aliquis haberet pedes super pauimentum, non posset illos eleuare, quia sequeretur nouum vacuum, neque posset repere, non eleuando pedes, quia pars pauimenti remaneret discontinuata à quolibet corpore. Posset mouere brachia, sed si manus tangeret pectus, vel aliam partem corporis, non posset illam amplius seiungere à tali parte, quia sequeretur nouum vacuum.

Ad 3. Licet grauitas sit instituta ad motum



motum faciendum in casu naturali, tamen quia eadem esset sufficiens ad efficiendum motum in vacuo, posset efficere etiam motum in vacuo.

Ad 4. Nego, quod motus in vacuo esset velocior quocunque motu naturaliter possibili. Existimo enim, quod pila explosa à bombarda moueatur velocius, quam graua mouerentur in vacuo.

## QVAESTIO XXXI.

*Vtrum tempus sit, & benè definia-  
tur numerus motus secundum  
prius, & posterius.*

**P**Rimo videtur tempus non esse, aut vix esse, sed vel esse nihil, vel penè nihil, ideoque vix percipi posse i. quia impossibile est aliquid esse, quod constet ex ijs, quæ non sunt; sed totum tempus infinitum, atque perpetuum constat ex præteritis, quæ non sunt amplius, & ex futuris, quæ non sunt adhuc; ergo tempus non est.

2. Vel tempus est motus primæ sphæræ, seu Cœli supremi, vt dixerunt quidam ex antiquis, vel est ipsa sphaera suprema; non potest esse motus, seu circu-

latio sphaerae supremæ, quia si plures essent Coeli, essent plures motus, & tamen non essent plura tempora; nec potest esse ipsa sphaera suprema, ut alij ex antiquis censuerunt, quia partes sphaerae supremæ simul sunt, partes temporis non simul sunt.

3. Si dicatur cum Aristotele, quod tempus est *numerus motus secundum prius, & posterius*, primo hæc definitio est obscurissima. Secundo numerus motus secundum prius, & posterius nihil aliud tandem est, quàm numerus partium priorum, & posteriorum in motu; sed numerus partium priorum, ac posteriorum in motu non distinguitur à motu; ergo tempus non distinguitur à motu, quod est falsum, & contra Aristotelem. Tertio etiam si uniuersa quiescerent, ac nullus daretur motus, adhuc daretur tempus, & posset dici, quanto tempore res quiescerent; ergo tempus potest dari sine motu, adeoque non est numerus motus. Quarto vel tempus est numerus cuiuscunque motus, vel est numerus solius motus primi mobilis, seu supremæ sphaerae; si est numerus cuiuscunque motus; ergo tot sunt tempora, quot motus. Si est numerus motus primi mobilis; ergo si primum mobile quiesceret, & moueretur rota figuli, non daretur tempus, quod est falsum:  
nam

nam verè rota figuli moueretur in tempore , & posset dici , quanto tempore fuisset mota .

4. Si tempus non est motus, sed aliquid consequens ad motum, seu mutationem , vel est aliquid consequens ad mutationem , quæ datur extrà animam, vel est aliquid consequens mutationem , quæ datur in anima, & intellectu nostro . Non potest dici , quod sit aliquid consequens ad mutationem, quæ datur extra animam. Cum enim quis manet in tenebris , & non cognoscit ullam mutationem exteriorem, sed solum aduertit in se mutationem, & successionē cogitationum, adhuc percipit fluxum temporis. Neque potest dici , quod sit aliquid consequens mutationem cogitationum factam in intellectu , & in anima , alioquin nemine cogitante, non daretur tempus, nec temporis fluxus, quod est absurdum .

5. Si tempus est numerus motus , non potest explicari, quid sit esse in tempore, vel in numero motus; vtrum ea solum , quæ mouentur, sint in tempore, an etiam quæ quiescunt ; vtrum sola corpora sint in tempore, an etiam substantiæ spirituales, nimirum Deus, & Angeli sint in tempore .

6. Neque potest explicari , quo pacto tempus sit causa generationis , & corru-



ptionis rerum, ex quo ortum habuit fabula, quod Saturnus, græcè Chronos, quod significat tempus, filios, quos generabat, comederet; quod Iquem, hoc est Cœlum à Saturno generatum, quia productum in tempore, deuorare non potuerit, quia Cœlum utpote incorruptibile non consumitur à tempore; quod Iupiter Saturnum ferreis vinculis ligauerit, quia tempus, seu numerus motus cœlestis alligatus est Cœlo, & quod Iupiter, alligato Saturno, tres eiusdem filios, Iunonem, hoc est aerem, Neptunum, hoc est aquam, Plutonem, hoc est terram seruauerit, nè à Saturno consumerentur; Cœlum namque conseruat tria hæc elementa, aquam, aerem, ac terram, ne totaliter consumantur à tempore, ex quibus deinde alia corpora per mixtionem generantur.

Respondeo, ac dico primo ex confessione Aristotelis, SS. Augustini, ac Thomæ, tempus esse difficillimum intellectu: vnde S. Augustinus lib. II. confessionum cap. 14 dicit. *Quid est ergo tempus? Si nemo ex me quærat, scio, si quærenti explicare velim, nescio.* Et S. Thomas tract. primo de tempore addit difficultatem intelligendi tempus non iolum oriri ex defectu virtutis intellectiue in nobis, sed etiam ex defectu intelligibilitatis in ipso tempore. Nam quæ minimam habent entitatem, mini-

minimam habent intelligibilitatem ; sed materia prima , quæ secundum se non est actu , & tempus , & alia successiva , quæ non possunt existere actu secundum se tota , sed solum secundum aliquid indivisibile sui , nimirum secundum præsens , seu nunc , minimam habent entitatem ; ergo minimam habent intelligibilitatem , ac proinde difficillimè intelliguntur .

Secundo dico cum Aristotele , & S. Augustino , quod tempus non potest esse sine motu , & sine aliqua mutatione . Vt enim ait S. Augustinus cap. 14. lib. 11. confessionum post verba citata ; *Fidenter tamen dico scire me , quod si nihil præteriret , non esset præteritum tempus : si nihil adveniret , non esset futurum tempus ; & si nihil esset , non esset præsens tempus .* Tempus igitur includit mutationem , quæ aliquid , quod non erat præteritum , euadat præteritum , aliquid , quod erat futurum , adveniat , & fiat præsens ; & aliquid , quod erat præsens , desinat esse præsens , & euadat præteritum .

Tertio dico cum iisdem : tempus non potest esse motus localis , neque motus alterationis , & sic de cæteris motibus . Probatur ex ratione Aristotelis , & S. Augustini , quia omnes isti motus mensurantur , ac durant tempore ; ergo distinguuntur à tempore , quo mensurantur ,

& duranti e.g. motus, quo sol absolvit suam circulationem, & ab oriente redit ad orientem, de facto durat spatio vigintiquatuor horarum; posset tamen eandem circulationem perficere per motum duplò velociorem, qui proinde duraret solum spatio duodecim horarum; ergo aliud est motus, aliud est tempus, quo durat motus. De hoc tempore, quo mensuratur etiam motus primi mobilis, quaerimus quid sit. In idem recidit ratio Aristotelis, quod motus est velox, vel tardus; dicitur autem tardus ex eo, quod multo tempore parum transit spatij; dicitur velox ex eo, quod paruo tempore multum transit spatij; ergo tempus, quo mensuratur tarditas, aut velocitas motus, quod tempus non est tardum, neque velox, sed longum, aut breue, distinguitur à motu.

Quarto dico cum Aristotele: tempus est numerus motus secundum prius, & posterius. Sensus est; numerus partium contradistinctarum priorum, ac posteriorum numerabilium in motu per numerationem intuitivam.

Pro explicatione suppono tanquã per se notum intellectum finitum finito tempore non numerare successivè nisi finitũ, ac determinatum numerum; e.g. meus intellectus dicendo successivè intra se,

*unum,*



*unum* , *duo* , *tria* &c. spatio vnus horæ , etiam si adhibeat totum conatum , non poterit numerare nisi millionem e.g: at verò non poterit etiam summo conatu eodem temporis spatio numerare numerum maiorem , e.g. centum millionum . Idem dic proportionaliter de quocunque alio intellectu . Perfectior enim equali tempore poterit numerare maiorem numerum , quam imperfectior , sed tamen finitum , ac determinatum . Et confirmari potest exemplo virtutis motiue finitæ . Nam potest certo tempore percurrere solum spatium , seu quantitatem continuam , finitam , & certam ; ergo intellectus finitus finito tempore potest solum percurrere numerum , seu quantitatem discretam finitam , & certam .

Hoc posito , dico , quod tempus nihil est aliud , quam numerus partium motus , quæ dum transeunt , possunt numerari successiue , & intuitiue ab aliquo intellectu numerante quantum potest , vel absolute , vel cum certo conatu ; e.g. tempus , quo durat vna circulatio Solis , est numerus partium motus , quæ possunt numerari ab Intelligentia motrice dicente *unum* , *duo* &c. seu numeret conatu summo , seu numeret conatu certo , ac determinato .

Hinc patet , quid sit motus velocior ,

Z 4 aut

aut tardior. Motus velocior est, in quo dum transit spatium equale, numerabiles sunt pauciores partes. Motus tardior est, in quo dum transit spatium equale, numerabiles sunt plures partes. Ita motus duplò tardior est, in quo cum pertranseat spatium equale, numerabiles sūt duplò plures partes, quàm in alio motu transeunte spatium equale, ac proinde duplo velociori; e. g. sint duo mobilia, & utrumque conficiat vnum milliare, sed vnum duplò velocius, quàm aliud: in motu duplò tardiori numerabiles erunt ab aliquo intellectu centum milliones partium, in motu duplò velociori solum quinquaginta milliones; tempus igitur motus duplò velocioris est duplò minus, quia continet duplò minorem numerum partium numerabilium; tempus motus duplò tardioris est duplò maius, quia continet duplò maiorem numerum partium numerabilium.

Pater secundo, quid sit momentum. Momentum dicitur à motu, & ex vocis etymologia significat paruum motum. Momentum igitur est minima pars motus, quæ potest sumi ab aliquo intellectu intuitivè numerante summo conatu, ac dicente *unum, duo* &c. Quare idem est dicere, quod tempus est numerus motus, ac quod sit numerus momentorum sibi inuicem

cem succedentium , ita vt nullus alteri coexistat, sed vnum momentum sit prius, aliud posterius . Et quia intellectus perfectior potest velocius numerare , quam imperfectior , ideò potest sumere partes minores temporis , ac motus , dicendo , *vnum, duo &c.* Ideò momenta respectu intellectus perfectioris sunt minora , quàm respectu imperfectioris , & etiam in eodē motu plura momenta numerantur intuituè ab intellectu perfectio, quàm ab imperfecto, & supremus Angelus plura momenta numerat in motu primi mobilis , quàm numerent omnes Angeli inferiores .

Patet tertio, quanam sit prima mensura temporis . Mensura nihil est aliud , quàm quantitas minor , & notior , quæ finities sumpta adæquat maiorem, ac ducit in cognitionem ipsius . Ita longitudines mensurari solent palmo , dicendo , quod est longitudo centum palmorum . Palmus enim est quantitas minor, & notior , quæ centies sumpta adæquat magnitudinem centipalmarem . Notat Aristoteles , quod vnumquodque mensuratur per aliquid eiusdem generis: e.g. tempus mensuratur tempore, eo pacto , quo dies mensuratur horis, ac dicitur esse spatium vigintiquatuor horarum ; annus mensuratur die; longitudo mensuratur longitu-

Z 5 dine ;

dine; numerus vnitate; centenarius enim numerus est vnitas centies sumpta. Addit Aristoteles, quod in vnoquoque genere dari debet aliqua prima mensura, quæ non mensuretur alia mensura, sed innotescat per seipsam. Talis autem mensura est minimum talis generis, quod vel est indiuisibile secundum se, vel quoad cognitionem sensitiuam, vel intuitiuam nostram, eo quod sumere non possimus aliquid minus illo. Et quidem numeri, seu quantitates discretæ primo mensurantur vnitate, quæ est indiuisibilis secundum se. Quantitates continuæ utpotè diuisibiles in infinitum non mensurantur aliquo secundum se minimo, & indiuisibili, sed solum aliquo minimo quoad nos, qui non possumus sumere intuitiuè aliquid minus. Prima igitur mensura temporis est momentum. Nam momentum est minima pars, quam possumus sumere numerando, ac dicendo *unum*, *duo* &c. Per momenta mensuramus longitudinem temporis, ac illud dicimus longum, in quo numeramus multa momenta, illud breue, in quo pauca. Tempus somni videtur nullum, quia nulla in eo numeramus momenta: tempus verò doloris solet videri longissimum, quia obiectum doloriferum utpote vehementissimum cogit nos ad numeranda plurima momenta.

ta.



ta . Ex eadem etiam ratione tempus otij, ac tēdij videtur longum , quia qui nihil aliud agit, computat momenta temporis. E conuerso tempus gaudij, ac negocij videtur breue , quia qui fruitur obiecto iucundo, abripitur ab illo, ita vt nihil aliud cogitet , adeòque non numerat momenta temporis ; quod valet etiam de eo , qui valdè est occupatus negotijs .

Ad 1. Distinguo maiorem : impossibile est aliquid esse , quod constat ex ijs , quæ non sunt simul, sed sunt successiuè, nego ; quod constat ex ijs, quæ neque sunt simul, neque successiuè, concedo ; distinguo eodem pacto minorem, & nego consequentiam . Tempus est ens successuum , ac proinde constat ex partibus , quæ non sunt simul , sed successiuè , vt Aristoteles docet 9 Metaph. & S. Thomas tract. primo de Tempore .

Ad 2. Concedo, quod tempus non est motus, neque est sphaera cœlestis , sed est aliquid consequens motum , vt explicatum est .

Ad 3. Optima est definitio temporis , quæ dicitur esse *numerus motus secundum prius, & posterius*. Dum opponitur obscuritas , respondeo ex doctrina tradita, quæstione 25. de motu, definitionem esse claram , quia explicat , & declarat naturam temporis, licet difficilè formetur, in

quantum conceptus clari, ac definitiui  
difficilè, & à paucis formantur, sicut  
pauci clarè cognoscunt naturam rerum,  
refertim valdè obscurarum, cuiusmodi  
est natura temporis.

Dum opponitur secundo, quia nume-  
us partium priorum, ac posteriorum in  
notu non distinguitur ab ipso motu: sed  
tempus est talis numerus; ergo tempus  
non distinguitur à motu. Respondeo ne-  
gando maiorem. Puto enim eundem  
numero motum posse esse velociorem, &  
minus durare, vel tardiolem, & plus du-  
rare; sed si sit velocior, erunt in eo nu-  
merabilia pauciora momenta, si tardius,  
plura; ergo in motu numerus momento-  
rum, per quod constituitur tempus, & du-  
ratio motus, distinguitur à motu, vt ex-  
plicabitur etiam quaestione sequenti.

Dum opponitur tertio, quia si vniuer-  
sa quiescerent, adhuc daretur tempus: er-  
go tempus non est numerus motus: re-  
spondeo ex doctrina S. Augustini supra-  
citati, quod si ita vniuersa quiescerent,  
vel quasi quiescerent, vt nihil præteri-  
ret, nihil adueniret, non esset tempus,  
quod includit præteritionem præteriti, &  
aduentum futuri, sed esset semper stans,  
& immobiliter fixa præsentia eternitatis.  
Ideò, quia ante creationem mundi erat  
solus Deus, in quo nihil præterit, nihil  
adue-



aduenit, non erat tempus fluens, sed æternitas stans; ergo tempus est numerus mutationum, secundum prius, & posterius.

Dum opponitur quarto, ac queritur, verum tempus sit numerus cuiuscunque motus, vel solum sit numerus motus primi mobilis: respondeo tempus esse numerum motus, quo mensurantur omnes motus, tanquam prima, & certissima mensura ex natura rei: & quia omnes alij motus mensurantur motu primi mobilis, ideo propriè tempus est numerus motus, quo mouetur primum mobile.

Explicatur: nam in vnoquoque genere primum est mensura cæterorum; sed primus omnium motuum est motus primi mobilis, à quo pendent alij motus tum cælestes, tum inferiores; ergo motus primi mobilis est mensura omnium aliorum motuum, præsertim cum habeat omnes conditiones mensuræ. Mensura enim omnium motuum debet esse aliquis motus vnus, ac simplex, continuus, indeficiens, & perpetuus, notissimus omnibus gentibus, & vniformis; sed motus primi mobilis vipote circularis est vnus, ac simplex; sicut enim nulla linea est magis vna, ac simplex, quam circularis, cum neque componatur ex principio, fine, & medio, sicut recta, & eodem modo secundum omnes partes se habeat ad cætrum, sic

sic nullus motus est simplicior circulari. Motus etiã primi mobilis est indeficiens, continuus, ac perpetuus, cùm motus recti vtpote terminati sint finiti, ac non perpetui. Præterea motus cœli est notissimus omnibus gentibus, & maximè vniformis, cum primum mobile eadem semper velocitate moueatur; ergo motus cœli habet omnes conditiones mensuræ. Ex alia parte dictæ conditiones non conueniunt vlli alteri motui. Nam motus recti, ad quos etiam reducuntur aliquo pacto alteratio &c. sunt terminati, atque adeò habent principium, & finem, & sic non habent tantam vnitatem, ac simplicitatem, quantam motus circularis; & eo ipso, quod habent principium, & finem non sunt perpetui; nec idem motus rectus potest esse notus omnibus gentibus. Demum non sunt vniformes. Nam motus recti naturales sunt velociores in fine, quàm in principio; motus recti violenti sunt velociores in principio, quàm in fine; ergo solus motus primi mobilis est mensura omnium motuum. Ideò omnes gentes mensurant motus, ac durationes per horas, dies, annos, & sæcula. Dies autem est vna circulatio primi mobilis; hora est vigesimaquarta pars circulationis &c. Si igitur cœlum quiesceret, non daretur propriè tempus, hoc est

est numerus motus ex natura sua mensurantis omnes alios motus , sed daretur tempus minus propriè , hoc est numerus motus non habentis ex natura sua rationem primæ mensuræ . Tempus proprium est vnicum , & est numerus mensurans intrinsecè motum cœlestem , & mensurans extrinsecè cæteros motus . Tempus improprium , ac mensurans intrinsecè vñquemque motum est multiplex . Nam motus lapidis descendens mensuratur intrinsecè momentis in ipso numerabilibus : atque idem dic de cæteris motibus .

Ad 4. In quo quæritur , vtrum tempus sit numerus motus existentis in anima , vel extrà animam , dico , quòd tempus proprium , & ex natura rei habens rationem primæ mensuræ est numerus motus cœlestis existentis extrà animam : mutationes autem existentes in anima habent hunc numerum , seu tempus intrinsecum , quod propriè non est tempus . Hoc tempus intrinsecum immediatè numeramus , dum non aduertimus immediatè mutationes exteriores ; & quia mutationes interiores animæ causantur aliquo pacto à motu Cœli , ideò tunc numeramus etiam motum cœli , tamquam effectum in sua causa : sicut quando aliquis pungitur ab aliquo exteriori , dum numerat id , quod patitur intrinsecè in tactu ,

etiam, numerat etiam consequenter causam extrinsecam.

Ad 5. Sicut esse in loco propriè non est tantum habere præsentiam ad locum, sed etiam est mensurari à loco, cum quadam dependentia à corpore locante, in quo sensu corpora sunt in Cœlo tamquàm in loco; sic esse propriè in tempore non est solum habere præsentiam ad tempus, sed est mensurari tempore, cum quadam dependentia à primo motu; & quia sola corpora corruptibilia dependent à motu cœli, ideò propriè sola corpora corruptibilia sunt in tempore, & absolute dicuntur temporalia, quia transeunt cum transitu temporis. Deus propriè non est in tempore, sed est præsens tempori per suam infinitam, & semper manentem, ac fixam eternitatem. Definatur autem eternitas à Boetio *interminabilis vite, tota simul, & perfecta possessio*, quia nimirum in esse diuino non est numerus priorum, ac posteriorum, prætereuntium, & aduenientium, ac fluentium, sed est vnitas semper manens, cui nihil aduenit, ex qua nihil præterit, ideòque in esse Diuino penitus immobili non est præteritum, vel futurum, sed infinitum præsens, tempora verò præterit, & adueniunt extra Deum circa Diuinam semper manentem eternitatem, eo pacto, quo dum circulus mouetur, omnes

omnes lineæ ductæ à centro, ad circumferentiam, mouentur extrâ centrum, & circâ centrum fixum, & immobile. Angeli, & corpora incorruptibilia propriè non sunt in tempore, sed in æuo, & non sunt temporalia, sed æuiterna, quia non dependent in sua duratione à motu cœlesti, neque patiuntur aliquid, quo senescant, & veterascant, & properent ad interitum. Est autem æuiternum quod durat per durationem independētem à motu cœlesti, ac proinde non senescit, neque veterascit. Æuū est duratio independens à motu cœlesti, ac proinde non inducens inueterationem, vel senectutem.

Ad 6. Tempus est causa generationis, & corruptionis, non per se, sed solum per accidens: e.g. tempus dicitur causa, ut nascatur frumentum, non quia tempus producat frumentum, sed quia Sol, terra, semen, & aliæ causæ producunt frumentum in tempore; dicitur etiam causa mortis, non quia tempus causet mortem, sed quia morbi, vel aliæ causæ contrariæ corrumpunt calorem vitalem, & humilum radicale, & sic causant mortem, & corruptionem in tempore. Notat Aristoteles, quod potius tempus dicitur causa corruptionis, quàm generationis, quia causa corruptionis solet esse immanifesta. E. g. quando res veterascunt, ac  
fene-

senescunt, non apparet manifesta causa talis senescentiæ, ideoque tribuitur tempori, licet inueteratio non procedat à tempore, sed ab aliqua causa insensibili paulatim in tempore destruyente.

## QVÆSTIO XXXII.

*Virum creaturæ durent per durationem intrinsecam distinctam à durante, & tempore extrinseco.*

**V**idetur vera sententia Suarij disp. 55. met. sect. 2. Vasquez prima. parte disp. 33 cap. 3 & aliorum, allegantium Scotum, Gabrielem, Gregorium, Okamum, & Nominales, quod duratio non sit aliquid positivum intrinsecum rei duranti, & ab ipsa distinctum i. quia si res permanentes, e.g. homo, Angelus &c. durarēt per durationem distinctā, daretur in rebus perpetuus fluxus durationum: e.g. sicut perpetuò fluunt dies, horæ, anni, momenta &c. sic in Angelo perpetuò fluerent durationes intrinsecæ, horariæ, diurnæ, annuæ, & momentaneæ; est autem absurdum, quod detur in rebus præsertim permanentibus perpetuus fluxus durationum



num ; eo enim ipso non haberent esse fixum, & stabile , sed fluidum, ac successuum .

2. Etiam entia successiva, e.g. motus durare deberent per durationem distinctam & quia ipsa duratio est ens successuum, durare deberet per aliam distinctam durationem , & sic procederetur in infinitum .

3. Sequeretur , quod duratio esset essentialiter inconseruabilis. Illud enim per quod res existit nunc, non potest esse post; sed duratio est id, per quod res existit nunc ; ergo nè per diuinam quidem potentiam potest conseruari .

4. Etiam negationes sunt indifferentes ad durandum magis , aut minus : e.g. negatio mundi fuit ab æterno , & potuisset durare magis , aut minus; ergo etiam negationes durant per durationem distinctam, quod videtur absurdum .

5. Non potest explicari , vtrum duratio distinguatur ab existentia , vel non ; vtrum distinguatur ab actione conseruatiua rei; vtrum sit substantia, vel accidens; modus, vel res; ens relatiuū, hoc est essentialiter affixum tempori extrinseco , vel absolutum , & potens esse sine tempore extrinseco : vtrum creatura possit poni spoliata quacunque duratione : vtrum possit dari duratio creata indiuisibilis, ac parti-

artibus carens, e.g. duratio horaria, in qua nullæ dentur partes &c; ergo duratio distincta à redurante non debet admitti.

Respondeo cum S. Bonaventura in secundo; Combricensibus hic cap. 14. q. 3. & 4. Ruusio quest. 4. Arriaga, Cardinali de Lugo de Incarnatione quest. 29 sect. 1. & recentioribus communiter; Creaturas durare per durationem distinctam perpetuo fluentem per momenta priora, ac posteriora, proportionaliter ad tempus extrinsecum. Probat, quia quod secundum se est indifferens ad magis, aut minus durandum, & ad existendum hoc potius tempore, quam alio, constituitur durans, atque existens hoc tempore determinato per aliquid distinctum ipsi superadditum; sed mundus e.g. est indifferens ad durandum magis, vel minus: si enim productus fuisset mille annis antequam productus fuerit de facto, durasset plus, si productus fuisset ante unicum annum, durasset minus: est etiam indifferens ad existendum vno potius tempore, quam alio; ergo mundus durat per durationem superadditam. Idem dic de Angelis, de hominibus, & alijs entibus, quæ sunt in mundo.

Confirmatur, quia cum hoc, quod est durare, aut vivere centum annis addat viventi magnam perfectionem, qua caret, si duraret, & viveret unico momen-

io, talis duratio debet esse perfectio, & actualitas positiva intrinseca rei duranti, ac proinde non potest formaliter consistere vel in mera negatione, vel in aliquo decreto extrinseco Dei, vel in tempore extrinseco, quia possem esse ego, & posset fluere centum anni temporis extrinseci, quin ego durarem, & viuerem centum annis; ergo hoc, quod est durare centum annis, adderet supra meam existentiam, qua durarem vnico momento, ac supra fluxum centum annorum aliquid intrinsecum mihi, quod flueret proportionaliter cum tempore extrinseco; & quidem id, quod addit esset positium, & mihi intrinsecum, utpotè, maximè perficiens me.

Debet aduerti, quod hic non sumimus durationem strictè, in quantum significat permanentiam, & continuationem essendi, quæ supponat primum esse, in quo sensu primum esse non est duratio; sed sumimus durationem latè, in quantum significat id, quo res existit in aliquo instanti, seu tempore, primo, vel non primo, in quo sensu etiam id, quo res ponitur in primo instanti, vocatur duratio.

Ad 1. Concedo, quod in substantijs creatis detur perpetuus fluxus durationum, dum nimirum priori durationi succedit posterior impossibilis cum priori. In solo

solo Deo nihil fluit, quia per suam semper presentem, & infinitam æternitatem semper est, cum nihil ex illa præterierit, vel possit præterire, nihil aduenerit, vel possit aduenire. Ideò in Deo non est differentia futuri, & præteriti, sed est solum infinitum præsens. Dum infertur, quod Creaturæ essent entia fluida, & non stabilia, neque fixa; distinguo, sunt entia fluida secundum durationem, concedo; secundum essentiam, & existentiam; nego. Ego permaneo semper idem secundum meam essentiam, & existentiam, licet sim sub perpetuo fluxu, & mutatione durationum sibi inuicem succedentium; eo pacto, quo mobile, dum mouetur, est semper idem sub perpetuo fluxu motus, in quo motu una pars succedit alteri.

Ad 2. Probabile mihi est, quod licet motus sit ens successuum, eo quod nulla pars motus possit alteri coexistere, adhuc durat per durationem superadditam. Ratio est, quia videtur, quod possit idem motus esse velocior, aut tardior; sed si esset velocior, duraret minus, si tardior, duraret plus; ergo idem motus potest durare plus, aut minus; ergo durat per durationem distinctam. Ideò tempus distinguitur à motu, sicut modus à re. Dum opponitur; ergo etiam duratio durat per dura-

urationem distinctam , & proceditur in infinitum, nego consequentiam. Est enim absurdum, quod ipsa hora duret plus, vel minus, quod semihora duret per horam, annus duret centum annis , cum hæc sint ipsa duratio; eo pacto , quod licet idem corpus possit fieri maius, aut minus , mundo magnitudinem , tamen magnitudo almaris non potest fieri bipalmaris, vel tripalmaris. Rursus duratio, qua res est nunc , non potest esse alio tempore , ex eadem ratione, ex qua albedo non potest fieri nigra , quadratura non potest fieri rotunda, ut dictum quæst. 28. cum probatum est ubicationem esse irreplicabilem .

Ad 3. Concedo, quod duratio sit essentialiter inconfervabilis ex eadem ratione, ex qua ubicatio est essentialiter intransferibilis , rotunditas est essentialiter inquadrabilis. Nam si duratio conservaretur, ipsum nunc poneretur post, quod esset, sicut si rotunditas fierit quadrata, albedo nigra .

Ad 4. Ex eo , quod negationes durent per durationem distinctam ; respondeo hoc argumentum non valere contra eam sententiam , qui dixi negationes semper identificari cum aliquo positivo . Contraria sententia etiam ex hoc capite est difficilis , quia sequitur ex illa , quod dentur infinitæ negationes , contra  
quas

quas valent argumenta inferius adducenda contra infinitum actu. Sequitur etiam, quod negatio mundi fuerit ab æterno, & durauerit per infinitum fluxum durationum, contra quod valent argumenta adducenda contra aternitatem mundi.

Ad 5. Duratio distinguitur ab existentia præsertim substantiali, licet aliqui oppositum doceant. Ratio est, quia substantia ex suo conceptu est primum subiectum actuale permanens; ergo constituitur per existentiam, atque actum permanentem, atque adeò actus, & existentia substantialis distinguitur à duratione perpetuò fluente. Confirmatur, quia sicut cum mobile mouetur, manet idem mobile actuale, ac suscipit in se motum fluentem; ità cum ego duro, ac transeo ex vna duratione in aliam, remaneo idem ens actuale, atque adeò cum eadem existentia, ac intrinsecè recipio durationem fluentem. Idem videtur dicendum de accidentibus permanentibus, e.g. de calore. Hinc patet ad aliud quæsitum, vtrum duratio substantiæ sit substantia, vel accidens. Dico, quod est accidens, cum sit contra rationem rei substantialis, quod permanere non possit, sed perpetuò fluat; vnde motus euidenter est accidens, quia perpetuò fluit. Probabile  
etiam



etiam mihi est contra Arriagam, & quosdam alios Recentiores, quod duratio distinguatur ab actione conseruatiua, e.g. quod duratio mea distinguatur ab actione, qua ego conseruor. Ratio est, quia possunt res accipere eandem durationem à diuersis agentibus, e.g. potest lux, quæ conseruatur in aere à Sole, cū eadē duratione potest conseruari à solo Deo; ergo duratio pendet ab agente per actionem distinctionem.

Dum opponitur: eo ipso, quod res intelligitur conseruari, intelligitur durare; ergo duratio non addit aliquid supra conseruationem: distinguo antecedens, intelligitur durare formaliter, nego; intelligitur durare radicaliter, concedo; & nego consequentiam. Sicut eo ipso, quod res est producta, intelligitur esse, & tamen non existit formaliter per ipsam productionem, sic in casu nostro.

Dum vltcrius quæritur, vtrum duratio sit modus, vel res, respondeo, quod est modus, quia existentia potest esse sine hac duratione, duratio non potest esse, quin vniatur intrinsecè huic existentia. Addo, quod duratio non est pura relatio coexistentiæ ad tempus extrinsecum, quia etiamsi non esset vllum tempus extrinsecum, ego possem durare per eandē durationem. In hoc autem puncto phi-

losophandum est de duratione proportionaliter ad ea, quæ dicta sunt de vbi-  
catione quaest. 27. Dico etiam, quod non potest  
existentia poni sine omni duratione: alio-  
quin posset aliquid esse, & nunquam esse,  
quod est inintelligibile.

Ad vltimum quaesitum, in quo quaeri-  
tur, an possit dari duratio creata indiui-  
sibilis, e.g. duratio horaria, in qua idem  
sit durare per primam semihoram, ac per  
secundam: communiter respondent Re-  
centiores negatiue, quia sequeretur, quod  
homo durans per talem durationem, ,  
transacta semihora, non posset à Deo  
destrui; hoc autem repugnat subiectioni  
creaturæ, quæ debet ita esse cum timore,  
& tremore sub potenti manu Dei, vt pro  
quolibet instanti possit metuere, nè de-  
struatur, & debeat accipere durationem  
tanquam nouum beneficiũ. Et licet Beati  
non possint à Deo destrui, quia promisit  
illis æternam conseruationem, disparitas  
est manifesta. Nam Beati sunt securi de  
sua æterna conseruatione ex diuina pro-  
missione; at creatura durans per duratio-  
nem indiuisibilem esset certa de sua cõ-  
seruatione ex perfectione suæ durationis  
essentialiter indestruibilis per horam, .  
Dum vrgetur, quia visio beata cognoscit  
seipsam nunquã esse destruendam à Deo,  
& est essentialiter vera; ergo est essen-  
tiali-

tialiter indestruibilis per totam æternitatem: variè respondent Theologi. Facilior responsio est, quod visio Beata cognoscit se non destruendam, ita vt non detur Beato alia visio æquiualens, & per hoc conciliatur destruibilitas visionis cū perfecta securitate Beati de sua æterna Beatitudine.

## Q V A E S T I O XXXIII.

*Vtrum conueniens sit definitio Infiniti.*

**V** Idetur non esse conueniens definitio, qua infinitum definitur ab Aristotele 3. Phy. tex. 63. cuius secundum quantitatem accipientibus semper est aliquid aliud extrā accipere 1. quia clarius infinitum definitur quod finē nō habet; ergo definitio Aristotelis reiicenda est tanquam obscura.

2. Deus est infinitus secundum essentiam, sapientiam, potentiam &c. & tamen cum quantitatem non habeat, non est id, cuius secundum quantitatem accipientibus semper est aliquid extrā accipere.

3. Sequeretur, quod quæcunque quantitas e.g. palmaris esset infinita. Nam ex

A a 2 pal-

palmo semper est aliquid extrà accipere; possum enim accipere medietatem palmi, tum ex medietate relicta sumere aliam medietatē, & ex submedietate relicta sumere aliam medietatem, & cum quantitas sit diuisibilis in infinitum, semper possum sumere medietatem medietatis per totam æternitatem.

4. Demum definitio infiniti deberet proportionaliter cōuenire varijs speciebus infiniti, quæ sunt infinitum categorematicum, & syncategorematicum: infinitum in numero, in magnitudine, in intensione; sed non videtur hæc definitio conuenire speciebus infiniti; ergo non est bona.

Respondeo antiquos Philosophos confudisse infinitum cum toto, & infinito tribuisse definitionem totius. Dixerunt enim infinitum esse *extrà quod nihil* est. Paret autem hanc esse definitionem totius, & vniuersi. Sicut enim totus homo est, cui nihil deest eorum, quæ spectant ad hominem, ità totum simpliciter, & vniuersum absolutè est, extrà quod nihil omninò est. At pariter est manifestum, quod ratio, & essentia infiniti non consistit in hoc, ut extrà illud nihil sit, cum ad infinitum neque sufficiat, neque requiratur, ut nihil sit extrà illud. Non sufficit quidem, quia si quantitas mundi ponatur determinate

ma-

magnitudinis, e.g. centum milliariorum, cum extrà quantitatem mundi nulla esset quantitas, & tamen quantitas mundi non esset infinita, sed finita, hoc est centum milliariorum. Similiter non requiritur ad infinitum, vt extrà illud nihil sit. Si enim ponantur infiniti homines, & ab ijsdem separentur decem, reliqui remanerent infiniti, & tamen extrà illos essent decem homines; ergo non requiritur ad infinitum, vt extrà illud nihil sit. Potius igitur infinitum est, cuius semper est aliquid extrà, ita vt accipiens ex illius quantitate semper possit aliam, & aliam quantitatem accipere, absque eo quod illam vnquam absumat.

Ad 1. Definitio illa, *infinitum est quod finem non habet*, nō est bona. Punctū enim utpote indiuisibile non habet finem, neque principium, sed ipsummet est principium, aut finis, & tamen punctum non est infinitum. Addo, quod finitum non autem infinitum definiendum est per negationē. Finitum enim est quod non extenditur ulterius: at infinitum est, quod ulterius, & ulterius extenditur, ideoque secundum quantitatem accipientibus semper est aliud, & aliud extrà accipere. Hinc est, vt licet nomen infiniti sit grammaticaliter negatiuum, philosophicè sit positium. E conuerso nomen finiti licet grammaticaliter

positiuum, philosophicè est negatiuum.

Ad 2. Quantitas duplex est, formalis, ac virtualis. Quantitas formalis est, quæ est diuisibilis in partes quantitatiuas. Virtualis est, quæ licet sit indiuisibilis, æquiualeat tamen pluribus. Infinitum similiter duplex est, nimirum infinitum in quantitate formali, & infinitum in quantitate virtuali. Deus cum sit indiuisibilis, est infinitus non in quantitate formali, sed in quantitate virtuali. Infinitum in quantitate virtuali, est cuius secundum quantitatem virtualem accipientibus sèper est aliud extrà accipere, non ex quo componatur, sed cui perfectè æquiualeat. In hoc sensu Deus est infinitus in omni genere. Primo est infinitus secundum esse, quia ex Diuino esse semper est accipere aliud, & aliud esse, cui perfectè æquiualeat. Ità de facto per totam æternitatem ex esse diuino sumitur nouum, & nouum esse creatum, cui diuinum esse perfectè æquiualeat. Est infinitus secundum durationem indiuisibilem, quæ est æternitas, quia ex Diuina æternitate nundus semper sumit nouam, & nouam durationem, cui perfectè æquiualeat Diuina æternitas indiuisibilis. Est infinitum in sapientia, quia ex diuina sapientia possemus semper sumere nouam, & nouam sapientiam, semper addiscendo per totam  
eter-



æternitatem . Est infinitus in potentia ex eadem ratione; ergo definitio allata etiã ex hoc capite est optima, quia proportionaliter conuenit infinito secundum quantitatem virtualem .

Ad 3. Argumentum benè probat omnem quantitatem habere aliquam infinitatē diuisibilitatis, cum sit diuisibilis in infinitum , & possint ex ea semper sumi medietates medietatum sine termino , vt dicetur in quæst. de continuo . Non tamen sequitur, quod quælibet magnitudo sit infinita simpliciter , sed solum quod sit infinita secundum potentialem diuisionem. Magnitudo simpliciter infinita est , cuius secundum quantitatem accipientibus semper est aliquid aliud extra accipere per partes æquales vni certæ , & non communicantes . Dicuntur autem partes non communicantes, quæ totaliter, & adæquatè distinguuntur, ita vt nulla includat vllam partem alterius. Partes communicantes sunt, quæ distinguuntur solum partialiter. Magnitudo palmaris non est simpliciter infinita in hoc sensu , quia licet possint ex illa sumi plures , & plures partes minores, & minores, e.g. medietas, & medietas medietatis sine vlllo termino, tamen non possunt sumi nisi finitæ partes æquales vni certæ, ac non communicantes .

Ad 4. Definitio allata conuenit pro-

portionaliter omnibus infinitis , ideoque est optima . Infinitum categorematicum est , cuius secundum quantitatem accipientibus , semper est aliquid extra accipere per partes actu positas . Infinitum syncategorematicum est , cuius secundum quantitatem accipientibus semper est aliquid extra accipere per partes partim positas actu , partim ponendas , aut possibiles poni , ita ut actu posite nunquam sint infinitæ , sed ponende , vel possibiles poni sint plures , & plures sine termino . Exemplis res explicabitur . Si mundus fuisset ab æterno , duratio mundi præterita esset infinita categorematicè , quia possent ex ipsa semper sumi partes iam posite equales vni certæ , ac non communicantes . E conuerso ex eo , quod mundus sit duraturus in æternum , duratio mundi est infinita solum syncategorematicè , quia sumendo partes iam actu positas , e. g. numerando annos iam actu positos , solum sumentur partes finite : nunquam enim erit verum , quod transierint infiniti anni : at sumendo annos non solum positos , sed ponendos , semper est extra accipere . Similiter si nunc darentur infiniti Angeli , essent infiniti categorematicè : at si Deus per singulos annos per totam æternitatem crearet novos , & novos Angelos , Angeli futuri essent infiniti

finiti solum syncategorematicè . Proportionaliter allata definitio conuenit infinito secundum numerum, magnitudinem, & intensionem . Infinitum enim in numero est multitudo, cuius secundum numerum accipientibus semper est aliud extra accipere . Infinitum in magnitudine est magnitudo, cuius secundum quantitatem continuam accipientibus semper est aliquid extra accipere per partes æquales vni certæ, ac non communicantes . Infinitum in intensione est, cuius secundum quantitatem intensiuam accipientibus semper est aliquid extra accipere per partes non communicantes, & æquales vni certæ .

## Q V A E S T I O XXXIV.

*Vtrum possit dari Infinitum categorematicum, vel syncategorematicum .*

**E**X vna parte videtur vera sententia quorundam, quod repugnet omne infinitum etiã syncategorematicum, quia omnia argumenta, quæ adducuntur ad probandam impossibilitatem infiniti categorematici, æquè probant impossi-

itatem infiniti syncategorematici; ergo  
repugnat infinitum categorematicum,  
repugnat etiam syncategorematicum.

Ex alia parte videtur esse possibile,  
quodlibet infinitum, non solum syncate-  
gorematicum, sed etiam categoremati-  
cum, & actu existens &c. 1. quia certum  
est mundum posse durare, immò de facto  
duraturum in æternum per durationem  
quandam infinitam à parte post, in qua  
erunt infiniti anni, dies, & horæ &c; sed  
omnia argumenta, quæ afferuntur contra  
quodlibet infinitum categorematicum,  
vel syncategorematicum, valent æquè  
contra infinitatem annorum futurorum  
per totam æternitatem.

2. Deus potest facere, ut nunc exi-  
stant omnes homines, qui possunt nunc  
existere; sed omnes homines, qui possunt  
nunc existere, sunt infiniti; ergo Deus  
potest facere, ut nunc existant homines  
infiniti. Probatur minor; multitudo ex-  
cedens omnem numerum finitum assigna-  
bilem est infinita; sed multitudo hominū  
potentium nunc existere excedit omnem  
numerum assignabilem; nam quocumque  
assignato, potest existere multitudo maior;  
ergo multitudo hominum potentium nūc  
existere est infinita.

3. Quotiescumque aliqua sunt possibi-  
lia seorsim, & nullum eorum habet repu-  
gnan-

gnantiam cum altero, possunt etiam poni simul; sed homines possibiles infiniti sunt possibiles seorsim, & nullus eorum habet repugnantiam cum altero; ergo homines infiniti possibiles possunt poni simul. Probatum maior; quia eo ipso, quod homo est possibilis, equus est possibilis, leo est possibilis, & non habent ullam incompatibilitatem, possunt simul poni homo, equus, & leo; idem valet de alijs; ergo vniuersim quotiescunque aliqua sunt possibilia seorsim, & nullum eorum repugnat cum altero, possunt poni simul.

4. Infinita virtus debet posse producere infinitum effectum: alioquin hæc virtus esset frustra, si non posset producere effectum sibi correspondentem iuxta proportionem; sed Deus habet virtutem infinitam; ergo Deus potest producere effectum infinitum. Confirmatur, quia causa potest operari simul vbicumque est; e. g. ignis vbicumque est potest calefacere; sed Deus vtpotè immensus est in spatio infinito; ergo potest simul operari in spatio infinito; ergo potest producere effectum extensum per infinitum spatium.

5. Videtur, quod de facto mundus sit infinitus. Tum enim esset infinitus, cum non daretur vltimus terminus mundi, sed non datur vltimus terminus mundi; f

enim daretur ultimus terminus, eatenus esset ultimus, quatenus nihil esset ultra illud; sed *ultra* significat spatium, ergo daretur spatium ultra mundum, quod spatium non esset ultimum ex eadem ratione. Præterea si quis constitueretur in ultimo termino mundi, & iaceret sagittam, vel illa moueretur, & iam daretur spatium ulterius, per quod moueretur; vel non moueretur; ergo aliquid resisteret motui, & iam daretur aliquid ultra ultimum terminum mundi resisters motui. Adde, quod est intelligibile, quo pacto ultra ultimum terminum mundi non sit vllum spatium; sed spatium est aliquod ens; ergo aliquod ens est infinitum.

6. Deus est infinitus; merita Christi sunt infinita; in continuo dantur actu partes infinitæ; species numerorum sunt infinitæ; mathematici sæpè assumunt, quod potest describi linea in infinitum; ergo potest dari, immò datur de facto infinitum actu.

Respondeo in hac quæstione primo assumendum esset tanquam certum, quod dari potest, & de facto dabitur infinitum in duratione. Mundus enim de facto durabit in æternum, Angeli, & Anima rationalis in æternum conseruabuntur per infinitos annos, & primus motor potest Cælum mouere per totam æternitatem, atque



atque adeò infinito tempore à parte post nec est ullus Philosophus, qui de hoc dubitauerit propter summam rei euidenciam .

Secundo quia in vnaquaque materia, quod est manifestũ assumi debet tanquam principium ad discurrendum de cæteris ; idcirco in materia de infinito , infinitum in duratione, quod est manifestum, assumi debet tanquam principium ad discurrendum de cæteris infinitis . Hinc est , vt Aristoteles omnia infinita definiat per infinitum in duratione dicens , infinitum esse , ex quo semper est extrà accipere ; illud autem *semper* significat æternitatem , hoc est infinitum in duratione .

Tertio quia innata est nobis via, vt ex effectibus procedamus ad causas , ex hoc effectũ infinito nobis noto , nimirum ex infinito in duratione procedere debemus ad probandam infinitatem primi principij, & primæ causæ , hoc est Dei . Ideò Aristoteles 8. Phys. ostendit primum motorem, & primum principium habere infinitam virtutem, & potentiam, quia mouet Cœlum infinito tempore . Effectus enim infinitus requirit in causa virtutẽ, & potentiam infinitam . Et licet Durandus in primo dist. 43. quæst. 1. quem plures sequuntur , dicat quod ratio Aristotelis nihil valet ; sequeretur enim, quod etiam

An-

Angeli secundi motores haberent virtutem infinitam in vigore, cum etiam ipsi moueant Coelos infinito tempore; tamen eadem facilitate, qua Durandus asserit rationem Aristotelis nihil valere, possumus nos dicere obiectionem Durandi nihil valere, & rationem Aristotelis esse optimam, & vnicam, quæ possit afferri à posteriori, ad probandam ex effectibus infinitam Dei virtutem, & potentiam. Est optima, quia est manifestum, quod virtus indiuisibilis, quæ tota simul existens indiuisibiliter est perfectè sufficiens ad ponendum effectum infinitum, est virtus infinita; sed virtus, qua primus motor mouet, est indiuisibilis tota simul existens, & perfectè sufficiens ad ponendum æternū, atque infinitum motum; ergo virtus, qua primus motor mouet, est infinita. E conuerso virtus, quæ in quantum est actū, est solum sufficiens ad ponendum effectum finitum, solum est finita; sed virtus, qua mouent Angeli secundi motores, in quantum est actū est solum sufficiens ad mouendum finito tempore, & motu finito, & vt moueant motu maiori, debent accipere Angeli nouum, & nouum actum; E.g. Angeli secundum quod existunt in hac hora, possunt solum mouere motu finito durante solum per hanc horam, vt verò moueant hora sequenti, debent

bent conseruari hora sequenti, & à primo motore accipere durationem, qua actu existant, & possint mouere per horam sequentem; ergo virtus Angelorum in quantum est actu, potest solum mouere finito tempore, in quantum verò est in potentia ad durandum vltcrius, & vltcrius, accipiendo nouam, & nouam durationem, potest mouere tempore maiori, ac maiori: ergo Angeli habent actu virtutem solum finitam coniunctam cum potentia accipiendi durationē maiorem, & maiorem, per quam possint efficere motum maiorem, & maiorem.

Addidi hanc esse vnicam rationem à posteriori ad probandam infinitam virtutem primi motoris. Nam à posteriori virtus infinita non potest colligi, nisi ex effectu infinito; sed non est alius effectus infinitus euidenter possibilis, quam motus, ac duratio ergo infinitas motus, ac durationis est vnicum medium ad probandam infinitam potentiam primi motoris. Ex infinita deinde potentia primi motoris probari potest à posteriori, quod sit infinitus secundum essentiam, licet à priori infinitas secundum essentiam probeatur aliunde, ex eo quod sit à se, & ex infinitate essentiæ probeatur infinitas virtutis à S. Thoma prima parte quæst. 7. art. 1. & quæst. 25. art. 2.

Quar-

Quarto posito, quod Deus habeat infinitam potentiam, & virtutem, repugnātia infiniti non potest oriri ex eo, quod primum principium habeat virtutem finitam, & limitatam; ergo solum oriri poterit ex eo, quod infinitum si daretur, includeret aliquam implicantiam, & repugnantiam; si verò infinitum nullam dicat repugnātiā: eo ipso constat infinitum posse dari, cum infinita virtus possit facere quidquid non implicat contradictionem, & repugnantiam.

Quinto hinc patet esse falsam, & irrationabilem sententiam illorum, qui dixerunt dari certum, & finitum numerum creaturarum possibilem, suprā quem augeri non possint; e.g. homines possibile esse solum in numero quodam certo: idēque dicunt de alijs rebus. Ratio est, quia est irrationabile, quod virtus infinita multiplicare non possit aliquam naturam multiplicabilem, nisi vsque ad certum terminum; sed Deus habet virtutem infinitam, & natura humana est multiplicabilis; ergo est irrationabile, quod homines multiplicari non possint, nisi vsque ad certum terminum. Et confirmatur, quia quis non videat esse irrationabile, quod virtus infinita possit solum producere decem homines? nam cur non vndecim? eadem irrationabilitas apparet  
in

in quocumque alio numero assignabili ergo eo ipso, quod aliqua natura est multiplicabilis, multiplicabilis est in infinitum. Confirmatur, quia si quis diceret virtutem infinitam non posse mouere, nisi centum annis, vel mille, diceret aliquid irrationabile; sed eadem omnino irrationabilitas apparet in asserendo, quod homines possibiles sint solum centum, vel in quocumque alio numero assignabili; ergo &c. Adde, quod eo ipso, quod virtus Dei est infinita, limitatio non potest oriri ex parte materiae; nam Deus producit ipsam materiam, non autem producit res ex materia praexistente; ergo potest etiam producere materiam maiorem, & maiorem sine termino. Ideo sententia communis scholasticorum penè omnium docet creaturas esse multiplicabiles in infinitum sine termino.

Sexto remanet praecipua quaestio, an possit dari infinitum categorematicum, actu simul existens. Dico cum S. Thoma 1. parte quaest. 6. Scoto in secundo dist. 1. quaest. 3. S. Bonauent. in primo dist. 43. quaest. 3. Durando in primo eadem dist. 43. quos ex nostris sequuntur Suarius, Conimbricenses, Ruuius, Toletus, & alij: repugnat infinitum categorematicum, actu existens, seu sit infinitum in numero, seu in magnitudine, seu in intensione.

Vt

Vt probem conclusionem, præmitto, quod facile est afferre rationes contra infinitum categorematicum; sed difficile est ita illas proponere, vt non æquè valeant contra infinitum syncategorematicum. Ideò gladio simul pugnandum, & clypeo, & ita dirigenda sunt tela in aduersarios, vt simul cum ipsis non feriant nos.

Prima, & fundamentalis ratio defumitur ex principijs S. Thomæ, & Aristotelis. Omnis enim magnitudo, & multitudo infinita est talis, vt in ratione multitudinis, ac magnitudinis sit eiusdem speciei, ac rationis cum qualibet alia multitudine, ac magnitudine infinita; sicut enim omnes numeri septenarij in ratione numeri sunt eiusdem omninò speciei, ac rationis, quia sibi mutuo congruunt, & omnes lineæ centum palmorum, in ratione longitudinis sunt eiusdem speciei, quia si sibi inuicem superponantur, mutuo congruunt, sic omnes infinitæ magnitudines, & multitudines in ratione multitudinis, ac magnitudinis sunt eiusdem speciei, quia sibi inuicem applicatæ mutuo congruunt, vt melius etiam patebit inferius; sed ex alia parte repugnat, quod omnes infinitæ magnitudines, & multitudines sint eiusdem speciei, ac mutuo congruant; est enim de ratione multitudinis, ac magnitudinis, vt per quamlibet



libet additionem, vel ablationem variet speciem, ut patet inductione; septenarius enim non est eiusdem speciei cum senario, nec illi congruit, quia addit vnam unitatem; quinarium est diversae speciei, ac senarius, quia quinario deficit una unitas; similiter longitudo undecim palmorum, ac longitudo decem palmorum specie differunt, nec possunt sibi congruere ex eadem ratione: si verò omnes magnitudines, ac multitudines infinitae essent eiusdem speciei, per quamcumque additionem, vel ablationem finitam non variarent speciem, quia semper remanerent magnitudo, ac multitudo infinita, adeoque eiusdem speciei, ac ante; ergo repugnat infinita multitudo, ac magnitudo.

Addo, quod non solum multitudo infinita remaneret infinita, atque adeò eiusdem speciei, subtracto quocumque numero finito, sed etiam remaneret infinita, subtractis pluribus, & pluribus multitudinibus infinitis sine termino per totam aeternitatem. Demonstratur euidenter. Sit infinita multitudo Angelorum. In hac multitudine sunt infiniti binarii, infiniti ternarii, infiniti milliones, & infiniti milliones millionum, & sic de quocumque numero finito maiori, & maiori. Est enim per se notum, quod numerus finitus non potest contineri solum finities

n multitudine infinita ; ergo quicumque numerus finitus continetur infinities in multitudine infinita . Hoc posito , si ex singulis infinitis centenarijs Angelorum subtraherentur nonaginta nouem , & vnus elinqueretur , multitudo infinita , subtractis nonaginta nouem multitudinibus infinitis , remaneret infinita , atque adeo eiusdem rationis , & speciei , ac ante : & ita posset quis per totam æternitatem subtrahere millones , & millones infinitatum , ita vt reliquum remaneret infinitum , & eiusdem rationis , ac ante .

Apparebit vis rationis , explicando illam magis in particulari . Sint duę multitudines infinite Angelorum ita ordinatę , vt singuli Angeli vnus multitudinis sint associati cum singulis Angelis alterius multitudinis . Proculdubio istę duę multitudines essent omnino æquales . Ex octauo enim axioma lib. I. Euclidis , quę sibi mutuò congruunt sunt æqualia ; sed istę duę multitudines sibi mutuò congruunt , cum singuli Angeli corresponderent singulis ; ergo istę duę multitudines sunt æquales , & est per se notum , quod cum singuli congruunt singulis , tota multitudo congruit , & est æqualis toti multitudini . Iam subtrahantur ex vna multitudo , quę vocetur multitudo A , duo Angeli , dico , quod adhuc multitudo  
rema-

manens erit infinita, atque adeò equa-  
s, & potens congruere multitudini B.  
robatur; quia multitudines, quæ si adap-  
ntur, sibi mutuò congruunt, sunt equa-  
s; sed multitudo A reliqua post abla-  
tionem duorum Angelorum si adaptetur  
eti multitudini B congruit illi; ergo est  
qualis multitudini B. Probatur minor;  
singuli ex Angelis reliquis multitudinis  
A procedant ita, vt primus associetur cū  
primo multitudinis B, secundus cum se-  
cundo, & sic de reliquis: sibi mutuo con-  
gruent, nec erit ullus in multitudine  
B, qui non habeat socium ex multitudine  
A; si enim aliquis remaneret dissociatus,  
essent duo vltimi; sed vltimi in infinito  
non dantur ex ea parte, qua est infinitum,  
vt est per se notum, & inferius de-  
monstrabitur; ergo multitudo infinita A  
equalis multitudini B remanet equalis,  
duobus subtractis; immò remanet equa-  
lis, etiamsi subtraherentur infinite infi-  
nitates per totam eternitatem, quia adhuc  
remanet infinita, atque adeò remanet ta-  
lis, vt si coaptetur multitudini B, asso-  
ciando singulos singulis, possit illi con-  
gruere; sed repugnat, quod equale post  
subtractionem remaneat equale; ergo  
repugnat infinitum. Confirmatur, quia  
ex Euclide axioma primo libri primi,  
quæ eidem sunt equalia, & inter se sunt  
equa-

equalia ; sed tota multitudo A , & pars ipsius reliqua post subtractionem sunt equales toti multitudini B ; ergo pars, & totum sunt inter se equalia, quod est contra 9. axioma Euclidis .

Secundo potest idem argumentum applicari magnitudini. Sint enim duæ lineæ infinitæ sibi mutuò congruentes. Profecto erunt æquales, cum æqualia sint , quæ sibi mutuo congruunt. Auferantur ab vna , quæ vocetur A, decem palmi, dico , quod reliquum remanet æquale lineæ B, à qua nihil est ablatum. Illa enim sunt æqualia, quorum vnum, si superponatur alteri, congruet ; sed si linea A remanens superponatur toti lineæ B, ità vt primum punctum lineæ A superponatur primo puncto lineæ B, istæ duæ lineæ congruent sine excessu , & defectu ; ergo linea A reliqua, ablatis decem palmis , est equalis toti lineæ B ; ergo tota linea A , & eius pars , cum sit æqualis eidem tertio , sunt æquales inter se. Nec solum linea A potest remanere æqualis lineæ B , ablatis decem palmis , sed etiam ablatis infinitis . Si enim ex linea A auferatur secundus palmus , quartus , sextus , & alij infiniti per numeros pares, & reliqui retrahantur, ità vt tertius vniatur secundo, quintus tertio , & sic de alijs, component vnam lineam infinitam , quæ congruet , atque adeò erit æqualis  
toti

oti lineæ B; & si rursus auferantur infiniti palmi per numeros pares, & reliqui etrahantur, adhuc conficiunt vnā lineam congruentem toti lineæ B; ergo totum, & pars, continens, & contentum congruent eidem tertio, ac erunt illi qualia; ergo totum, & pars erunt equalia inter se.

Tertio potest idem argumentum applicari quantitati virtuali, seu magnitudini perfectionis. Sint duæ multitudines infinitæ entium equalium in perfectione; sequitur, quod istæ multitudines sint penitus æquales inter se. Quoties enim duæ multitudines sunt tales, vt singula vnius sunt æqualia singulis alterius, & singulis vnius respondeant singula alterius, toties tales multitudines sunt inter se æquales; sed singula entia vnius multitudinis sunt æqualia singulis alterius, & singula responderent singulis; ergo tota multitudo esset æqualis in perfectione toti multitudini; sed si ex vna multitudine auferretur vnum, adhuc reliquum remaneret equale ex eodem argumento; ergo pars esset æqualis toti, cum esset æqualis eidem tertio. Rursus sint infinita entia æqualia in perfectione, ita vt secundum perfectius primo, tertium perfectius secundo, & sic de alijs; collectio entium per numeros pares, nimirum collectio secundum

cundi, quarti, sexti erit perfectior collectione entium dispositorum per numeros dispares, nimirum collectione composita ex primo, tertio, quinto &c. Quoties enim in aliqua collectione singula sunt perfectiora singulis alterius, & singula correspondent singulis alterius, toties talis collectio est perfectior altera collectione; sed singula contenta in collectione parium sunt perfectiora singulis contentis in collectione disparium, & singula correspondent singulis; nam secundum est perfectius primo, quartum, tertio, & sic de alijs; ergo tota collectio parium est perfectior, quam tota collectio disparium. Iam ex collectione disparium auferatur primum, inuertetur ordo. Omnia enim, quæ erant disparia, euadent paria, & è conuerso; nam secundum euadet primum, tertium euadet secundum, & sic de reliquis; ergo per idem argumentum probabitur, quod collectio ante parium. nunc disparium, sit imperfectior; ergo collectio, quæ erat perfectior, tota seruata euadit imperfectior alia, quæ non fuit tota seruata, cum fuerit ex illa ablatum vnum, quod est absurdum. Sequitur enim, quod imperfectius, diminuta perfectione, euadat perfectius. Possunt eadem argumenta pluribus alijs modis vrgeri, sed sufficiant allati



allati : facile enim poterit vnusquisque alias rationes similes inuenire .

Respondent primo , quod in infinitis non datur æqualitas, nec inæqualitas, quæ sunt proprietates solius finiti .

Sed contra , quia ex axioma 8. Euclid s , quæ sibi mutuò congruunt sunt æqualia ; sed ostensum est , quod infinitæ multitudines , ac magnitudines sibi congruerent ; ergo essent equales ; & est per se notum , quod quantitates sibi mutuò congruentes sunt equales , seu finem habeant , seu non . Hinc verò reijcitur etiam responsio , qua dicunt , quod vnum infinitum est maius alio . Dato enim , quod sit maius , ostenditur , quod simul sit æquale , quia alteri suprapositum congruit . Ita si darentur infiniti homines , benè probant aduersarij , quod capilli essent plures , quam homines , sed simul probatur , quod essent totidem capilli , quot homines , quia possent illi iidem capilli ita distribui , vt singuli iidem homines haberent tantum vnum capillum . Habeat enim vnusquisque millionem capillorum ; ergo infinitis hominibus correspondent infiniti millions capillorum . Iam abradantur omnibus capilli , & primus millio capillorum distribuatur in primum millionem hominū , dando singulis hominibus vnum capillum ; secundus

illio capillorum distribuatur eodem pacto secundo millioni hominum; cum dentur infiniti millions hominum, poterunt illis distribui infiniti millions capillorum, dando singulis vnum capillum; ergo capilli, qui sunt plures, quam homines, sunt etiam totidem, quot homines, quod multiplicat. Eodem argumento ostenditur, quod si singuli ex hominibus infinitis haberent vnum aureum, possent iidem aurei ita distribui, ut singuli acciperent duos, tres, & in quocumque numero finito, immò ita, ut singuli acciperent infinitos. Nam projiciantur illi aurei in vnum acernum, & hic acervus diuidatur in duas infinitates, & vna infinitas detur primo homini; infinitas reliqua diuidatur rursus in duas infinitates, & vna detur secundo homini; poterunt hoc pacto procedendo, ex illo acervo extrahi infinitæ infinitates, & distribui infinitis hominibus, ita ut singuli acciperent suam infinitatem.

Respondent secundo, quod omnia infinita possunt sibi congruere, & correspondere, si certo modo adaptentur, ideoque sunt equalia quoad correspondentiam. Dum infertur; ergo pars, & totum sunt equalia, quia congruunt, & correspondent eidem tertio; respondent, distinguendo; sunt equalia quoad continentiam, ne-

gant; quoad correspondentiâ, concedunt. Pars semper est minor toto quoad continentiam, quia semper totum ultra partem continet aliquid aliud; at si tum pars, tum totum sunt infinitum, possunt esse æqualia quoad correspondentiam, quia possunt eidem correspondere, & congruere.

Sed contra, quia est manifestum, quod non solum totum continet aliquid ultra partem, sed etiam propter istam continentiam pars, & totum non possunt congruere eidem mensuræ, & esse æqualia inter se: hoc autem assumitur in illis principiis; *pars non est æqualis toti; quæ sibi congruunt sunt æqualia; quæ eidem sunt æqualia; & inter se sunt æqualia*, quæ sunt principia vniuersalia, & per se nota, abstrahendo à finito, vel infinito. Si verò limitentur ad infinitum, etiam principia de contradictorijs poterunt limitari ad infinitum. Et sanè in magnas angustias redacti sunt aduersarij, si coguntur concedere, quod principia illa non sunt vera vniuersaliter, sed solum in rebus finitis.

Respondent tertio hæc argumenta solum probare ex suppositione, quod repugnet infinitum vtrinque terminatum: at dari potest infinitum vtrinque terminatum, quo posito, argumenta non habent vim.

Sed contra primo, quia est per se notum infinitum ex ea parte, ex qua est infinitum, non habere finem, & terminum; e.g. linea infinita versus Orientem non habet finem, & terminum versus Orientem: eternitas infinita à parte post non habet finem, & ultimum annum à parte post; eternitas infinita à parte ante non habet principium, & primum annum à parte ante. Ideò est falsa imaginatio eorum, qui imaginantur primum annum, aut primum instans, à quo inceperit eternitas à parte ante.

Secundo ponamus, quod in aeternitate à parte ante detur primus annus, inter quem, & annum presentem medient infiniti anni. Si quis creatus fuisset in primo anno eternitatis, incipiendo ab eo anno, iam pertransisset infinitos annos: est autè impossibile, quod aliquis incipiendo ab vno anno pertranseat infinitos annos: alioquin etiam nos incipiendo ab hoc anno, possemus peruenire ad tempus, in quo iam vixissemus per annos infinitos; ergo si Deus nobis promitteret vitam per annos infinitos, adhuc possemus peruenire ad ultimum annum vite nostrae. Addo, quod daretur vnum infinitum annorum post aliud infinitum annorum, quod est absurdum.

Tertio ponamus dari lineam infinitam  
vtrin-

utrinque terminatā, in qua detur primus, & ultimus palmus infinitè distantes, ita ut inter illos mediant infiniti palmi: aliqui palmi distant infinitè à primo; nam ultimus ex suppositione distat infinitè à primo, & penultimus similiter distat infinitè, & antepenultimus &c. Rursus aliqui palmi distant solum finitè à primo; nam secundus distat solum finitè à primo, tertius similiter à quarto &c. Hoc posito, vel palmi distantes finitè à primo sunt finiti, vel infiniti; non possunt esse finiti, e.g. centum; alioquin si soli centum distarent finitè, centesimus primus statim distaret infinitè, quod implicat. Adijciendo enim finitæ distantie vnicum palmum, fieret distantia infinita. Si verò dicatur, quod palmi finitè distantes à primo sunt infiniti, vel in ijs datur ultimus, vel non; si datur ultimus; ergo datur aliquis palmus, de quo est verum, hic palmus distat finitè, & tamen immediate sequens distat infinitè, quod implicat; quia non potest finita distantia evadere infinita per additionem vnius palmi, immò nec per additionem quorumcumque finitorum palmarum; vel non datur ultimus palmus finitè distantium, & si id dicatur, ergo infinitum palmarum finitè distantium à primo non habet ultimum. De hoc infinito, quod datur eo

ipso, quod detur infinitum vtrunque terminatum, redeunt argumenta facta. Nam sint duę infinitates Angelorum, quorum singuli finitè distent à primo, ita vt non detur vltimus, nec terminus finitè distantium, istæ duæ sunt æquales, & post ablationem remanent æquales; ergo solutio allata concedit nouum absurdum, hoc est infinitum vtrunque terminatum, & tamen non soluit argumenta facta, quandoquidem in infinito vtrunque terminato includitur aliud infinitum non terminatum, de quo redeunt argumenta.

Inferitur, quod infinitum si daretur, nō posset esse figuratum. Ratio est, quia figura definitur ab Euclide, quę sub aliquo, vel aliquibus terminis comprehenditur; at corpus infinitum, eo ipso quod esset infinitum, non posset claudi, & comprehendendi terminis; ergo non posset esse figuratum. Potest etiam id confirmari, discurrendo per singulas figuras. Corpus infinitum non posset esse rotundum, quia in rotundo datur vnicum centrum, à quo omnes lineę rectę ad circumferentiam ductę sunt æquales. At si corpus esset infinitū vndiq; omnia puncta assignabilia essent centrū, quia à quolibet pūcto assignabili lineę rectę vndiq; ductę essent infinitę, atque adeò æquales; ergo &c.

Re-



Respondent quarto hæc argumenta recurrere contra infinitū existens obiectiuè in mente Dei, & contra infinitum syncategorematicum; & primo contra infinitum existens in mente Dei. Deus enim videt vnico intuitu omnes homines possibiles, ac videt illos esse infinitos, & continere plures, immò infinitas infinitates; rursus videt duas infinitates hominum esse equales, & quod si ab vna auferantur aliqui homines, tales infinitates remanerent equales; ergo videt, quod pars est equalis toti, & redeunt argumenta facta contra infinitum.

Sed contra, quia verè Deus videt omnes homines possibiles, immò omnia entia possibilea, & etiam impossibilea vnico intuitu, sed ita videt, vt videat, quo pacto sint possibilea, & quo pacto sint impossibilea, ita vt eo modo poni nequeant; e. g. Deus videt esse possibilea omnes horas huius diei, sed videt illas ita esse possibilea, vt non possint existere simul, sed possint existere solum successuè, ita vt vna sit post aliam; videt esse possibilea amorem, & odium eiusdem obiecti in eodem homine, sed videt esse possibilea ad existendum seorsim, non autem ad existendum simul. In casu nostro videt omnes homines possibiles, sed videt illos esse possibilea ad existendum per col-

lectiones finitas in infinitum, & videt  
esse impossibiles ad existendum per vnā  
collectionem infinitam. Hoc posito, cū  
videt duas collectiones infinitas esse im-  
possibiles ad existendum, videt illas non  
esse equales: equalia enim sunt quę pos-  
sunt ita existere, & coaptari, vt inuicem  
congruant; sed duę collectiones infinitę  
hominum non possunt ita existere, &  
coaptari, vt inuicem congruant; ergo  
duę collectiones infinitę non videntur  
esse equales. Probatur minor; nam ea, quę  
non possunt existere, neque possunt coap-  
tari, neque possunt congruere; sed duę  
collectiones infinitę hominum non pos-  
sunt existere; ergo non possunt coaptari,  
neque congruere. Immo videt Deus,  
quod propter hoc ipsum infinitas homi-  
num est impossibilis, quia si daretur, esset  
equalis, & non esset equalis cuilibet alij  
infinitati. Videt quidē Deus duas homi-  
num infinitates habere quandam equali-  
tatem negatiuam, per quam vtraque, vtpo-  
tē impossibilis, caret omni perfectione,  
atque adeo sunt equales in omnimoda  
carentia cuiuslibet perfectionis; sed quod  
totum, & pars habeant illam equalitatem  
negatiuam, per quam vtrumque careat  
omni perfectione, non repugnat. Ita  
quatuor Chimere, & vna Chimera ha-  
bent equalitatem in hoc, quod tum qua-  
tuor,

tuor , tum vna illarum caret omni perfectione . Hinc etiam patet , cur si infinitum est possibile , valeat argumentum à singulis ad omnes, dicendo : singula sunt equalia singulis, & singula correspondent singulis ; ergo tota collectio est æqualis positivè toti collectioni : ac si infinitum est impossibile , argumentum non valeat . Ratio est, quia si infinitum est impossibile , collectio hominum est Chimera ; ergo ex eo , quod singula possible sint equalia singulis, eo quod inuicem congruant, non potest inferri, quod collectio sit æqualis collectioni , ac possit collectioni congruere, cum vsraque collectio utpotè non potens existere , nec possit congruere .

Potest argumentum virgeri contra infinitum syncategorematicum potens existere successivè per totam aternitatem . Si enim Deus , incipiendo ab hac die , crearet hominem, & Angelum, & singulis diebus crearet novum hominem, & novum Angelum per totam aternitatem à parte post, tot essent homines futuri, quot Angeli; ergo tota collectio Angelorum creandorum esset equalis toti collectioni hominum creandorum . Ponamus, quod Deus omittat creare decem Angelos, & cum primo homine creet undecimum Angelum , cum secundo homine

duodecimum Angelum, & sic procedendo; crearet omnes Angelos, quot in primo casu, exceptis decem; sed tunc isti Angeli, subtractis decem, adhuc essent æquales ijsdem hominibus, cum mutuò singuli corresponderent singulis; ergo tota collectio Angelorum creandorum, esset æqualis toti hominum collectioni; ergo pars esset æqualis toti, cum esset æqualis eidem tertio, hoc est eidem hominum collectioni; ergo redeunt argumenta, contra infinitum syncategorematicum, quod concedimus esse possibile.

Respondeo eodem pacto, quod infinitum syncategorematicum est ita possibile secundum partes, ut sit impossibile secundum totum. Est enim ita possibile, ut sint plures, & plures anni, plures, & plures homines, ut implicet, quod vnquam sit, aut fuerit tota aternitas, aut tota collectio hominum infinitorum, aut infinitorum Angelorum; ergo licet homines, & Angeli futuri sint æquales secundum plures, & plures collectiones, quæ possunt esse, & erunt de facto, adhuc non erunt æquales secundum totam infinitatem, secundum quam nec erunt, nec possunt esse; e.g. homines, & Angeli futuri erunt æquales secundum primam collectionem duorum, secundum collectionem trium, secundum collectionem quatuor,

tuor , & sic de rel quis collectionibus , quia de omnibus istis collectionibus erit verum aliquando, quod sint positæ; at secundum collectionem infinitorum non erunt æquales , quia ista collectio secundum infinitatem nunquam erit, immò non est possibile, vt vnquam sit; ergo cum secundum infinitatem sint collectiones chimericæ, atque impossibiles , non possunt secundum illam habere equalitatem positiuam, sed ad summum negatiuam.

Ex eadem ratione non valet de infinito successiuo; singulæ partes , & singulæ collectiones finitæ Angelorum futurorum, sunt æquales singulis partibus , seu collectionibus finitis hominum futurorum , & singulæ collectiones correspondent singulis; ergo tota collectio Angelorum futurorum est æqualis toti collectioni hominum futurorum. Collectiones enim finitæ ideò sunt æquales , quia possunt esse , & erunt aliquando, sed collectio infinita nec potest esse , nec erit vnquam; ergo collectio infinita non est æqualis collectioni infinite, sed ad summum habet quandam inæqualitatem negatiuam, & impropriam, per quam omnes huiusmodi collectiones carent omni perfectione, omni positua æqualitate, qua possint ita poni , vt inuicem congruant , & omni positua maiortate , vel minoritate , per quam possint

itā poni, vt se inuicem, excedant, vel excedantur.

Vrgent: potest dici *tota æternitas, omnes anni futuri*; ergo tota æternitas, & omnes anni futuri non sunt Chimæræ; ergo possunt inuicem comparari secundum æqualitatem, vel inæqualitatem. Respondeo quosdam negare, quod dici possit *tota æternitas, omnes anni futuri*. Sed isti deberent instituere noua vocabularia, & nouas leges loquendi, abrogatis locutionibus receptis ab omnibus, etiam à sacris scriptoribus. Concedo igitur, quod possumus vti, non autem abuti similibus modis loquendi in legitimo sensu. Legitimus sensus locutionum est, *dabitur tota æternitas*; hoc est erunt anni plures, & plures sine termino, nec est vlla annorum collectio, quæ futura non sit; *dabuntur omnes anni futuri*, hoc est quælibet collectio finita annorum dabitur aliquando; nam aliquando iam erunt transacti milliones annorum, & milliones millionum, & sic de aliis. Sensus verò falsus est: *dabitur tota æternitas*, hoc est æternitas habet aliquam intrinsecam totalitatem, secundum quam erit aliquando, vel esse potest; hæc enim totalitas est Chimæra, vt probatum est. Et quia vt procedat argumentum de comparationibus, per quas dicitur, *una infinitas est æqualis alteri*, debent



bent tales infinitates comparari secundum aliquam totalitatem intrinsecam imaginatam in eternitate, quæ totalitas est Chimera, ideo procedunt solutiones a latq. Stet igitur, quod æternitas non habet, nec potest habere totalitatem intrinsecam, sed ad summum extrinsecam per denominationem à cognitione, in qua existunt simul omnes anni æternitatis, licet illa cognitio cognoscat, quod anni æternitatis secundum totalitatem intrinsecam sunt Chimera, atque adeò non includunt plures infinitates positivè æquales, vel maiores, sed solum infinitates chimericas, adeòque æquales negativè.

Virgent adhuc: Deus incipiendo ab hoc momento, posset mihi dare vnam cognitionem, secundo momento meliorem, tertio meliorem, & sic in infinitum per totam eternitatem. Daretur ergo duplex ordo cognitionum. Primus complectens cognitiones dandas per numeros pares, hoc est momento secundo, quarto &c. secundus complectens cognitiones dandas per numeros dispares, hoc est momento primo, tertio, quinto &c. Si igitur Deus daret mihi optionem eligendi, vel cognitiones per numeros pares, vel per numeros dispares, vter ordo esset eligibilior? Non essent equè eligibiles, alioquin sequeretur, quod ablata prima cognitio-

ne, remanerent equè eligibiles. Nec etiã potest explicari, cur vnus ordo esset eligibilior altero.

Respondeo argumentum allatum efficaciter probare, quod non essent equè eligibiles tales ordines. Dum quæritur, vter esset eligibilior? respondeo, quod ordo disparium, dummodo in excessu ferrent eandem proportionem, ita vt secundum proportionem, secundum quam cognitio secunda excedit primam, tertia excedat secundam, & sic de alijs. Probat, quod ordo disparium sit eligibilior, quia per ipsum inciperem prius frui aliqua cognitione. Confirmatur, quia si esset eligibilior ordo parium, cum ablata prima dispari, reliquæ cognitiones disparæ mutarentur in pares, sequitur, quod ordo disparium imminutus per ablationem vnius cognitionis, euaderet eligibilior, quod est absurdum. Confirmatur secundo, quia ordo parium, ac disparium conuenit in hoc, quod sicut post quodcumque par erit dispar melius illo, sic post quodcumque dispar erit par melius illo secundum eandem proportionem; ergo ex hoc capite non est, cur vnus ordo sit eligibilior altero; sed differunt in hoc, quod licet ante quodcumque par sit aliquod dispar, non tamen ante quodcumque dispar est par; nam ante primum absolute

solutè, quod est dispar, nullum est omnino; ergo ex hoc capite eligibilitas disparium est maior. Similiter si daretur optio viuendi solum per annos dispare, vel viuendi solum per pares, eligibilior esset vita per dispare, quia prius inciperet neque est dubium, quin quilibet prudens praeligeret vitam per dispare, vt prius inciperet viuere. Eodem pacto responderetur argumento desumpto ex probabilitatibus. Queritur enim, si Deus incipiens ab hoc anno creet singulis annis vnum hominem, & ego sciam per reuelationem, quod creandus est Petrus, est ne probabilius mihi, quod sit creandus vno ex annis disparibus, an verò vno ex annis paribus? Respondeo, quod est probabilius, quod vno ex disparibus ex ratione allata. Cum enim pares, & dispare conueniant in hoc, quod post quodcumque est aliud, differant in hoc, quod licet ante quodlibet par detur dispar, non tamen ante quodlibet dispar detur par, hinc habetur fundamentum probabilitatis aliquo modo maioris, licet excessu quodam valdè paruo, & incommensurabili, hoc est tali, vt non possit per ablationem reduci ad equalitatem. Addo aliqua argumenta desumpta ex comparatione probabilitatum posse solui negando suppositum. Dum enim dicitur probabilius esse Petrum

trum

rum creandum in vna serie annorum, quam in alia, supponitur esse probabile; sed non est probabile; probabile enim est, quod *plerumque contingit*; sed comparando duo infinita contradistincta, non datur plerumque; ergo. Ex eadem ratione non est improbable; improbable enim est, quod *rarius contingit*; sed si non datur plerumque, nec datur rarius; ergo. Dum igitur quaeritur, quid sit probabilius, vel improbabilius, negandū est suppositum, cū neutrum comparatorū sit probabile, vel improbable, sed purē dubiū, eo pacto, quo meo intellectui hęc propositio, *astra sunt paria*, non est probabilis, nec positiuē improbabilis, sed purē dubia.

Instant: Poteſt Deus ſucceſſiuē creare infinitos homines, includendo Petrum, vel eorſdem infinitos, excluſo Petro; ſed videt, quod abſolutē melius eſt illos creare, Petro incluſo, quā excluſo; ergo datur inæqualitas inter creationem omnium cum Petro, & creationem eorundē ſine Petro; ſed creatio omnium cum Petro, & creatio omnium, excepto Petro, non habent inæqualitatem reſpectu collectionis infinitorum hominum contradistinctorum; ergo ſunt inæqualia inter ſe, & non ſunt inæqualia eidem tertio, quod repugnat.

Re-

**R**espondeo concedo maiorem. Ad minorem respondeo, quod cum dicitur, *melius est creare omnes cum Petro, quam sine Petro*, vel sensus est, quod collectio omnium, incluso Petro, est perfectior secundum suam totalitatem, quam collectio omnium, excluso Petro, & iam responsum est supra; vel sensus est, quod melius, & congruentius est Deo creare omnes cum Petro, quam sine Petro, & fortasse congruentius est Petrum omittere, quam creare, immò congruentius est listere in aliquo numero finito, quam procedere in infinitum, ideoque Deus de facto sistet in numero finito hominum; vel sensus est, quod Petro melius erit, ut eligatur collectio, in qua includitur, quam collectio, in qua non includitur, & hoc est verum, sed nihil sequitur contra nos; vel sensus est, quod collectioni reliquorum infinitorum melius est, quod etiam Petrus producat, quam non producat, & fortasse melius esset reliquis Petrum omitte, eo quod futurus sit perniciosus, quam produci; & præterea in hoc sensu etiam tertiæ collectioni posset esse melius Petrum produci, quam non produci, ergo illa propositio in quocumque sensu accipiat, vel est falsa, vel non est ad rem.

Atque hic aduerte doctrinam utilem, ad solutionem plurium difficultatum, quod licet

icet. totum semper sit melius parte secū-  
lum se sumptum, non semper est melius  
nihil, & eligibilius à me : e.g. duæ intel-  
lectiones eiusdem obiecti solo numero  
distinctæ sunt totum, & collectio perfe-  
rior vnica intellectione, & tamen non  
est mihi eligibilior collectio duarum  
intellectionum, quam vnica intellectio.  
Ratio est, quia est æquè bonum mihi in-  
telligere obiectum per vnica intellec-  
tionem, ac per duas solo numero distin-  
ctas, ideoque secunda intellectio esset  
mihi omninò superflua. Potest ergo con-  
tingere, quod duæ infinitates essent æquè  
eligibiles, non tamen sequitur, quod essent  
æquè perfectæ, ac bonæ in seipsis, perfe-  
ctione, ac bonitate absoluta, sed solum,  
quod essent æquè bonæ mihi.

Ad argumentum contra possibilitatem  
infiniti syncategorematici ex eo, quod  
omnia argumenta adducta contra infini-  
tum categorematicum, valent æquè con-  
tra syncategorematicum, iam est respon-  
sum.

Ad 1. pro infinito categorematico ex  
eo, quod omnia argumenta contra illud  
valeant etiam contra infinitum successi-  
uum in duratione, iam est responsum.

Ad 2. Ex eo, quod Deus possit facere  
quidquid potest nunc facere : respondeo  
primo indirectè argumētum esse manife-  
stè



stè sophisticum, & ab omnibus soluendū.  
Certum est enim, quod Deus posset al<sup>i</sup>  
cui promittere, *Ego non puniam te in ætē<sup>r</sup>  
num*. Facta hac promissione, Deus posse  
punire quantum posset punire, & tamen  
non posset punire tanto tempore, ita v<sup>t</sup>  
non posset punire diuturniore tempore  
absque eo, quod faceret contra suam  
promissionem. Respondeo secundo dire-  
ctè distinguo propositionem; Deus potest  
facere quidquid potest facere, & ly *quid-  
quid* est disiunctum, concedo; & ly *quid-  
quid* est aliqua collectio determinata pos-  
sibilis, nego; & distinguo minorem si nu-  
merus Creaturarum non esset certus, vel  
infinitum non esset possibile, Deus non  
posset facere quidquid potest facere, ita  
vt ly *quidquid* sit disiunctum; nego mino-  
rem; ita vt ly *quidquid* sit aliquid deter-  
minatum, concedo minorem; & nego  
consequentiam. Cum dicitur, *potest fa-  
cere quidquid potest facere*, ly *quidquid* po-  
test sumi dupliciter; primo vt significetur  
ly *quidquid* esse aliquam collectionem  
determinatam possibilem simul existere,  
quæ collectio sit quidquid Deus potest fa-  
cere, ita vt nihil possit illi superaddi, &  
si hoc intelligatur, propositio est negan-  
da, vtpotè quæ manifestè petit principiū.  
Conclusio enim nostra est, quod nulla  
collectio finita est quidquid Deus potest  
facere

facere, quia Deus potest facere plura, & plura sine termino, nec vlla collectio infinita est quidquid Deus potest facere, quia omnis collectio infinita repugnat, & utrumque probamus. Dum ergo aduersarij sumunt propositionem in hoc sensu, petunt principium, quia petunt, vt sibi concedatur id, quod est in quaestione, & à nobis negatur non gratis, sed ex validis rationibus. Secundo ly *quidquid* potest ita sumi, vt significetur disiunctum ex quacumque collectione finita, ita vt de singulis affirmetur, quod possunt à Deo produci, & sensus sit, Deus potest facere binarium, vel ternarium, vel quaternarium, &c. ita vt possit facere quamcumque collectionem finitam, nulla exclusa; & in hoc sensu propositio est vera, etiamsi Deus possit producere plura, & plura sine termino, & non possit producere infinitum actu. Dum opponitur: quidquid Deus potest facere excedit quemcumque numerum finitum, adeoque est infinitum; sed Deus potest facere quidquid potest facere; ergo Deus potest facere infinitum: distinguo maiorem, quidquid potest facere, si sumatur pro disiuncto, & quocumque membro disiuncti, est infinitum, nego; si sumatur pro collectione, concedo, & distinguo minorem; Deus potest facere quidquid potest facere, sumendo ly

*quidquid* pro singulis membris disiunctis, concedo minorem; sumendo *ly quidquid* pro collectione, nego minorem; & ego consequentiam. Eodem pacto respondeo ad propositiones illas, *Deus potest facere maximam Creaturam, quam potest facere*; nego enim suppositum talium propositionum. Supponunt enim id, quod sit probandum, quod nimirum detur maximum, & perfectissimum eorum, quæ Deus potest facere. Et confirmatur manifestè, quia posset per hoc argumentum probari dari ultimum annum æternitatis, quia Deus potest facere ultimum annum, quem potest facere: posset probari dari maximum numerum finitum, quia Deus potest facere maximum numerum finitum, quem potest facere, quæ sunt absurda.

Ad 3. Ex eo, quod quoties aliqua sunt possibilia seorsim, & nullum eorum habet repugnantiæ cum altero, possunt etiã poni simul, distinguo maiorem, si non repugnant ratione simultatis omnium, concedo maiorem; si repugnant ratione simultatis omnium, nego maiorem: distinguo eodem pacto minorem, & nego consequentiam. Si decem homines sunt possibiles seorsim, & nullus eorum repugnet cum altero, poni possunt etiã simul, quia neque repugnant ratione simultatis, per quam constituunt numerum denarium.

At

---

At in casu nostro, licet homines infiniti non habeant repugnantiam ad existendū seorsim, neque ad existendum simul per collectiones finitas, adhuc habent repugnantiam ad existendum simul secundum collectionem infinitam ratione infinitatis, ut est probatum; ergo licet possint poni seorsim singula finitæ collectiones, adhuc non possunt poni simul secundum totam infinitatem.

Ad 4. Distinguo maiorem: virtus infinita debet posse producere effectum infinitum categorematicum, vel syncategorematicum, concedo; categorematicum, nego; concedo minorem; & distinguo eodem pacto consequens. Virtus infinita non debet posse facere chimeram; ostensum est autem infinitum categorematicū, esse chimeram; ergo virtus infinita non debet posse facere infinitum categorematicum. Sufficit ergo, quod possit facere aliquid maius, & maius sine termino. Et sanè sicut si quis posset infinita facilitate ferre pondus maius, & maius sine termino, haberet manifestè infinitam virtutem ferendi, utpotè sine proportionem maiorem quacumque virtute finita, sic ex eo, quod Deus possit producere plura, & plura, maiora, & maiora sine termino, manifestè habet virtutem productivam infinitam.

Dum

Dum vrgetur, quia causa debet posse  
perari vbicumque est, distinguo; causa  
perans per voluntatem, nego; non ope-  
rans per voluntatem, sed purè ex neces-  
sitate naturæ, transeat. Causa operans  
purè ex necessitate naturæ, vbicumque  
est, & quâdocumque est operatur, cum  
non sit maior ratio, cur operetur vno  
otius tempore, vel loco, quam alio; at  
nulla huiusmodi causa potest esse incor-  
porea, vel infinita; causa ergo infinita  
debet esse incorporea, & operans per  
voluntatem; & hæc sicut per voluntatem  
imitat numerum, & tempus effectuum  
producendorum, ita limitat etiam ma-  
gnitudinem eorundem ex eadem ratio-  
ne. Hinc patet responsio ad exemplum  
de igne. Nam ignis est causa corporea,  
& operans ex necessitate naturæ; at Deus  
est virtus infinita operans per volunta-  
tem, & per illam determinans effectum  
ad certum numerum, tempus, & locum.  
Addo, quod sicut ignis vbicumque, &  
quandocumque est, producit in se per  
actionem immanentem, & ex necessitate  
naturæ suam lucem, & per lucem suam  
calorem, ita Deus vbicumque, & quan-  
documque est, ex necessitate naturæ pro-  
ducit in se per actionem immanentem  
suum Filium, & Verbum, qui est lux, &  
splendor lucis æternæ, & per Filium  
pro-

producit per aliam actionem immanentem Spiritum Sanctum, qui est amor, & sequitur ad Verbum, sicut calor sequitur ad lucem.

Ad 5. Nego mundum esse infinitum, & dico illum esse finitum, & terminatum. Dum vrgetur, quia terminus mundi est ultra quem nihil est aliud; sed ly *ultra* significat spatium; ergo datur spatium, ultra mundum; distinguo minorem; ly *ultra* significat spatium purè cognitum, sed non existens actu, concedo; significat spatium non purè cognitum, sed actu existens, nego; & nego consequentiam. Vt sit verum, quod ultra mundum non est aliud corpus, non est necesse, vt ly *ultra* significet spatiū quoddam existens, sed sufficit, quod significet spatium cognitum, & negatum; sicut cum dicitur, quod præter Deum Christianorum non est alius Deus. ly *alius Deus* non significat alium Deum existentem, sed solum, alium Deum non existentem, immò nec possibile existere, atque adeò purè cognitum, & negatum.

Dum vrgetur, quia si quis constitutus in mundi extremo, iaceret sagittam, si talis sagitta non moueretur ultra mundū, resisteret aliquod corpus, nego hoc, ac dico, quod non moueretur, non quia aliquod corpus resisteret, sed quia non  
esset



esset ultra mundum medium, per quod moueretur.

Dū additur, quod videtur inintelligibile, quo pacto ultra vltimum mundi terminum non detur spatium actu existens, dico hanc imaginationem de spatijs ultra mundum fundari in eo, quod nos non videmus vllum corpus, quod non claudatur alio corpore maiori, ideoque etiam mundum concipimus tamquam corpus rotundū vndique clausum. Sed hæc imaginatio corrigi debet per rationem.

Ad 6. Deus est infinitus, & merita Christi sunt infinita; sed ex hoc ipso habetur non posse dari infinitum compositum ex pluribus infinitatibus. Nam Deus est vnicum infinitum simplex, & indiuisibile, ac tres Personæ sunt quidem infinitæ, sed non sunt tria infinita, sed vnicum infinitum per vnicam infinitatem indiuisibilem essentia Diuinæ. Merita etiam Christi sunt infinita per vnicam infinitatem Diuini Verbi, à quo dignificatur. Debet autem aduerti, quod merita Christi secundum entitatem, & perfectionem creatam sunt finita, & limitata; ideoque duo actus Christi secundum perfectionem creatam, quam habent, sunt perfectiores vno, sicut totum est perfectius parte. At in quantum sunt infinita, includunt infinitam dignitatem Verbi Diuini, & in-

quantum illam includunt, duo merita non sunt maiora, quam vnum, quia vtrumque est infinitum, non duabus infinitatibus, sed vnica, & indiuisibili infinitate Verbi Dei.

Potest opponi: ex Diuina infinitate sequitur, quod totum non sit maius parte; ergo de infinito non est verum, quod totum sit maius parte. Probatur antecedens: nam collectio ex Deo, & mundo simul est totum, Deus autem est pars huius collectionis; sed collectio ex Deo, & mundo non est perfectior, ac melior Deo tantum; ergo totum non est melius parte.

Respondeo, sequitur, quod totum purè extensiuum non sit maius extensiuè, quam pars, nego; quod non sit maius intensiuè, quam pars, concedo; & nego consequentiam. Collectio ex Deo, & mundo est totum quoddam purè extensiuum, quia per additionem mundi perfectio Dei non augetur, neque intenditur, sed purè quodammodo extenditur, in quantum additur aliqua perfectio distincta à perfectione Diuina; ideò hoc totum est quodammodo perfectius extensiuè, quia dicit non solum perfectionem Diuinam, sed etiam perfectionem mundi, & nullo pacto est perfectius intensiuè. Totum autem est maius parte secundum  
illam

illam rationem, secundum quam aliquid addit supra partem . Addo , quod Deus non est propriè pars , quia pars est aliquid imperfectum , Deus autem est perfectissimus , & continet intensuè, & eminenter totam perfectionem collectionis ex Deo , & mundo , immò ex Deo , & pluribus mundis , cum habeat adequatissimam virtutem, & sufficientiam ponendi tales collectiones . Addo , quod aggregatum aliquando potest esse imperfectius aliquo contento in tali aggregato , si aggregatum addat non solam perfectionem, sed etiam imperfectionem supra id , quod continetur in tali aggregato . Cum ergo aggregatum ex Deo, & mundo addat supra Deum , qui est pura perfectio , magnam imperfectionem mundi, potest esse imperfectius Deo solo, qui est perfectissimus . Videtur enim, quod id, quod ultra perfectionem addit imperfectionem, non sit ita perfectum, sicut id , quod dicit puram perfectionem continentem eminenter omnem perfectionem sine vlllo defectu .

Dum opponuntur alia infinita , quæ videntur dari , cuiusmodi sunt infinitas partium in continuo , & infinitas negationum, ac infinitas numerorum, respondeo , quod de infinitate continui agatur inferius; de infinitate negationum dictum

est in Logica, quod negationes actiuae, quae dantur, sunt solum finitae; de infinitate numerorum actum est in hac quaestione, ostendendo, quod sunt infiniti syncategorematicè, hoc est plures, & plures sine termino, non autem sunt infiniti categorematicè. Dum demum opponitur, quod mathematici assumunt lineam infinitam: respondeo cum Aristotele, & S. Thoma, quod nomine lineae infinitae intelligunt lineam productam quantumcumque voluerimus, ita ut habeat illam proportionem ad alias lineas datas, qua proportionem indigent ad suam demonstrationem.

## Q V A E S T I O XXXV.

*Virum solus Deus sit infinitus  
in essentia, & perfectione.*

**V** Idetur primo, quod Deus non sit infinitus in essentia: quod enim ita est hic, ut non sit alibi, est finitum secundum locum; ergo quod ita est hoc, ut non sit aliud, est finitum secundum essentiam; sed Deus ita est hoc ens, ut non sit aliud ens; neque enim Deus est lapis, vel equus; ergo

ergo Deus non est infinitus secundum essentiam .

2. Non potest explicari, in quo consistat infinitas essentiae, an in hoc, quod æquiualeat infinitis; an potius in hoc, quod non possit habere maius, vel æquale .

3. Videtur, quod etiam creaturæ possint esse infinitæ secundum essentiam. Nam ideo Deus est infinitus, quia æquiualeat infinitis creaturis; sed etiam multæ creaturæ æquivalent infinitis entibus, e. g. vnicus homo æquiualeat infinitis, immò omnibus brutis, cum omnia bruta possibilia non adæquent perfectionem vnici hominis, vel Angeli; ergo quædam creaturæ habent perfectionem infinitam .

4. Posset dari cognitio aliqua creata cognoscens distinctè infinita, immo multi Theologi docent, quod de facto Christus habet distinctam cognitionem creatarum infinitarum creaturarum; sed cognitio cognoscens distinctè infinita æquiualeat quoad perfectionem infinitis cognitionibus talium obiectorum, atque adeò est infinita in perfectione; ergo potest dari infinitum creatum in perfectione .

Respondeo ex S.Th. 1 p. quæst. 7. art. primo infinitum esse, quod non habet finem, à quo finiatur, & limitetur. Constat autem inductione, quod potentia, seu ma-

teria terminatur, ac finitur per formam, seu actum, actus autem, seu forma terminatur per materiam, & subiectum: e. g. materia prima secundum se habet quandam infinitatem potentialem, per quam potest fieri omnia corpora; potest enim per formam hominis fieri homo, per formam equi fieri equus &c. finitur autem, ac contrahitur per formam, & per formam hominis contrahitur, ac terminatur ad hoc, ut sit homo, per formam equi contrahitur ad hoc, ut sit equus; quantitas etiam secundum se habet quandam infinitatem, per quam est figurabilis infinitis figuris, & potest constitui rotunda, quadrata, triangularis &c. & per figuram, quæ est forma quantitatis, contrahitur, & terminatur ad hoc, ut sit rotunda, vel quadrata; & si quantitas non terminaretur per ullam figuram, eo ipso remaneret cum quadam infinitate; formæ etiam materiales terminantur, ac contrahuntur per hoc, ut sint in materia, ideoque Anima rationalis, quæ potest separari à materia, & Angeli, qui sunt abstracti penitus à materia, habent quandam infinitatem, per quam intelligendo possunt fieri omnia. Confirmatur inductio ex abstractione per intellectum. Eo enim ipso, quod formæ per intellectum abstrahantur à materia, acquirunt quandam infi-



infinitatem, e.g. albedo abstracta eo ipso est vniuersalis, & communicabilis infinitis subiectis; ergo verè formæ contrahuntur à subiecto, & per abstractionem à subiecto accedunt ad infinitatem; sed esse est forma, & actus, cum sit maximè actuale, & formale, vt patet; omne enim potentiale actuatur, & formatur per esse; ergo esse eo ipso, quod sit omninò abstractum, ac separatum ab omni materia, potentia, ac subiecto, est infinitum; sed Diuinum esse est penitus separatum ab omni materia, potentia, ac subiecto, cum sit esse non receptum in alio, sed per se omninò subsistens, neque in Deo distinguatur esse, & id quod est, vel essentia, & existentia; ergo Diuinum esse est penitus infinitum, & interminatum; ergo Deus est infinitus in essentia, & in perfectione, quæ consequitur essentiam. Ex hac infinitate sequitur infinitas virtualis, per quam ex esse Diuino vtpotè vndique interminato possunt accipi plura, & plura esse sine termino, quam infinitatem explicauimus quæst. 32. in responsione ad tertium. Rursus sequitur infinitas consistens in hoc, quod non possit excogitari quidquam maius Deo, absque eo quod videatur id apertè implicare. Sicut enim si sit corpus vndique infiguratum, atque adeò interminatum figura, non possumus

cogitare corpus maius, quin in eo videamus implicantiam, sic si sit quoddam esse undique interminatum, & illimitatum, non possumus absque contradictione excogitare maius ens.

Ad 1. Quod ita est hic, ut nō sit alibi, est finitum secundum locum; ergo quod ita est hoc, ut non sit aliud, est finitum secundū essentiam; distinguo consequens, si *esse hoc* significet contractionem, & limitationem essendi, concedo; si significat illimitationem omnimodam, nego. Cum dicitur, quod aliquid est hoc ens, *esse hoc* potest significare omnimodam illimitationem, ut sensus sit *est ens undique illimitatum*, & tunc proculdubio quod est hoc, non est finitum, sed infinitum: potest etiam significare quandam determinationem, & restrictionem essendi, & tunc quod ita est hoc, ut non sit aliud, est finitum. Hæcceitas Dei, per quam est hoc ens, significat omnimodam illimitationem; ergo non limitat Deum, licet hæcceitates creaturarum limitent creaturas. Cum igitur dicitur, quod Deus non est equus, non est leo &c. sensus est, quod Deus non limitatur limitatione equi, limitatione leonis &c. ideoque semper differt à quacunque creatura, & à quocumque alio ente, sicut illimitatum à limitato.

Ad 2. Iam explicatum est, in quo consistat

sistat infinitas essentia. Consistit enim in hoc, ut sit esse illimitatum. Ex hac verò infinitate sequitur etiam infinitas virtualis, per quam æquiualeat perfectè pluribus, & pluribus entitatibus, & infinitas consistens in hoc, ut non possit excogitari quidquam maius, vel æquale sine contradictione.

Ad 3. Ex eo, quod multæ creaturæ æquiualent perfectè infinitis creaturis; ergo sunt infinitè perfectæ; nego antecedens. Vt enim vnum æquiualeat perfectè pluribus, non sufficit, ut sit perfectius illis etiam simul sumptis, sed debet continere in se totam perfectionem illorum; sed vnicus homo, licet sit perfectior omnibus brutis, adhuc non continet perfectionem brutorum perfectè, cum non habeat robur leonis, odoratum canis &c; ergo homo non æquiualeat brutis perfectè; ergo non est infinitè perfectus. Solum igitur habet perfectionem altioris ordinis. Perfectio autem altioris ordinis consistit in hoc, ut licet aliquid non contineat perfectè totam perfectionem plurium, adhuc non possit ab illis adæquari. In hoc sensu linea est altioris ordinis, quam punctum; nam puncta neque finities, neque infinities multiplicata possunt adæquare lineam; superficies est altioris ordinis, quam lineæ, quia lineæ, neque infinities replica-

æ possunt adæquare superficiem ; corpus est altioris ordinis , quam superficies ex eadem ratione ; peccatum mortale est altioris ordinis , quam peccatum veniale , quia infinita peccata venialia non possunt adæquare malitiam vnici peccati mortalis , & tamen peccatum mortale non habet malitiam simpliciter infinitam , quia non continet perfectè , sed solum imperfectè malitiam peccatorum venialium . Argumentum autem calculatorium in his materijs non infert infinitatem , quia ad inferendam infinitatem requiritur perfecta continentia , sed solum infert aliquid altioris ordinis , vt patere potest exemplis allatis . Addo non solum creaturam non æquivalere perfectè infinitis , sed neque duobus . Ratio est , quia qualibet creatura importat aliquam perfectionem specificam , vel indiuidualem , qua caret quælibet alia ; ergo nulla creatura continet perfectè perfectionem alterius , cum non contineat perfectionem indiuidualem illius . Solet quæri , vtrum saltem inter creaturas detur omnium perfectissima . Respondeo negatiuè , quia cum distantia cuiuscumque creaturæ à Deo sit infinita , eo ipso sunt possibiles creaturæ perfectiores , & perfectiores sine termino .

Ad 4. Primo dico , quod licet daretur cognitio creata cognoscens distinctè  
infi-



infinita, adhuc non æquivaleret perfectè finitis, quarum singulæ cognoscerent vnū ex ijs, ex allata ratione. Secundo dico probabile esse, quod repugnet cognitio creata distincta cognoscens infinita. Sint enim duę cognitiones creatæ, quarum vna, quæ vocetur A cognoscat vnam infinitatem hominum; alia, quæ vocetur B, cognoscat aliam infinitatem æquali omninò claritate; istę cognitiones essent æquales in perfectione. Sit tertia cognitio, quæ vocetur C, cognoscens infinitatem cognitam cognitione B, excepto vnico hominē; ista cognitio C esset æqualis cognitioni B cognoscenti eandem infinitatem, incluso tali hominē, quia esset æqualis eidem tercię cognitioni. Quod verò cognitio C sit æqualis cognitioni A, probatur, quia cognoscunt æquali claritate duas infinitates contradistinctas. Sed est absurdum, quod duę cognitiones sint æquales in perfectione, si vna cognoscat totum id, quod cognoscit altera, & aliquid aliud; ergo est absurdum, quod cognitio B, & cognitio C sint æqualis perfectionis.



De Quantitate, & Continuo.

## QV AEST IO XXXVI.

*Vtrum Quantitas sit accidens  
speciale.*

**V** Idetur vera esse sententia Nomina-  
lium, & aliorum, quod quantitas  
molis non sit accidens speciale distin-  
ctum à substantia, & à cæteris accidenti-  
bus, sed quod tum substantia, tum acci-  
dentia per seipsa sint quanta, ita vt per  
seipsa habeant partes distinctas, & postu-  
lent, vt tales partes localiter extendan-  
tur, & ponatur vna extra aliam; e. g.  
substantia panis per seipsam est quanta,  
& per seipsam habet partes distinctas, &  
postulat, vt tales partes non penetrantur  
localiter, sed vna sit extrà aliam; calor  
panis, color, sapor, & cætera accidentia  
per seipsa sunt quanta ex eadem ratione;  
ex quo colligunt, quod in composito tot  
sunt quantitates, quot entitates materia-  
les, & quod plures quantitates inuicem  
penetrantur, & quod in Eucharistia non  
remanet quantitas identificata cum sub-  
stantia panis, sed solum quantitas iden-  
tifi-



tificata cum accidentibus : 1. quia si esse vlla necessitas ponendi quantitatem molis distinctam à substantia , & ceteris accidentibus , vel ex ratione naturali , vel ex mysterio Eucharistiæ : non ex ratione naturali , quia nullum habemus naturale indicium talis distinctionis ; non ex mysterio Eucharistiæ , quia licet in Eucharistia remaneat quantitas , tamen remanet sola quantitas identificata cum accidentibus , non autem quantitas identificata cum substantia panis .

2. Si quis esset effectus formalis quantitatis distinctæ , vel esset dare substantiæ , & ceteris accidentibus distinctionem partium , & contra est , quia substantia , & cætera accidentia per seipsa , & per suam actualitatem habent partes distinctas ; vel esset localiter extendere partes in spatio ; & contra est , quia partes extenduntur in loco formaliter per vicationem , non per quantitatem ; vel esset reddere partes impenetrabiles inuicem , & cum aliis partibus , & contra est , quia partes substantiæ materialis per seipsas , & per suam materialitatem ante omne accidens reddi possunt formaliter impenetrabiles ; ergo non est vllus effectus formalis quantitatis distinctæ .

3. Si Deus conseruaret substantiam sine quantitate , adhuc substantia remane-

ret

et cum partibus extensis , ac non penetratis ; ergo quantitas non requiritur ad hoc, ut partes substantiæ non penetrétur .

4. Non potest explicari , utrum substantia sit subiectum immediatum aliorum accidentium, vel non, sed sit subiectum immediatum solius quantitatis , cætera erò accidentia recipiantur immediatè in ipsa quantitate ; utrum quantitas concurrat ad sustentanda cætera accidentia ; erò &c.

Respondeo Aristotelem ubique docere, quod quantitas est accidens à substantia distinctum . Nam præterquam quod secundo Metaph. tex. 17. & latius lib. 13. & 14. Metaphys. probat ex professo quantitatem non esse substantiam , septimo Metaphys. tex. octauo ait ; *longitudo, latitudo, & profunditas quantitates quedam sunt, sed non substantia . Quantitas enim non est substantia , sed magis cui hæc primo insunt .* Aristotelem sequuntur Auerroes , & alij Interpretes , ac omnes penè Philosophi , ac Theologi ; S. Thomas tertia parte quæst. 77. art. 2. Scotus in quarto dist. 12. quæst. secunda, & alij, quos refert, ac sequitur Suárez disp. 40. metaph. sect. secunda . Ratio naturalis, quæ mouit Aristotelem ad ponendam distinctionem quantitatis à substantia , & cæteris accidentibus , est quia videmus in rebus materia-

terialibus, e. g. in lapide molem quandam  
sensibilem primo, & per se longam, latam  
profundam, primo & per se localiter ex-  
tensam in spatio, cuius partes respuunt  
penetrari inter se, ita ut una medietas mo-  
lis penetrari non possit cum alia medietate,  
neque cum alijs molibus, sed omnes  
moles se inuicem expellant ab eodem  
loco; videmus hanc molem primo, & per  
se localiter moueri, & transferri ex uno  
loco in alium, primo, & per se diuidi  
sed hæc moles primo, & per se sensibilis  
distinguitur à substantia, & à ceteris ac-  
cidentibus; à substantia quidem, quia  
substantia secundum se est insensibilis, hæc  
autem moles est sensibilissima; & confir-  
matur, quia in Eucharistia remanet mo-  
les, ut patet ad sensum, substantia autem  
non remanet, ut est de fide; à ceteris  
verò accidentibus, quia albedo, calor &c.  
non sunt primo, & per se longa, lata, &  
profunda, sed per accidens ratione molis,  
in qua sunt; non mouentur primo, & per  
se, sed per accidens ad motum molis, quia  
deferuntur; non possunt diuidi primo, &  
per se, sed per accidens ad diuisionem  
molis; rursus albedo, calor &c. habent  
partes secundum se penetrabiles, ut patet,  
quia plures gradus albedinis, aut calo-  
ris penetrantur in eadem parte subiecti,  
sed albedo, & calor redduntur impene-  
tra-

tra

ret cum partibus extensis , ac non penetratis ; ergo quantitas non requiritur ad hoc, ut partes substantiæ non penetrètur .

4. Non potest explicari , utrum substantia sit subiectum immediatum aliorum accidentium, vel non, sed sit subiectum immediatum solius quantitatis , cætera verò accidentia recipiantur immediatè in sola quantitate ; utrum quantitas concurrat ad sustentanda cætera accidentia ; ergo &c.

Respondeo Aristotelem ubique docere, quod quantitas est accidens à substantia distinctum . Nam præterquamquod secundo Metaph. tex. 17. & latius lib. 13. & 14. Metaphys. probat ex professo quantitatem non esse substantiam , septimo Metaphys. tex. octauo ait ; *longitudo, latitudo, & profunditas quantitates quedam sunt, sed non substantia . Quantitas enim non est substantia , sed magis cui hæc primo insunt .* Aristotelem sequuntur Auerroes , & alij Interpretes , ac omnes penè Philosophi , ac Theologi ; S. Thomas tertia parte quæst. 77. art. 2. Scotus in quarto dist. 12. quæst. secunda, & alij, quos refert, ac sequitur Suarius disp. 40. metaph. sect. secunda . Ratio naturalis, quæ mouit Aristotelem ad ponendam distinctionem quantitatis à substantia , & cæteris accidentibus , est quia videmus in rebus materiæ

terialibus, e. g. in lapide molem quandam sensibilem primo, & per se longam, latam profundam, primo & per se localiter extensam in spatio, cuius partes respuunt penetrari inter se, ita ut vna medietas molis penetrari non possit cum alia medietate, neque cum alijs molibus, sed omnes moles se inuicem expellant ab eodem loco; videmus hanc molem primo, & per se localiter moueri, & transferri ex vno loco in alium, primo, & per se diuidi; sed hæc moles primo, & per se sensibilis distinguitur à substantia, & à ceteris accidentibus; à substantia quidem, quia substantia secundum se est insensibilis, hæc autem moles est sensibilissima; & confirmatur, quia in Eucharistia remanet moles, ut patet ad sensum, substantia autem non remanet, ut est de fide; à ceteris verò accidentibus, quia albedo, calor &c. non sunt primo, & per se longa, lata, & profunda, sed per accidens ratione molis, in qua sunt; non mouentur primo, & per se, sed per accidens ad motum molis, quia deferuntur; non possunt diuidi primo, & per se, sed per accidens ad diuisionem molis; rursus albedo, calor &c. habent partes secundum se penetrabiles, ut patet, quia plures gradus albedinis, aut caloris penetrantur in eadem parte subiecti, sed albedo, & calor redduntur impene-  
tra-



trabiles secundum suas partes ratione  
 molis, in qua sunt; ergo quantitas, seu  
 moles sensibilis distinguitur à substantia,  
 & cæteris accidentibus. Hinc patet fal-  
 sum esse, quod in composito tot sint quan-  
 titates, quot entitates materiales. Con-  
 stat enim in composito esse unicam molem  
 sensibilem, ut dictum est. Patet etiam,  
 falsum esse, quod in Eucharistia non re-  
 manet quantitas substantiæ. Nam rema-  
 net moles sensibilis sensibiliter affecta  
 cæteris accidentibus primo, & per se  
 mobilis, diuisibilis &c. Ideò S. Thomas  
 tertia parte quæst. 77. habet. *Respondeo*  
*dicendum, quod necesse est dicere accidentia*  
*alia, que remanent in hoc Sacramento, esse*  
*sicut in subiecto in quantitate dimensua pa-*  
*nis, vel vini remanente; primo quidem per*  
*hoc, quod ad sensum apparet aliquod quan-*  
*tum esse ibi coloratum, & alijs accidentibus*  
*affectum, nec in talibus sensus decipitur.*

Ad 1. Pro distinctione quantitatis à  
 substantia est ratio naturalis ex eo, quod  
 quantitas sit moles, primo, & per se sen-  
 sibilis, & impenetrabilis cum alia mole,  
 diuisibilis &c. substantia verò non est  
 sensibilis per se, sed solum per accidens:  
 ideoque Aristoteles secundo de Anima  
 text. 65. ait, substantiam esse sensibilem  
 per accidens, quantitatem per se. Con-  
 firmatur ratione Theologica ex Eucha-  
 ristia,



ristia, in qua remanet moles sensibilis, substantia non remanet.

Ad 2. Effectus formalis quantitatis nō est tribuere substantiæ distinctionem metaphysicam partium; nam partes substantiæ distinguuntur per seipsas. Effectus igitur formalis quantitatis est tribuere substantiæ, & cæteris accidentibus distinctionem quasi physicam, per quam possint sensibilibiter diuidi. Si enim lignum e. g. careret quantitate, adeoque esset penetrabile, eo ipso non posset diuidi serra, vel cultro, aut alio instrumento, quia cum conaremur tale lignum diuidere, ferrum penetraretur cum ligno indurso, & conatum eluderet; ergo per quantitatem molis dantem partibus substantiæ impenetrabilitatem, communicatur illis diuisibilitas sensibilis. Hinc patet sensus definitionis, qua Aristoteles definit quantum 5. metaph. cap. 13. dicens: *Quantum est, quod est diuisibile in ea, que insunt, quorum utrumque, vel unumquodque unumquid, & hoc aliquid aptum est esse.* Debet enim intelligi, quod quantum ratione quantitatis est diuisibile sensibilibiter modo explicato. Concedo etiam, quod effectus formalis quantitatis non est partes extēdere in spatio locali, cum hic sit effectus vicationis. Est igitur effectus formalis quantitatis, ut sit moles primo, & per se  
impe-

impenetrabilis cum alia mole, & constans ex partibus inuicem impenetrabilibus, ideoque postulans, ut una pars ponatur localiter extra aliam. Talis autem moles est primo, & per se receptiua motus, vocationis, & aliorum accidentium, ut explicatum est. Debet autem aduerti, quod licet miraculosè vnum corpus penetraretur cum alio, remanent quanta, quia quantitas consistit non in actuali impenetratione, sed in mole postulante impenetrationem, quæ moles remaneret.

Ad 3. Si Deus miraculosè conseruaret substantiam sine quantitate, possent partes substantiæ remanere localiter extensæ, ac non penetratæ, quia actualis impenetratio non habetur formaliter à quantitate, sed ab vocatione, per quam una pars fit localiter extra aliam. Sed licet remanerent actu impenetratæ, essent penetrabiles tum inter se, tum cum alijs corporibus, cum carerent mole, cui primo conuenit impenetrabilitas. Addit S. Thomas, quod tum partes substantiæ possent ita inuicem penetrari, ut non facerent extensionem, sed redigerentur ad punctum, quia actualis extensio debetur substantiæ solum ratione quantitatis, qua tunc careret.

Ad 4. Communior opinio docet quantitatem recipi immediatè in substantia, cate-

cetera accidentia recipi immediatè in quantitate molis, seu dimensionibus. Videtur autem id patere ad sensum, ut docet S. Thomas verbis citatis. Nam videmus, quod moles sensibilis primo, & per se mouetur, vbiatur, dealbatur, calefit, &c. ergo accidentia Eucharistica primo, & per se recipiuntur immediatè in mole sensibili, hoc est in quantitate, cum in Eucharistia videamus molem sensibilem figurari, moueri &c. Hinc patet multiplex discrimen inter quantitatem, & alia accidentia Eucharistica. Primo quantitas diuina virtute remanet sine vlllo subiecto; cetera accidentia remanent subiectata in quantitate. Secundo quantitas acquirit modum essendi, quo existit per se, & extrà subiectum, atque adeo ad modum substantiæ; cetera accidentia, cum subiectentur in quantitate, non acquirunt talem modum essendi. Tertio quantitas per modum essendi ad modum substantiæ euadit vicesubstantia, ut ex S. Thoma, contra Scotum docet Caiet. in 3. partem quæst. 77. art. 14. quia cum modo essendi substantiæ acquirit virtutem substantiæ in ordine ad sustentationem, atque educationem ceterorum accidentium: ex quo saluatur, quo pacto possint agentia naturaliter calefacere, frigefacere, & mouere Eucharistiam; educuntur enim hæc  
acci-

accidentia ex potentia, non quidem substantiæ, & materiæ, sed vicesubstantiæ, ac vicemateriæ, hoc est quantitatis existentis ad modum substantiæ. Quarto patet, quo pacto modus essendi, quem habet quantitas, conueniat essentiæ accidentis, quæ est, vt sit entis ens, aut substantiæ ens. Ratio est, quia sufficit ad accidens, quod sit ens substantiæ, vel vicesubstantiæ. Vltimo demum patet id, quod diximus cap. de Vnione, quod accidentia dum conseruantur extrâ subiectum, habent diuersum esse, ac habeant in subiecto, esse doctrinam expressam S. Thomæ prima parte quæst. 77. art. primo ad quartum: *Dicendum, quod accidentia dum erant in substantia panis, & vini, non habebant ipsa esse, sed substantia habebat esse per ea; sed cum consecrantur, post consecrationem ipsa accidentia habent esse, unde sunt composita ex esse, & quod est.*

## QVAESTIO XXXVII.

*Vtrum Continuum componatur ex indiuisibilibus secundum magnitudinem.*

**V**idetur vera esse sententia Zenonis, & plurium antiquorum, quam vt potest

tè omnium clarissimam omnes vellent sequi, si inuenirent modum soluendi argumenta, quibus premitur, quod omne continuum componatur ex finitis indiuisibilibus carentibus omni magnitudine, ita vt non possit esse quidquam minus ipsis, quæ vocantur indiuisibilia mathematica; e.g. quod tempus componatur ex solis instantibus indiuisibilibus, ita vt non possit in illis esse vlla pars nec excogitari quicquam minus instanti, eo quod instans sit ipsum minimum carens magnitudine: similiter, quod magnitudines permanentes componantur ex punctis omnino indiuisibilibus, atque carentibus omni magnitudine, & extensione, ita vt nihil possit esse minus puncto: sicut igitur numerus componitur ex finitis vnitatibus indiuisibilibus, sic tempus componitur ex finitis instantibus indiuisibilibus, magnitudines ex finitis punctis, e.g. hora componitur ex millione instantium, linea palmaris constat ex mille punctis, mille lineæ faciunt superficiem quadratam, cuius singula latera sint palmaria, mille superficies faciunt corpus cubicum, & sic de alijs &c. 1. quia hoc pacto optimè, & clarissimè percipitur compositio continui alioquin imperceptibilis.

2. Omnis multitudo est multitudo unitatum;



tum; sed continuum est multitudo partiū; ergo continuum est multitudo vnitatum; sed si omnes partes continui essent diuisibiles, omnes partes continui essent multitudo aliarum partium, nec vnquam deueniretur ad vnitatem, quæ non esset multitudo; ergo continuum esset multitudo multitudinum sine termino, nunquam deueniendo ad vnitatem, quæ non esset multitudo multitudinum.

3. Et est argumentum Zenonis, quod vocatur Achilles argumentorum. Si continuum esset diuisibile in infinitum, esset impertransibile: infinite enim partes, quarum vnaqueque debet pertransiri post aliam, pertransiri nequeunt tempore finito; sed in magnitudine palmari e.g. darentur infinite partes, quarum vnaqueque deberet pertransiri post aliam; nam antequam mobile pertranseat totum palmum, pertransire debet medietatem palmi, antequam pertranseat medietatem, debet pertransire medietatem medietatis, seu quaitam partem palmi; antequam pertranseat quartam partem, debet pertransire octauam partem palmi, & sic in infinitum; ergo magnitudo palmaris non potest pertransiri. Neque respondeas cum Aristotele hic tex. 19. infinitas partes magnitudinis posse pertransiri infinitis partibus temporis. Nam vt ipsemet Aristote-



stoteles fatetur lib.8. tex.68. hæc responsio transfert difficultatem à magnitudine ad tempus. Sequeretur enim, quod hora pertransiri non posset. Nam antequam transeat hora, debet transire semihora, ante semihoram quadrans, ante quadrantem semiquadrans, & sic in infinitum; ergo hora non posset pertransiri. Non enim possunt pertransire infinite partes vna post aliam, seu sint æquales vni certæ, seu non, sed minores, & minores. Nam impertransibilitas non oritur ex æqualitate, sed ex infinita multitudine partium, quarum vna debet pertransiri post aliam.

4. Si in continuo dantur indiuisibilia, componitur ex indiuisibilibus; sed in tempore dantur instantia indiuisibilia, in magnitudine puncta, lineæ, & superficies indiuisibiles, vel omnino, vel secundum aliquam diuisionem; ergo continuum constat ex indiuisibilibus.

5. Demonstrationes Aristotelis valent solum contra compositionem continui ex indiuisibilibus finitis; ergo possumus saltem concedere, quod constet ex indiuisibilibus infinitis.

— Respondeo Aristotelem, quem sequuntur omnes Peripatetici cum Mathematicis lib.6. phys. demonstrare primo ex ipsa definitione continui, quod continuum permanens non componatur ex indiuisibili-

bilibus : secundo quod eadem sit ratio de motu , & tempore , quæ sunt continua fluentia : tertio demonstratiuè concludere ex velocitate motus, quod nullum omninò continuum componatur ex indiuisibilibus .

A textu igitur primo vsque ad quintũ sic arguit . Si continuum componeretur ex indiuisibilibus, e.g. linea ex punctis , vel ita componeretur , vt indiuisibilia essent inter se continua, vel vt essent contigua , vel vt se haberent consequenter secundũ definitiones allatas quinto physic. tex. 25. nullũ ex his dici potest ; ergo &c. Probat minorem, & primo, quod linea componi non possit ex punctis , quæ sint, continua, vel contigua . Continua enim sunt *quorum extrema sunt unum*; contigua *quorum extrema sunt simul*; sed quod partibus caret non habet extremum ; vt enim aliquid habeat extremitatem , debent in eo distingui extremitas , & quod habet extremitatem ; ergo puncta neque possunt esse continua, neque contigua . Confirmatur , nam si duo puncta se tangunt, vel se tangunt secundum se tota , vel secundum partem ; non secundum partem , cum partibus careant ; ergo secundum se tota ; sed quæ tangunt se secundum se tota , sunt simul , & non separata loco, sed penetrata; penetratio enim duorum

duorum est, per quam vnum penetrat, at tangit totaliter aliud, ita vt nihil sit quod non tangat, ea verò, quæ penetrantur, non faciunt extensionem, & continuitatem, cum partes continuæ debeant esse localiter separatae; ergo duo puncta se inuicem tangentia non faciunt continuum. Adde, quod si secundum punctum tangit primum, tertium etiam, quartum, & omnia alia tangunt primum. Quod enim tangit totaliter aliud in eo ipso: in quo illud tangit totaliter quoddam tertium, eo ipso tangit illud tertium; sed tertium punctum tangeret totaliter secundum, & secundum tangeret primum secundum se totum, sicut secundum se totum tangitur à tertio; ergo tertium punctum tangeret primum, & sic de cæteris; sed si centum puncta sint ita posita, vt omnia se totaliter tangant, non possunt facere extensionem, vel lineam continuam palmarem e. g; ergo linea continua non potest constare ex punctis se tangentibus. Ex eadem ratione superficies non potest constare ex lineis indiuisibilibus secundum latitudinem se tangentibus, quia tales lineæ penetrarentur in latitudine, vt potè se totaliter tangentes, adeoque non facerent extensionem latitudinis; nec profunditas constare potest ex pluribus superficiebus.

ret cum partibus extensis , ac non penetratis ; ergo quantitas non requiritur ad hoc, ut partes substantiæ non penetrètur .

4. Non potest explicari , utrum substantia sit subiectum immediatum aliorum accidentium, vel non, sed sit subiectum immediatum solius quantitatis , cætera verò accidentia recipiantur immediatè in sola quantitate ; utrum quantitas concurrat ad sustentanda cætera accidentia; ergo &c.

Respondeo Aristotelem ubique docere, quod quantitas est accidens à substantia distinctum . Nam præterquam quod secundo Metaph. tex. 17. & latius lib. 13. & 14. Metaphys. probat ex professo quantitatem non esse substantiam , septimo Metaphys. tex. octauo ait; *longitudo, latitudo, & profunditas quantitates quedam sunt, sed non substantia . Quantitas enim non est substantia , sed magis cui hæc primo insunt .* Aristotelem sequuntur Auerroes , & alij Interpretes , ac omnes penè Philosophi , ac Theologi ; S. Thomas tertia parte quæst. 77. art. 2. Scotus in quarto dist. 12. quæst. secunda, & alij, quos refert, ac sequitur Suarius disp. 40. metaph. sect. secunda . Ratio naturalis, quæ mouit Aristotelem ad ponendam distinctionem quantitatis à substantia , & cæteris accidentibus , est quia videmus in rebus materia-

terialibus, e.g. in lapide molem quandam sensibilem primo, & per se longam, latam profundam, primo & per se localiter extensam in spatio, cuius partes respuunt penetrari inter se, ita ut una medietas molis penetrari non possit cum alia medietate, neque cum alijs molibus, sed omnes moles se inuicem expellant ab eodem loco; videmus hanc molem primo, & per se localiter moueri, & transferri ex uno loco in alium, primo, & per se diuidi; sed hæc moles primo, & per se sensibilis distinguitur à substantia, & à ceteris accidentibus; à substantia quidem, quia substantia secundum se est insensibilis, hæc autem moles est sensibilissima; & confirmatur, quia in Eucharistia remanet moles, ut patet ad sensum, substantia autem non remanet, ut est de fide; à ceteris verò accidentibus, quia albedo, calor &c. non sunt primo, & per se longa, lata, & profunda, sed per accidens ratione molis, in qua sunt; non mouentur primo, & per se, sed per accidens ad motum molis, quæ deferuntur; non possunt diuidi primo, & per se, sed per accidens ad diuisionem molis; rursus albedo, calor &c. habent partes secundum se penetrabiles, ut patet, quia plures gradus albedinis, aut caloris penetrantur in eadem parte subiecti, sed albedo, & calor redduntur impenetrabiles.

rabiles secundum suas partes ratione  
 molis, in qua sunt; ergo quantitas, seu  
 moles sensibilis distinguitur à substantia,  
 & cæteris accidentibus. Hinc patet fal-  
 sum esse, quod in composito tot sint quan-  
 titates, quot entitates materiales. Con-  
 stat enim in composito esse vnicam molem  
 sensibilem, vt dictum est. Patet etiam  
 falsum esse, quod in Eucharistia non re-  
 manet quantitas substantiæ. Nam rema-  
 net moles sensibilis sensibiliter affecta  
 cæteris accidentibus primo, & per se  
 mobilis, diuisibilis &c. Ideò S. Thomas  
 tertia parte quæst. 77. habet. *Respondeo*  
*dicendum, quod necesse est dicere accidentia*  
*alia, quæ remanent in hoc Sacramento, esse*  
*sicut in subiecto in quantitate dimensua pa-*  
*nis, vel vini remanente; primo quidem per*  
*hoc, quod ad sensum apparet aliquod quan-*  
*tum esse ibi coloratum, & alijs accidentibus*  
*affectum, nec in talibus sensus decipitur.*

Ad 1. Pro distinctione quantitatis à  
 substantia est ratio naturalis ex eo, quod  
 quantitas sit moles, primo, & per se sen-  
 sibilis, & impenetrabilis cum alia mole,  
 diuisibilis &c. substantia verò non est  
 sensibilis per se, sed solum per accidens:  
 ideoque Aristoteles secundo de Anima  
 text. 65. ait, substantiam esse sensibilem  
 per accidens, quantitatem per se. Con-  
 firmatur ratione Theologica ex Eucha-  
 ristia,



ristia, in qua remanet moles sensibilis, substantia non remanet.

Ad 2. Effectus formalis quantitatis non est tribuere substantię distinctionem metaphysicam partium; nam partes substantię distinguuntur per seipsas. Effectus igitur formalis quantitatis est tribuere substantię, & ceteris accidentibus distinctionem quasi physicam, per quam possint sensibilibiter diuidi. Si enim lignum e. g. careret quantitate, adeoque esset penetrabile, eo ipso non posset diuidi serra, vel cultro, aut alio instrumento, quia cum conaremur tale lignum diuidere, ferrum penetraretur cum ligno indurso, & conatum eluderet; ergo per quantitatem molis dantem partibus substantię impenetrabilitatem, communicatur illis diuisibilitas sensibilis. Hinc patet sensus definitionis, qua Aristoteles definit quantum 5. metaph. cap. 13. dicens: *Quantum est, quod est diuisibile in ea, que insunt, quorum utrumque, vel unumquodque unumquid, & hoc aliquid aptum est esse.* Debet enim intelligi, quod quantum ratione quantitatis est diuisibile sensibilibiter modo explicato. Concedo etiam, quod effectus formalis quantitatis non est partes excedere in spatio locali, cum hic sit effectus vicationis. Est igitur effectus formalis quantitatis, ut sit moles primo, & per se  
impe-

impenetrabilis cum alia mole, & constans ex partibus inuicem impenetrabilibus, ideoque postulans, ut una pars ponatur localiter extra aliam. Talis autem moles est primo, & per se receptiva motus, ubicationis, & aliorum accidentium, ut explicatum est. Debet autem aduerti, quod licet miraculosè vnum corpus penetraretur cum alio, remanent quanta, quia quantitas consistit non in actuali impetratione, sed in mole postulante impetrationem, quæ moles remaneret.

Ad 3. Si Deus miraculosè conseruaret substantiam sine quantitate, possent partes substantiæ remanere localiter extensæ, ac non penetratæ, quia actualis impetrationis non habetur formaliter à quantitate, sed ab ubicatione, per quam una pars sit localiter extra aliam. Sed licet remanerent actu impenetratæ, essent penetrabiles tum inter se, tum cum alijs corporibus, cum carerent mole, cui primo conuenit impenetrabilitas. Addit S. Thomas, quod tum partes substantiæ possent ita inuicem penetrari, ut non facerent extensionem, sed redigerentur ad punctum, quia actualis extensio debetur substantiæ solum ratione quantitatis, qua tunc careret.

Ad 4. Communior opinio docet quantitatem recipi immediatè in substantia, cate-

cetera accidentia recipi immediatè in quantitate molis, seu dimensionibus. Videtur autem id patere ad sensum, vt docet S. Thomas verbis citatis. Nam videmus, quod moles sensibilis primo, & per se mouetur, vbiatur, dealbatur, calefit, &c ergo accidentia Eucharistica primo, & per se recipiuntur immediatè in mole sensibili, hoc est in quantitate, cum in Eucharistia videamus molem sensibilem figurari, moueri &c Hinc patet multiplex discrimen inter quantitatem, & alia accidentia Eucharistica. Primo quantitas diuina virtute remanet sine vlllo subiecto; cetera accidentia remanent subiectata in quantitate. Secundo quantitas acquirit modum essendi, quo existit per se, & extrà subiectum, atque adeo ad modum substantiæ; cetera accidentia, cum subiectentur in quantitate, non acquirunt talem modum essendi. Tertio quantitas per modum essendi ad modum substantiæ euadit vicesubstantia, vt ex S. Thoma, contra Scotum docet Caiet. in 3. partem quæst. 77. art. 14. quia cum modo essendi substantiæ acquirit virtutem substantiæ in ordine ad sustentationem, atque educationem ceterorum accidentium: ex quo saluatur, quo pacto possint agentia naturaliter calefacere, frigefacere, & mouere Eucharistiam; educuntur enim hæc acci-

accidentia ex potentia, non quidem substantiæ, & materiæ, sed vicesubstantiæ, ac vicemateriæ, hoc est quantitatis existentis ad modum substantiæ. Quarto patet, quo pacto modus essendi, quem habet quantitas, conueniat essentiæ accidentis, quæ est, vt sit entis ens, aut substantiæ ens. Ratio est, quia sufficit ad accidens, quod sit ens substantiæ, vel vicesubstantiæ. Vltimo demum patet id, quod diximus cap. de Vnione, quod accidentia, dum conseruantur extrâ subiectum, habent diuersum esse, ac habeant in subiecto, esse doctrinam expressam S. Thomæ prima parte quæst. 77. art. primo ad quartum: *Dicendum, quod accidentia dum erant in substantia panis, & vini, non habebant ipsa esse, sed substantia habebat esse per ea; sed cum consecrantur, post consecrationem ipsa accidentia habent esse, unde sunt composita ex esse, & quod est.*

## QVAESTIO XXXVII.

*Vtrum Continuum componatur ex indiuisibilibus secundum magnitudinem.*

**V**idetur vera esse sententia Zenonis, & plurium antiquorum, quam vt potest

tè omnium clarissimam omnes vellent sequi, si inuenirent modum soluendi argumenta, quibus premitur, quod omne continuum componatur ex finitis indiuisibilibus carentibus omni magnitudine, ita vt non possit esse quidquam minus ipsis, quæ vocantur indiuisibilia mathematica; e.g. quod tempus componatur ex solis instantibus indiuisibilibus, ita vt non possit in illis esse vlla pars nec excogitari quicquam minus instanti, eo quod instans sit ipsum minimum carens magnitudine: similiter, quod magnitudines permanentes componantur ex punctis omnino indiuisibilibus, atque carentibus omni magnitudine, & extensione, ita vt nihil possit esse minus puncto: sicut igitur numerus componitur ex finitis vnitatibus indiuisibilibus, sic tempus componitur ex finitis instantibus indiuisibilibus, magnitudines ex finitis punctis, e.g. hora componitur ex milione instantium, linea palmaris constat ex mille punctis, mille lineæ faciunt superficiem quadratam, cuius singula latera sint palmaria; mille superficies faciunt corpus cubicum, & sic de alijs &c. 1. quia hoc pacto optimè, & clarissimè percipitur compositio continui alioquin imperceptibilis.

2. Omnis multitudo est multitudo unitatum;



cum; sed continuum est multitudo partiũ; ergo continuum est multitudo vnitatum; sed si omnes partes continui essent diuisibiles, omnes partes continui essent multitudo aliarum partium, nec vnquam deueniretur ad vnitatem, quæ non esset multitudo; ergo continuum esset multitudo multitudinum sine termino, nunquam deueniendo ad vnitatem, quæ non esset multitudo multitudinum.

3. Et est argumentum Zenonis, quod vocatur Achilles argumentorum. Si continuum esset diuisibile in infinitum, esset impertransibile: infinite enim partes, quarum vnaqueque debet pertransiri post aliam, pertransiri nequeunt tempore finito; sed in magnitudine palmari e.g. darentur infinite partes, quarum vnaqueque deberet pertransiri post aliam; nam antequam mobile pertranseat totum palmum, pertransire debet medietatem palmi, antequam pertranseat medietatem, debet pertransire medietatem medietatis, seu quartam partem palmi; antequam pertranseat quartam partem, debet pertransire octauam partem palmi, & sic in infinitum; ergo magnitudo palmaris non potest pertransiri. Neque respondeas cum Aristotele hic tex. 19. infinitas partes magnitudinis posse pertransiri infinitis partibus temporis. Nam vt ipsemet Aristote-



teles fatetur lib.8. tex.68. hæc respon-  
transfert difficultatem à magnitudine  
tempus. Sequeretur enim, quod hora  
rtransfiri non posset. Nam antequam  
anseat hora, debet transire semihora,  
te semihoram quadrans, ante quadran-  
m semiquadrans, & sic in infinitum;  
ergo hora non posset pertransfiri. Non  
im possunt pertransfiri infinite partes  
a post aliam, seu sint æquales vni certæ,  
u non, sed minores, & minores. Nam  
pertransibilitas non oritur ex æquali-  
te, sed ex infinita multitudine partium,  
uarum vna debet pertransfiri post aliam,  
4. Si in continuo dantur indiuisibilia,  
omponitur ex indiuisibilibus; sed in  
tempore dantur instantia indiuisibilia, in  
magnitudine puncta, lineæ, & superficies  
indiuisibiles, vel omninò, vel secundum  
aliquam diuisionem; ergo continuum  
constat ex indiuisibilibus.

5. Demonstrationes Aristotelis valent  
olum contra compositionem continui ex  
indiuisibilibus finitis; ergo possumus sal-  
tem concedere, quod constet ex indiuisi-  
bilibus infinitis.

- Respondeo Aristotelem, quem sequun-  
tur omnes Peripatetici cum Mathema-  
ticis lib.6. phys. demonstrare primo ex ipsa  
definitione continui, quod continuum  
permanens non componatur ex indiuisi-  
bili-

duorum est, per quam unum penetrat, ac tangit totaliter aliud, ita ut nihil sit, quod non tangat, ea verò, quæ penetrantur, non faciunt extensionem, & continuitatem, cum partes continuæ debeant esse localiter separatae; ergo duo puncta se invicem tangentia non faciunt continuum. Adde, quod si secundum punctum tangit primum, tertium etiam, quartum, & omnia alia tangunt primum. Quod enim tangit totaliter aliud in eo ipso, in quo illud tangit totaliter quoddam tertium, eo ipso tangit illud tertium; sed tertium punctum tangeret totaliter secundum, & secundum tangeret primum secundum se totum, sicut secundum se totum tangitur à tertio; ergo tertium punctum tangeret primum, & sic de cæteris; sed si centum puncta sint ita posita, ut omnia se totaliter tangant, non possunt facere extensionem, vel lineam continuam palmarem e. g; ergo linea continua non potest constare ex punctis se tangentibus. Ex eadem ratione superficies non potest constare ex lineis indivisibilibus secundum latitudinem se tangentibus, quia tales lineæ penetrarentur in latitudine, utpotè se totaliter tangentes, adeoque non facerent extensionem latitudinis; nec profunditas constare potest ex pluribus superficiebus.

Probat iam alteram partem minoris, quod scilicet linea non constet ex punctis consequenter se habentibus. Illa enim consequenter se habent, inter quæ nihil mediat eiusdem generis; sed eo ipso, quod duo puncta non se tangunt, mediat aliquid inter illa, & non aliud, quam punctum, si linea componitur ex solis punctis; ergo puncta non se habent consequenter. Ex his concludit definitionem materialem continui: *continuum est, quod est diuisibile in semper diuisibilia*. Cum enim sit ostensum, quod non est diuisibile in indiuisibilia, sequitur, quod sit diuisibile in semper, & in infinitum diuisibilia. Dixi hanc esse definitionem materialem, quia explicat partes materiales, ex quibus componitur continuum. Definitio verò formalis est illa altera, *continua sunt, quorum extrema sunt unum*. Nam per unitatem extremorum, tamquam per causam formalem partes semper diuisibiles continuantur. Definitio perfecta explicans utramque causam intrinsecam est; *continuum est, quod est diuisibile in semper diuisibilia, quorum extrema sunt unum*.

Secundo, quia rationes allatæ ex contactu videntur valere solum in quantitate permanente in qua solum datur proprius contactus, siquidem partes temporis, ac motus propriè non se tangunt, ideò Ari-

note-

Aristoteles à tex. 4. ad vigesimum secundum probat eandem esse rationem de magnitudine, motu, ac tempore : ac primo de motu ostendens , quod si magnitudo componitur ex indiuisibilibus, etiam motus constat ex indiuisibilibus . Primo ergo probat de motu . - Si linea *A.B.C.* constet ex tribus punctis indiuisibilibus *A*, & *B*, & *C*, etiam motus , quo mobile mouetur per tria puncta *A, B, C*, constabit ex tribus partibus indiuisibilibus , per quarum primam mobile sit in *A* , per secundam in *B*, per tertiam in *C* . Si enim pars motus, per quam transit per *A* indiuisibile, est diuisibilis ; ergo in tali motu sunt duæ partes , per quarum primam mobile fuit in prima parte puncti *A*, per secundam in secunda parte puncti *A* ; sed hoc repugnat , cum punctum *A* supponatur partibus carens ; ergo pars motus , per quam mobile transit per *A* , non habet partes priores, & posteriores , sed est indiuisibilis . Idem dic de secunda parte motus, per quam mobile transit punctum *B*, de tertia, & de alijs ; ergo partes motus transeuntes partes indiuisibiles lineæ sunt pariter indiuisibiles .

Secundo probat Aristoteles triplici ratione , quod si magnitudo est diuisibilis in infinitum, etiam tempus est diuisibile in infinitum, & è conuerso, si tempus est

diuisibile in infinitum, etiam magnitudo est diuisibilis in infinitum.

Prima ratio desumitur ex duobus mobilibus aequè velocibus. Sit magnitudo A B diuisibilis in infinitum, & mobile pertranseat totam magnitudinem vno quadrante; aliud mobile aequè velox dimidiam magnitudinem transibit tempore duplo minori; quartam partem magnitudinis transibit tempore quadruplo minori, & sic de ceteris partibus; ergo si magnitudo est diuisibilis in infinitum, etiam tempus est diuisibile in infinitum. Rursum tempus, e.g. hora sit diuisibilis in infinitum, etiam magnitudo, quam mobile pertransit in hora, erit diuisibilis in infinitum. Nam si mobile in hora transit totam magnitudinem; ergo mobile aequè velox in semihora transibit dimidium magnitudinis, in quarta parte horæ quartam partem magnitudinis; ergo magnitudo est diuisibilis, sicut tempus.

Secunda ratio desumitur ex duobus mobilibus inaequaliter velocibus. Pro qua supponit duo demonstranda. Primum est, quod mobile velocius aequali tempore pertranseat magnitudinem maiorem, quam tardius. Patet. Incipiant enim simul moueri velocius, & tardius in eadem magnitudine A. B. post aliquod tempus velocius peruenit ad B, tardius adhuc

adhuc non peruenit, alioquin si simul peruenirent, non motum fuisset magis tardè; ergo æquali, & eodem tempore velocius percurrit totam magnitudinem, tardius partem; sed tota magnitudo est maior parte; ergo eodem tempore velocius percurrit maiorem magnitudinem.

Secundum est: mobile velocius æqualem magnitudinem conficit minori tempore, quam tardius. Probat, quia quod mouetur velocius, non mouetur tardius, neque æquè velociter; sed si æqualem magnitudinem conficeret tempore equali, ac tardius, moueretur equali velocitate, ac tardius, & si tempore maiori percurreret æqualem magnitudinem, ac tardius, moueretur minus velociter, ac tardius; ergo æqualem magnitudinem pertransit tempore non maiori, nec equali, ac proinde minori.

His præmissis, sit magnitudo A. B, supra quam eodem tempore, hoc est spatio vnus horæ moueantur duo mobilia, alterum duplo velocius, alterum duplo tardius, vel habentia quamcumque aliam proportionem velocitatis: spatio vnus horæ mobile duplo velocius percurrit totam magnitudinem A. B; ergo mobile duplo tardius conficit dimidium magnitudinis spatio vnus horæ; ergo magnitudo diuiditur bifariam à mobili duplo



ardiori in puncto, quod vocetur C. Rur-  
 us si mobile duplo tardius conficit ma-  
 gnitudinem A C spatio vnus horæ, mo-  
 bile duplo velocius conficit eandem ma-  
 gnitudinem A C tempore duplo minori,  
 hoc est in semihora; ergo mobile duplo  
 velocius diuidit bifariam tempus horæ.  
 Rursus si in semihora mobile duplo ve-  
 locius conficit magnitudinem A C, mo-  
 bile duplo tardius in eadem semihora  
 conficit magnitudinem duplo minorem,  
 & diuidit magnitudinem A C. bifariam  
 in D; & è conuerso, si mobile duplo tar-  
 dius in semihora conficit magnitudinem  
 A D, mobile duplo velocius tempore  
 duplo minori, hoc est in quadrante, con-  
 ficit eandem magnitudinem A D, atque  
 deò diuidit semihoram bifariam. Si mo-  
 bile duplo velocius in quadrante conficit  
 magnitudinem A D, mobile duplo tar-  
 dius in eodem quadrante conficiet ma-  
 gnitudinem duplo minorem, & diuidet  
 magnitudinem A D in E, & sic semper  
 procedendo mobile duplo tardius diuidit  
 magnitudinem bifariam in infinitum,  
 tum eodem tempore conficit magnitudi-  
 nem duplo minorem, & mobile duplo  
 velocius diuidit tempus in infinitum,  
 tum eandem magnitudinem conficit tem-  
 pore duplo minori.

Tertia ratio ad ostendendum, quod  
 tem-

tempus sit similiter diuisibile , ac magnitudo, desumitur ex eodem mobili. Si enim mobile regulariter motum totam magnitudinem A B conficit spatio vnus horæ dimidium magnitudinis cōficiet dimidio temporis, quartam partem magnitudinis quarta parte temporis , millesimam partem magnitudinis millesima parte temporis , ac proinde si magnitudo est diuisibilis in infinitum, etiam tempus est diuisibile in infinitum .

Tertio ostensa proportionē inter magnitudinem, motum, ac tempus quoad diuisibilitatem, vel indiuisibilitatem, probat Aristoteles ex velocitate motus, quod continuum non constat ex indiuisibilibus, alioquin indiuisibile diuideretur . Nam omni tempore , quo mouetur mobile velocius, mouetur tardius, ita tamen, vt tardius minus magnitudinis pertranseat, quā velocius . Sit ergo mobile duplo velocius, & mobile duplo tardius . Mobile duplo velocius tribus instantibus transeat magnitudinem trium punctorum ; ergo mobile duplo tardius iisdem tribus instantibus transibit dimidium talis magnitudinis ; sed dimidium trium punctorum est punctum, ac dimidium puncti ; ergo punctum indiuisibile diuidetur, quod est absurdum . Rursus mobile tardius in instanti indiuisibili temporis promouetur

per punctum ; ergo mobile velocius promouebitur per punctum tempore minori, quam instans ; ergo diuidetur indiuisibile temporis .

Urgetur argumentum . Nam sequeretur, quod mobile velocissimum , & mobile tardissimum si continuo mouerentur per horam , conficerent spatium æquale . Ponamus enim , quod hora componatur ex mille instantibus indiuisibilibus . Mobile tardissimum primo instanti horæ non posset promoueri spatio minori , quam puncto , alioquin punctum diuideretur ; mobile velocissimum non posset promoueri per punctum tempore minori , quam instanti , alioquin instans diuideretur . Rursus mobile velocissimum non posset per instans promoueri duobus punctis , alioquin vel in eodem instanti simul esset in duobus punctis , & sic replicaretur , vel transiret ad secundum punctum , non transiendo per primum , quod est contra continuitatem motus ; ergo in primo instanti motus æqualiter promoueretur mobile velocissimum , ac mobile tardissimum ; item valet de secundo , tertio , & alijs instantibus ; ergo mobile velocissimum , & tardissimum dum continuo mouentur , æqualiter mouentur .

Vnica responsio ad hoc argumentum , potest esse negando suppositum , quod scili-

scilicet motus non velocissimus omnium possibilium possit esse continuus. Motus enim continuus, hoc est qui singulis instantibus temporis transit singula puncta magnitudinis, est summè velox; motus non summè velox est, per quem mobile non singulis instantibus temporis promouetur per aliquod punctum magnitudinis, sed per aliqua instantia cessat, & quiescit à motu, & prout pluribus, aut paucioribus, longioribus, aut brevioribus morulis interruptit motum, eo est tardior, aut velocior.

Contra istam responsionem est, quia sequitur, quod naus, quæ moueretur ita velociter, ut spatio vnius horæ conficeret vigintiquinque milliaria, moueretur solum per millionesimam partem horæ, alijs verò partibus horæ quiesceret. Probatur sequela. Nam quædam stellæ fixæ spatio vnius horæ conficiunt spatium maius plusquam per millionem vicium vigintiquinque miliaribus; ergo etiamsi motus cæli stellarum esset velocissimus omnium possibilium, adhuc naus post motum vnius instantis deberet quiescere per plusquam millionem instantium. Rursus pila bombardæ, ut docent periti, duobus minutis conficit quatuor milliaria; sed eodem tempore quædam stellæ fixæ conficiunt plusquam octingenta quadraginta millia

D d 5 mil-

milliariorum, quæ se habent ad quatuor  
 illiaria, sicut plusquam centum millia  
 ad vnum; ergo pila bombardæ, dum  
 mouetur, post vnum instans motus, quie-  
 scit plusquam centum millibus instantiū,  
 quod videat quis possit sibi persuadere.  
 Et confirmatur, quia virtus motiua bom-  
 bardæ, quæ est adeò vehemens, & violen-  
 ta, post vnicum instans motus per centū  
 millia instantium maneret otiosa, quod  
 est absurdum. Quid enim facit tot in-  
 stantibus quietis? & cur virtus, quæ per  
 centum millia instantium non potuit pro-  
 ducere vllum motum, illis elapsis, rursus  
 incipit motum producere? Confirmatur,  
 nam virtus motiua in hoc instanti non  
 potest mouere, neque in sequentibus in-  
 stantibus vsque ad centum millia; ergo  
 nec illis transactis poterit mouere, cum  
 non sit aucta, vel mutata.

Urgetur validissimè argumentum ex  
 motu circulari. Cum enim rota voluitur  
 circulariter in seipsa, radij rotæ, seu lineæ  
 rectæ ductæ à centro ad circumferentiam  
 mouentur, ita vt puncta magis distantia à  
 centro velocius moueantur, ac designent  
 circulum externum maiorem circulis in-  
 ternis designatis à punctis interioribus  
 radij minus distantis à centro: sed si quan-  
 titas componeretur ex punctis, non  
 possent velocius moueri puncta remotiora,

ra, quam propinquiora, cum neque plus, neque minus promouerentur, quam per punctum spatii; ergo &c. Neque valet hic recursus ad morulas. Nam dum mouetur punctum remotius, etiam propinquius centro debet moueri; alioquin linea, & radius flecteretur, vel rumpere-  
tur, quod est contra experientiam.

Confirmatur, quia potest linea recta, manente vno puncto immoto, versari in gyrum, in quo motu præter centrum cætera puncta continuè mouentur, ita ut remotiora à centro moueantur velocius, propinquiora tardius; ergo puncta remotiora in vno instanti vel conficiunt plusquam punctum, atque adeò replicantur, & simul ponuntur in pluribus punctis; vel saltant ab vno puncto ad aliud, non transeundo per medium; vel puncta propinquiora centro mouentur spatio minori, quam puncto, atque adeò puncta sunt diuisibilia; vel puncta remotiora mouentur, quiescentibus vicinioribus, atque adeò linea flectitur, aut rumpitur. Nec dicas lineam flecti, sed flexione minima, & insensibili. Nam contra est, quia talis flexio deberet esse valdè sensibilis. Ponamus enim lineam centum punctorum, in qua primum punctum sit centrum immotum, sequitur, quod quando punctum remotissimum à centro in-



gyratione promotum est per puncta 50, adhuc medietas lineæ maneret immota; nam centesimum punctum motum est per 50. puncta; sed nonagesimum nonum utpotè propinquius centro, motum est minus, quam centesimum; ergo nonagesimum nonum ad summum est motum per puncta 49; sed nonagesimum octauum est motum minus nonagesimo nono; ergo ad summum est motum per 48. puncta, & sic de alijs; ergo quinquagesimum primum punctum motum est solum vno puncto; ergo quinquagesimum, & reliqua propinquiora centro, quæ minus sunt mota, quam quinquagesimum primum, nihil sunt mota, atque adeò medietas lineæ quieuit, & mansit immota; ergo dum centesimum punctum motum est 50. punctis versus vnam partem, atque adeò spacio aequali medietati lineæ, alia medietas lineæ mansit immota; ergo inflexio utpotè equalis medietati lineæ deberet esse maxime sensibilis. Confirmatur, quia sequeretur, quod circulus exterior, & includens non esset maior interiore, & incluso. Nam cum linea recta, vno puncto immoto, circumducitur in gyrum, singulis instantibus, quibus mouetur punctum remotius à centro, mouentur etiam puncta propinquiora centro; ergo mouentur equaliter, cum neque plus, neque minus puncto

cto possint moueri ; ergo spatium , pe-  
quod mouentur, est aequale ; sed puncta  
remotiora à centro mouentur per circu-  
lum exteriorem , propinquiora per inte-  
riorem ; ergo circulus externus est equa-  
lis interno, quod est absurdum .

Præcipuum ergo argumentum contra  
sententiam Zenonis est , quia non posset  
dari motus circularis , quo vno puncto  
immoto, linea circumducatur in gyrum ;  
nam in tali motu omnia puncta simul mo-  
uentur , remotiora à centro magis , pro-  
pinquiora minus . Rursus non possent dari  
motus circulares imperfecti , in quibus  
plures partes lineæ eodem tempore mo-  
uentur, sed remotiores ab aliqua parte  
magis , propinquiores minus , licet nul-  
lum punctum maneat omninò immotum .  
Talibus autem motibus circularibus sal-  
tem imperfectis plena est tota natura ;  
cum omnes penè motus spontanei anima-  
lium sint circulares circa aliquod centrū  
immotum , vel minus motum, vt obseruat  
Aristoteles . Si verò dari non posset mo-  
tus circularis , nec posset dari circulus ,  
cum circulum dari non probetur aliun-  
de, quam ex eo, quod vna linea recta pos-  
sit in gyrum circumduci . Sublato vero  
circulo, ruit tota mathematica, cum tota  
fundetur in definitione circuli . Ideò di-  
xit Aristoteles sententiam Zenonis ad-  
uer-

versari scientijs exactissimis, quales sunt mathematicæ.

Ad 1. Sententia Zenonis ita est clarissima, ut sit clarissimè falsa, præsertim cum non possit in ea saluari, quæ pacto eodem tempore plura mobilia moueri possint inæquali velocitate.

Ad 2. Continuum est multitudo unitatum, non autem multitudo multitudinum sine termino. Deuenitur enim ad aliquas particulas, quarum partes non distinguuntur actu, sed potentia, ideoque tales particulae sunt unitates actuales, & multitudines solum potentiales, ut dicitur quæstione 40.

Ad 3. Respondet Aristoteles 8. physic. tex. 68 continuum posse pertransiri, quia licet constet ex infinitis partibus, tamen istæ partes infinitæ sunt potentia, non actu. Quod si darentur in continuo infinitæ partes actu, concedit Aristoteles, quod continuum esset impertransibile, & argumentum Zenonis insolubile.

Ad 4. Concedo, quod in continuo dantur indiuisibilia, quibus partes copulantur, ac terminantur, sed nego, quod componatur ex indiuisibilibus, ut infra explicabitur quæstione 40. & 41.

Ad 5. Sententia docens continuum componi ex infinitis indiuisibilibus premitur omnibus argumentis allatis contra sen-en-

sententiam Zenonis , contra possibilitatem infiniti, & pluribus alijs. Nā primo puncta neque possent ita continuari, ut se rāgerent neque ita, ut essent consequenter. Secundo si duo mobilia mouentur continuè, singulis instantibus conficiunt vnū punctum , nec plus, nec minus ; ergo mouentur æqualiter ; ergo non saluatur inæqualis velocitas motuum . Tertio continuum non posset pertransiri . Quo enim pacto transit hora, si debent pertransire infinita instantia vnum post aliud ? alioquin posset dici, quod posset pertransire tota æternitas, licet deberent pertransire infinitæ horæ vna post aliam . Et confirmatur, quia vel finita puncta e.g. centum faciunt aliquam extensionem, vel non ; si faciunt ; ergo cum in magnitudine palmari sint infinita centenaria punctorum, dantur in illa infinite extensiones æquales vni certæ ; ergo magnitudo palmaris habet infinitas partes extensas æquales vni certæ , atque adeo est simpliciter infinita, & impertransibilis . Si dicatur, quod finita puncta non faciunt extensionem , sed solum infinita puncta faciunt extensionem : contra est , quia dantur in continuo infinitæ infinitates punctorum ; sed singulæ infinitates faciunt certam extensionem ; ergo continuum facit infinitam extensionem ; ergo est impertransibile . Tertio vel infinita puncta  
sunt

sunt ita ordinata , vt post primum detur secundum , post secundum tertium , quartum &c. & sic daretur infinitum ordinatum clausum duplici termino , quod reiectum est quæst. 34. de infinito ; vel post primum punctum non datur secundum , & hoc est simile, ac si quis diceret lineam componi ex palmis ita ordinatis , vt post primum non possit assignari secundum , neque tertium &c, diem componi ex horis , quarum vna sequatur post aliam , ita vt post primam non possit assignari secunda , neque tertia . Dicitur enim , quod hora componitur ex instantibus , ita vt post primum instans non possit assignari secundum , neque tertium &c.

## QVAESTIO XXXVIII.

*Virum Continuum constet ex infinitis partibus actualibus .*

**V** Idetur vera esse sententia Nominalium, Gregorij Ariminensis in secundo dist. 2. quæst. 2. Gabrielis ibidem quæst. 3. Suarij disp. 34. metaph. Conimbricensium, Vtadi, Arriagæ , Fonseca , & aliorum plurimorum, quod continuum constet ex infinitis partibus minoribus,  
& mi-

et minoribus actu existentibus, quia continuum non componitur ex indiuisibilibus, ut demonstratum est; ergo componitur ex partibus semper diuisibilibus; sed partes, in quas est diuisibile, existunt actu: est enim impossibile, ut existant solum in potentia, & hac distinctio purè potentialis est inexplicabilis minò, & indefendibilis; ergo continuum constat ex infinitis partibus actu existentibus.

Respondeo ex pluribus repugnare, quod in continuo dentur infinitæ partes actu, primo quia daretur infinitum actu. secundo quia daretur multitudo multitudinum, absque eo quod perueniretur ad unitatem, quæ non esset multitudo aliarum multitudinum. Tertio quia contiguum extrinseci non posset, cum non possit extrinseci infinitæ partes una post aliam; quæ quidem ratio apud me habet vim demonstrationis, sicut demonstratio vult Aristotelis, qui propter ipsam dixit in continuo non dari infinitas partes actu, sed solum potentia. Audiatur lib. 8. phys. x. 68. *In primis ergo de motu sermonibus eo rationem hanc soluebamus, quia tempus finita in seipso habet. Non est enim absurdum, si infinito tempore transeat quispiam finita; infinitum enim inest tam in longitudine, quam in tempore simili modo. Sed*  
*hæc*

---



hæc solutio ad interrogationem quidem sufficienter se habet. Interrogabatur enim, si fieri posset, ut finito in tempore quispiam transeat infinita; ad rem autem ipsam, veritatemque profecto non satisfacit. Nam si quispiam, omissa longitudine, dictaque interrogatione, si sit, inquam, ut finito in tempore pertranseat quispiam infinita, hæc de ipso interroget tempore (habet enim tempus infinitas diuisiones) non erit sufficiens hæc solutio. Et paulò post respondet directè, & ex propria sententia per hæc verba. Quare ad interrogationem, si fieri potest, ut in tempore, aut longitudine transeat quispiam infinita, partim posse, partim fieri non posse dicamus oportet. Si enim infinita sint actu, fieri nequit; si vero potentia, fieri potest; ergo Aristoteles putat non posse tempus, aut magnitudinem pertransiri, si dantur in illis infinitæ partes actu distinctæ, sed solum posse pertransiri, si partes infinitæ distinguantur potentia, non actu.

Ad fundamentum contrariæ sententiæ sicut nititur solum ex eo, quod distinctio potentialis partium explicari nequeat, ac defendi, sic vnica responsio afferenda est quæst. 40. per explicationem, ac defensionem illius sententiæ.

## Q V A E S T I O XXXIX.

*Vtrum ad continuum sufficiat diuisibilitas potentialis vicationis, ac spatij.*

**Q** Vandoquidem continuum nec est diuisibile in indiuisibilia; nec est diuisibile in semper diuisibilia actu existentia, sequitur, quod sit diuisibile in semper diuisibilia potentia, non actu existentia. Videtur ergo vera sententia adinuenta à quibusdam Recentioribus, quod tempus constet ex finitis instantibus omninò indiuisibilibus, vt ponebat Zeno; continuum verò permanens constet ex punctis indiuisibilibus finitis, vicationis tamen per vicationes in infinitum diuisibiles in partes existentes potentia, non actu; e.g. tabula constat ex infinitis punctis indiuisibilibus, puta ex decem millibus actu distinctis, quorum singula occupent spatium diuisibile, e.g. digitale, ac proinde diuisibile in spatia semidigitalia, ita tamen, vt hæc diuisibilitas sit potentialis, ac virtualis, non actualis. Vbicatio siquidem, qua punctum occupat spatium digitale, non componitur ex duabus vicationibus actu distinctis, quarum  
prima

prima occupet primam medietatem digiti, secunda secundam, sed solum æquiualeat duabus vbicationibus possibilibus, quarum vna occuparet vnā medietatē, alia aliam, adeoque est diuisibilis, non formaliter, sed potentialiter, & æquiualeenter. Videtur inquam esse vera hæc sententia 1. quia in ista sententia saluatur optimè, quo pacto duo puncta se tangant, & tamen non penetrentur, atque adeò faciant extensionem; nam se tangunt, quia nihil mediat inter illa: rursus non penetrantur, quia ad hoc, vt duo penetrentur, debent vbicari per tales vbicationes, vt neutra vbicatio contineat in potentia aliquam vbicationem, quæ si poneretur in actū, non tangeret aliam; sed vtraque vbicatio dictorum punctorum vtpotè potentialiter diuisibilis æquiualeat vbicationi, quæ si poneretur in actū, non tangeret vbicationem alterius: sint enim duæ vbicationes digitales, inter quas nihil mediet, vtraque æquiualeat duabus semidigitalibus talibus, vt inter duas vbicationes semidigitales extremas medient duæ vbicationes intermediae, atque adeò semidigitales extreme non se tangant; ergo &c.

Secundo explicatur optimè, quo pacto duo mobilia, licet moueantur eodem tempore, & iisdem instantibus, moueri possint

essint inæquali velocitate. Potest enim punctum vbicatum e.g. vbicatione digitali moveri dupliciter: primo, ut relinquatur spatium digitale, quod occupat in instanti, & in instanti sequenti ponatur in aliquo spatio digitali, quod sit adæquatè extra primum spatium digitale. Secundo, ut non relinquatur totum spatium digitale, sed solam partem ipsius, & acquiritur spatium digitale, quod solum partialiter sit extra spatium digitale prius. Si mouetur primo modo, mouetur velocius, nam singulis instantibus promouetur per digitum. Si secundo, mouetur tardius, nam singulis instantibus non promouetur per digitum, sed vel per semidigitum, vel per quartam partem digiti, vel per octauam, & sic in infinitum; ergo potest optimè explicari, quo pacto possint plura mobilia ita moveri eodem tempore, ut unum moueatur tardius, alterum moueatur velocius. Datur ergo summa velocitas, qua potest moveri vnum punctum habens vbicationem digitalem e.g. si sciret singulis instantibus moueatur, & promoueatur integro digito. At non datur summa tarditas possibilis, quia potest singulis instantibus promoueri spatio minori, & minori, quam digitus, & quam medietas digiti, & sic de cæteris partibus proportionalibus.

3. Demonstrationes mathematicae nihil aliud probant, quam infinitam diuisibilitatem potentialem vbicationis, ac ipsam; sed hæc sententia ponit talem diuisibilitatem; ergo hæc sententia satisfacit rationibus mathematicis.

4. Explicatur optimè, quo pacto fiat condensatio, & rarefactio. Rarefactio enim fit, cum puncta loco vbicationis minoris, acquirunt aliam maiorem. Condensatio è conuerso fit, cū loco vbicationis maioris acquirunt minorem; E. g. si quantitas constans ex punctis, quorum singula vbicentur vbicatione digitali, si singula acquirunt vbicationem duorum digitorum, rarefit; si singula loco vbicationis digitalis acquirunt semidigitalem, condensatur, & contrahitur ad spatium minus; & quia cum puncta acquirunt maiorem vbicationem, videntur inflari, ideò hæc puncta vocata fuerunt ab impugnatoribus per derisum, puncta inflata.

Quinto in hæc sententia patet, quo pacto nullum deur infinitum actuale. Partes enim actuales continui sunt solum finitæ. Patet rursus, quo pacto continuum sit multitudo unitatum, & non multitudo multitudinum sine termino; quo pacto possit pertransiri tum tempus, quod constat ex instantibus finitis omnino indiuisi-

diuisibilibus, tum spatium, cum singulis instantibus pertranseat certum spatium, e.g. millionesima pars digiti; ergo in milione instantum pertransitur digitus; ergo cum soluantur difficultates militantes tum contra sententiam componentem continuum ex indiuisibilibus, tum contra sententiam componentem continuum ex partibus diuisibilibus in infinitum actu distinctis, hæc sententia est vera.

Respondeo hanc sententiam licet non omninò attingat veritatem, tamen non multum aberrare à veritate, ac viam indicare, qua procedendo, possit veritas inueniri. Cum enim videamus, quod seu ponamus continuum componi ex indiuisibilibus, seu dicamus continuum constare ex partibus semper diuisibilibus actu distinctis, occurrunt difficultates penitus insolubiles: hæc verò difficultates magna ex parte euanescent, eo ipso, quod dicamus spatium esse diuisibile in infinitum, sed diuisibilitate potentiali, ac virtuali in partes minores, & minores existentes non actu, sed potentia, possumus colligere solutionem questionis consistere in hoc: quod continuum sit diuisibile in infinitum in partes existentes non actu, sed potentia, adeoque sapienter Aristotelem ad compositionem potentialem recurrisse.

Sed licet hæc sententia viam veritatis ineat,



in quantum cum Aristotele recurrit ad diuisibilitatem potentialem vbicationis, ac spatij, aberrat tamen à vero, in quantum Aristotelem relinquens docet partes continui vbicatas per vbicationes virtualiter diuisibiles non esse proportionaliter diuisibiles in partes potentiales, sicut spatium, & in quantum asserit tempus non esse diuisibile potentialiter in infinitum, sicut spatium, sed constare ex instantibus omninò indiuisibilibus.

Videtur enim principium per se notum, quod continuum per se, & sensibiliter vbicatum est proportionaliter diuisibile, sicut spatium, in quo vbicatur: e.g. quod per se, & sensibiliter est in spatio palmari est diuisibile, sicut spatium palmare, & sicut spatium palmare est diuisibile bifariam, sic quod est per se in spatio palmari est diuisibile bifariam; sicut spatium palmare est diuisibile in quatuor partes, sic quod est per se in spatio palmari est diuisibile in quatuor partes; ergo si spatium palmare est diuisibile in infinitum, etiam continuum per se existens in spatio palmari est diuisibile in infinitum; ergo quod est in spatio digitali, atque ideo virtualiter diuisibili, non est punctum penitus indiuisibile, sed est quantum potentialiter diuisibile sicut spatium.

Confirmatur, quia secundum istam  
senten-

sententiam puncta quantitatis sunt tota in toto spatio, & tota in qualibet parte spatij ; e. g. punctum vbicatum per vbicationem digitale est totum in toto spatio digitali , & totum in quacumque parte spatij digitalis , totum in medietate digiti totum in quarta parte digiti &c; hoc autem est absurdum, & contra rationem quantitatis per se vbicatae. Quicumque enim videt quantitatem per se vbicatam , eo ipso certificatur , quod in medietate spatij est medietas quantitatis , in quarta parte spatij , quarta pars quantitatis ; alioquin licet videam Coelum vbicatum per vbicationem immensam , & in maximo spatio, adhuc possem dubitare, vtrum Coelum sit vnicum punctum inflatum, quod totum sit in toto spatio, totum in medietate spatij , & in qualibet parte ipsius ; ergo partes continui vbicatae per vbicaciones virtualiter diuisibiles, etiam ipsae virtualiter sunt diuisibiles ; e.g. illa pars , quae est in spatio digitali , est virtualiter diuisibilis , sicut spatium digitale .

Hinc respondetur ad obiectionem , qua dicunt : non est contra rationem rei materialis, vt sit tota in tota , & tota in qualibet parte spatij ; animae enim brutorum perfectorum, e.g. equi, leonis &c. licet sint materiales, ponuntur à Thomistis

esse totę in toto, & totę in qualibet parte spatij; ergo etiam puncta possunt esse tota in toto, & tota in qualibet parte spatij: distinguo enim antecedens; non est contra rationem rei materialis primo, & per se vbicata, nego antecedens; vbicatę secundo, & per accidens, transeat antecedens, & nego consequentiam. Animę brutorum vbicantur per accidens, & per vbicationem quantitatis, ac proinde non est mirum, si sint totę in toto, & totę in qualibet parte spatij; ac continuum vbicatur per se, ac proinde est diuisibile sicut spatium.

Simili modo probatur, quod tempus non constat ex instantibus omninò indiuisibilibus, sed ex partibus potentialiter diuisibilibus in infinitum, sicut spatium. Videtur enim euidens, quod mobile dum mouetur per aliquod spatium virtualiter diuisibile, prius virtualiter peruenit ad partem propinquiorem, quam ad partem remotiorem talis spatij; sed si tempus non esset diuisibile, sicut spatium, hoc non saluaretur; ergo &c. Probo minorem; pono punctum occupans spatium digitale moueri velocissimè, ita vt relinquat totum spatium digitale, quod occupabat, & acquirat spatium digitale distinctum adęquatè, sequitur, quod non prius perueniret ad medium, quam ad extre-

extremum spatij digitalis, alioquin daretur dimidium instantis, & sic instans non esset omninò indiuisibile . Debet igitur dici, quod sicut spatium digitale est virtualiter diuisibile, sic tempus, quod mobile mouetur per spatium digitale, est virtualiter diuisibile, atque adeò mobile in medietate potentiali temporis peruenit ad medietatem virtualem spatij; ergo tempus non componitur ex instantibus omninò indiuisibilibus, sed ex partibus potentialiter diuisibilibus in infinitum, sicut spatium .

Confirmatur, quia debet mobile posse actu moueri per spatium virtualiter diuisibile; sed vt moueatur per spatium, debet prius occupare vnam partem virtualem spatij, deinde aliam; ergo debent in tempore dari partes virtuales, sicut in spatio; alioquin sequeretur, quod mobile esset motum ad spatium, ad quod nunquam mouebatur; nam singulis instantibus temporis omninò indiuisibilibus mobile non mouetur; vt enim moueatur, debet prius occupare vnam partem spatij, deinde aliam, atque adeò tempus motus debet esse diuisibile . Sequitur etiam ex hoc, quod mobile sit motum à spatio, per quod nunquam mouebatur; quod dum continuè mouetur, continuè quiescat, vt infert Aristoteles lib.6.

Ad argumenta in contrarium respon-  
deo, quod hæc sententia multa benè ex-  
plicat, in quantum ponit spatium diuisi-  
bile in infinitum in partes minores, &  
minores existentes potentia, non actu; at  
quædam explicare non potest, quia non  
ponit similem diuisibilitatem in continuo  
per se locato in spatio, & in tempore, in  
quo mobile mouetur per spatium, ideo-  
que ex hac parte est reiicienda tamquam  
contraria Aristoteli, omnibus Peripate-  
ticis, & ipsi veritati.

## QVÆSTIO XXXX.

*Vtrum continuum componatur  
ex partibus distinctis so-  
lum potentia.*

**V**Idetur ita manifestè implicare sen-  
tentia, quod partes continui distin-  
guantur solum potentia, non actu, vt de  
illa iure dictum fuerit à quodam Recen-  
tiore, quod ideò habuit sequaces, quia  
nulla scditas sine amatore, nec fatuitas  
sine patrôno; primo, quia si in hora duæ  
seminhoræ. distinguerentur potentia, non  
actu, actu non distinguerentur, & tamen  
possent

possent distinguere ; sed implicat contradictionem , quod ea , quę actu non distinguuntur , possint distinguere ; ergo partes continui distinguere solum potentia est manifestè implicatorium . Probatur minor : nam quę actu non distinguuntur , actu sunt idem ; sed quę sunt idem actu distinguere nequeunt ; repugnat enim , quod idem acquirat distinctionem à seipso , hoc est ab eo , cum quo est idem ; ergo implicat contradictionem , quod ea , quę non distinguuntur actu , possint distinguere .

2. Quę sunt realiter diuisibilia , & separabilia distinguuntur actu ante actua-lem separationem ; separabilitas enim est evidens indicium actualis distinctionis , cum ea , quę actu non sunt distincta , sed idem , separari nullo pacto possint ; sed partes continui , e.g. duo palmi ligni , vel aquę sunt realiter separabiles , ut est omnibus indubitatum ex manifesta experientia , ergo duę partes continui , e.g. duo palmi ligni , vel aquę distinguuntur actu ante omnem separationem ; alioquin posset aliquis dicere , quod corpus , & anima cum sunt vnite , non distinguuntur actu , sed solum cum separantur , incipiunt actu distinguere .

3. Ea , de quibus verificantur actu predicata contradictoria , vel contraria , distinguuntur actu , cum sit primum princi-



pium, quod contradictoria non possint actu verificari de eodem; sed de partibus continui verificatur actu praedicata contradictoria, vel contraria; ergo partes continui distinguuntur actu. Probatur minor; nam Oceanus est vnum continuū, & tamen ex partibus Oceani quaedam sunt illuminatę à Sole, alię non sunt illuminatę, sed tenebrosę; quędam sunt calidę, alię non sunt calidę, sed frigidę, imò congelatę; ex partibus temporis quędam iam sunt pręteritę, & amplius non sunt, quędam pręsentes, & actu sunt, alię futurę, & adhuc actu non sunt, neque fuerunt, sed erunt; ergo de partibus continui verificantur innumera contradictoria, atque adeò distinguuntur actu.

4. Producens, & productum, causa, & effectus distinguuntur actu, & non solum potentia; sed sapè vna pars continui est producta, & effecta, alia causat, & producit; ergo sępè partes continui distinguuntur actu. Probatur minor: cum ignis e.g. incendit filuam, producit nouū ignem, & cum illo continuatur; ergo ex partibus continui alię sunt producentes, alię productę.

5. Duę guttę aquę cum sunt separatę, & discontinuatę, distinguuntur actu, & non solum potentia, & quidem per seipsas, & per suam entitatem; sed cum con-

tinuan-

tinuantur , & coalescunt in vnicam guttam , post continuationem retinent eandem entitatem ; ergo retinent eandem distinctionem , atque adeo remanent actu distinctę . Similiter cum vna gutta aquę diuiditur in duas , illę duę guttę non producuntur , sed ante erant secundum totam suam entitatem ; sed post separationem distinguuntur actu per suam entitatem ; ergo etiam ante separationem actu distinguebantur .

6. Quando gutta diuiditur in duas guttas , periret illa gutta , quę ante erat , etiam secundum materiam , & de nouo aduenirent duę partes materię ; sed materia , & eius partes non producuntur per naturalem generationem , sed solum per creationem ex nihilo ; ergo in quacunque discontinuatione , vel continuatione partium continui creatur de nouo materia prima .

7. Præcipua ratio , cur in continuo nõ dentur infinite partes actu , est quia infinite partes actuales pertransiri non possent ; sed neque infinite partes potentiales possent pertransiri ; ergo frustra recurritur ad partes potentiales . Probat minor : eo ipso , quod tempus constans ex infinitis horis , vel annis actu distinctis , non posset pertransiri , nec tempus constans ex infinitis horis , aut an-

infinitas partes minores, & minores existentes potentia, non actu . Et sanè cum istam sententiam expressè doceat Aristoteles , ac cum eo plurimi alij clarissimi Scriptores, audaciores videri possunt illi Recentiores, qui opinionem tam illustrium authorum ausi sunt appellare fauturam .

Hæc opinio continet duas partes. Prima est, quod continuum constat ex finitis partibus actu distinctis ; secunda quod istæ partes finitæ actu distinctæ sunt diuisibiles in infinitum in partes existentes in potentia .

Prima pars , quod continuum constet ex finitis partibus actu distinctis , probatur , quia alioquin sequeretur , quod in homine caput non distingueretur actu à pedibus, nec manus dextera à sinistra . Et si dicatur, quod in homine partes istæ distinguuntur actu propter heterogeneousitatem substantialem , sequeretur saltem , quod caput, & pes statuae marmoreæ non distinguantur actu , cum sint omninò homogenea secundum substantiam . Sequitur etiam , quod ea, de quibus verificantur contradictoria, cuiusmodi sunt, esse calidum , & non esse calidum , sed frigidum, non distinguantur actu , ex quo inferuntur omnia absurda illata in tertio argumento . Confirmatur : quis enim

Angeli, cum intelligendo omnia possint omnia fieri, habent æquivalentiam quamdam ad omnia inferiora : ex Angelis illi sunt perfectiores, qui possunt eodem tempore plura simul cognoscere, & per unicam cognitionem plura objecta penetrare : corpora cœlestia æquivalent corporibus inferioribus ; homo æquivaleret brutis : bruta plantis : plantæ pluribus mixtis inanimatis : mixta inanimata quatuor elementis : elementa quia non æquivalent pluribus entibus heterogeneis, sunt corpora imperfectissima secundum speciem : ex elementis tamen ipsis perfectiora sunt rariora ; rariora autem æquivalent pluribus densioribus, in quantum cum eadem materia occupant spatium maius, & igitur, qui est rarissimus, est perfectissimus, atque efficacissimus, terra autem densissima est imperfectissima. Iam continuum homogeneum potest etiam æquivalere pluribus continuis homogeneis, & eiusdem rationis secundum speciem. Potest igitur dari aliquod tempus æquivalens pluribus temporibus minoribus, ex quibus componatur potentia, non actu, eo pacto, quo mixta æquivalent pluribus elementis, ex quibus componuntur potentia, non actu : potest dari aliqua magnitudo permanens æquivalens pluribus magnitudinibus minoribus,



bus, ex quibus constet potentia, non actu; ergo potest deueniri ad aliquas partes continui constantes ex partibus existentibus potentia, non actu, & diuisibiles in infinitum in partes existentes potentia, non actu. At sicut mixta, e.g. lapis, licet æquiualeat quatuor elementis, hoc est quatuor corporibus imperfectissimis, non potest tamen æquiualeere quatuor animalibus, aut plantis, & hoc prouenit ex ipsa limitatione lapidis; sic continuum propter suam limitationem potest quidem æquiualeere pluribus valde paruis, & imperfectissimis, non autem maioribus, & perfectioribus; e.g. potest quidem dari tempus æquiualeens duabus millionesimis partibus quadrantis; at non potest dari tempus æquiualeens duobus millibus annorum, vel duabus horis, vel duobus quadrantibus: potest dari magnitudo æquiualeens duabus millionesimis partibus magnitudinis digitalis; at non potest dari magnitudo æquiualeens duobus miliaribus. Prima ratio igitur, cur quædam partes distinguantur actu, aliæ potentia, est ipsa magnitudo, vel paruitas partium. Quædam enim partes sunt ita magnæ, vt repugnet limitationi continui, quod detur aliquid ipsis æquiualeens, ideoque distinguuntur actu; quædam distinguuntur solum potentia, quia

pro-

propter suam paruitatem non repugnat limitationi continui , quod detur aliqui ipsis æquiualens .

Secunda regula pendens à causis extrinsecis est . Illæ partes, quæ habent aliquam heterogeneousitatem , vel coexistentiam ad contradictoria consistentem in indiuisibili, distinguuntur actu ; è conuerso illæ partes , quæ nullam habent heterogeneousitatem, vel habent heterogeneousitatem diuisibilem in infinitum, quantum est ex hoc capite distingui possunt solum potentia, nisi ratione magnitudinis repugnet illis , quod contineantur ab aliquo æquiualente . Ita e. g. si vna pars sit alba, alia non sit alba , sed nigra , eo ipso distinguuntur actu . Similiter si vna pars tangatur , altera non tangatur , pars , quæ tangitur , distinguitur actu à parte , quæ non tangitur . Proportionaliter si in vna temporis parte Petrus sit viuus , in altera non sit viuus, sed mortuus , in vna moueatur, & ambulet , in alia non moueatur, sed quiescat, tales temporis partes distinguuntur actu . E conuerso si detur magnitudo pyramidalis , licet quælibet pars illius prout magis, & magis distat à base sit strictior, & strictior , atque adeò omnes partes pyramidis habeant aliquam heterogeneousitatem , quia tamen hæc heterogeneousitas est diuisibilis in infinitum , &  
non

---



bus, ex quibus constet potentia, non actu; ergo potest deueniri ad aliquas partes continui constantes ex partibus existentibus potentia, non actu, & diuilibiles in infinitum in partes existentes potentia, non actu. At sicut mixta, e.g. lapis, licet æquiualeat quatuor elementis, hoc est quatuor corporibus imperfectissimis, non potest tamen æquiualeere quatuor animalibus, aut plantis, & hoc prouenit ex ipsa limitatione lapidis; sic continuum propter suam limitationem potest quidem æquiualeere pluribus valde paruis, & imperfectissimis, non autem maioribus, & perfectionioribus; e.g. potest quidem dari tempus æquiualeus duabus millionesimis partibus quadrantis; at non potest dari tempus æquiualeus duobus millibus annorum, vel duabus horis, vel duobus quadrantibus: potest dari magnitudo æquiualeus duabus millionesimis partibus magnitudinis digitalis; at non potest dari magnitudo æquiualeus duobus milliaribus. Prima ratio igitur, cur quædam partes distinguantur actu, aliæ potentia, est ipsa magnitudo, vel paruitas partium. Quædam enim partes sunt ita magnæ, vt repugnet limitationi continui, quod detur aliquid ipsis æquiualeus, ideoque distinguuntur actu; quædam, distinguuntur solum potentia, quia  
pro-

propter suam paruitatem non repugnat limitationi continui , quod detur aliqui ipsis æquiualens .

Secunda regula pendens à causis extrinsecis est . Illæ partes, quæ habent aliquam heterogeneousitatem , vel coexistentiam ad contradictoria consistentem in indiuisibili, distinguuntur actu ; è conuerso illæ partes , quæ nullam habent heterogeneousitatem, vel habent heterogeneousitatem diuisibilem in infinitum, quantum est ex hoc capite distingui possunt solum potentia, nisi ratione magnitudinis repugnet illis , quod contineantur ab aliquo æquiualente . Ita e. g. si vna pars sit alba, alia non sit alba , sed nigra , eo ipso distinguuntur actu . Similiter si vna pars tangatur , altera non tangatur , pars , quæ tangitur , distinguitur actu à parte , quæ non tangitur . Proportionaliter si in vna temporis parte Petrus sit viuus , in altera non sit viuus, sed mortuus , in vna moueatur, & ambulet , in alia non moueatur, sed quiescat, tales temporis partes distinguuntur actu . E conuerso si detur magnitudo pyramidalis , licet quælibet pars illius prout magis, & magis distat à base sit strictior, & strictior , atque adeò omnes partes pyramidis habeant aliquam heterogeneousitatem , quia tamen hæc heterogeneousitas est diuisibilis in infinitum , &  
non

---

non consistit in indivisibili, ideò partes magnitudinis pyramidalis distinguuntur solum potentia, non actu, in quantum quælibet pars æquivalet duabus partibus, quæ si darentur, una esset strictior, & altera latior. Similiter licet in tempore, & motu semper una pars sit prior, alia posterior, tamen quia hæc heterogeneitas in ratione prioris, & posterioris est diuisibilis in infinitum, ideò partes temporis distingui possunt potentia, non actu, ita ut vnum tempus componatur ex duobus, quorum vnum est prius, alterum posterius potentia, non actu, in quantum æquivalet duobus temporibus minoribus, quæ si ponerentur, vnum esset prius actu, alterum posterius, atque idem dic de motu.

Hinc primo colligitur, quot partes actuales sint in tempore, & in omnibus durationibus, alijsque entibus successivis. Dico, quod tot sunt, quot sunt mutationes. Ita si in hora sint centum milliones mutationum, sunt centum milliones partium actu distinctarum.

Collige secundo, quod eo ipso, quod partes actuales distinguantur actu in aliqua duratione, distinguuntur in omnibus durationibus proportionaliter: e.g. si in mea duratione horaria prima semihora distinguitur actu à secunda semihora, in omni-

omnibus alijs durationibus horarijs proportionaliter distinguuntur duę semihorę . Ratio est , quia non potest eadem duratio coexistere duobus contradictorijs : est enim per se notum , quod eo ipso, quod aliquid modo est , modo non est, pars temporis , in qua est , distinguitur à parte temporis, in qua non est, sed si in vna duratione distinguuntur actus duę semihorę , in alia distinguuntur solum potentia , duratio eadem actu coexistet duobus contradictorijs ; nā in prima parte durationis horarię esset prima pars actualis alterius durationis horarię, in secunda non esset, & tamen primā , & secunda pars essent idem actu ; ergo eo ipso, quod distinguantur quędam partes in vna duratione , distinguuntur proportionaliter in omnibus durationibus.

Tertio colligitur Deum , qui disponit omnia in numero, pondere, & mensura, ponere numerum partium actualium in tempore, & in omnibus successivis , iuxta numerum mutationum , quem videt postulari à causis secundis in tali tempore ; si videt causas secundas postulare maiorem numerum mutationum , ponit maiorem numerum partium ; si videt postulare minorem , ponit numerum minorem partium actualium in tempore. Quod autem numerus sit maximus , non est absurdum,

---

dum, dummodo vitetur numerus infinitus, adeoque excedens omnem numerum.

Collige quarto, quo pacto hæc sententia non coincidat cum sententia, quæ ponit res durare per durationes indiuisibiles. Dico durationem indiuisibilem esse, in qua non distinguuntur partes coexistentes cōtradictorijs; e.g. si in duratione horaria prima semihora non distingueretur à secunda, & tamen in prima semihora Petrus moueretur, in secunda non moueretur, sed quiesceret, tunc duratio horaria esset indiuisibilis: at nos ponimus, quod partes, in quibus verificantur contradictoria, distinguantur actu; ergo non ponimus durationes indiuisibiles. Ex eadem ratione non sequitur ex nostra sententia, quod duratio æquiualeat perfectè partibus, quas continet potentia. Non enim æquiualeat in hoc, quod possit coexistere contradictorijs, cum partes illæ, si ponerentur actu, possent coexistere contradictorijs.

Colligitur quinto, quod sicut eo ipso, quod partes actuales distinguantur in aliqua duratione, distinguuntur proportionaliter in cæteris durationibus coexistentibus, nè vna duratio coexistat contradictorijs; sic eo ipso, quod partes actuales distinguantur in aliqua magnitudine, distin-



distinguuntur proportionaliter in omnia alia magnitudine, quæ tangitur ab illa mediata, vel immediata: e. g. si magnitudo palmaris, in qua distinguuntur actu duo semipalmi, tangat aliam magnitudinem palmarem, etiam in magnitudine tacta distinguuntur proportionaliter duo semipalmi. Ratio est, quia non potest semipalmus tangere unam partem alterius magnitudinis, & aliam non tangere, quin pars tacta distinguatur actu à parte non tacta; sed semipalmus actu distinctus tangit primum semipalmum alterius magnitudinis, secundum non tangit; ergo etiam in magnitudine tacta distinguuntur actu duo semipalmi: & si magnitudo tacta tangat tertiam magnitudinem, & quartam, & sic usque ad terminos mundi, in omnibus istis magnitudinibus distinguuntur actu duo semipalmi ex eadem ratione.

Colligitur sexto, quid sit designatio, & quo pacto causet in continuo distinctionem actualem partium. Designare est constituere aliquod signum, seu terminum in continuo. Designatio temporis, seu continui successui fit ponendo aliquod signum, seu terminum temporis. Termini autem, seu signa temporis ponuntur, incipiendo, aut perficiendo aliquam mutationem: e. g. cum quis incipit



it moueri, per principium motus ponit signum distinctuum temporis, in quo non mouebatur, à tempore, in quo mouetur; cum desinit moueri, ponit signum distinctuum temporis, in quo mouebatur, à tempore, in quo non amplius mouetur, & sic causat distinctionem actua-lem partium in tempore, de quibus verificatur, *hoc tempore mouetur, hoc tempore non mouetur*. Designatio magnitudinis permanentis fit, ponendo signa, vel terminos contradictoriorum in magnitudine permanente: e. g. dum hæc magnitudo constituitur calida, hæc alia constituitur non calida, ponitur terminus distinctionis magnitudinis calidæ à magnitudine non calida; dum vna pars magnitudinis tangitur, alia non tangitur, ponitur terminus distinctionis magnitudinis tactæ à magnitudine non tacta; dum mobile mouetur super tanta magnitudine, & non vltius, per quietem designat terminum magnitudinis, supra quam fuit motum, à magnitudine, supra quam non fuit motum, ideoque causat distinctionem actua-lem partium magnitudinis.

Ad 1. Implicat contradictionem, quod quæ actu non distinguuntur, possint distinguui, retinendo eandem actualitatem; at non repugnat, quod possint distinguui, mutando actualitatem. Partes continui, quæ

quæ non distinguuntur actu, retinendo eandem actualitatem, distingui nequeunt; sed possunt distingui, mutando actualitatem, ita ut loco partium, quæ non distinguuntur actu, succedant aliæ æquivalentes actu distinctæ. E.g. ponamus, quod in hora duæ semihoræ non distinguantur actu; si remaneant istæ eadem semihoræ cum eadem actualitate, implicat, quod actu distinguantur; at loco istarum semihorarum poni possunt duæ aliæ semihoræ actu distinctæ, quæ semihoræ continebantur in potentia duarum semihorarum potentia distinctarum.

Ad 2. Quæ sunt realiter separabilia, retinendo eandem actualitatem, sunt actu distincta; at quæ sunt realiter separabilia, ita ut per separationem non retineant eandem actualitatem, non sunt actu, sed potentia distincta. Quædam partes continui, retinendo eandem actualitatem, non sunt separabiles, sed solum possunt separari, ita ut mutent actualitatem; e.g. si in hac hora duæ semihoræ non distinguuntur actu, non sunt separabiles retinendo eandem actualitatem, sed solum sunt ita separabiles, ut non retineant eandem actualitatem, sed loco illarum ponantur aliæ duæ semihoræ actu distinctæ, quibus æquivalent illæ, quæ distinguuntur solum in potentia.

Ad

Ad 3. Iam fuit concessum, quod omnes partes continui, de quibus verificantur praedicata contradictoria, vel contraria, cuiusmodi sunt *esse calidum*, *non esse calidum*; *tangi*, *non tangi* &c. distinguuntur actu. Aliquæ tamen sunt partes continui, quæ sicut actu non distinguuntur, sic non verificantur de ipsis praedicata contradictoria actu, sed solum potentia, in quantum æquivalent pluribus, quibus si darentur, conuenirent praedicata contradictoria. Sumamus e. g. particulam temporis non constantem ex particulis actualibus, sed potentialibus; nulla pars actualis talis temporis est prior actu, quam alia, nulla posterior actu, sed solum tempus illud continuum æquualet duabus partibus actualibus minoribus, quæ si ponerentur, ordinarentur ita, ut una esset prior, altera posterior; idemque dic de omnibus alijs, quæ habent heterogeneousitatem diuisibilem in infinitum, atque adeò solum potentialem. Debet autem aduerti, quod cum numeramus per cognitionem abstractiuam partes continui carentis partibus actualibus, numeramus partes, non quæ sunt, sed quæ possunt esse, & quibus tale continuum æquualet; si verò numerarem intuitiue, eo ipso tales partes distinguerentur actu, cum non possimus intuitiue numerare.

rare partes , inter quas non intercedat aliqua designatio .

Sed dices : posset Angelus in hora numerare intuitivè omnes partes proportionales minores , & minores , nimirum semihoram, quadrantem, semiquadrantem &c; sed tum darentur in hora infinitæ partes actu ; ergo .

Respondeo negando antecedens . Ut enim dictum est quest. 31. de tempore nullus intellectus finitus potest numerare velocius , & velocius sine termino ; si autem Angelus numeraret omnes partes proportionales horæ modo explicato, numeraret velocius , & velocius sine termino . Cum enim sumeret partes minores , & minores sine termino , dicendo *unum, duo, tria &c.* semper sumeret tempore breviori , atque adeò numeratione velociori , & velociori .

Ad 4. Partes continui , quæ comparantur ut producentes , & productæ , eo ipso distinguuntur actu , cum verificentur de ipsis prædicata opposita , ideoque infirmitia distinctionem actualem .

Ad 5. Partes , quæ cum essent separate , continuantur, aliquando retinent eandem entitatem actualem , quam ante habebant , & tunc remanent actu distinctæ , etiam post continuationem : cum verò post continuationem non remanent actu distin-

distincte, non retinent eandem actualem entitatem, sed loco illarum succedit noua entitas actualis illis aequalens; idemque dic proportionaliter, cum continuum diuiditur, & discontinuatur.

Neque opponas, quia sequeretur, quod partes, quae ordinantur ad continuationem, per quam fiant vnum ita, vt non remaneant actu, ordinarentur ad destructionem sui; distingo enim sequelam; ordinarentur ad destructionem, per quam non remaneant actu, concedo sequelam; ordinarentur ad destructionem, per quam non remaneant potentia, nego sequelam. Constat inductione dari multa corpora ordinata ad constituenda corpora perfectiora, ita vt non remaneant actu, sed potentia, & sint materia eorum non permanens, sed transiens. Ita elementa ordinantur ad mixta, & tamen non remanent in mixtis actu, sed potentia, vt docet S. Thomas: flores ordinantur ad fructus, & tamen non remanent in fructibus actu, sed potentia: semina ordinantur ad productionem rerum, quarum sunt semina, & tamen non remanent in talibus rebus actu, sed potentia: vnde Christus dixit, nisi granum frumenti cadens in terram mortuum fuerit, ipsum solum manet, si autem mortuum fuerit multum fructum affert. Sicut igitur granum frumenti,

menti, & alia semina ordinantur ad fructum per mortem, & destructionem sui, per quam remaneant in fructu non actu, sed potentia; sic partes continui ordinantur ad constituendum continuum perfectius per aliqualem destructionem sui, per quam remaneant in continuo constituto, non actu, sed potentia. Ratio à priori est, quia entia irrationalia, & quæ non sunt gratia sui, recipiunt functionem, vt loquuntur Iuristæ, hoc est recipiunt substitutionem vnus loco alterius fungentis equè benè eodem munere; e.g. quia non amamus equum gratia sui, si loco vnus equi substituatur alius equus omninò æquiualens, & equè benè fungens munere alterius equi, rationabiliter debemus remanere æquè contenti. Solæ creature rationales, quæ amantur gratia sui, non recipiunt functionem, ideoque amicus non debet esse contentus, si amicus mutetur in alium hominem omninò æquiualentem priori. Quia igitur natura entia irrationalia non amat gratia sui, ideò perinde est, quod remaneant formaliter, vel tantum æquiualter in aliquo perfectiori.

Ad 6. Cum vna gutta diuiditur in duas partes, quæ etiam ante diuisionem, existerant actu, nulla est difficultas; sed est maxima difficultas, cum continuum diui-



fluiditur in duas partes , quæ ante diuisionem non existerant actu, sed potentia. Ut hanc difficultatem solvam, quæ maxima est in hac materia, rem altius repetito, & explico seriem doctrinæ Aristotelicæ de potentia, & actu. Antiqui non intelligentes, quo pacto possent res de nouo produci, dixerunt nihil fieri, sed vel corpuscula latentia prodire, ac diuersimodè disponi, vel formas in materia actu latentes apparere. Contra hos Aristoteles docuit res de nouo produci, ac formas contineri in materia, non actu, sed potentia, & per virtutem actiuam agentium educi in actum. Idem antiqui consequenter ad sua principia dixerunt, scientiam non acquiri de nouo, sed latere actu in anima per quandam obliuionem, & fieri manifestam per reminiscentiam. Aristoteles è conuerso docuit scientiam ab initio non esse in anima actu, sed potentia, & ad propositionem obiectorum educi in actum per virtutem actiuam intellectus agentis. Antiqui rursus putarunt corpora mixta esse compositionem elementorum actu latentium in mixtis; cum verò mixta resoluntur in elementa, elementa non produci de nouo, sed quæ actu latebant, erumpere. Aristoteles censuit mixta constitui formaliter, non per mixtionem elementorum.

elementorum, sed per educationem formæ mixti ex elementis tamquam ex materia transeunte, ita ut elementa remanerent in mixtis, non actu, sed potentia; cum verò mixta resolvuntur, putavit elementa de nouo produci per educationem formarum elementarium ex potentia materiae.

Descendendo ad rem nostram, antiqui putarunt continuum non componi nisi ex partibus actu existentibus, nec posse diuidi nisi in partes actu præexistentes in continuo, ideoque incurrerunt in difficultates insolubiles explicatas questionibus superioribus. Aristoteles ad vitandas has difficultates dixit in continuo sistendum tandem in aliquibus particulis, in quibus partes non existant actu, sed potentia, eo pacto, quo in mixto elementa non existunt actu, sed potentia, in anima ab initio scientia non existit actu, sed potentia, in materia formæ non continentur actu, sed potentia.

Dum opponitur, ergo cum continuum diuiditur in partes, quæ actu non existebant, illæ partes producuntur de nouo; distinguo, producuntur de nouo, reducendo potentiam in actum, concedo; non reducendo potentiam in actum, nego. Omnis potentia potest reduci in actum.

transmutando id, quod est potentia tale, in aliquid actu tale : e.g. quia aqua actu frigida est calida potentia, potest per calefactionem fieri calida actu, & ex frigida transmutari in calidam. Iam sicut frigidum actu, sed calidum potentia potest per calefactionem transmutari in calidum actu ; sic continuum carens aliquibus partibus actu, sed habens illas potentia, potest per diuisionem, vel designationem transmutari in continuum habens tales partes actu ; nec est difficilius, quod ex non habente aliquas partes actu, fiat habens illas actu, quam quod ex non habente calorem actu, fiat habens actu calorem. Nam sicut actu non calidum est calidum potentia, sic actu non habens partes est habens partes potentia.

Addo mirabilius esse, quod repente ex non rana fiat rana, quam quod per diuisionem continui ex non habente partes actu, fiant partes actu ; sed repente ex non rana fit rana ; ergo &c. Ratio est, quia non est mirum, quod vnumquodque transmutetur in id, in quod est proximè transmutabile. Sicut verò non rana est transmutabilis in ranam, sic continuum non habens actu partes per designationem est transmutabile in habens actu partes ; ergo &c.

Sed potest virgeri : etiam materia prima

ma potest diuidi in partes, quæ ante non erant actu; ergo tum tales partes materiæ producuntur; ergo creantur.

Respondeo, quod illæ partes materiæ non creantur, sed educuntur ex potentia aliarum partium. Explico, promouendo doctrinam Aristotelis. Antiqui opponebant, quod si formæ non laterent actu in materia, fierent ex nihilo. Aristoteles respondet, quod quia materia est potentia ad illas formas, & quia actu existeret, & remanet, ac facit vnum cum talibus formis, illæ formæ non sunt ex nihilo, sed educuntur ex potentia subiecti. Similiter dum opponitur: si partes materiæ non actu existerent, sunt ex nihilo: respondeo, quod quia existerent aliæ partes materiæ, quæ partes sunt potentia ad alias partes, & tales partes remanent, & faciunt vnum continuum cum partibus, quæ de nouo resultant, tales partes de nouo resultantes non sunt ex nihilo, sed educuntur ex potentia aliarum partium, quæ præexisterent, & remanent, & faciunt vnum cum partibus nouis. Materia nimirum potest considerari in quantum est subiectum, & in quantum est continua: in quantum est subiectum est potentia, ex qua possunt educi partes ipsius materiæ: siquidem.

omne continuum est potentia ad aliquas partes non existentes actu, sicut omne subiectum est potentia ad aliquas formas non existentes actu. Rursus sicut nulla forma potest educi de nouo, quin faciat vnum cum materia, quæ ante existerat, & ex qua educitur, sic nulla pars continui potest educi de nouo, quin faciat vnum continuum cum aliqua alia parte, quæ ante existerat, & remanet, & ex qua educitur.

Hinc est, vt nullum detur continuum separatum, & totale, in quo non dentur plures partes actuales, licet deueniatur ad partes continui, quæ non constant ex partibus actualibus, sed faciunt vnum cum partibus actualibus. Hinc rursus sequitur non posse ex continuo discontinuari vllam partem, quæ non constet ex pluribus partibus actualibus, quia nimirum eo ipso talis pars crearetur, cum nihil in illa esset, quod ante existerat. Partes igitur non constantes ex partibus actualibus semper sunt in aliquo continuo constante ex plurimis partibus actualibus. Hoc verò est diligenter notandum, vtpotè necessarium ad plurimas difficultates soluendas.

Ad 7. Continuum non æquualet infinitis partibus actu habentibus actualem infinitatem secundum numerum. Nam  
infi-

in infinitum in actu est Chimera, & est impertransibile; continuum autem non æquivalet Chimeris, neque impertransibili. Aequivalet igitur solum partibus finitis in infinitum; e. g. hora æquivalet duabus semihoris, quatuor quadrantibus, octo semiquadrantibus, & sic in infinitum; partes autem finitæ in infinitum possunt pertransire, quia semper sunt finitæ. Ad do, quod licet continuum æquivalet pluribus, & pluribus, tamen illa plura sunt semper minora, & minora, ideoque tam facile pertransibilia, quam pauciora, sed maiora: e. g. tam facilè transeunt quatuor quadrantes, quam duæ semihoræ. Eadem enim facilitate, qua transeunt duplo pauciora, sed duplo maiora, transeunt duplo plura, sed duplo minora.

Ad paritatem durationis, quæ eo ipso, quod æquivaleret horis pluribus, & pluribus sine termino, esset impertransibilis, disparitas est manifesta. Nam quæ æquivalent pluribus, & pluribus, sed semper finitis, & nihil augmentibus magnitudinem pauciorum, possunt pertransire; sed hora æquivalet duabus semihoris, quatuor quadrantibus &c, sed semper finitis, & nihil augmentibus magnitudinem semihorarum duarum; ergo hora est pertransibilis. At duratio, quæ æqui-



et pluribus, & pluribus horis, equi-  
 let pluribus in infinitum agentibus,  
 duplicantibus certam magnitudinem  
 huius horae; ergo talis duratio esset infi-  
 nitates maior quacumque duratione fini-  
 ta, & pertransibili; ergo esset infinita,  
 impertransibilis.

Ad 3. Iam dictum est in continuo  
 quasdam partes distingui actu, alias po-  
 tentia.

## QVAESTIO XXXXI.

*trum in continuo prae-ter partes  
 dentur indiuisibilia copulatiua,  
 & terminatiua.*

Idetur vera esse sententia Nomina-  
 lium, quos citat, ac rejicit Suarez  
 sp. 40. metaph. sect. 9. quod in continuo  
 non permanente, tum successiuo nulla  
 dentur indiuisibilia, ita ut in magnitudi-  
 ne permanente nulla dentur puncta: ca-  
 rentia omni magnitudine; in tempore  
 vero nulla dentur instantia penitus indi-  
 uisibilia. i. quia si quis esset usus, aut  
 necessitas talium indiuisibilium, maximè  
 continuum terminandum, vel ad par-  
 tes ipsius inuicem copulandas; sed ad  
 hunc

hunc vsum non requiruntur indiuifibilia; ergo &c. Probatur minor: fit enim linea palmaris; etiamfi ab ea auferantur duo puncta terminatiua, adhuc remanet terminata, ficut ante; fimiliter etiamfi ab hora auferatur vltimum inflans terminatum, adhuc hora remanet terminata; ergo frustra ponuntur indiuifibilia terminatiua. Ratio à priori est, quia quælibet magnitudo terminatur fufficienter per negationes vltioris extensionis. Similiter partes continui fufficienter copulantur, & continuantur per hoc, quod immediatè post vnā partem alia fequitur; e.g. eo ipfo, quod post horam præfentem fequitur immediatè altera hora, hora præfens copulatur, & continuatur cum altera hora; ergo non requiruntur alia indiuifibilia terminatiua, vel copulatiua.

2 Si effet neceffitas ponendi indiuifibilia, maximè quia mathematica contemplatur puncta, superficies, & lineas; quod fi hæc implicarent, contemplaretur chimeras, & entia rationis; fed ex hoc non concluditur dari indiuifibilia formaliter à parte rei; ergo &c. Probatur minor: ficut ſcientiæ contemplantur vniuerſalia, & tamen vniuerſalia non dantur formaliter à parte rei, fed ſolum fundamentaliter, formaliter verò dantur per ſo-

lam præcisionem intellectus, sic mathematica contemplatur indiuisibilia, quae non dantur à parte rei formaliter, sed solum fundamentaliter, dantur verò formaliter solum per intellectum. In quantum enim mathematica contemplatur aliquid in continuo, præscindendo à partibus extensionis, contemplatur punctum, quod caret partibus per solam præcisionem intellectus; in quantum contemplatur longitudinem, præscindendo à latitudine, contemplatur lineam, quae caret latitudine per præcisionem intellectus; in quantum contemplatur longitudinem, ac latitudinem, præscindendo à profunditate, contemplatur superficiem, carentem profunditate per solam præcisionem intellectus. Fundamentum verò facienditales præcisiones est, quia quaedam proprietates conueniunt continuo, præscindendo à partibus, ideoque dant fundamentum intellectui considerandi continuum, præscindendo à partibus, & constituendi punctum; quaedam proprietates conueniunt ratione longitudinis, præscindendo à latitudine, & dant fundamentum concipiendi lineam: idemque dic proportionaliter de superficie.

3. Indiuisibilia in quantitate permanente ponuntur præcipuè ad saluandos contactus. Cum enim sphaera tangat planum

num.

num in solo puncto, columna, seu cylinder tangat planum in sola linea, & cætera corpora se tangant in superficie non autem in profunditate, debent dari puncta, superficies, & lineæ indivisibiles secundum omnes, vel secundum aliquas dimensiones; sed hoc argumentum nimis probat; evincit enim continuum constare ex solis indivisibilibus; nam punctum e.g. tangit partem lineæ, quam terminat, vel copulat, & illam tangit in solo puncto; ergo vnum punctum tangit aliud, & per consequens sequitur punctum post punctum, & linea componitur ex punctis se tangentibus. Similiter linea tangit superficiem, quam terminat, in sola linea; ergo post lineam sequitur linea: superficies tangit profunditatem in sola superficie; ergo post superficiem sequitur superficies.

4. Instantia indivisibilia ponuntur præsertim, quia præsens debet esse indivisibile, non autem compositum ex præterito, & futuro; sed omnes partes temporis aliquando sunt præsentates; nam non est præteritum, quod nunquam fuit præsens, nec futurum, quod nunquam erit præsens; ergo omnes partes temporis sunt indivisibiles, atque adeò tempus constat ex solis instantibus indivisibilibus.

5. Continuum homogeneum constare

F f 5 debet

lebet ex partibus homogeneis eiusdem rationis ; sed diuisibilia , & indiuisibilia sunt penitus diuerse rationis ; ergo in continuo vel dantur sola indiuisibilia , vel sola diuisibilia . Confirmatur , quia distinguerentur actu ; ergo darentur in continuo plures actualitates , quod est contra rationem vnus per se, in quo datur vnica actualitas .

6. Non potest explicari , vtrum indiuisibilia sint partes continui , vel non ; vtrum penetrentur cum partibus diuisibilibus, vel non penetrentur . Ex vna parte videtur , quod penetrentur , quia tangunt partes , & quidem secundum se tota , quod est penetrari . Ex alia parte videtur impossibile , quod indiuisibile penetretur cum magnitudine diuisibili . Præterea non potest explicari , vtrum indiuisibilia sint intra , vel extra partes diuisibiles ; vtrum indiuisibile additum diuisibili faciat maius . Ex vna parte videtur , quod cum tangat , & penetretur , non faciat extensionem , ac proinde non faciat maius . Ex alia parte videtur incredibile , quod hora diuisibilis cum suo ultimo instanti indiuisibili non magis dureret , quam sine illo . Non potest etiam explicari , vtrum indiuisibilia sint in loco per se , an solum per accidens ; vtrum per se moueatur , vel solum per accidens .

7. Si

7. Si darentur indivisibilia, sepè aliqua indivisibilia actualia ponerentur de nouo ; hoc autem dici non potest, quia non est assignabilis causa ponens indivisibilia . Adde, quod ponerentur etiam indivisibilia materie primæ, quæ poni nō possunt, nisi per creationem .

8. Sequitur, quod possint in eodem subiecto dari duę formę contrarię in gradu intenso. Si enim aliqua linea continua secundū vnam medietatem sit calida vt sex, secundū aliam frigida vt sex, in tali casu in puncto continuatiue medietatis calidę cum frigida erit calor, & frigus vt sex . Nam in eo puncto, tam calor, quam frigus debet terminari; ergo in eo puncto debet dari punctum caloris, & frigoris eiusdem intentionis cum calore, & frigore terminato ; ergo debet in eo puncto dari calor vt sex, & frigus vt sex .

9. Non potest explicari, vtrum indivisibilia copulatiua sint essentialiter copulatiua, vel solum accidentaliter ; quid sit inceptio intrinseca, quid extrinseca, & quęnam entia incipiant intrinsecè, vel extrinsecè ; ergo cum ex indivisibilibus vndique difficultates emergant, indivisibilia sunt omninò neganda .

Respondeo Aristotelem ita expressè in omnibus suis libris docere, aut sup-



ponere, quod in magnitudine dentur puncta, lineę, ac superficies indiuisibiles, in tempore instantia partibus carentia, ut mirum sit authores contrarię sententię ausos esse de mente Aristotelis dubitare. Ut enim alia loca omittam, sexto physic. postquam à tex. primo vsque ad 24. demonstrauit ex professo continuum non constare ex indiuisibilibus, concludit: *Manifestum ergo est, quod nullum continuo- rum est impartibile, ac subiungit immedia- tè post; Necesse est autem ipsū nunc, quod non per alterum, sed per se, & primo dicitur, indiuisibile esse, & in omni tempore tale inesse.* Deinde probat id ex professo vsque ad tex. 29. & concludit tex. 29. *Quod igitur sit aliquid in tempore indiuisibile, quod dici- mus esse ipsum nunc, manifestum est ex ijs, quę dicta sunt.* Proportionaliter admit- tit indiuisibilia in magnitudine, sicut in tempore, ideoque tex. 86. ostendit ex pro- fesso indiuisibilia per se moueri non pos- se per hæc verba. *Demonstratis autem his, dicimus, quod id, quod impartibile est, non contingit moueri, nisi forte secundum aui- dens.*

Consonat Aristoteli S. Augustinus, qui supponit tamquam per se notum præsens, quod primo, & per se est præsens, carere partibus. Vndecimo Confessionum cap. 15. habet. *Si præsens tenditur, diuiditur in*

præ-

*præteritum, & futurum: præsens autem nullum habet spatium. Cap. 21. an metimus tempus in præsentis, quo præterit? sed nullus spatium non metimur. cap. 26. Non metimus præsens, quia nullo spatio tenditur. cap. 28. Quis negat præsens tempus carere spatio, qui in puncto præterit? Aristotelem, & S. Augustinum sequuti sunt omnes Interpretes, ac Scholastici ante Durandum, & Nominales, ac nominatim Albertus Magnus, Alexander de Ales, S. Thomas Scotus, & alij, quos citat, ac sequitur Suarius disp. 40. metaph. sect. quinta.*

Prima ratio est, quia omne finitum ex utraque parte habet primum principium, & ultimum finem; sed continuum est finitum ex utraque parte; ergo continuum habet primum principium, & ultimum finem; sed primum principium, & ultimus finis sunt omnino indivisibilia; nam si essent diuisibilia, eo ipso haberent aliud principium, & alium finem, atque adeò non essent primum principium, & ultimus finis; ergo in continuo datur indivisibilia; in linea primum, & ultimum punctum; in superficie prima, & ultima linea; in corporibus prima, & ultima superficies; in tempore primum, & ultimum instans.

Secunda ratio est, quia omne finitum finitur extremitate, in qua possit tan-  
re

e aliud finitum, vel cum illo continua-  
 ri; sed extremitates, quibus duo finita  
 se tangunt, sunt penitus indiuisibiles; er-  
 go omne finitum habet extremitates in-  
 diuisibiles. Minor probatur: quando  
 enim vnus palmus tangit alium palmum,  
 se tangunt in extremitatibus, seu super-  
 ficiebus, secundum verò profunditatem  
 non se tangunt; sed id, in quo se tan-  
 gunt, debet contradistingui ab eo, in  
 quo se non tangunt: est enim impossibi-  
 le, quod verificetur *in hoc tangitur, in hoc*  
*non tangitur*, quin ea, de quibus verifi-  
 cantur hæc contradictoria, sint contra-  
 distincta, eo pacto, quo si aliquid moue-  
 tur, aliquid non mouetur, motum est  
 contradistinctum ab immoto; ergo su-  
 perficies distinguitur à profunditate, at-  
 que adeo est indiuisibilis, quia est aliqua  
 longitudo, ac latitudo contradistincta  
 à profunditate. Hinc verò reiiciuntur  
 responsiones, quod indiuisibilia sint ne-  
 gationes vltioris extensionis, vel quod  
 dentur solum præcisiuè, & per intelle-  
 ctum. Nam duo corpora se tangunt, non  
 in negatione, sed in aliqua extremitate  
 positina, & extremitas tacta non solum  
 per intellectum, sed à parte rei distin-  
 guitur à profunditate non tacta.

Idem argumentum proportionaliter  
 probat dari lineas, & puncta. Nam  
 cylin-

cylinder, seu columna tangit planum secundum longitudinem, non secundum latitudinem, ut à mathematicis demonstratur, & patet, quia columna secundum latitudinem est curua, planum secundum latitudinem est rectum; sed curuum correspondere non potest recto: quod enim recto correspondet, & congruit, est similiter rectum, ut manifestè patet: it quod secundum latitudinem aliquam tangit, secundum illam adaptatur, & congruit; ergo columna secundum nullam latitudinem tangit planum; sed id, secundum quod aliquid tangit, contradistingui debet ab eo, secundum quod non tangit; ergo longitudo columnæ contradistinguitur à latitudine, atque ideo est indivisibilis secundum latitudinem. Rursus sphaera tangit planum perfectum in puncto, in longitudine verò, & latitudine non tangit, ut docet Aristoteles .i. de Anima cap. i. & Euclides demonstrat lib. 3. propositione 16. Et ratio est manifesta. Nam curuum non potest adaptari recto; sed sphaera est curua secundum longitudinem, & latitudinem, planum verò secundum utramque dimensionem est rectum; ergo sphaera non potest tangere planum in vlla longitudine, ac latitudine; ergo tangit in aliquo contradistincto à tota longitudine,

ne,

ne, ac latitudine, atque adeò in puncto; ergo datur punctum omnino indivisibile.

Respondent aliqui nò posse dari sphaeram geometricè perfectam, neque columnam, ac planum perfectum; ergo neque contactus in linea, vel puncto, quæ supponunt dari posse sphaeram, & columnam perfectam.

Sed præterquamquod hæc responsio non soluit argumentum de superficie, & præterquamquod negat possibilitatem sphaeræ perfectæ etiam de potentia absoluta, reiicitur, quia quidquid sit, an aliquod corpus magnum possit esse perfectè planum, vel sphaericum, aut cylindricum, vel ovale, vel habens aliquam figuram regularem perfectam, tamen omnis superficies vel est plana, vel curva, vel partim plana, partim curva; ergo dantur in illa aliqua particula planæ, & aliæ curvæ, & quidem perfectæ, nam debet tandem perueniri ad partes homogeneas, & non omnes partes sunt heterogeneæ, ita ut componantur ex plano, & curvo; istæ ergo particulae perfectè planæ, & perfectè curvæ, dum se tangunt, non possunt se tangere in superficie, alioquin superficies curva congrueret planæ, quod implicat; ergo se tangunt vel in puncto, vel in linea.

Re-

**R**espondent alij secundo vnum corpus solidum nunquam tangere aliud corpus solidum immediatè , sed semper mediante corpus liquidum, e.g. aerem, ideoque nunquam dari contactum in puncto , vel linea ,

Sed neque hæc responsio soluit argumentum de contactu in superficie . Corpus enim solidum , ac liquidum se tangunt in sola superficie . Rursus etiam hæc responsio negat de potentia absoluta sphaeram solidam posse tangere planum solidum . Addo, quod difficillimum est, quo pacto cum ferrum acuminatum perforat aliquod solidum, non tangat, antequam perforet ; quo pacto cum sphaera solida ponitur supra aquæ quiescentis superficiem, quæ superficies secundum sensum est plana , secundum veritatem est sphaerica circa centrum mundi, antequam scindat aquam , non tangat , & si tangit , tangit in solo puncto : nam duæ superficies connexæ se tangunt in solo puncto .

Tertio dicunt , quod ad contactum in superficie sufficit, quod inter duo corpora nihil mediet. Sed ostensum est id non sufficere ; sed requiri , vt detur aliquid , in quo se tangant , contradistinctum ab eo, in quo se non tangunt ; hoc autem est indivisibile.

*Tertia*

---



Tertia ratio pro indiuisibilibus in tempore, quæ ab Aristotele, S. Augustino, & omnibus antiquis ponitur tamquã demonstratiua, est quia præter tempus, quod solũ est præsens ratione partis, vel quasi partis, dari debet aliquid præsens primo, & ratione sui; sed nullũ diuisibile est præsens primo, & ratione sui; ergo præter tempus diuisibile dari debet aliquid indiuisibile. Minor probatur: hic annus est præsens ratione huius mensis, secundum alios vndecim menses partim est præteritus, partim futurus; hic mensis est præsens ratione huius diei, secundum alias dies partim est præteritus, partim futurus; hæc dies est præsens ratione huius horæ, secundum alias vigintitres horas partim est præterita, partim futura; hæc hora est præsens ratione huius quadrantis, secundum alios tres quadrantes partim præterita, partim futura; hic quadrans est præsens ratione vnus momenti, secundum alia momenta partim præteritus, partim futurus; idemque dic de quacumque parte diuisibili temporis. Cum enim partes non sint simul, tempus diuisibile secundum aliquas partes est præteritum, secundum alias est futurum; ergo nulla pars diuisibilis temporis est præsens ratione sui; sed debet dari aliquid, quod sit præsens, &

actu

actu contradistinctum à toto eo, quod non est, sed vel fuit, vel erit; ergo debet dari aliquid indivisibile temporis, quod sit totum simul, & explicet aliquam præsens Divinæ aternitatis, quod est totum simul, licet deficiat à Divina aternitate, in quantum illa non potest transire in præteritam, nec expectari ut futura, cum præsens creatum diu expectetur ut futurum, & statim transeat in præteritum.

Quarta ratio est, quia admissis indivisibilibus, omnia optimè explicantur. Primo explicantur definitiones continui, & contigui, atque eorum differentia. Continua sunt, *quorum extrema sunt unum*: contigua, *quorum extrema sunt simul*. Secundo explicatur, cur heterogenea, etiam cum intimè permiscentur, non continuantur, e.g. aqua non continuatur cum vino. Ratio est, quia extremitas aque debet esse aquea, extremitas vini debet esse vinea; ergo non possunt esse una extremitas, prout requiritur ad continuum. Tertio explicatur differentia variorum contactuum, qui sunt contactus in puncto, in linea, & superficie. Quarto patet differentia contactus adequati ab inadequato. Contactus adequatus est, cum duo corpora se tangunt, ut in eo, in quo se tangunt,

gunt, non possint tangi ab alio corpore absque penetratione ; e. g. contactus in superficie est adequatus : nam cum duo se tangunt in superficie, non possunt in tali superficie tangi ab alio corpore, quin penetraretur : è conuerso contactus in linea, & puncto sunt inadæquati ; cum enim columna tangit planum in linea, aer interceptus inter omnes partes diuisibiles columnæ, & plani, terminatur ad lineam contactus, atque adeo tangit columnam, & planum in eadem linea ; idemque dic, cum sphaera tangit planum in puncto. Ideo est cautè intelligendum, quod communiter dicitur, *cum duo se tangunt nihil mediat inter illa*. Licet enim id verum sit simpliciter, cum contactus est adequatus, cum tamen est inadæquatus, hoc est in linea, vel puncto mediat aer, vel aliud liquidum inter omne spatium, excepta linea, vel puncto contactus, in qua linea, vel puncto datur simul linea, vel punctum terminans aerem interceptum inter partes diuisibiles.

Ad 1. In quo opponitur, quod palmus, ablatis indiuisibilibus, adhuc remaneret terminatus : respondeo, quod remaneret terminatus, & interminatus ; remaneret terminatus, quia remaneret palmus, de cuius ratione est esse terminatum ; remaneret interminatus, quia careret termi-

no,

no , de cuius ratione est indivisibilitas . Rursus remaneret terminatus fundamentaliter , non verò formaliter . Similiter etiam non est verum , quod duo palmi , & duæ horæ continentur formaliter per hoc , quod post vnum palmum sequatur alius , post vnam horam sequatur alia hora , sed requiritur ut copulentur termino communi , qui sit finis vnius , & principium alterius , ut dictum est .

Ad 2. Mathematici dum loquuntur de punctis , lineis , & superficiebus : non loquuntur de secundis , sed de primis intentionibus , atque adeo de iis , quæ dantur , nemine cogitante ; ergo supponunt nemine cogitante punctum carere partibus , & non solum per præcisionem intellectus : alioquin Mathematica esset scientia magna ex parte non realis , sed rationalis , sicut Logica , & definiret res per secundas intentiones . Et sanè suo iure supponunt Mathematici tamquam per se notum dari puncta , superficies , & lineas . Quod enim primo occurrit in continuo sensibus , est per se notum dari ; secundo visui , ac tactui occurrunt superficies , & extremitates corporum ; videmus enim , ac tangimus in superficie .

Ad 3. Indivisibilia non tangunt partes

---

is diuisibiles, sed purè terminant. Nam illa se tangunt, quorum extrema sunt simul; sed indiuisibilia non habent extremitatem, sed sunt ipsæ extremitates; ergo indiuisibilia non tangunt se, sed sunt id, quo corpora ipis terminata se tangunt. Dum oppositur; ea se tangunt, inter quæ nihil mediat &c: distinguo maiorem, ea se tangunt, inter quæ nihil mediat, si sint potentia tactiua, concedo maiorem, si non sint potentia tactiua, nego maiorem; distinguo eadem pacto minorem, & nego consequentiam. Etiam si nihil mediarer inter duos Angelos, adhuc non se tangerent contactu quantitativo, de quo loquimur, quia non sunt potentia tactiui. Duo autem requiruntur, vt aliqua sint potentia tactiua; primo vt habeant id quod; secundo vt habeant id quo. Id quod debet esse diuisibile, & habens extremitatem; id quo debet esse indiuisibile; sed indiuisibilia non habent extremitatem, cum sint ipsa extremitas; ergo non possunt tangere, sed solum possunt esse id, in quo corpora se tangunt, ideoque cum datur contactus, corpora terminata extremitatibus se tangunt in extremitatibus, extremitates ipsæ non se tangunt, sed sunt simul.

Dum

**Dum** vrgetur : debet dari pars profunditatis , cui vnitur immediatè superficies , contradistincta ab ea parte , cui non vnitur immediatè ; sed hæc pars debet esse indivisibilis ; ergo post superficiem sequitur alia superficies indivisibilis . Respondeo , quod datur aliqua pars profunditatis , quam superficies terminat , & cui proinde vnitur immediatè , & quod hæc pars contradistinguatur à parte , cui superficies non vnitur immediatè . Dum additur , quod hæc pars debet esse indivisibilis , nego : nam terminus non terminat terminum , sed terminat terminabile ; indivisibile est terminus , & non est terminabilis ; ergo superficies indivisibilis non vnitur , nec terminat indivisibile , sed vnitur profunditati diuisibili , ac proinde terminabili , illam terminando . Sed quænam est profunditas , cui superficies vnitur immediatè , illam terminando ? Dico , quod est illa profunditas , in qua non distinguuntur vltius partes actuales profunditatis . Si verò hæc profunditas diuidatur in partes potentiales , tunc vna cum partibus actualibus consurgent noua indivisibilia copulantia , ac terminantia . Hinc etiam patet , quænam pars diuisibilis immediatè tangatur . Dico , quod illa , quæ  
ter-



terminatur immediatè extremitate, in qua fit contactus. Si quaeratur, vtrum articulae carentes partibus actualibus scindari debeant minima physica? Respondeo negativè, quia possunt physicè dividi in partes minores: minimum autem physicum sonat aliquid ita parvum, ut non possit physicè dari aliquid minus illo.

Ad 4. Instantia indivisibilia ponuntur in tempore, quia debet dari aliquid praesens ratione sui, ac proinde indivisibile; at praeter praesens primo, & ratione sui datur praesens ratione alterius, & hoc est divisibile: e. g. annus, mensis, dies, & omnes aliae partes divisibiles solum sunt praesentes ratione suorum instantium, seu nunc. Adverte autem momenta temporis carentia partibus actualibus terminari duobus indivisibilibus, primo, & ultimo, ideoque fieri praesentia tripliciter. Primo momentum est praesens tamquam incipiens, eo quod sit praesens primum ipsius indivisibile. Secundo est praesens tamquam durans, eo quod primum indivisibile iam praeterierit, ultimum nondum advenierit. Tertio est praesens tamquam desinens, eo quod sit praesens ultimum ipsius indivisibile.

Ad 5. Continuum homogeneum consistere

stare debet ex partibus eiusdem rationis secundum formam, non verò secundum magnitudinem. E.g. Oceanus est continuu homogeneous, quia omnes eius partes, & omnia eius indivisibilia habent formam aquæ, licet constet ex guttis, & palmis, ex diuisibilibus, & indivisibilibus, quæ secundum magnitudinem sunt diuersæ rationis. Potest autem vnum fieri ex diuisibilibus tanquam ex partibus materialibus, & ex indivisibilibus tanquam ex terminis copulanti-bus, ac terminantibus diuisibilia.

Dum quæritur, an indivisibilia distinguantur actu à partibus, respondeo, quod quædam distinguuntur actu, quædam potentia. Dum vrgetur: in vno per se dari nequeunt plures actualitates, distinguo maiorem: in vno per se essentialiter, transeat: in vno per se continuatiuè, nego. Ex Aristotele vnitas continui est imperfectissima omnium unitatum per se, & magis accedens ad unitatem per accidens, quia est vnitas magis materialis, quam formalis, cum sit vnitas partium materiæ. Ad unitatem autem per se in hoc genere sufficit, quod partes copulentur ad aliquem terminum communem; eo enim ipso sunt vnum non per solam coacervationem. Nam ea, quorum partes non

copulantur termino communi, sed per solam coaceruationem terminorum, sunt vnum merè per accidens. Sicut igitur vnitas essentialis consistit in hoc, quod non sint plures actus congregati, sed vnus actus; sic vnitas continui consistit in hoc, quod non sint plures termini simul, sed vnicus terminus cõmunis.

Ad 6. Indiuisibilia sunt partes continui latè, non autem stricte. Sunt autem partes latè, in quantum constituunt continuum in ratione continui, tamquam ipsa continuitas, & copulatio partium. Non sunt partes stricte, quia pars stricte est vel aliquota, hoc est quæ finities accepta adæquat totum, vel aliquanta, hoc est quæ est quanta, & habens magnitudinem, licet finities accepta non adæquat totum, eo pacto, quo annus est pars aliquanta æternitatis, licet finities acceptus non adæquet æternitatem; sed indiuisibilia neque sunt quanta, neque finities replicata, adæquant continuum; ergo propriè non sunt partes continui, sed sunt meri termini, & copulatio partium, eo pacto, quo stricte loquendo anima, & corpus sunt partes hominis, vnio autem animæ cum corpore non tam est pars, quam coniunctio partium.

Dum quæritur, vtrum indiuisibilia  
pene-

penetrentur cum partibus diuisibilibus : respondeo , quod propriè non penetrantur . Illa enim propriè penetrantur , quæ sunt in eodem loco secundum eundem modum essendi in loco ; sed superficies sphæræ , & sphaera ex. gr. non sunt in eodem loco secundum eundem modum essendi in loco : nam sphaera est in loco tamquam clausa intra superficiem , superficies autem est in loco tamquam claudens sphaeram intra se : ergo superficies propriè non penetratur cum sphaera . Adde , quod si loquamur de loco extrinseco , hoc est de superficie corporis continentis sphaeram , superficies sphæræ est simul cum superficie corporis continentis sphaeram , sphaera non est simul , sed intra ; ergo sphaera non penetratur cum superficie .

Dum quæritur vltèrius , vtrum indiuisibilia sint intra , vel extra partes diuisibiles , e. g. vtrum superficies sphæræ sit intra , vel extra sphaeram : respondeo , quod sunt intra actiue , & nominaliter , non autem passiuè , & aduerbialiter , hoc est sunt ipsum intra quod est sphaera , non autem sunt intra sphaeram . Ratio est , quia esse intra , vel extra passiuè dicitur respectu alicuius termini , quod sit ipsum intra quod aliquid continetur ; sed superficies , & vniuersim indiuisibilia sunt

termini corporum; ergo non sunt intra corpora, sed sunt ipsum intra quod sunt corpora; eo pacto, quo centrum non est deorsum, sed est ipsum deorsum, locus non est in loco, sed est ipse locus. Similiter si quærat, utrum parietes, & ianua sint intra, vel extra domum, dicendum, quod sunt intra nominaliter, quia sunt ipsi termini domus, respectu quorum cætera dicuntur intra, eo quod contineantur parietibus, vel extra, eo quod parietibus non contineantur. Proportionaliter philosophandum de tempore. Dum enim quæritur, utrum primum, & ultimum instans momenti penetrentur cum momento, respondendum negativè, quia sunt ipsi termini, intra quos momentum continetur; momentum autem est intra ipsos; ergo propriè non penetrantur; quia ad propriam penetrationem requiritur, ut aliqua sint in eodem tempore secundum eundem modum essendi in tempore. Alij concedunt indivisibilia penetrari cum partibus indivisibilibus, & esse intra partes incommensurabiliter, quia quod partibus caret, & caret magnitudine, commensurari non potest rei habenti magnitudinem. Sed responsio allata à me videtur clarior, & aptior ad solvendas plures difficultates.

Dum

Dum quæritur adhuc , vtrum indivisibilia addita partibus diuisibilibus faciât aliquid maius ? respondeo cum Aristotele negatiuè . Ratio est primo, quia indivisibilia non sunt magnitudines, sed termini magnitudinum; sed magnitudo non potest augeri per additionem non magnitudinis ; ergo magnitudo partium non potest augeri, sed purè terminari per additionem indivisibilium . Ita palmus lineæ per additionem indivisibilis non fit maior, sed solum constituitur palmus terminatus . Similiter hora addito instanti non fit maior, sed constituitur terminata, & constituta, ac conclusa intra instantia . Sed dices ; nonne qui duraret per horam, & instans duraret plus, quam qui durat per horam sine instanti ? Respondeo, quod si per *ly durare plus* intelligatur durare per horam terminatam, duraret plus ; si verò intelligatur durare per aliquid non solum terminans magnitudinem horæ, sed augens magnitudinem, non durat plus . Nam instans vtpote carens magnitudine, non auget magnitudinem .

Cum demum quæritur, vtrum indivisibilia sint in loco per se, vel solum per accidens : respondeo cum Aristotele, quod sunt in loco solum per accidens, quia non continentur extrema



bus, sed sunt extremitates corporum contentorum, ideoque mouentur solum ex accidens ad motum corporis, quod determinant, quod corpus dum mouetur, cum secum defert sua accidentia, ita defert suas extremitates.

Atque hic debet aduerti, quod licet dicatur sphaeram tangere planum in solo puncto, columnam in sola linea, tamen id est intelligendum de sphaera, & columna, cum non mouentur. Si enim sphaera voluatur supra planum, tempore motus tanget planum successiue in linea, & si columna supra planum voluatur, tangit planum successiue in superficie. Præterea debet aduerti, quod cum indiuisibilia sint termini, non autem magnitudines, motus potest esse ad indiuisibile tamquam ad terminum *ad quem*, & ab indiuisibili, tamquam à termino *à quo*, non autem per indiuisibilia, vel in indiuisibilibus, quia motus est ad terminos, & à terminis, non autem per terminos, & in terminis, sed solum in magnitudine terminata.

Ad 7. Concedo, quod resultent de nouo etiam indiuisibilia materiae, sed nego, quod creentur. Verè enim educuntur ex potentia subiecti, non quidem recipientis, sed terminati. Puncta enim materiae cum non sint formæ, sed termi-

ni, sunt in partibus divisibilibus, non tamquam formæ in subiecto recipiente, sed tamquam terminus in subiecto terminabili, ideoque educantur ex potentia subiecti terminabilis.

Ad 8. Nego, quod si medietas lineæ sit calida ut sex, medietas frigida ut sex, in puncto continuatio sit simul calor ut sex, & frigus ut sex. Licet enim calor, & frigus contentur ponere in puncto copulatio lineæ calorem ut sex, & frigus ut sex, tamen non possunt, propter mutuam resistantiam. Quare in tali casu vel utrumque, vel alterum propter impedimentum extrinsecum non potest terminari puncto æqualis intensiois.

Ad 9. Probabile mihi est, quod indivisibilia copulativa sint essentialiter copulativa. Ratio est, quia sunt terminus communis utriusque partis; ergo debent esse essentialiter affixa utrique parti, tum illi, cuius sunt principium, tum illi, cuius sunt finis, nec est maior ratio, cur uni potius sint affixa essentialiter, quam alteri. Ex quo inferitur, quod determinatio ad partem sequentem motus semper ponitur in instanti antecedenti, cum ponitur punctum continuativum.

Dum quæritur, quid sit inceptio, ac desinitio intrinseca, vel extrinseca: dico,

co, quod inceptio intrinseca est, per quam res primo est in instanti indiuisibili, ita vt immediatè ante non esset; e. g. anima rationalis incipit intrinsecè per creationem, quia primo est in instanti indiuisibili, cum ante non esset. Inceptio extrinseca est, per quam res vltimo non est in instanti indiuisibili, ita vt immediatè post sit futura: ex. gr. motus incipit extrinsecè, quia post hoc instans, quo res vltimo non mouetur, immediatè post mouebitur. Desitio intrinseca est, per quam res vltimo est in instanti indiuisibili, ita vt immediatè post sit non futura. Desitio extrinseca est, per quam res primo non est in instanti indiuisibili, ita vt esset immediatè ante.

Hinc primo colligitur implicare, quod idem simul incipiat, aut desinat vtraque inceptio, aut desitione, intrinseca nimirum, & extrinseca. Ratio est, quia si incipit intrinsecè, hoc est per primum esse in instanti indiuisibili, immediatè ante non habet vltimum non esse in instanti indiuisibili, cum ante instans non antecedit immediatè aliud instans, sed tempus diuisibile, & è conuerso si incipit extrinsecè, eo quod habeat vltimum non esse in instanti indiuisibili, non habet primum esse in instanti indi-

indivisibili, quia post instans non sequitur immediate aliud instans.

Secundo colligitur motum, & quietem incipere, ac desinere solum extrinsecè, non autem intrinsecè. Ratio est, quia in instanti indivisibili non potest esse motus, nec quies, ergo motus non est primo, vel ultimo in instanti indivisibili, atque adeò nec incipit, nec desinit intrinsecè; sed ultimo non est in instanti indivisibili, post quod erit motus, aut quies, adeoque incipit extrinsecè; & primo non est in instanti indivisibili, ante quod fuit motus, atque adeò desinit extrinsecè.

Tertio colligitur omnia illa, quæ ponuntur divisibiliter simul cum motu, incipere extrinsecè; e.g. si calor ponatur divisibiliter simul cum motu calefactionis, incipit extrinsecè, sicut ipse motus calefactionis.

Quarto colligitur, quod ea, quæ ponuntur tota simul post motum, tamquam termini *ad quem*, & tolluntur per motum tamquam termini *à quo*, incipiunt, ac desinunt intrinsecè. Ita ubicatio permanens incipit per primum esse in instanti indivisibili post totum motum, quo mobile motum fuit tempore divisibili. Post enim totum motum, per quem mobile fuit in spatio maiori se, in instanti

ti

indivisibili, primo est tota simul ubicatio permanens, quæ est in spatio æquali.

Quinto colligitur omnes substantias incipere intrinsecè, ac desinere extrinsecè, connaturaliter loquendo. Ratio est, quia omnes substantiæ ponuntur, & colluntur post motum alterationis.

F I N I S.



---

# R E G E S T V M

A B C D E F G H I K L M N  
O P Q R S T V X Y Z.

Aa Bb Cc Dd Ee Ff Gg .



R O M A E,  
Typis Michaelis Herculis . 1670.

---

*Superiorum permissu .*

---











13.